



Literature Dept.



BOOK No.

*264 H36

ACCESSION

235364 ✓

NOT TO BE TAKEN FROM THE LIBRARY

Form No. 37-5M-9-24-C.P.

JAMES WILSON
BOOKSELLER

SAN FRANCISCO PUBLIC LIBRARY



3 1223 90112 0379

DI 7

HENRY BRADSHAW SOCIETY

Founded in the Year of Our Lord 1890

for the editing of 'Rare Liturgical Texts.'



VOL. I.

ISSUED TO MEMBERS FOR THE YEAR 1891,

AND

PRINTED FOR THE SOCIETY

BY

HARRISON AND SONS, ST. MARTIN'S LANE,

PRINTERS IN ORDINARY TO HER MAJESTY.

+264
H36+

235364

MISSALE

AD USUM

ECCLESIE WESTMONASTERIENSIS

NUNC PRIMUM TYPIS MANDATUM

CURANTE IOHANNE WICKHAM LEGG.

FASCICULUS I.

Londini.

1891.

LONDON :
HARRISON AND SONS, PRINTERS IN ORDINARY TO HER MAJESTY,
ST. MARTIN'S LANE.

PREFACE.

THE first liturgical book named in the inventory of the vestry of Westminster Abbey, that was made in 1388, is: "unum bonum misale et grande ex dono quondam Nicholai Lytlington abbatis."¹ Again, in the inventory, taken at the suppression of the convent, about 1540, the first book named is the "Masse Booke of Abbott Nicholas Lytlyngton's gyffte, ii. folio ad te leuau." ² There can be little doubt that these entries describe the book which has remained down to our time in the possession of the Dean and Chapter of Westminster. The second leaf after the calendar begins: *ad te levavi*, and the book can be traced to Nicholas Lytlington and Westminster in many ways. The illuminated borders which surround not a few of the leaves frequently bear the cypher of Nicholas Lytlington, N.L. crowned (see plate 3) a cypher which also appears in the buildings set up by him in the Abbey itself; among these is the Jerusalem Chamber, a room which, besides its own historic interest, may be remembered by the members of the Henry Bradshaw Society as the place in which their own Society was founded, on November 25, 1890. Lytlington's coat of arms appears almost as frequently, which is: *Quarterly argent and gules, in the second and third quarters a fret or, over all on a bend azure three fleurs-de-lis of the third.* (See plate 3.) As Nicholas Lytlington was chosen Abbot of Westminster in 1362, and died in 1386, the book must have been written at some time between these two dates.

The book is also connected with the Abbey of Westminster by the arms of that church in the border surrounding the coronation

¹ *Archæologia*, 1890, Vol. lii. p. 233.

² *Transactions of the London and Middlesex Archæological Society*, 1875, Vol. iv.

service [fo. 206] which are : *Per fess indented or and azure, in chief a crosier in pale gules* ; by the public instrument (a hundred years later than the Missal itself), on the leaf preceding the calendar, bearing witness to some of the ceremonies that followed the choosing of John Islip as Abbot of Westminster in 1500 ; by the high place in the calendar given to St. Edward the Confessor, the illuminated borders and initials which adorn the services for his feasts, and the special benedictions for his feasts and their eves given in the benedictional. To this may be added the coronation service written in a form evidently intended for use.

The book, as it now exists, has been divided into two volumes, the place of division being the leaf on which the canon of the mass begins. The first volume consists of 157 leaves of vellum, including two blank leaves of more modern character. The second volume consists of 189 leaves, two of which also are blank and modern, and of another leaf [fo. 157*] the recto of which is indeed blank, but the verso contains the representation of the crucifixion before the canon of the mass, and no writing.

After the calendar, up to fo. 200, the book is made up of quires of eight leaves each, the quiring beginning on fo. 9, immediately after the calendar ; at the bottom of the verso of each eighth leaf the catchword from the top of the following leaf is written. In many cases the word has been cut in half by the binder, and in some only the tops of the letters have been left. There is a catchword on the verso of fo. 204, the last leaf but one of the benedictional, indicating a half quire of four leaves, the coronation service beginning on fo. 206. There are catchwords on the verso of ff. 212 and 220, and then another half quire of four leaves. On fo. 225 begins the *Sanctorale*, which goes on regularly in eight leaves until fo. 328, which is followed by a half quire of four leaves. Ff. 333-340 is a whole quire followed by two leaves, ff. 341 and 342.

The endings of the leaves have been indicated in this printed edition in the following manner. This sign / has been placed after the word or letter with which the leaf ends ; and close by, either in the same line or immediately below, is the number of the leaf

which there ends. A number followed by b indicates the verso of that leaf. It is hardly needful to say that the headings of the printed page are not found in the manuscript.

With the exception of the public instrument, and of the calendar, the writing throughout the book is divided into double columns; it is in red and black, and of two sizes only for the greater part of the book; though in the canon of the mass, a third larger letter is used. The red letters used for the rubrics are given in italics. In the body of the work, the columns are prepared for thirty-two lines, but in the canon for twenty-seven. The surface prepared for writing is $14\frac{1}{2} \times 9\frac{3}{4}$ inches (368 mm. \times 287 mm.), exclusive of borders and flouriations. The size of the vellum leaf is now $20\frac{3}{4} \times 14\frac{1}{2}$ inches (525 mm. \times 360 mm.).

The size of the letters has been indicated in the print by a corresponding difference of type. The collects, epistles, and gospels are all written in a larger letter than the offices, grails, sequences, offertories, &c., and this distinction in the size of the written letters has been followed throughout in the type. As usual, the scribe has not been consistent. *Oremus* is sometimes written in the smaller, sometimes in the larger letter, and in these variations the manuscript has been followed without questioning. But in the initial letters the scribe has sometimes used a large capital letter with a smaller capital following, sometimes only a large. In this matter it was thought that the convenience of the reader would be consulted by always using a large capital for each liturgical member; especially as the use of two capitals by the scribe could not be traced to any definite rule, but appeared to be rather the result of accident.

Some of the initials, as on col. 385, have not been filled up by the illuminator; and here in some cases a cursive letter has been written by the scribe in the centre of the space that the illuminated letter should fill. In these cases a capital letter has been printed between square brackets.

In the printing of this book permission was given by the Council to give in full the words contracted in the manuscript, without indicating by means of italics the letters supplied. It was

felt that there were few cases in which there could be any reasonable doubt as to the value of the contraction. In transcribing and printing, the great aim has been to follow precisely the spelling of the Westminster scribe, and to give as exact a reproduction as was possible of the words as they were spelt by him, without considering whether he were consistent with himself or not. The symbols *ihc* and *xpc* have been expanded into *ihesus* and *christus*; as in most of the cases where these words are written in full they are spelt in this manner, though an instance, *cristus*, does occur in col. 2, line 3 from top.

As not unfrequently happens in mediæval Latin, *t* before an *i* is usually changed into *c*. When two *m*'s come together, in some words the former is changed to *n* as *immensam* (col. 1), *innaculati* (col. 45, last line), but in some other words the change is never made as far as I have observed: for example, it is always *immolamus* (col. 107, second line). The second *m* is often left out, as in *accomoda* (col. 14). When *mn* or *nt* come together in ordinary spelling a *p* is often inserted; as *temptans, sollempnis*. These variations from the usual spelling are spoken of in order that they may not be held for misprints. It is not imagined that the following pages will be found entirely free from printer's errors; but without some notice of this sort, the reader at first glance might think that many of the mediæval forms of the words were by accident represented as they are, and not intentionally.

When the spelling has been so corrupt that it was clearly a scribal error, or when the sentence could not by any means be construed, the word has been marked with *sic* as a foot note. Early in the editing of the book it was thought that it might be well to note with *sic*, not meaning thereby to suggest a fault, all the variations from the text of the Sarum Missal, or indeed all cases where the reader might possibly be in doubt, and think the reading a printer's error. This, however, would have loaded the pages with asterisks or their equivalents; especially in the sequences where the variations from the text given in the Sarum Missal or other authorities are very numerous. Some relics of the ideas adopted at first may be found here and there, in places where they

have escaped revision ; as, for example, on col. 35, where *karissime* at the beginning of an epistle is marked with *sic*, to show that it is so written in the manuscript and that the singular is really intended.

In the spelling of Hebrew words the scribe has followed the fancy of his time. Jerusalem is spelt as *ierusalem* (col. 65), *iherosolimis* (col. 7), *ierusolima* (col. 9). A curious collection of Hebrew words may be seen in one of the sequences for Whitsuntide on col. 373, which has been printed exactly as it stands in the MS. The texts of the sequences may be compared with those in the Sarum and other English missals which have been edited in our time, and some of the rarer are printed in the valuable work of Dreves, *Analecta Hymnica Medii Aevi*, which is now being printed at Berlin.

The calendar is written in five different colours ; and as it seemed clear that by these colours was indicated the dignity of the festival, they have been shown in the printing by a corresponding variety of type. For example, the highest festivals, as Christmas Day and St. Edward's Day, are written in gold or gold and blue. In the printed calendar these have been represented in large black letter, the blue and gold words being underlined. The next class such as Midsummer Day and the Assumption, are written in gold only, and these are represented in large black letter without underlining. A third class of festivals, as Twelfth Day, and the Apostles' feasts that fall about the twenty-fifth of each month, are written in blue, and these are represented by small black letter. There remain two sets of saints' days ; one written in red, the other in black ; the red are represented by italics, the black by ordinary roman type. It does not appear that the number of copes always corresponds with the colours employed. For example, Lady Day in harvest is kept in eight copes, but is written in gold without colours ; while Lady Day in autumn is kept in five copes, but is written in gold and gold and blue.

The contents of the two volumes are as follows : fo. 1 is blank ; on fo. 2 recto is the public instrument attesting the oath of John Islip, Abbot elect of Westminster, before taking possession of the Church, to observe all the laws, statutes, and laudable customs

observed by his predecessors ; from fo. 3 to fo. 8b. is the Calendar surrounded by a narrow border ; on fo. 9 is the form for the blessing of salt and water, surrounded by a highly ornamented border and adorned with initial pictures, part of which are represented in plates 1, 2, 3 ; on fo. 10 begins the office for the first Sunday of Advent, also surrounded by a highly ornamented border and initial pictures, represented on plate 4. The *Temporale* ends on fo. 144. The leaves for the services from Christmas to Epiphany, on Easter Day, Holy Thursday, Whitsunday, Trinity Sunday, and Corpus Christi, are adorned with miniatures, large initials and highly ornamented borders. The initial picture for St. Stephen is shown on plate 5. The office for the anniversary of the dedication of a church is on fo. 144, and is adorned in a like manner. (See plate 7.)

The ordinary of the mass begins on the verso of fo. 145. The preface is adorned with a highly decorated border and a miniature. On fo. 157 begins the canon of the mass, highly decorated with borders and a picture, and preceded by a full-page representation of the crucifixion, bordered by the four evangelistic creatures, incidents in the passion, beginning with the kiss of Judas. The series ends with the Resurrection. In the lower part are the shield and cypher of Nicholas Lytlington. *Placeat tibi*, at the end of mass, is on fo. 161. b. Then follow several benedictions of priestly vestments ; and on fo. 164 begin the episcopal benedictions, the page being surrounded by a highly ornamented border, and the first letter by an initial picture. These blessings run on to the recto of fo. 205, and with them are the blessings of ashes, palms, the paschal candle, and the like. The office for the anointing and crowning of the kings of England, and its additions, runs from fo. 206 to fo. 224, on the recto of which are directions for the royal funeral. Both these leaves are adorned with borders and pictures ; so also is the verso of fo. 221, on which begins the office for the crowning of a queen.

The *Sanctorale* begins on fo. 225, both sides of the leaf having very handsome borders, the initial, that of St. Sylvester, being defaced, as that of a pope. The *Proprium Sanctorum* ends on the

recto of fo. 288. The services for Candlemas, the Annunciation, Midsummer Day, SS. Peter and Paul, the Feast of Relics, St. Mary Magdalene, Lammas Day, St. Laurence, the Assumption and the Nativity of B.V.M., St. Matthew and St. Maurice, Michaelmas Day, St. Edward's Day, All Hallows, St. Katherine, St. Andrew, the Conception of B.V.M., are surrounded by borders and adorned by initial pictures.

The *Commune Sanctorum* begins on fo. 289, and the page is surrounded by a border. Commemorations begin on fo. 312, likewise surrounded by a border.

The office for the dead begins on fo. 326, and is surrounded by a border; it ends on fo. 331. Fo. 332 is entirely blank, though prepared for writing. On fo. 333 begins *ordo professionis faciende*, and it ends on fo. 341. The office for the veiling of *mulieres seculo renunciantes* begins on the last fo. 342, and with this the book ends.

The ordinary initial letters of each liturgical part are, in most cases, illuminated, though not with pictures.

A book belonging to a church so well-known in the kingdom and so near the court as Westminster was not likely to have escaped the notice of the visitors of Henry VIII. Accordingly we find numerous erasures of the word *papa* in the calendar, where the two feasts of St. Thomas of Canterbury are also erased. In the canon of the mass it would seem that some such words as *papa nostro N. et abbate* (or *antistite*) *nostro N. et rege nostro N.* have been erased and *Rege nostro H. Regina N. antistite nostro N.* written over in a middle sixteenth century hand, the scribe with excellent foresight not venturing to give the initial of the queen's name. The Good Friday address and collect on behalf of the pope have also been erased, but not so completely that they cannot be read, and they appear to differ in nothing from the Sarum text. The Midsummer and Christmas offices (ff. 24 and 253) for St. Thomas of Canterbury have been very thoroughly erased, especially the Christmas sequence and collect. The gospel and parts which follow it could be made out by placing the leaf in a good light, but the sequence resisted all such attempts. Under these circumstances, permission was asked

of the Dean and Chapter of Westminster to apply ammonium sulphide to the sequence, a permission which was most courteously given, and the operation was carried out at the British Museum under the direction of Mr. Maunde Thompson, the Principal Librarian, and Mr. Scott, Keeper of Manuscripts. Every letter of the sequence became almost as clear as the day that it was written, and with the help of Mr. Maunde Thompson it was transcribed as it now appears on col. 55 and 56. The collect for St. Thomas has not been restored; for although it seems likely that it is the same as that in the Sarum Missal, yet as only four words of the collect survive, hardly enough remains to make it certain that the rest was the same. On the other hand, of the address inviting to prayer on behalf of the pope in the Good Friday service on col. 284, so much had been recovered, and the address itself is so ancient and universal, that it seemed certain that the few words which could not be read must be the same as those in the other missals. They have therefore been restored between square brackets.

Of the Westminster books noticed in the inventories of 1388 and 1540, but few have yet been recognised. One psalter in the British Museum (2. A. xxii.) answers to a book described in 1388, adorned "cum diversis ymaginibus post kalendare," and in 1540 as having "divers ymages after the calendar ij^o folio tunc loquetur." The calendar of this manuscript points very distinctly to Westminster, and will be printed in the appendix. The manuscript is of the thirteenth century.

A book of episcopal benedictions, with the services for the coronation of the king, baptism, marriage, orders, extreme unction, and certain monastic offices, is preserved in the Bodleian Library at Oxford. (Rawl. c. 425.) The greater part was written in the beginning of the fourteenth century, and though it contains no calendar or other points by which it could be assigned to Westminster, yet the episcopal benedictions and other offices are closely allied to those contained in Abbot Nicholas Lytlington's book, and the second folio begins with *dum carnem*, to which answers a "pontifical" noted in the inventory of 1540. This manuscript has been collated with the present print as far as the contents are

alike, and the variations are noted as those of O. The manual offices, baptism, marriage, the visitation of the sick, &c., will be given in the appendix.

The service for the anointing and crowning of the King and Queen of England has been collated with three other manuscripts. First there is the *Liber Regalis*, preserved at Westminster, and edited for the Roxburgh Club by the late Earl Beauchamp; the variants of this are given under the symbol W². The manuscript now printed is spoken of as W¹.

The collation of a second *Liber Regalis* we owe to the generosity of Mr. Brooke, who with great kindness has allowed his precious volume to be deposited in the Library of the Society of Antiquaries for this purpose. It appears to be a copy of, or closely allied to, the Westminster *Liber Regalis*, and its variants are indicated by the letter B. The manuscript is described on p. 308 of the first volume of *A Catalogue of the Manuscripts and printed Books collected by Thomas Brooke, F.S.A.*, London, 1891.

The third manuscript collated for the coronation office is the manuscript in the Bodleian Library already spoken of, and the variants of which are indicated by the symbol O. The coronation offices of this book are probably the earliest of those which are collated; but the note *de exequiis regalibus* is much later.

There have long been rumours of the existence of a Westminster book in the chapter library of Valencia in Spain; and Mr. J. H. Dart, the English Vice-Consul there, has been doing his best during the past twelvemonth to obtain some accurate information of the existence of a Westminster book and its liturgical character. The Society is very greatly indebted to this gentleman for the energy with which he has combated the obstacles that he has encountered; and only some few days ago, I received from him the welcome intelligence that three manuscripts of English origin were still preserved in Valencia, and that one of them bore marks of having come from Westminster. It is hoped that further information upon this book may soon be obtained; and if so, it will be given in the appendix.

Another Westminster book, mainly of private prayers, but with

PREFACE.

a Westminster Calendar, is contained in the Bodleian Library. (Rawl. Liturg. g. 9.) It was written at the end of the fourteenth or beginning of the fifteenth century. The calendar will be printed in the appendix with some of the offices which are of liturgical interest.

The Society's best thanks are due to the Dean and Chapter of Westminster for their liberality in allowing the transcription of this most precious manuscript; and for the good will that they have manifested on all occasions towards the smallest efforts to promote the study of the historical and ecclesiastical sciences. They have for many months allowed these invaluable volumes to be deposited in the rooms of the Society of Antiquaries at Burlington House, the permission of the President and Council of the Society having been previously obtained; but for this help the attempt at transcribing and printing the manuscript could hardly have been made.

To the Committee, the Rev. E. S. Dewick, and Mr. W. H. St. John Hope, who have assisted me throughout the transcribing and printing of this volume, I am bound to express my deepest gratitude. Mr. Dewick transcribed all the book from the service of Palm Sunday to the Dedication festival, and has most patiently gone through the proofs as they came out. Mr. Hope has always been at hand with advice and counsel in hard matters, and has overlooked everything connected with the reproduction of the illuminations. Whatever is excellent in this print is due to my colleagues, and any errors of judgment and inaccuracies may safely be attributed to the Editor.

Mr. W. J. Birkbeck has with great kindness undertaken the supervision of the ritual music contained in this Missal; this is no small task, needing great special knowledge, and considerable diligence and perseverance, for all which I am indeed very grateful to him.

For the seven facsimiles which adorn this edition, the Society may thank the Chairman of Council, the Rev. W. Cooke, Honorary Canon of Chester, and the Rev. E. S. Dewick, Member of Council. Five are the gift of Mr. Dewick: three are from

PREFACE.

fo. 9, the initial letter being from the office of blessing holy water (plate 1) and the procession represented in two plates (2 and 3) is from the lower border of the same leaf. The next initial is from fo. 10, that of the office of the first Sunday in Advent. The fifth is the initial of St. Stephen's office, and represents the saint as a deacon holding up stones in a sudary. The two others (6 and 7) the gift of Mr. Cooke, are the initials of the office of Corpus Christi, and of the anniversary of the dedication of the church. All are of the same size as the original.

J. WICKHAM LEGG.

47, *Green Street, London, W.*

November, 1891.

ILLUSTRATIONS.

	PLATE
Initial letter showing blessing of holy water: with the neighbouring writing	I
Procession with the Eucharist	2 and 3
Mediæval Altar and Reredos	4
Deacon with sudary	5
Corpus Christi procession	6
Dedication of Church	7



ic in apit exoracimus salis
 plane legendo. et non dicatur
 Dominus uobisc. nec. Oramus.
 Et tñ v. **E**xoraciu nrm i noie d.



Exorazo re
 creatura
 salis p de
 um **E**x
 um. per
 dum
 uorum. p


WINDSUND



omnes ad adiuvandum
meos et salvandum
animas meas et
salvandum







meis quia semis tuis amorem in
 tus iudicacione. p. si inuenerit
 al nobis q's Oio s'ia.
 domine inuicem quod col-

Confessio. in qua uni
 scilicet
 corporis et
 officium.
 sicut eis
 ex adipe sui
 manna alla.
 et de ipsa



In annuano addicte or
no sic et ideo omni pmo in

Embilis off.

est locus iste

domus dei et

porta celi et no

calatur aula

in. **S**t. m.

duz sub peditu mui qd mui mui
antē mane iacob mui lapis que sup
lunum in iaco et erat in muium
posuerat caput suo et erat in muium



MISSALE

AD USUM ECCLESIE


WESTMONASTERIENSIS.

*Instrumentum super Iuramento Abbatum Monasterii sancti
Petri Westmonasterii die Installacionis eorum.*

IN dei nomine Amen. Per presens publicum Instrumentum constat omnibus manifeste quod anno domini Millesimo Quingentesimo. Indicione tertia pontificatus sanctissimi in christo patris et domini nostri Domini Alexandri diuina prouidencia pape sexti. Anno nono. Mensis uero Nouembris die xxv°. In Cimiterio Ecclesie Conuentualis sancti Petri Westmonasterii non multum extra portam Occidentalem dicte Ecclesie in mei Notarii publici subscripti ac testium inferius nominatorum presencia personaliter constituto. Uenerabili in christo patri et domino Domino Iohanni permissione diuina monasterii Westmonasterii predicti Abbati electo et confirmato eodem tempore a Capella beate Marie Magdalene iuxta Tothyll cum multitudine copiosa procerum Amicorum ac Familiarium uersus dictam Ecclesiam sancti Petri Westmonasterii ad capiendum installacionem et corporalem possessionem dicti Monasterii ac Iurium tam spiritualium quam temporalium eidem pertinencium. Uenienti occurrerunt quinque fratres eiusdem monasterii Westmonasterii monachi seniores uidelicet frater Ricardus Charyng. frater Iohannes Waterden. frater Radulphus Langley. frater Iohannes Holonde. et frater Willelmus Borowgh quorum unus scilicet frater Iohannes Waterden quandam Sedulam quam manu sua tenebat prius osculando tradidit dicto Reuerendo patri legendam. petens uice et nomine suo et omnium confratrum suorum ut dignaretur suo mediante iuramento promittere se obseruaturum omnia et singula in eadem Sedula contenta ut sui predecessores abbates facere consueuerunt Cuius Sedule uerba sunt hec que sequuntur. In dei nomine Amen. Ego Iohannes permissione diuina abbas huius monasterii ad Romanam ecclesiam nullo medio pertinentis Electus et confirmatus atque ad capiendum Realem Corporalem et actualem possessionem in dignitate abbacie huiusmodi ac singulis rebus tam spiritualibus quam temporalibus eidem dignitati pertinentibus sufficienter admissus quam possessionem deo et fratribus meis fauentibus hodie capere intendo. Fide mea promitto me obseruaturum omnia iura. statuta. ac laudabiles huius monasterii constitutiones et consuetudines a predecessoribus meis abbatibus obseruata. Que omnia et singula quantum in me est obseruabo. sicut deus me adiuuet et hec sancta dei ewangelia. Quam quidem Sedulam dictus Reuerendus pater accipiens ac primo bassa uoce legens tandem alta et aperta

uoce recitabat et legebat. Post cuius lecturam librum quendam qui tunc sibi porrectus erat corporaliter ab eo tactum deosculabatur. quo facto ultra progrediens occurrentibus ei supprior et Conuentu cum textu et Cruce. ac baculo pastoralis genibus flexis textum quem optulit ei supprior deosculatus est. quo facto processionaliter eum duxerunt in dictam Ecclesiam sancti Petri Westmonasterii predicti. Acta sunt hec prout supra recitantur. Anno Indictione. mense et die supradictis. Presentibus tunc ibidem uenerabilibus uiris Magistro Ewardo Wawghan. Magistro Ricardo Rawlyns. Magistro Nicholao West. et Magistro Willelmo Haryngton sacre Theologie et legum doctoribus cum alia populi multitudine copiosa.

Et Ego Iohannes Paynter clericus Londoniensis diocesis publicus auctoritatibus apostolica et Imperiali notarius omnibus et singulis premissis dum sic ut premittitur fierent et agerentur una cum prenomminatis testibus presens personaliter interfui eaque omnia et singula sic fieri uidi et audiui per alium scribi feci publicaui et in hanc publicam formam redegi signoque ac nomine et cognomine meis solitis et consuetis signaui meque hic subscripsi rogatus et requisitus in fidem et testimonium omnium et singulorum premissorum.



Et ego Iohannes Paynter Clericus Londoniensis Diocesis publicus Auctoritate Apostolica Notarius omnibus et singulis premissis dum sic ut premittitur fierent et agerentur una cum prenomminatis testibus presens personaliter interfui eaque omnia et singula sic fieri uidi et audiui per alium scribi feci publicaui et in hanc publicam formam redegi signoque ac nomine et cognomine meis solitis et consuetis signaui meque hic subscripsi rogatus et requisitus in fidem et testimonium omnium et singulorum premissorum.

[fo. 2.

[fo. 2.b. blank].

Principium iani sanccit tropicus capricornus.

iii.	A	KL	IANUARIUS. Circumcisio domini.	D'	iiii cape
	b	iiii.	N'. Octaua sancti stephani.		iii lecciones
xi.	c	iii.	N'. Octaua sancti Iohannis.		iii lecciones
	d	ii.	N'. Octaua sanctorum innocencium.		iii lecciones
xix.	e	Nonas.	<u>Sancti Edwardi Regis anglorum et confessoris.</u>		viii cape
viii.	f	viii.	Id. Epiphania domini.		v cape
	g	vii.	Id.		
xvi.	A	vi.	Id. Sancti Wlsini episcopi et confessoris. Prima incensio lune .lxx ^e .		
v.	b	v.	Id.		
	c	iiii.	Id.		
xiii.	d	iii.	Id.		
	ii.	e	ii. Id. Octaua sancti Edwardi Regis et confessoris.		in albis
	f	Idus.	Octaua epiphanie iiii. lecciones. Et sancti Hillarii episcopi.		viii lecciones
x.	g	xix.	kl. Februarii. Sancti Felicis in pincis.		iii lecciones
	A	xviii.	kl. Sancti Mauri abbatis.		in albis
xviii.	b	xvii.	kl. Sancti Marcelli [pape et ¹] martiris.		iii lecciones
			Et sancti fursei confessoris commemoracio.		
vii.	c	xvi.	kl.		
	d	xv.	kl. Sancte Prisce uirginis et martiris. Sol in aquario.		iii lecciones
xv.	e	xiiii.	kl. Sancti Wlstani episcopi et confessoris.		
iiii.	f	xiii.	kl. Sanctorum martirum fabiani et sebastiani.		in albis
	g	xii.	kl. Sancte Agnetis uirginis et martiris.		in albis
xii.	A	xi.	kl. Sancti Vincencii martiris.		iii cape
i.	b	x.	kl. Sancte Emerenciane uirginis et martiris.		iii lecciones
	c	ix.	kl.		
ix.	d	viii.	kl. Conuersio sancti pauli apostoli in albis. Et sancti proiecti martiris commemoracio.		
	e	vii.	kl.		
xvii.	f	vi.	kl. Sancti Iuliani episcopi et confessoris.		iii lecciones
vi.	g	v.	kl. Octaua sancti ² Agnetis uirginis.		iii lecciones
	A	iiii.	kl.		
xviii.	b	iii.	kl. Prima dies mensis. et septima truncat ut ensis.		
iii.	c	ii.	kl.		

[fo. 3.

¹ erased.

² sic.

Quarta subit mortem. prosternit tertia fortem.

Mense mime medio sol constat sydus aquarii.

	d	KL	FEBRUARIUS. Sancte Brigide uirginis.	iii lecciones
xi.	e	iiii.	N. Purificatio sancte marie uirginis.	in v capis
	f	iii.	N. Sancti Blasii episcopi et martiris.	iii lecciones
xix.	g	ii.	N.	
viii	A	Nonas.	Sancte Igaſthe uirginis et martiris.	xii lecciones
xvi.	b	viii.	Id. Sanctorum episcoporum Uedasti et Amandi.	iii lecciones
v.	c	vii.	Id. Ueris initium.	
	d	vi.	Id. Ante istum locum non potest esse xl ^a .	
xii.	e	v.	Id.	
ii.	f	iiii.	Id. Sancte scolastice uirginis xii lecciones.	
			Et sancte Austreberte uirginis commemoracio.	
	g	iii.	Id.	
x.	A	ii.	Id.	
	b	Idus.		
xviii.	c	xvi.	kl. Marcii. Sancti Valentini martiris.	iii lecciones
v.	d	xv.	kl. Sol in pisce.	
	e	xiiii.	kl.	
xv.	f	xiii.	kl.	
iiii.	g	xii.	kl.	
	A	xi.	kl.	
xii.	b	x.	kl.	
i.	c	ix.	kl.	
	d	viii.	kl. Cathedra sancti Petri xii lecciones.	iiii ^{or} cape
ix.	e	vii.	kl. Sancte Milburge uirginis.	xii lecciones
	f	vi.	kl. Sancte mathie apostoli. xii lecciones. Locus bisexti.	
xvii.	g	v.	kl.	
vi.	A	iiii.	kl.	D'
	b	iii.	kl.	
xiiii.	c	ii.	kl.	[fo. 3. b.

*Procedunt duplices in marcis tempore pisces
Primus mandantem. dirumpit quarta bibentem.*

iii.	d	KL	MARCIUS.		D'
	e	vi.	N'.		
xi.	f	v.	N'.		
	g	iiii.	N'.		
xix.	A	iii.	N'.		
viii.	b	ii.	N'.		
	c	Nonas.	Sanctarum martirum Perpetue et felicitatis.		
xvi.	d	viii.	Id'.	Prima incensio lune .i ^e .	
v.	e	vii.	Id'.		
	f	vi.	Id'.		
xiii.	g	v.	Id'.		
	ii.	A	iiii.	Id'. Sancti Gregorii [pape ¹ .]	in capis
	b	iii.	Id'.		
x.	c	ii.	Id'.		
	d	Idus.			
xviii.	e	xvii.	kl. Aprilis. Sancti Cyriaci sociorumque eius martirum.		in albis
vii.	f	xvi.	kl.		
	g	xv.	kl. Sancti Edwardi regis et martiris.	Primus dies seculi.	xii lecciones
xv.	A	xiiii.	kl.		
iiii.	b	xiii.	kl. Sancti Cuthberti episcopi et confessoris.		in albis
	c	xii.	kl. Sancti Benedicti abbatis.		in albis
xii.	d	xi.	kl.	Sedes epactarum.	
i.	e	x.	kl.		
	f	ix.	kl.	Concurrencium locus.	
ix.	g	viii.	kl. Annunciatio dominica.		v cape
	A	vii.	kl.		
xvii.	b	vi.	kl. Resurreccio domini,		
vi.	c	v.	kl.		D'
	d	iiii.	kl.		
xiiii.	e	iii.	kl.		
iii.	f	ii.	kl.		[fo. 4.

¹ erased.

*Denus et undenus est mortis uulnere plenus.
Respicias aprilis aries fixere Kalendas.*

g KL APRILIS.

xi.	A	iiii.	N ^o . Sancte Marie Egypciace.	commemoracio
	b	iii.	N ^o . Sancte Ricardi episcopi et confessoris.	xii lecciones
xix.	c	ii.	N ^o . Sancti Ambrosii episcopi et confessoris.	in capis
viii.	d	Nonas.	ultima incensio lune.	
xvi.	e	viii.	Id ^o .	
v.	f	vii.	Id ^o .	
	g	vi.	Id ^o .	
xiii.	A	v.	Id ^o .	D'
i.	b	iiii.	Id ^o .	
	c	iii.	Id ^o . Sancti Cuthlaci confessoris.	iii lecciones
x.	d	ii.	Id ^o .	
	e	Idus.		
xviii.	f	xviii.	kl. Maii. Sanctorum martirum Tyburcii et ualeriani.	
vii.	g	xvii.	kl.	
	A	xvi.	kl.	
xv.	b	xv.	kl.	Sol in tauro.
iiii.	c	xiiii.	kl.	
	d	xiii.	kl. Sancti Alphegi episcopi.	iii lecciones
xii.	e	xii.	kl.	
i.	f	xi.	kl. Sancti Ethelwoldi episcopi et confessoris.	xii lecciones
	g	x.	kl.	
ix.	A	ix.	kl. Sancti Georgii martiris.	iii lecciones
	b	viii.	kl. Sancti Melliti episcopi et confessoris.	iii lecciones
xvii.	c	vii.	kl. Sancti Marci euangeliste. xii lecciones. letania maior.	
vii.	d	vi.	kl.	
	e	v.	kl.	
xiii.	f	iiii.	kl. Sancti Uitalis martiris.	
iii.	g	iii.	kl. Translatio sancti Edmundi Regis et martiris.	v cape
	A	ii.	kl. Sancti erkenwaldi episcopi et confessoris.	iii lecciones [fo. 4. b.

*Tercius occidit et denus ora relidit
Maius agenorii miratur cornua tauri.*

- xi. b KL MAIUS. Sanctorum apostolorum philippi et iacobi. in albis
c vi. N°. Sancti Athanasii episcopi et confessoris. iii lecciones
- xix. d v. N°. Innocentio sancte crucis in albis. *Et sanctorum martirum Alexandri euencii
et theoduli.*
- viii. e iii. N°. —
f iii. N°. *Translacio sancti Aldelmi episcopi et confessoris.* iii lecciones
- xvi. g ii. N°. Sancti Iohannis ante portam latinam. iii cape
v. A Nonas.
- b viii. Id°. —
xiii. c vii. Id°. Estatic initium. Terminus pentecostes.
- ii. d vi. Id°. Sanctorum martirum Gordiani et epimachi. iii lecciones
e v. Id°. —
- x. f iiii. Id°. Sanctorum martirum Nerei achillei atque Pancracii. xii lecciones
g iii. Id°. —
- xviii. A ii. Id°. —
vii. b Idus. —
c xvii. kl°. Iunii. —
- xv. d xvi. kl°. — Sol in geminos.
- iiii. e xv. kl°. —
f xiiii. kl°. Sancti Dunstani archiepiscopi. Et sancte potencie uirginis com-
memoracio. iiii cape
- xii. g xiii. kl°. Sancti Ethelberti regis et martiris. iii lecciones
i. A xii. kl°. —
b xi. kl°. —
- ix. c x. kl°. —
d ix. kl°. —
- xvii. e viii. kl°. Sancti Aldelmi episcopi in albis. Et sancti Urbani martiris com-
memoracio. D'
- v. f vii. kl°. Sancti Augustini archiepiscopi in albis. Et sancti bede presbiteri
commemoracio.
- g vi. kl°. —
- xiiii. A v. kl°. Sancti Germani episcopi et confessoris. iii lecciones
iii. b iiii. kl°. —
c iii. kl°. —
- ix. d ii. kl°. Sancte Petronille uirginis. iii lecciones

*Denus pallescit, quindenus federa nescit
Iunius equatos celo uidet ire locanas.*

c KL IUNIUS.

xix.	f	iiii.	N'. Sanctorum martirum marcellini et Petri.	iii lecciones
viii.	g	iii.	N'. Sancti Herasmi episcopi et martiris	iii lecciones.
xvi.	A	ii.	N'.	
v.	b	Nonas.	Sancti Bonefacii sociorumque eius martirum.	iii lecciones
	c	viii.	Id'.	
xiii.	d	vii.	Id'.	
ii.	e	iv.	Id'. Sanctorum episcoporum medardi et Gildardi.	iii lecciones
	f	v.	Id'. Sanctorum martirum Primi et feliciani. Translacio sancti Edmundi confessoris commemoracio.	
x.	g	iiii.	Id'. Translacio sancti yuenis.	D' xii lecciones
	A	iii.	Id'.	
xviii.	b	ii.	Id'. Sanctorum martirum Cirini Naboris et Nazarii.	
vii.	c	Idus.		
	d	xviii.	kl'. Iulii. Sancti Basilii episcopi et confessoris.	iii lecciones
xv.	e	xvii.	kl'. Sanctorum martirum uiti et modesti	iii lecciones.
			Et sancte Edburge uirginis commemoracio.	
iiii.	f	xvi.	kl'. Sanctorum martirum Cirici et Iulitte matris eius.	iii lecciones
	g	xv.	kl'. Sancti Botulphi abbatis in albis. Sol in cancro.	
xii.	A	xiiii.	kl'. Sanctorum martirum marci et marcelliani fratrum.	iii lecciones
i.	b	xiii.	kl'. Sanctorum martirum geruasii et prothasii fratrum.	iii lecciones
	c	xii.	kl'.	
ix.	d	xi.	kl'.	
	e	x.	kl'. Sancti albani prothomartiris anglorum.	xii lecciones
xvii.	f	ix.	kl'. Sancte Etheldrithe uirginis commemoracio. de uigilia	iii lecciones et maior missa.
vi.	g	viii.	kl'. Patiuitas sancti Iohannis baptiste.	v cape
	A	vii.	kl'.	
xiiii.	b	vi.	kl'. Sanctorum martirum Iohannis et pauli.	iii lecciones
iii.	c	v.	kl'.	
	d	iiii.	kl'. Sancti Leonis [pape et ¹] confessoris commemoracio de uigilia	iii lecciones et maior missa.
xi.	e	iii.	kl'. Apostolorum Petri et Pauli.	viii cape
	f	ii.	kl'.	[fo. 5. b.

Colsticio¹ ardentis cancri fert iulius austrum.

Tredecimus mactat iulii denus labefactat.

- xix. g KL IULIUS. Octaua sancti Iohannis baptiste viij lecciones et iiii lecciones de apostolis.
- viii. A vi. N. Sanctorum martirum processi et martiniani. Et sancti Swthuni¹ commemoracio.
- b v. N.
- xvi. c iii. N. Translacio et ordinacio sancti martini. commemoracio
- v. d iii. N.
- e ii. N. Octaua apostolorum Petri et pauli. iii cape
- xiii. f Nonas. Translacio sancti thome martiris. v cape.]²
- ii. g viii. Id.
- A vii. Id.
- x. b vi. Id. Sanctorum septem fratrum. iii lecciones
- c v. Id. Translacio sancti benedicti abbatis.
- xviii. d iii. Id.
- vii. e iii. Id. Sancte Mildrithe uirginis iii lecciones. Dies caniculares incipiunt.
- f ii. Id.
- xv. g Idus. Translacio sancti Swythuni episcopi. iii cape
- iiii. A xvii. kl. Augusti. Festinitas reliquiarum. v cape
- b xvi. kl. Sancti Kenelmi martiris. iii lecciones
- xii. c xv. kl. Octaua sancti benedicti abbatis. xii lecciones
- i. d xiiii. kl. Commemoracio omnium fidelium defunctorum quorum corpora in nostro cimiterio requiescunt.
- e xiii. kl. Sancte margarete uirginis et martiris xii lecciones. Et sancti wlmari abbatis commemoracio.
- ix. f xii. kl. Sancte praxedis uirginis. iii lecciones
- g xi. kl. Sancte marie magdalene in capis.
- xvii. A x. kl. Sancti Appollinaris episcopi et martiris. iii lecciones
- vi. b ix. kl. Sancte Cristine uirginis et martiris. uigilia. iii lecciones
- c viii. kl. Sancti Jacobi apostoli in albis. Et sanctorum martirum christofori et cucufati commemoracio.
- xiiii. d vii. kl. Sancte Anne matris marie uirginis.
- ii. e vi. kl. Sanctorum septem dormiencium. iii lecciones
- f v. kl. Sancti Pantaleonis martiris iii lecciones. Et sancti sampsonis episcopi commemoracio.
- xi. g iii.¹ kl. Sanctorum martirum simplicis Faustini et beatricis iii lecciones
- ix. A iii. kl. Sanctorum Abdon et sennen. iii lecciones
- b ii. kl. Sancti Germani episcopi iii lecciones.
- Et sancti Neotis abbatis commemoracio.*

Prima necat fortem. sternitque secunda cohortem.

Augustum mensem leo feruidus igne perurit.

viii. c KL AUGUSTUS. *Ad uincula sancti Petri.*

Et sanctorum machabeorum commemoracio.

- xvi. d *iiii. N^o. Sancti stephani [pape et¹] martiris.* iii lecciones
v. e *iii. N^o. Inuencio sancti stephani sociorumque eius.* in albis
f *ii. N^o.*
- xiii. g *Nonas. Sancti Oswaldi regis et martiris.* iii lecciones
ii. A *viii. Id^o. Sanctorum martirum Sixti felicissimi et Agapiti.* commemoracio
b *vii. Id^o. Sancti Donati episcopi et martiris.*
- x. c *vi. Id^o. Octaua sancti Petri in albis. Et sanctorum martirum Cyriaci sociorumque eius.*
d *v. Id^o. Sancti Romani martiris iii lecciones.* uigilia
xviii. e *iiii. Id^o. Sancti Laurentii martiris.* iii cape
vii. f *iii. Id^o. Sancti Taurini confessoris in albis.*
Et sancti Tyburcii martiris commemoracio.
g *ii. Id^o.*
- xv. A *Idus. Sancti ypoliti sociorumque eius martirum.* iii lecciones
iii. b *xix. kl^o. September. Sancti Eusebii confessoris.*
de uigilia iii lecciones et maior missa.
c *xviii. kl^o. Assumptio sancte marie uirginis.* viii cape
xii. d *xvii. kl^o.*
- i. e *xvi. kl^o. Octaua sancti laurencii viii lecciones.* Et de sancta maria iiii lecciones.
Sol in uirgine.
f *xv. kl^o. Sancti Agapiti martiris.* commemoracio
ix. g *xiii. kl^o. Sancti magni martiris.* commemoracio
A *xiii. kl^o. Sancti Philiberti abbatis.* commemoracio
- xvii. b *xii. kl^o.*
- vi. c *xi. kl^o. Octaua sancte marie iii cape. Et sanctorum Tymothei et simphoriani commemoracio.*
d *x. kl^o. Sanctorum martirum Tymothei et appollinaris uigilia.* iii lecciones
xiii. e *ix. kl^o. Sancti bartholomei apostoli.* in albis
iii. f *v.² kl^o. Sancti Audoeni episcopi viii lecciones.*
Et sancti Genesii iiii lecciones.
g *vii. kl^o.*
- xi. A *vi. kl^o. Sancti Rufi martiris.*
xix. b *v. kl^o. Sancti Augustini episcopi xii lecciones.*
Et sancti heremetis martiris commemoracio.
c *iiii. kl^o. Decollatio sancti Iohannis baptiste in albis. Et sancte sabine uirginis commemoracio.*
- viii. d *iii. kl^o. Sanctorum martirum Felicis et audacti.* iii lecciones
e *ii. kl^o.*

¹ erased.

² sic.

Tercia septembris. et denus fert mala membris.

Sidere uirgo tuo bachum september opinat.

xv.	f	KL	SEPTEMBER. Sancti Egidii abbatis. Et sancti prisci martiris.	iiii lecciones	
v.	g	iiii.	N ^o . Sancti Antonini martiris.	iii lecciones	
	A	iii.	N ^o . Ordinacio sancti Gregorii.	D in albis	
xiii.	b	ii.	N ^o .		
	ii.	c	Nonas. Sancti Bertini abbatis. Dies caniculares finiunt.	ii lecciones	
		d	viii. Id ^o .		
x.	e	vii.	Id ^o .		
	f	vi.	Id ^o . Patiuitas sancte marie uirginis.	v cape	
			Et sancti adriani martiris commemoracio.		
xviii.	g	v.	Id ^o . Sancti gorgonii martiris.		
vii.	A	iiii.	Id ^o .		
	b	iii.	Id ^o . Sanctorum martirum Prothi et Iacincti.	commemoracio	
xv.	c	ii.	Id ^o .		
iiii.	d		Idus.		
	e	xviii.	kl ^o . October. Exaltacio sancte crucis iii cape. Et sanctorum cornelii et cipriani.		
xii.	f	xvii.	kl ^o . Octaua sancte marie in albis. Et sancti nichomedis martiris commemoracio.		
	i.	g	xvi.	kl ^o . Sancte Eufemie uirginis.	iii lecciones
		A	xv.	kl ^o . Sancti lamberti episcopi et martiris. Sol in libra.	iii lecciones
ix.	b	xiiii.	kl ^o .		
	c	xiii.	kl ^o .		
xvii.	d	xii.	kl ^o . Equinoctium autumpnale.	uigilia	
vi.	e	xi.	kl ^o . Sancti Mathei apostoli et euuangeliste.	in albis	
	f	x. ¹	kl ^o . Sanctorum martirum mauricii sociorumque eius.	' D'	iii cape
xiiii.	g	ix.	kl ^o . Sancte Tecle uirginis.		iii lecciones
	iii.	A	viii.	kl ^o .	
	b	vii.	kl ^o .		
xi.	c	vi.	kl ^o . Sancte Iustine uirginis et martiris.		
xix.	d	v.	kl ^o . Sanctorum martirum Cosme et damiani.		iii lecciones
	e	iiii.	kl ^o .		
viii.	f	iii.	kl ^o . Sancti Michaelis archangeli.	in iii capis	
	g	ii.	kl ^o . Sancti Ieronimi presbiteri et doctoris.	in capis	
					[fo. 7.

¹ Before x an i has been erased.

Tercia cum dena clamat sis integra uena.

Equat et october sementis tempore libram.

xvi.	A	KL	OCTOBER. Sanctorum Germani remigii episcoporum.	iii lecciones
v.	b	vi.	N ^o . Sancti Leodegarii episcopi et martiris.	iii lecciones
xiii.	c	v.	N ^o .	
ii.	d	iiii.	N ^o .	
	e	iii.	N ^o .	
λ.	f	ii.	N ^o . Sancte Fidis uirginis et martiris.	xii lecciones
	g	Nonas.	Sancti Marci [pape et ¹] confessoris.	
xvii.	A	viii.	Id ^o .	
vii.	b	vii.	Id ^o . Sanctorum martirum Dyonisii sociorumque eius.	in albis
	c	vi.	Id ^o . Sancti Paulini episcopi et confessoris.	iii lecciones
xv.	d	v.	Id ^o . Sancte Ethelburge uirginis iii lecciones. Et sancti Nigasii sociorumque martirum commemoracio.	
iiii.	e	iiii.	Id ^o . Sancti Wilfridi episcopi iii lecciones. De uigilia maior missa.	
	f	iii.	Id ^o . Translatio sancti Edwardi Regis anglorum.	viii cape
xii.	g	ii.	Id ^o . Sancti Kalixte ² [pape et ¹] martiris iii lecciones Bellum anglorum.	ii cape
i.	A	Idus.		
	b	xvii.	kl. Nouembris.	
ix.	c	xvi.	kl. Sol in scorpionem.	
	d	xv.	kl. Sancti luce euangeliste.	xii lecciones
xvi.	e	xiiii.	kl. Sancte Fredeswythe uirginis.	iii lecciones
vi.	f	xiii.	kl. Octaua sancti Edwardi regis et confessoris.	iii cape
	g	xii.	kl. Sanctarum undecim milia uirginum.	iii lecciones
xiiii.	A	xi.	kl.	
iii.	b	x.	kl. Sancti Romani archiepiscopi.	iii lecciones
	c	ix.	kl.	
xi.	d	viii.	kl. Sanctorum martirum Crispini et crispiniani.	iii lecciones
xix.	e	vii.	kl.	
	f	vi.	kl. Uigilia.	
viii.	g	v.	kl. Apostolorum symonis et iude.	in albis
	A	iiii.	kl.	
xvi.	b	iii.	kl.	
v.	c	ii.	kl. Sancti Quintini ² martiris.	iii lecciones

[fo. 7.b.]

¹ erased.² sic.

Scorpius est quintus et tercius est nece cinctus.

Scorpius hybernem preceps iubet ire nouembrem.

d KL NOVEMBER *Festivitas omnium sanctorum.*

viii cape

xii. e iii. N°. Sancti Eustachii sociorumque eius martirum.

iii lecciones

ii. f iii. N°.

g ii. N°.

x. A Nonas.

D'

b viii. Id°. Sancti Leonardi abbatis.

xii lecciones

xviii. c vii. Id°.

vii. d vi. Id°. Sanctorum quatuor coronatorum martirum.

iii lecciones

e v. Id°. Sancti Theodori martiris.

iii lecciones

xv. f iiiii. Id°.

iiii. g iii. Id°. Sancti martini episcopi et confessoris xii lecciones.

Et sancti menne martiris commemoracio.

A ii. Id°.

xii. b Idus. Sancti bricii episcopi et confessoris.

xii lecciones

i. c xviii. kl°. Decembris.

d xvii. kl°. Sancti machuti episcopi et confessoris.

iii lecciones

ix. e xvi. kl°. Sancti Edmundi Archiepiscopi et confessoris. Sol in sagittarium.

f xv. kl°. Sancte Hilde uirginis.

xii lecciones

xvii. g xiiii. kl°. Octaua sancti martini.

xii lecciones

vi. A xiii. kl°.

b xii. kl°. Sancti Edmundi regis et martiris.

v cape

xiiii. c xi. kl°. Oblatio beate marie uirginis.

iii. d x. kl°. Sancte Cecilie uirginis et martiris.

xii lecciones

e ix. kl°. Sancti clementis [pape et¹] martiris viii lecciones. Et sancte felicitatis martiris iiiii lecciones.

xi. f viii. kl°. Sancti Grisogoni martiris.

iii lecciones

xix. g vii. kl°. Sancte Katerine uirginis et martiris. xii lecciones

iii cape

A vi. kl°.

viii. b v. kl°.

Primus aduentus domini.

c iiiii. kl°.

D'

xvi. d iii. kl°. Sancti Saturnini martiris. Uigilia.

iii lecciones

v. e ii. kl°. Sancti Andree apostoli.

iii cape

[fo. 8.

Septimus exanguis. uirosus denus ut anguis.

Terminat architenens mensi sua signa decembri.

xiii.ii. f KL DECEMBER.

ii. g *iiii. N'.*

A *iii. N'.*

ultimus aduentus domini.

x. b *ii. N'.*

c *Nonas.*

xviii. d *viii. Id'.* Sancti Nicholai episcopi et confessoris.

iii cape

vii. e *vii. Id'.* Octaua sancti Andree apostoli.

D'

iii lecciones

f *vi. Id'.* Concepcio sancte marie uirginis.

iiii cape

xv. g *v. Id'.*

iiii. A *iiii. Id'.*

b *iii. Id'.* Sancti Damasi [pape et¹] confessoris.

iii lecciones

xii. c *ii. Id'.*

i. d *Idus.* Sancte Lucie uirginis *xii* lecciones. Et sancti Iudoci confessoris commemoracio.

e *xix. kl'.* Ianuarii.

ix. f *xviii. kl'.*

g *xvii. kl'.* Sancte Barbare uirginis.

O sapiencia.

commemoracio

xvii. A *xvi. kl'.*

Sol in capricornium.

vi. b *xv. kl'.*

c *xiiii. kl'.*

xiii. d *xiii. kl'.*

uigilia.

iii. e *xii. kl'.* Sancti Thome apostoli in albis.

xii lecciones

f *xi. kl'.*

xi. g *x. kl'.*

xix. A *ix. kl'.*

b *viii. kl'.* Natiuitas Domini nostri iesu christi.

viii cape

viii. c *vii. kl'.* Sancti stephani prothomartiris.

iiii cape

d *vi. kl'.* Sancti Iohannis euangeliste.

iiii cape

xvi. e *v. kl'.* Sanctorum innocencium martirum.

iiii cape

v. f *iiii. kl'.* S[ancti] Thome archiepiscopi et martiris.

iiii cape]¹

g *iii. kl'.* De natiuitate domini. *iii* lecciones.

in albis

xiii. A *ii. kl'.* Sancti Siluestri confessoris *viii* lecciones. De natiuitate *iiii* lecciones.

in albis

[fo. 8.b.

¹ erased.

EXORCISMUS SALIS ET AQVE.

I

Hic incipit exorcismus salis plane legendo. et non dicatur Dominus uobiscum neque Oremus. set tantum Uersiculus. Adiutorium nostrum in nomine domini.

EXorcizo te creatura salis per deum ✠ uiuum. per deum ✠ uerum. per deum sanctum ✠ per deum qui te per heliseum prophetam in aquam mitti iussit ut sanaretur sterilitas aque : ut efficiaris sal exorcizatum in salutem credencium. et sis omnibus te sumentibussanitas anime et corporis. et effugiat atque discedat ab eo loco quo aspersus fueris omnis fantasia nequicia uel uersucia diabolice fraudis. omnisque spiritus inmundus adiuratus per eum qui uenturus est iudicare uiuos et mortuos. et seculum per ignem.

Oracio.

INmensam clemenciam tuam omnipotens eterne deus humiliter imploramus : ut hanc creaturam salis quam in usum humani generis tribuisti benedici ✠ cere. et sancti ✠ ficare tua pietate digneris : ut sit omnibus sumentibus salus mentis et corporis. et quicquid eo tactum uel respersum fuerit careat omni inmundicia. omnique impugnatione spiritualis nequicie. Per uirtutem eiusdem domini nostri ihesu qui uenturus est iudicare uiuos et mortuos et seculum per ignem.

M. WESTM̃.

2

Exorcismus aque.

EXorcizo te creatura aque in nomine dei ✠ patris omnipotentis. et in nomine ihesu christi filii eius domini nostri et in uirtute ✠ spiritus sancti : ut fias aqua exorcizata ad effugandam omnem potestatem inimici. et ipsum inimicum eradicare et explantare ualeas cum angelis suis apostaticis. per uirtutem eiusdem domini nostri ihesu christi qui uenturus.

Oracio.

DEus qui ad salutem humani generis maxima queque sacramenta in aquarum substantia condidisti. adesto inuocationibus nostris et elemento huic multimodis purificationibus preperato uirtutem tue benedictionis infunde ut creatura tua misteriis tuis seruiens. ad abiciendos demones morbosque pellendos diuine gracie sumateffectum : ut/ quicquid in domibus [fo. 9. uel in locis fidelium hec unda resperserit. careat inmundicia. liberetur a noxa. non illic resideat spiritus pestilens non aura corrumpens. discedant omnes insidie latentis inimici. et siquid est quod aut incolumitati habitantium inuidet aut quieti. aspersione huius aque effugiat. ut salubritas per inuocationem nominis tui expetita. ab omnibus sit impugnationibus defensa. Per dominum.

B

*Hic mittat sal in aquam dicendo
in auditu.*

COMMIXCIO salis et aque pariter. In nomine patris et filii et spiritus sancti amen. Dominus uobiscum. Et cum spiritu.

DEUS inuicte uirtutis auctor et insuperabilis imperii rex ac semper magnificus triumphator. qui aduerse dominacionis uires reprimis. qui inimici rugientis seuciam superas. qui hostiles nequicias potens expugnans te domine trementes et supplices deprecamur ac petimus. ut hanc creaturam salis et aque dignanter accipias benignus illustres. pietatis tue more sancti tifices ut ubicumque fuerit aspersa per inuocationem sancti tui nominis: omnis infestacio inmundi spiritus abiciatur. terrorque uenenosi serpentis procul pellatur. et presencia sancti spiritus nobis misericordiam tuam poscentibus ubique adesse dignetur. Per.

Antiphona.

ASperges me domine ysopo et mundabor. lauabis me et super niuem dealbabor. *Ps.* Misere mei deus.

In tempore paschali.

UIDI aquam egredientem de templo a latere dextero alleluya. Et omnes ad quos peruenit aqua ista salui facti sunt et dicunt alleluya. alleluya. *Psalmus.* Confitemini domino quoniam bonus. quoniam in seculum. Gloria patri. *V.* Ostende nobis domine misericordiam tuam. Dominus uobiscum.

Oracio.

EXaudi nos domine sancte pater omnipotens eterne deus: et mittere dignare sanctum angelum tuum de celis qui custodiat. foueat. protegat. uisitet atque defendat omnes habitantes in hoc habitaculo. et in cunctis habitaculis nostris. Per dominum nostrum ihesum christum filium tuum. Qui tecum uiuit et regnat in unitate spiritus sancti deus. per omnia secula seculorum. Amen.

*Dominica prima aduentus domini
ad missam officium.* [fo. 9. b.

AD te leuau animam meam
deus meus in te confido non
erubescam. neque irrideant me
inimici mei. etenim uniuersi qui te
expectant non confundentur. *Ps.*
Uias tuas domine demonstra
michi: et semitas tuas edoce me.
Gloria.

Oracio.

EXcita domine quesumus
potenciam tuam et ueni:
ut ab iminentibus peccatorum
nostrorum periculis te mereamur
protegente eripi. te liberante
saluari. Qui uiuis et regnas cum
deō patre.

Ad Romanos.

FRatres: Scientes: quia hora
est iam nos de sompno sur-
gere. Nunc autem propior est
nostra salus: quam cum credi-
dimus. Nox precessit. dies
autem appropinquauit. Abicia-
mus ergo opera tenebrarum: et
induemur arma lucis. sic ut in
die honeste ambulemus. Non
in commessacionibus et ebrieta-
tibus. non in cubilibus et im-
pudiciis non in contencione et
emulacione. Set induimini:
dominum ihesum christum.

Gradale.

UNiuersi qui te expectant non
confundentur domine. *Ÿ.*
Uias tuas domine notas fac michi
et semitas tuas edoce me. Alleluya.
Ÿ. Ostende nobis domine misericor-
diam tuam et salutare tuum da
nobis.

*Inicium sancti euangelii secun-
dum marcum.*

PRincipium euangelii ihesu
christi filii dei sicut scrip-

tum est in ysaia propheta. Ecce
mitto angelum meum antefaciam
tuam qui preparabit uiam tuam
ante te. uox clamantis in deserto.
parate uiam domini rectas facite
semitas eius. Fuit iohannes in
deserto baptizans et predicans
baptismum penitencie: in remis-
sionem peccatorum. Et egre-
diebatur ad illum omnis iudee
regio. et ierosolimita uniuersi. et
baptizabantur ab illo in iordane
flumine confitentes peccata sua.
Et erat iohannes uestitus pilis
cameli: et zona pellicia circa
lumbos eius. Et locustas et mel
siluestre edebat: et predicabat
dicens. Uenit forciōr me post
me: cuius non sum dignus
procumbens soluere corrigiam
calciamentorum eius. Ego bap-
tizau i uos aqua: ille uero
baptizabit uos spiritu sancto.

Offertorium.

AD te domine leuau animam
meam. deus meus in te confido
non erubescam neque irrideant mei
etenim uniuersi qui te expectant
non confundentur.

Secretum.

HEc sacra nos domine potenti
uirtutemundatos/ad [fo. 10.
suum faciant puriores uenire
principium. Per.

Communio.

Dominus dabit benignitatem. et
terra nostra dabit fructum
suum.

Postcommunio.

Suscipiamus domine mise-
ricordiam tuam in medio
templi tui. et reparacionis nostre
uentura sollempnia congruis
honoribus precedamus. Per.

Leccio epistole beati iacobi apostoli.

K Arissimi. Patientes estote: usque ad aduentum domini. Ecce agricola expectat preciosum fructum terre: pacienter ferens donec accipiat temporaneum et serotinum. Patientes igitur estote et uos: et confirmate corda uestra quoniam aduentus domini appropinquabit. Nolite ingemiscere fratres: in alterutrum: ut non iudicemini. Ecce iudex ante ianuam assistit. Exemplum accipite fratres laboris et pacencie. prophetas qui locuti sunt in nomine domini nostri ihesu christi.

Secundum matheum.

IN illo tempore: Cum appropinquasset ihesus iherosolimis et uenisset bephage ad montem oliueti: tunc misit duos de discipulis suis dicens eis. Ite in castellum quod contra uos est. et statim inuenietis asinam alligatam. et pullum cum ea. Soluite: et adducite michi. Et si quis uobis aliquid dixerit: dicite quia dominus hiis opus habet. et confestim dimittet eos. Hoc autem totum factum est ut adimpleretur quod dictum est per prophetam dicentem. Dicite filie syon. Ecce rex tuus uenit tibi mansuetus: sedens super asinam et pullum filium subiugalis. Euntes autem discipuli: fecerunt sicut preceperat illis ihesus. Et adduxerunt asinam et pullum: et imposuerunt super eum uestimenta sua: et eum

desuper sedere fecerunt. Plurima autem turba: strauerunt uestimenta sua in uia. Alii autem cedebant ramos de arboribus: et sternebant in uia. turbe autem que precedebant et que sequebantur: clamabant dicentes. Osanna filio dauid: benedictus qui uenit: in nomine domini.

Feria vi.

Leccio ysaie prophete.

IN diebus illis: Dixit ysaias propheta. Ecce nomen domini uenit de longinquo: ardens furor eius et grauis ad portandum. Labia eius repleti¹ sunt indignacione. et lingua eius quasi ignis deuorans. Spiritus eius uelud torrens inundans usque ad medium collis: ad perdendas gentes/ in [fo. 10. b. nichilum. Et frenum erroris² quod erroris² quod erit in maxillis populorum canticum eorum nobis sicut nox sanctitate sollempnitatis et leticia cordis sicut qui pergit cum tibia. ut intret in montem domini ad fortem israel. Et auditam faciet dominus gloriam uocis sue in leticia cordis uestri.

Matheum.

IN illo tempore. Uenit iohannes baptista predicans in deserto iudee et dicens. Penitentiam agite: appropinquabit enim regnum celorum. Hic est enim qui dictus est per ysayam prophetam dicentem Uox clamantis in deserto: parate uiam domini rectas facite semitas eius. Ipse autem iohannes habebat uesti-

¹ Sic.

² — Struck out by red line.

mentum de pilis camelorū: et zona pellicea circa lumbos eius. Esca autem eius erat locuste: et mel siluestre. Tunc exhibat ad eum ierusalima et omnis iudea: et omnis regio circa iordanem. Et baptizabantur in iordane ab eo. confitentes peccata sua.

Dominica ii. Officium.

POpulus syon ecce dominus ueniet ad saluandas gentes. et auditam faciet dominus gloriam uocis sue in leticia cordis uestri. *Ps.* Iubilare deo omnis terra. Gloria patri.

Oratio.

EXcita domine corda nostra ad preparandas unigeniti tui uias. ut per eius aduentum purificatis tibi mentibus seruire mereamur. Qui tecum.

Ad romanos.

FRatres: Quecumque scripta sunt ad nostram doctrinam scripta sunt: ut per paciencia et consolacionem scripturarum spem habeamus. Deus autem paciencie et solacii det uobis idipsum sapere in alterutrum secundum ihesum christum: ut unanimes uno ore honorificetis deum. et patrem domini nostri ihesu christi. Propter quod suscipite inuicem sicut et christus suscepit uos in honorem dei. Dico enim christum ihesum ministrum fuisse circumtisionis¹ propter ueritatem dei: ad confirmandas promissiones patrum. Gentes autem super misericordia honorare deum: sicut scriptum. Propterea confitebor tibi in gentibus: et nomini tuo cantabo.

¹ *Sic.*

Et iterum dicit. Letamini gentes cum plebe eius. Et iterum. Laudate omnes gentes dominum. et magnificate eum omnes populi. Et rursum ysaías ait. Erit radix iesse: et qui exurget regere gentes. in eum gentes sperabunt. Deus autem spei repleat uos omni gaudio et pace in [fo. 11. credendo: ut habundetis in spe: et uirtute spiritus sancti.

Gradale.

EX syon species decoris eius deus manifeste ueniet. *V.* Congregate illi sanctos eius qui ordinauerunt testamentum eius super sacrificia. Alleluya. *V.* Letatus sum in hiis que dicta sunt michi in domum domini ibimus. *V.* Stantes erant pedes nostri in atriis tuis ierusalem.

Secundum Lucam.

IN illo tempore: Dixit ihesus discipulis suis. Erunt signa in sole et luna et stellis: et in terris pressura gentium pre confusione sonitus maris et fluctuum. arescentibus hominibus pre timore et expectatione. que superuenient uniuerso orbi. Nam uirtutes celorum mouebuntur. Et tunc uidebunt filium hominis uenientem in nube cum potestate magna et magestate. Hiis autem fieri incipientibus: respicite et leuate capita uestra quoniam appropinquat redemptio uestra. Et dixit illis similitudinem. Uidete ficulneam. et omnes arbores. Cum producant iam ex se fructum: scitis quoniam prope est estas. Ita et uos cum uideritis hec fieri: scitote quoniam prope est regnum dei. Amen dico uobis quia non pre-

teribit generacio hec donec omnia fiant. Celum et terra transibunt: uerba autem mea non transibunt.

Offertorium.

DEus tu conuertens uiuificabis nos et plebs tua letabitur in te. ostende nobis domine misericordiam tuam et salutare tuum da nobis.

Secretum.

PLacare quesumus domine humilitatis nostre precibus et hostiis et ubi nulla suppetunt suffragia meritorum. tuis nobis succurre presidiis. Per.

Prefacio.

Qui cum unigenito.

Communio.

Ierusalem surge et sta in excelso et uide iocunditatem que ueniet tibi a domino deo tuo.

Postcommunio.

Refecti cibo potuque spiritalis alimonie supplices te domine deprecamur: ut huius participatione misterii doceas nos terrena despicere. et amare celestia. Per.

Feria iiii. Leccio ysaie prophete.

HEc dicit dominus deus. In die illa congregabo claudicantem. et eum quem eieceram colligam. et quem afflixeram consolabor. Et ponam claudicantem in reliquias. et eum qui laborat in gentem robustam. Et regnabit dominus super eos in montem syon: ex hoc nunc et usque in eternum. Et tu bethleem effrata: paruulus es in

milibus iuda. Ex te enim egredietur: qui sit dominator in israel. Et egressus eius sicut ab initio: a diebus eternitatis. Et stabit et/ pascet in [fo. II. b. fortitudine domini: in sublimitate nominis domini dei sui. Et magnificabitur usque ad terminos uniuerse terre. et pax erit in terra nostra dum uenerit. Ait dominus: exercituum.

Matheum.

IN illo tempore: Dixit ihesus turbis Amen dico uobis: non surrexit inter natos mulierum maior iohanne baptista. Qui autem iunior est in regno celorum: maior est illo. A diebus autem iohannis baptiste usque nunc regnum celorum uim patitur. et uiolenti rapiunt illud. Omnes enim prophete et lex usque ad iohannem prophetauerunt. Et si uultis recipere ipse est helyas qui uenturus est. Qui habet aures audiendis audiat.

Feria vi. Leccio ysaie prophete.

HEc dicit dominus redemptor noster sanctus israel dominus exercituum nomen eius. Primus ad syon dicet ecce assum: et ierusalem euangelistam dabo. Ecce seruus meus suscipiam eum. electus meus. complacuit sibi in illo anima mea. Dedi spiritum meum super eum: iudicium gentibus profert. Non clamabit neque accipiet personam: neque audieter foris uox eius. Calamum quassatum non conteret: et lignum fumigans non extinguet. In ueritate educet

iudicium : non erit tristis neque turbulentus. Donec. ponat in terra iudicium : et legem eius insule expectabunt. Ego dominus uocaui nomen meum in iusticia : et apprehendi manum eius et seruauit. Et dedi eum in fedus populi et in lucem gentium. ut aperiret oculos cecorum et educeret de conclusione uinctum de domo carceris sedentem in tenebris. Ego dominus hoc est nomen meum et gloriam meam alteri non dabo. ne claudam meam sculptilibus. Que prima fuerunt ecce uenerunt : noua quoque ego annuncio. antequam oriatur auditum uobis faciam. Cantate domino canticum nouum : laus eius ab extremis terre. Quia dominus sicut fortis egredietur : et sicut uir preliator suscitabit zelum.

Marcum.

IN illo tempore : Interrogabant ihesum discipuli dicentes. Quid ergo dicunt pharisei et scribe : quia helyam oportet primum uenire ? Qui respondens ait illis. Helyas cum uenerit : primo restituet omnia. Et quomodo scriptum est in filium hominis. ut multa paciatur et contempnatur. / Set [fo. 12. dico uobis quia helyas uenit. et fecerunt illi quecumque uoluerunt sicut scriptum est de eo. Et ueniens ad discipulos uidit turbam magnam et scribas circa eos. conquirentes cum illis. Et confestim omnis populus uidens eum stupefactus est : et expauerunt. Occurrentesque salutabant eum. Et interrogauit eos : quid inter se conquirerent.

Dominica iii. Officium.

GAudete in domino semper iterum dico gaudete modestia uestra nota sit omnibus hominibus dominus prope est nichil solliciti sitis. set in omni oratione petitiones uestre innotescant apud deum. *Ps.* Et pax dei que exuperat omnem sensum : custodiat corda uestra et intelligencias uestras. Gloria patri.

Oracio.

AUrem tuam quesumus domine precibus nostris accomoda : et mentis nostre tenebras gracia tue uisitacionis illustra. Qui uiuis.

Ad corinthios.

FRATRES : Sic nos existimet homo ut ministros christi : et dispensatores ministeriorum dei. Hic iam queritur : inter dispensatores : ut fidelis quis inueniatur. Michi autem pro minimo est ut a uobis iudicer aut ab humano die. Set neque meipsum iudico. Nichil enim michi conscius sum. Set non in hoc iustificatus sum. Qui autem iudicat me dominus est. Itaque nolite ante tempus iudicare quoadusque ueniat dominus qui et illuminabit abscondita tenebrarum. et manifestabit consilia cordium. Et tunc laus erit : unicuique a deo.

Gradale.

QUI sedes domine super cherubyn excita potenciam tuam et ueni. *Ps.* Qui regis israel intende qui deducis uelud ouem ioseph. Alleluya. *Ps.* Excita domine potenciam tuam et ueni ut saluos facias nos.

Secundum matheum.

IN illo tempore: Cum audisset iohannes in uinculis opera christi mittens duos de discipulis suis ait illi. Tu es qui uenturus es an alium expectamus? Et respondens ihesus: ait illis. Euntes renunciate iohanni que audistis et uidistis. Ceci uident. claudi ambulant. leprosi mundantur. Surdi audiunt mortui resurgunt pauperes euangelizantur. Et beatus est qui non fuerit scandalizatus in me. Illis autem abeuntibus: cepit ihesus dicere ad turbas de iohanne. Quid existis in desertum uidere? Arundinem uento agitatum? Set quid existis uidere? Hominem mollibus uestitum? Ecce qui mollibus uestiuntur: in domibus/[fo. 12. b. regum sunt. Set quid existis uidere? Prophetam. Eciam dico uobis: et plusquam prophetam. Hic est enim de quo scriptum est. Ecce mitto angelum meum ante faciem tuam: qui preparabit uiam tuam ante te.

Offertorium.

Benedixisti domini terram tuam
auertisti captiuitatem iacob
remisisti iniquitatem plebis tue.

Secretum.

Deuocionis nostre tibi
quesumus domine hostia
immoletur que et sacra peragat
instituta misterii. et salutare
tuum nobis mirabiliter operetur.
Per.

Prefacio.

Qui cum unigenito.

Communio.

Dicite pusillanimes confortamini
et nolite timere ecce deus
noster ueniet et saluabit nos.

Postcommunio.

Imploramus domine clemen-
ciam tuam. ut hec diuina
subsidia a uiciis expiatis. ad festa
uentura nos preparent. Per.

Feria iiii. Officium.

Rorate celi desuper et nubes
pluant iustum aperiatur
terra et germinet saluatorem. *Ps.*
Et iusticia oriatur simul: ego do-
minus creau i eum. Gloria.

Oracio.

Presta quesumus omnipotens
deus. ut redemptionis nostre
uentura sollempnitas: et pre-
sentis nobis uite subsidia conferat
et eterne beatitudinis premia
largiatur. Per.

Leccio ysaię prophete.

IN diebus illis: Dixit ysayas
propheta. Erit in nouissi-
mis diebus preparatus mons
domus domini in uertice mon-
cium et eleuabitur colles et fluent
ad eum omnes gentes et ibunt
populi multi et dicent. Uenite
ascendamus ad montem domini.
et ad domum dei iacob. et docebit
nos uias suas et ambulabimus in
semitis eius quia de syon exhibit
lex. et uerbum domini de ierusa-
lem. Et iudicabit gentes: et
arguet populos multos. Et con-
flabunt gladios suos in uomeres.
et lanceas suas in falces. Non
leuabit gens contra gentem
gladium. nec exercebuntur ultra
in prelium. Domus iacob uenite
et ambulemus in lumine domini
dei nostri.

TOLLITE portas principes uestras et eleuamini porte eternales et introibit rex glorie. *℣.* Quis ascendet in montem domini aut quis stabit in loco sancto eius innocens manibus et mundo corde.

Dominus uobiscum.

Oracio.

FESTINA quesumus domine ne tardaueris. et auxilium nobis superne uirtutis impende. ut aduentus tui consolacionibus subleuentur. qui in tua pietate confidunt. *Qui uiuis.*

Leccio ysaie prophete.

IN diebus illis: Locutus est dominus ad achaz dicens. Pete/ tibi signum a [fo. 13. domino deo tuo in profundum inferni: siue in excelsum supra. Et dixit achaz. Non petam: et non temptabo dominum. Et dixit. Audite ergo domus dauid. Numquid parum uobis est molestos esse hominibus quia molesti estis et deo meo. Propter hoc dabit dominus ipse uobis signum. Ecce uirgo in utero concipiet et pariet filium: et uocabitur nomen eius emanuel. Butirum et mel comedet: ut sciat reprobare malum: et eligere bonum.

Gradale.

PROPE est dominus omnibus inuocantibus eum. omnibus qui inuocant eum in ueritate. *℣.* Laudem domini loquetur os meum et benedicat omnis caro nomen sanctum eius.

IN illo tempore: Missus est angelus gabriel a deo in ciuitatem galilee cui nomen nazareth: ad uirginem desponsatam uiro cui nomen erat ioseph de domo dauid: et nomen uirginis maria. Et ingressus angelus ad eam dixit. Aue gracia plena: dominus tecum. Benedicta tu in mulieribus. Que cum audisset: turbata est in sermone eius: et cogitabat qualis esset ista salutacio. Et ait angelus ei. Ne timeas maria: inuenisti enim gratiam apud deum. Ecce concipies in utero et pariet¹ filium: et uocabis nomen eius ihesum. Hic erit magnus: et filius altissimi uocabitur. Et dabit illi dominus deus sedem dauid patris eius: et regnabit in domo iacob in eternum. et regni eius non erit finis. Dixit autem maria ad angelum. Quomodo fiet istud quoniam uirum non cognosco? Et respondens angelus: dixit ei. Spiritus sanctus superueniet in te. et uirtus altissimi obumbrabit tibi. Ideoque et quod nascetur ex te sanctum: uocabitur filius dei. Et ecce elizabeth cognata tua: et ipsa concepit filium in senectute sua. et hic mensis est sextus illi que uocatur sterilis: quia non erit impossibile apud deum omne uerbum. Dixit autem maria. Ecce ancilla domini. Fiat michi secundum uerbum tuum.

Offertorium.

AUE maria gracia plena dominus tecum benedicta tu in mulieribus et benedictus fructus uentris tui.

¹ Sic.

Secretum.

Salutari ieiunio competentes domine hostias immolamus. presta. ut ad natiuitatem panis eterni hiis officiis preparemur. Per eundem.

Communio.

Ecce uirgo concipiet. / et [fo. 13. b. pariet filium et uocabitur nomen eius emanuel.

Postcommunio.

Salutaris tui domine munere saciati supplices deprecamur: ut cuius letamur gustu. renouemur effectum. Per.

Feria vi. Officium.

Prope esto domine et omnes uie tue ueritas inicio cognoui de testimoniis tuis quia in eternum tu es. *Ps.* Beati immaculati. Gloria.

Oratio.

Excita domine quesumus. potentiam tuam et ueni: ut hii qui in tua pietate confidunt. ab omni cicius aduersitate liberentur. Qui uiuis.

Leccio ysaie prophete.

Hec dicit dominus deus: Egredietur uirga de radice iesse: et flos de radice eius ascendet. Et requiescet super eum spiritus domini. spiritus sapientie et intellectus. spiritus consilii et fortitudinis. spiritus sciencie et pietatis. et replebit eum spiritus timoris domini. Non secundum uisionem oculorum iudicabit: neque secundum auditum aurium arguet: set iudicabit in iusticia pauperes: et arguet in equitate

pro mansuetis terre. Et percuciet terram uirga oris sui: et spiritu labiorum suorum interficiet impium. Et erit iusticia cingulum lumborum eius: et fides cinctorium renum eius.

Gradale.

Ostende nobis domine misericordiam tuam. et salutare tuum da nobis. *V.* Benedixisti domine terram tuam auertisti captiuitatem iacob.

Secundum Lucam.

In illo tempore: Exurgens maria abiit in montana cum festinatione in ciuitatem iuda: et intrauit domum zacharie. et salutauit elizabeth. Et factum est ut audiuit salutationem marie elizabeth: exultauit in gaudio infans in utero eius. Et repleta est spiritu sancto elizabeth: et exclamauit uoce magna et dixit. Benedicta tu inter mulieres: et benedictus fructus uentris tui. Et unde hoc michi ut ueniat mater domini mei ad me? Ecce enim ut facta est uox salutationis tue in auribus meis: exultauit in gaudio infans in utero meo. Et beata que credidisti: quoniam perficientur ea que dicta sunt tibi a domino. Et ait maria. Magnificat anima mea dominum. Et exultauit spiritus meus: in deo salutari meo.

Offertorium.

Deus tu conuertens.

Secretum.

Sacrificiis quesumus domine salutaribus hiis diebus aptemur propensius quibus illud est

mysterium celebrandum. cui seruit omnis executio mandatorum. Per.

Communio. [fo. 14.

Ecce dominus ueniet et omnes sancti eius cum eo. et erit in die illa lux magna.

Postcommunio.

Perfice domine misericordiam tuam populo supplicanti quem tuorum refectum largitate donorum. et instancius gratiam postulare maiorem. et fiducialius sperare concedas. Per.

Sabbato. Officium.

Ueni et ostende nobis domine faciem tuam qui sedes super cherubyn et salui erimus. *Ps.* Qui regis.

Oracio.

Deus qui conspicias quia ex nostra prauitate affligimur. concede propicius ut ex tua uisitatione consolemur. Qui uiuis.

Leccio ysaie prophete.

In diebus illis: Clamabunt ad dominum a facie tribulantis: et mittet eis saluatorem et propugnatorem qui liberet eos. Et cognoscetur dominus ab egypto. et cognoscent egyptii dominum in die illa: et colent eum in hostiis et muneribus. et uota uoueunt domino et soluent. Et percuciet dominus egyptum plaga: et sanabit eos. Et reuertentur ad dominum et placabitur eis. et sanabit eos: dominus deus noster.

Gradale.

A Summo celo egressio eius. et occursum eius usque ad summum eius. *Ps.* Celi enarrant gloriam dei et opera manuum eius annuntiat firmamentum.

Oracio.

Concede quesumus omnipotens deus: ut qui sub peccati iugo ex uetusta seruitute deprimimur. expectata unigeniti tui noua natiuitate liberemur. Per eundem.

Leccio ysaie prophete.

Hec dicit dominus deus. Letabitur deserta et inuia. et exultabit solitudo et florebit quasi lilium. Germinans germinabit et exultabit letabunda et laudans. Gloria libani data est ei decor carmeli et saron. Ipsi uidebunt gloriam domini: et decorem dei nostri. Confortate manus dissolutas et genua debilia roborate. Dicite pusillanimes confortamini: et nolite timere. Ecce deus uester ulcionem adducet retributionis: deus ipse ueniet et saluabit nos. Tunc aperientur oculi cecorum: et aures surdorum patebunt. Tunc saliet sicut ceruus claudus: et aperta erit lingua mutorum. Quia scisse sunt in deserto aque. et torrentes in solitudine: et que erat arida in stagnum. et siciens in fontes aquarum. Ait dominus: omnipotens.

Gradale.

In sole posuit tabernaculum suum et ipse tanquam sponsus procedens de thalamo suo. *Ps.* A summo celo egressio eius. et occursum eius usque/ ad [fo. 14. b. summum eius.

Oracio.

Indignos nos quesumus domine famulos tuos quos accionis proprie culpa contristat. unigeniti filii tui aduentu letifica. Qui tecum.

Leccio ysaie prophete.

HEc dicit dominus deus. Super montem excelsum ascende tu qui euuangelizas syon. Exalta in fortitudine uocem tuam qui euuangelizas iherusalem. Exalta. noli timere. Dic ciuitatibus iude. Ecce deus uester. Ecce dominus in fortitudine ueniet: et brachium eius dominabitur. Ecce merces eius cum eo. et opus illius coram illo. Sicut pastor gregem suum pascet in brachio suo congregabit agnos et in sinu suo leuabit eos dominus deus noster.

Gradale.

Domine deus uirtutum conuerte nos et ostende faciem tuam et salui erimus. *℣.* Excita domine potenciam tuam et ueni ut saluos facias nos.

Oracio.

Presta quesumus omnipotens deus ut filii tui uentura sollempnitas. et presentis nobis uite remedia conferat. et premia eterna concedat. Per eundem.

Leccio ysaie prophete.

HEc dicit dominus christo meo cyro cuius apprehendi dexteram. ut subiciam ante faciem eius gentes et dorsa regum uertam. et aperiā coram eo ianuas. et porte ei non clauduntur. Ego ante te ibo. et

gloriosos terre humiliabo. Portas ereas conteram: et uectes ferreos confringam. Et dabo tibi thesauros absconditos et archana secretorum. ut scias quia ego dominus. qui uoco nomen tuum deus israel. propter seruum meum iacob. et israel electum meum. et uocaui te nomine tuo assimulaui te et non cognouisti me. Ego dominus et non est amplius. Extra me non est deus. Accinxi te et non cognouisti me. Ut sciant hii qui ab ortu solis. et qui ab occidente quoniam absque me non est deus. Ego dominus et non est alter. Formans lucem. et creans tenebras. Faciens pacem: et creans malum. Ego dominus: faciens omnia hec. Rorate celi desuper et nubes pluant iustum aperiatur terra. et germinet saluatorem. et iusticia oriatur simul. Ego dominus creauī eum.

Gradale.

Excita domine potenciam tuam et ueni ut saluos facias nos. *℣.* Qui regis israel intende qui deducis uelud ouem ioseph qui sedes super cherubyn appare coram effraym beniamin et manasse.

Oracio. [fo. 15]

Preces populi tui quesumus domine clementer exaudi: ut qui iuste pro peccatis nostris affligimur. pietatis tue uisitacione consolemur. Qui uiuis.

Leccio danielis prophete.

In diebus illis: Angelus domini descendit cum azaria et sociis eius in fornacem et excusit flammam ignis de fornace et fecit medium fornacis quasi uen-

tum roris flantem. Flamma autem diffusa est super fornacem cubitis quadraginta nouem et incendit quos reperit iuxta fornacem de chaldeis ministros regis qui eam incendebant. Illos autem omnino non tetigit ignis neque contristauit. nec quicquam molestie intulit. Tunc hii tres quasi ex uno ore. ympnum dicebant et magnificabant deum in fornace dicentes.

Tractus.

Benedictus es domine deus patrum¹ nostrorum. Et laudabilis et gloriosus in secula. *℣.* Et benedictum nomen glorie tue quod est sanctum. Et laudabile et gloriosum in secula. *℣.* Benedictus es in templo sancto glorie tue. Et laudabilis. *℣.* Benedictus es super thronum sanctum regni tui. Et laudabilis. *℣.* Benedictus es super sceptrum diuinitatis tue. Et laudabilis. *℣.* Benedictus es qui sedes super cherubyn. et intueris abyssos. Et laudabilis. *℣.* Benedictus es qui ambulas super pennas uentorum. Et laudabilis. *℣.* Benedicant te omnes angeli et sancti tui. laudabilem et gloriosum in secula. *℣.* Benedicant te celi terra mare. et omnia que in eis sunt. laudabilem. *℣.* Gloria patri et filio et spiritui sancto. laudabili et glorioso in secula. *℣.* Sicut erat in principio et nunc et semper et in secula seculorum amen. Laudabili. Benedictus.

Oracio.

Deus qui tribus pueris mitigasti flammam ignium: concede propicius: ut adueniente filio tuo domino nostro: nos famulos tuos non exurat flamma uiciorum. Per eundem.

¹ Sic.

Ad thessalonicenses.

FRatres: Rogamus uos per aduentum domini nostri ihesu christi et nostre congregacionis in ipsum: ut non cito moueamini a uestro sensu neque terreamini. neque per spiritum. neque per sermonem. neque per epistolam tanquam per nos missam. quasi instet dies domini. Ne quis uos seducat ullo modo. Quoniam nisi uenerit discessio primum et reuelatus fuerit homo peccati. filius perditionis. qui aduersatur et extollitur super omne quod dicitur deus aut quod colitur ita ut in templo dei sedeat ostendens se tanquam sit deus. Non retinetis quod/ cum [fo. 15b. adhuc essem apud uos hec dicebam uobis. Et nunc quid detineat scitis: ut reueletur in suo tempore. Nam misterium iam operatur iniquitatis. Tantum ut qui tenet nunc teneat donec de medio fiat. Et tunc reuelabitur ille iniquus quem dominus interficiet spiritu oris sui: et destruet illustracione: aduentus sui.

Gradale.

Qui regis israel intende qui deducis uelud ouem ioseph. *℣.* Qui sedes super cherubyn appare coram effraym beniamin et manasse. *℣.* Excita domine potenciam tuam et ueni ut saluos facias nos.

Secundum Lucam.

Anno quintodecimo imperii tyberii cesaris procurante poncio pilato tetrarcha autem galilee herode. philippo autem fratre eius tetrarcha iturię et trachonitidis regionis. et lysania

abiline tetrarcha sub principibus sacerdotum anna et caypha : factum est uerbum domini super iohannem zacharie filium in deserto. Et uenit in omnem regionem iordanis : predicans baptismum penitencie in remissionem peccatorum sicut scriptum est in libro sermonum ysaie prophete. Uox clamantis in deserto : parate uiam domini. rectas facite semitas eius. Omnis uallis implebitur. et omnis mons et collis humiliabitur. et erunt praua indirecta. et aspera in uias planas. Et uidebit omnis caro salutare dei.

Offertorium.

EXulta satis filia syon predica filia ierusalem ecce rex tuus uenit tibi sanctus et saluator.

Secretum.

Super has fidelium hostias domine propicio uultu respice : et quia nostris meritis non ualemus : hiis potius muneribus tuo occursui mundemur. Per.

Communio.

EXultauit ut gigas ad currendam uiam a summo celo egressio eius et occursus eius usque ad summum eius.

Postcommunio.

Quesumus domine deus noster ut sacrosancta misteria que pro reparacionis nostre munimine contulisti : et presens nobis remedium esse facias et futurum. Per.

Dominica iiii. Officium.

Memento nostri domine in beneplacito populi tui uisita nos in salutare tuo ad uidendum in

bonitate electorum tuorum in leticia gentis tue ut lauderis cum hereditate tua. *Ps.* Confitemini domino.

Oratio.

EXcita domine quesumus potentiam tuam et ueni : et magna nobis uirtute succurre : ut auxilium gracie tue quod nostra peccata prepediunt. indulgentia tue/ propicia- [fo. 16. cionis acceleret. Qui uiuis. et regnas cum deo patre.

Ad philippenses.

FRatres : Gaudete in domino semper : iterum dico gaudete. Modestia uestra nota sit omnibus hominibus. Dominus prope est. Nichil solliciti sitis : set in omni oracione et obsecratione cum graciaram accione petitiones uestre innotescant apud deum. Et pax dei que exuperat omnem sensum custodiat corda uestra et intelligencias uestras. In christo ihesu : domino nostro.

Gradale.

Prope est dominus omnibus. *V.* Laudem domini. *ut supra in iiii. feria.* Alleluya. *V.* Ueni domine et noli tardare relaxa facinora plebis tue.

Iohannem.

IN illo tempore : Miserunt iudei ab iherosolimis sacerdotes et leuitas ad iohannem ut interrogarent eum. Tu quis es ? Et confessus est : et non negauit. Et confessus est : quia non sum ego christus. Et interrogauerunt eum. Quid ergo ? Helyas es tu ? Et dixit. Non sum. Propheta es tu ? Et respondit.

Non. Dixerunt ergo ei. Quis es ut responsum demus hiis qui miserunt nos. Quid dicis de te ipso? Ait. Ego uox clamantis in deserto: dirigite uiam domini sicut dixit ysaia propheta. Et qui missi fuerant: erant ex phariseis. Et interrogauerunt eum: et dixerunt ei. Quid ergo baptizas si tu non es christus neque helias neque propheta? Respondit eis iohannes dicens. Ego baptizo in aqua: medius autem uestrum stetit quem uos nescitis. Ipse est qui post me uenturus est qui ante me factus est cuius non sum dignus ut soluam eius corrigiam calciamenti. Hec autem in bethania facta sunt trans iordanem: ubi erat iohannes baptizans.

Offertorium.

Confortamini et iam nolite timere ecce enim deus noster retribuet iudicium ipse ueniet ut saluos nos faciat.

Secretum.

Sacrificiis presentibus quesumus domine intende placatus: quibus ad filii tui natiuitatem suscipiendam purificemur. Qui tecum.

Prefacio.

Qui cum unigenito.

Communio.

Ecce uirgo.

Postcommunio.

Populum tuum quesumus domine donorum tuorum largitate proseguere: ut a malis omnibus sacramentorum tuorum

uirtute protectus. ad ineffabile misterium celebrandum. et mente preparetur et corpore. Per.

Feria iiii. Leccio epistole beati petri apostoli.

Karissimi: Unum hoc non lateat uos: quia unus/ dies apud dominum [fo. 16. b. sicut mille anni. et mille anni sicut dies unus. Non tardat dominus promissi: set pacienter agit propter uos nolens aliquos perire. set omnes ad penitentiam reuerti. Adueniet autem dies domini ut fur. in quo celi magno impetu transeunt. elementa uero calore soluentur. Cum hec igitur omnia dissoluenda sunt: quales esse oportet nos in sanctis conuersacionibus et pietatibus expectantes et properantes in aduentum diei dei. Per quem celi ardentes soluentur: et elementa ignis ardore tabescent. Nouos uero celos. et nouam terram. et promissa ipsius expectamus. in quibus iusticia habitat. Propter quod karissimi hec expectantes: sategite immaculati et inuiolati ei: inueniri in pace.

Secundum matheum.

In illo tempore: Uidens iohannes multos phariseorum et saduceorum uenientes ad baptismum suum: dixit eis. Progenies uiperarum quis demonstrauit uobis fugere a uentura ira. Facite ergo fructum dignum penitencie: et ne uelitis dicere intra uos patrem habemus abraham. Dico enim uobis quoniam potens est deus de lapidibus istis suscitare filios abrahe. Iam enim securis ad radi-

cem arborum posita est. Omnis ergo arbor que non facit fructum bonum excidetur et in ignem mittetur. Ego quidem baptizo uos in aqua in penitenciam: qui post me uenturus est forcior me est, cuius non sum dignus calciamenta portare. Ipse baptizabit: in spiritu sancto et igni.

Feria vi. Leccio ysaie prophete.

HEc dicit dominus: Emitte agnum domine dominatorem terre: de petra deserti ad montem filie syon. Et erit sicut ouis fugiens et pulli nido auolantes: sic erunt filie moab in transcensu arnon. Ini consilium, coge consilium, pone quasi noctem umbram tuam. In meridie absconde fugientes: et uagos ne perdas. Habitabunt apud te profugi mei: moab esto latibulum eorum a facie uastatoris. Finitus est enim puluis: consummatus est miser, defecit qui conculcabat terram. Et preparabitur in misericordia solium eius: et sedebit super illud in ueritate in tabernaculo dauid, iudicans et querens iudicium: et uelociter reddens quod iustum est. Ait dominus: omnipotens.

Secundum Iohannem. [fo. 17.

IN illo tempore: Iohannes testimonium perhibens de domino: clamabat dicens. Hic erat quem dixi, qui post me uenturus est ante me factus est quia prior me erat. Et de plenitudine eius nos omnes accepimus gratiam pro gracia. Quia lex per moysen data est, gracia et ueritas per ihesum christum facta

est. Deum nemo uidit umquam. Unigenitus qui est in sinu patris: ipse enarrauit.

In uigilia natalis domini ad missam officium.

HOdiesciatis quia ueniet dominus et saluabit nos et mane uidebitis gloriam eius. *Ps.* Domini est terra. Gloria patri.

Oratio.

DEus qui nos redemptionis nostre annua expectatione letificas, presta ut unigenitum tuum quem redemptorem leti suscepimus, uenientem quoque iudicem securi uideamus dominum nostrum ihesum christum filium tuum.

Leccio ysaie prophete.

HEc dicit dominus. Propter syon non tacebo, et propter ierusalem non quiescam: donec egrediatur ut splendor iustus eius, et saluator eius ut lampas accendatur. Et uidebunt gentes iustum tuum: et cuncti reges inclitum tuum. Et uocabitur tibi nomen nouum: quod os domini nominauit. Et eris corona glorie in manu domini: et dyadema regni in manu dei tui. Non uocaberis ultra derelicta: et terra tua non uocabitur amplius desolata. Set uocaberis uoluntas mea in ea: et terra tua inhabitabitur, quia complacuit domino in te.

Ad Romanos.

FRatres: Paulus seruus christi ihesu uocatus apostolus segregatus in euuangelium dei quod ante promiserat per pro-

phetas suos in scripturis sanctis de filio suo qui factus est ei ex semine dauid. secundum carnem: qui predestinatus est filius dei in uirtute secundum spiritum sanctificationis ex resurrectione mortuorum ihesu christi domini nostri. Per quem accepimus gratiam et apostolatam ad obediendum fidei in omnibus gentibus pro nomine eius. In quibus estis et uos uocati: ihesu christi domini nostri.

Gradale.

Hodie scietis quia: ueniet dominus et saluabit uos et mane uidebitis gloriam eius. *V.* Qui regis israel intende qui deducis uelut ouem ioseph qui sedes super cherubyn appare coram effraym beniamyn et manasse.

Si in dominica euenerit.

Alleluya. Crastina die delebitur iniquitas terre. et regnabit super nos saluator mundi.

Secundum matheum.

IN illo tempore: Cum esset desponsata mater [fo. 17. b. ihesu maria ioseph: antequam conuenirent inuenta est maria¹ in utero habens de spiritu sancto. Ioseph autem uir eius cum esset iustus et noluit eam traducere: uoluit occulte dimittere eam. Hec autem eo cogitante: ecce angelus domini in sompnis apparuit ei dicens. Ioseph fili dauid: noli timere accipere mariam coniugem tuam. Quod enim in ea natum est: de spiritu sancto est. Pariet tibi filium: et uocabis nomen eius ihesum. Ipse enim saluum faciet populum suum: a peccatis eorum.

¹ Struck out with a red line.

Offertorium.

Tollite portas principes uestras et eleuamini porte eternales et introibit rex glorie.

Secretum.

DA nobis quesumus omnipotens deus. ut sicut adoranda filii tui natalicia preuenimus. sic eius munera capiamus sempiterna gaudentes. Qui tecum.

Communio.

Reuelabitur gloria domini. et uidebit omnis caro salutare dei nostri.

Postcommunio.

DA nobis domine unigeniti filii tui recensita natiuitate respirare. cuius celesti mysterio pascimur et potamur. Qui tecum.

Missa in gallicantu. officium.

Dominus dixit ad me filius meus es tu ego hodie genui te. *Ps.* Postula a me. Gloria patri.

Oracio.

DEus qui hanc sacratissimam noctem ueri luminis fecisti illustracione clarescere: da quesumus. ut cuius lucis misteria in terra cognouimus. eius quoque gaudiis in celo perfruamur. Qui tecum.

Leccio ysaie prophete.

Hec dicit dominus. Populus qui ambulabat in tenebris: uidit lucem magnam. Habitantibus in regione umbre mortis: lux orta est eis. Paruulus enim natus est nobis. filius datus est nobis. Et factus est principatus

super humerum eius. et uocabitur nomen eius admirabilis. consiliarius. deus fortis. pater futuri seculi. princeps pacis. Multiplicabitur eius imperium: et pacis non erit finis. Super solium dauid. et super regnum eius sedebit: ut confirmet illud et corroboret in iudicio et iusticia. Amodo et usque in sempiternum.

Ad titum.

KArissime¹: Apparuit gracia dei saluatoris nostri omnibus hominibus erudiens nos: ut abnegantes impietatem et secularia desideria sobrie et iuste et pie uiuamus in hoc seculo. Expectantes beatam spem: et aduentum glorie magni dei et saluatoris/ [fol. 18. nostri ihesu christi: qui dedit semetipsum pro nobis ut nos redimeret ab omni iniquitate et mundaret sibi populum acceptabilem. sectatorem bonorum operum. Hec loquere: et exhortare. In christo ihesu: domino nostro.

Gradale.

TEcum principium in die uirtutis tue in splendoribus sanctorum ex utero ante luciferum genui te. *Ÿ.* Dixit dominus domino meo sede a dextris meis. donec ponam inimicos tuos scabellum pedum tuorum. Alleluya. *Ÿ.* Dominus dixit ad me filius meus es tu. ego hodie genui te.

Sequencia.

NAtō canunt omnia domino pie agmina. Sillabatim pneumata perstringendo organica. Hac die sacrata in qua noua sunt gaudia mundo plene dedita. Hac nocte

¹ Sic.

precelsa intonuit et gloria in uoce angelica. Fulserunt et immania nocte media pastoribus lumina. Dum fouent sua pecora subito diua percipiunt monita. Natus alma uirgine qui extat ante secula. Est immensa in celo gloria pax et in terra. Sic ergo celi caterua altissime iubila. Et tanto canore tremat alta poli machina. Sonet et per omnia hac in die gloria uoce clara reddita. Humana concrepent cuncta deum natum in terra. Confracta sunt imperia hostis crudelissima. Pax in terra reddita. Nunc letentur omnia nati per exordia. Solus qui condidit omnia. Solus qui tuetur omnia. Ipse sua pietate soluat omnia peccata nostra.

Secundum lucam.

IN illo tempore: Exiit edictum a cesare augusto: ut describeretur uniuersis orbis. Hec descriptio prima facta est: a preside syrie cyrino. Et ibant omnes: ut profiterentur singuli in suam ciuitatem. Ascendit autem et ioseph a galilea de ciuitate nazareth: in iudeam ciuitatem dauid que uocatur bethleem. eo quod esset de domo et familia dauid. ut profiteretur cum maria desponsata sibi uxore pregnante. Factum est autem cum essent ibi: impleti sunt dies ut pareret. Et peperit filium suum primogenitum. Et pannis eum inuoluit: et reclinauit eum in presepio. quia non erat ei locus in diuersorio. Et pastores erant in regione eadem: uigilantes et custodientes uigilias noctis. super gregem suum. Et ecce angelus domini stetit iuxta illos. et claritas dei circumfulsit illos. et timuerunt timore magno.

Et dixit illis angelus. Nolite timere. Ecce enim euangelizo uobis gaudium magnum quod erit omni populo: quia natus est nobis hodie saluator qui est christus dominus/ in [fo. 18. b. ciuitate dauid. Et hoc uobis signum. Inuenietis infantem pannis inuolutum et positum in presepio. Et subito facta est cum angelo multitudo milicie celestis: laudantium deum et dicentium. Gloria in excelsis deo. et in terra pax hominibus: bone uoluntatis. Credo.

Offertorium.

L Etentur celi et exultet terra ante faciem domini quoniam uenit.

Secretum.

ACcepta sit tibi quesumus domine hodiernae festiuitatis oblatio. ut tua gracia largiente. per hec sacrosancta commercia in illius inueniamur forma. in quo tecum est nostra substantia. Qui tecum.

Prefacio.

Quia per incarnati.

Infra canonem.

Communicantes et noctem.

Communio.

IN splendoribus sanctorum ex utero ante luciferum genui te.

Postcommunio.

DA nobis quesumus domine deus noster ut qui natiuitatem domini nostri ihesu christi nos frequentare gaudemus: dignis conuersacionibus ad eius mereamur peruenire consorcium. Qui tecum.

Missa in primo mane officium.

Lux fulgebit hodie super nos quia natus est nobis dominus. et uocabitur admirabilis deus princeps pacis pater futuri seculi cuius regni non erit finis. Ps. Dominus regnauit decorem. Gloria.

Oracio.

DA quesumus omnipotens deus ut qui noua incarnati uerbi tui luce perfundimur: hoc in nostro resplendeat opere. quod per fidem fulget in mente. Per eundem.

Leccio ysaie prophete.

Hec dicit dominus. Spiritus domini super me eo quod unxerit me: ad annunciandum mansuetis misit me. Ut mederer contritis corde. et predicarem captiuis indulgentiam et clausis apercionem ut predicarem annum placabilem domino: et diem ulcionis deo nostro. Ut consolarer omnes lugentes: et ponerem fortitudinem lugentibus syon. Et darem eis coronam pro cinere oleum gaudii pro luctu. pallium laudis pro spiritu meroris. Et uocabuntur in ea fortes iusticie: plantacio domini ad glorificandum. Ecce dominus auditum fecit in extremis terre Dicite filie syon. Ecce saluator tuus uenit: ecce merces eius cum eo: et opus illius coram illo. Et uocabunt eos populus sanctus: redempti a domino deo nostro.

Ad titum.

KArissime¹: Apparuit benignitas et humanitas saluatoris nostri dei: non ex

¹ Sic.

operibus/ iusticie que [fo. 19. fecimus nos: set secundum misericordiam suam saluos nos fecit. Per lauacrum regeneracionis et renouacionis spiritus sancti quem effudit in nos habunde per ihesum christum saluatorem nostrum. Ut iustificati gracia ipsius: heredes simus secundum spem uite eterne. In christo ihesu: domino nostro.

Gradale.

Benedictus qui uenit in nomine domini deus dominus et iluxit nobis. *℣.* A domino factum est istud et est mirabile in oculis nostris. Alleluya. *℣.* Dominus regnauit decorem induit. induit dominus fortitudinem et precinxit se uirtute.

Sequencia.

Letabundus exultet fidelis chorus alleluya. Regem regum intacte profudit chorus res miranda. Angelus consilii natus est de uirgine sol de stella. Sol occasum nesciens stella semper rutilans semper clara. Sicut sydus radium profert uirgo filium pari forma. Neque sydus radio neque uirgo filio fit corrupta. Cedrus alta libani conformatur ysopo ualle nostra. Uerbum ens altissimi corpërari passum est carne sumpta. Ysayas precinit synagoga meminit numquam tamen desinit esse ceca. Si non suis uatibus credat uel gentilibus sibilinis uersibus hec predicta. Infelix propera. crede uel uetera. cur dampnaberis gens misera. Quem docet litera. natum considera. Ipsum genuit puerpera.

Secundum Lucam.

IN illo tempore: Pastores loquebantur adinuicem. Transeamus usque bethleem.

et uideamus hoc uerbum quod factum est quod fecit dominus et ostendit nobis. Et uenerunt festinantes: et inuenerunt mariam et ioseph et infantem positum in presepio. Uidentes autem cognouerunt de uerbo. quod dictum erat illis de puero hoc. Et omnes qui audierunt mirati sunt et de hiis que dicta erant a pastoribus ad ipsos. Maria autem conseruabat omnia uerba hec conferens in corde suo. Et reuersi sunt pastores glorificantes et laudantes deum: in omnibus que audierant et uiderant: sicut dictum est ad illos.

Offertorium.

Dominus enim firmauit orbem terre qui non commouebitur parata sedes tua deus extunc a seculo tu es.

Secretum.

Munera nostra quesumus domine natiuitatis hodiernæ misteriis apta proueniant ut sicut homo genitus idem refulsit deus. sic nobis hec terrena substantia conferat quod diuinum est. Per eundem.

Prefacio.

Quia per incarnati.

Infra canonem.

Communicantes et diem.

Communio.

Exulta filia syon lauda filia ierusalem. ecce rex tuus uenit tibi sanctus et saluator mundi.

Postcommunio.

Huius nos domine sacramenti/ semper [fo. 19. b. nouitas natalis instauret: cuius

natiuitas singularis humanam repulit uetustatem. Per eundem.

Sancte Anastasie martiris.

Oracio.

DA quesumus omnipotens deus ut qui beate anastasiae martiris tue sollempnia colimus: eius apud te patrocini-
nia senciamus. Per.

Secretum.

ACcipe quesumus domine munera dignanter oblata. et beate anastasiae suffragantibus meritis ad nostre salutis auxilium prouenire concede. Per.

Postcommunio.

SAciaſti domine familiam tuam muneribus sacris: cuius quesumus ſemper interuentione nos reſoue. cuius ſollempnia celebramus. Per.

Missa in die natalis domini officium.

PUer natus est nobis. et filius datus est nobis. cuius imperium super humerum eius et uocabitur nomen eius magni consilii angelus. *Ps.* Multiplicabitur eius imperium et pacis non erit finis.

Oracio.

COncede quesumus omnipotens deus ut nos unigeniti tui noua per carnem natiuitas liberet: quos sub peccati iugo uetusta seruitus tenet. Per eundem.

Leccio ysaie prophete.

HEc dicit dominus. Propter hoc sciet populus meus nomen meum in die illa: quia

ego ipse qui loquebar ecce assum. Quam pulchri super montes pedes annunciantis et predicantis pacem annunciantis bonum. predicantis salutem dicentis. Syon: regnabit deus tuus: Uox speculatorum tuorum leuauerunt uocem. simul laudabunt: quia oculo ad oculum uidebunt cum conuerterit dominus syon. Gaudete et laudate simul deserta ierusalem: quia consolatus est dominus populum suum redemit ierusalem. Parauit dominus brachium suum in oculis omnium gentium: et uiderunt omnes fines terre salutare dei nostri.

Leccio epistole beati pauli apostoli: Ad hebreos.

FRatres: Multiphariam multisque modis olim deus loquens patribus in prophetis: nouissime diebus istis locutus est nobis in filio quem constituit heredem uniuersorum per quem fecit et secula. Qui cum sit splendor glorie. et figura substantie eius portansque omnia uerbo uirtutis sue purgacionem peccatorum faciens. sedet ad dexteram magestatis/ in [fo. 20. excelsis tanto melior angelis effectus. quanto differencius pre illis. nomen hereditauit. Cui enim dixit aliquando angelorum. Filius meus es tu: ego hodie genui te. et rursum. ego ero illi in patrem: et ipse erit michi in filium. Et cum iterum introducit primogenitum in orbem terre dicit. Et adorent eum omnes angeli dei. Et ad angelos quidem dicit. Qui facit angelos suos spiritus: et minis-

tros suos flammam ignis. Ad filium autem. Thronus tuus deus in seculum seculi: uirga equitatis uirga regni tui. Dilexisti iusticiam et odisti iniquitatem propterea unxit te deus deus tuus oleo exultacionis pre participibus tuis. Et tu in principio domine terram fundasti: et opera manuum tuarum sunt celi. Ipsi peribunt tu autem permanebis: et omnes ut uestimentum ueterascent. Et uelud amictum mutabis eos, et mutantur. Tu autem idem ipse es: et anni tui non deficient.

Gradale.

Uiderunt omnes fines terre salutare dei nostri iubilate deo omnis terra. *V.* Notum fecit dominus salutare suum ante conspectum gentium reuelauit iusticiam suam. Alleluya. *V.* Dies sanctificatus illuxit nobis uenite gentes et adorate dominum quia hodie descendit lux magna super terram.

Sequencia.

Celica resonent clare camenas agmina. Nunc regis celebrando gratulantur nupcias. Lux noua iam terras illustrat ueteres pellens tenebras. Reserat superna gracia diu clausa palacia. Felix mater et sola intacta eterna puerpera. Iam¹ nato stas grauida cum uiri sis cubilis nescia. Omnis caterua nostra te rogat domina. Soluas ut nostra cuncta peccaminum uincula uirgo sempiternae beata. Digna fuisti sola tollentem crimina. Intra uteri claustra portare qui gubernat omnia supera infera. Hunc sua laudant facta gaudendo bona qua uiuunt super essencia. Nos humillima tuba

¹ A letter elided between *iam* and *nato*.

damus debita poscentes eius clemenciam. Ut nostra prestans tempora nunc quieta. Det placida frui uita. Utilia donando famulis munera. Hac inter nos discrimina. seu soluens. Post funera derelictam. Sedem ducat mortis ac malorum ignaram. Ubi ad dexteram patris almam sedens conregnat. Potenter cuncta disponendo cum eo secla. Beata iustis donans omnibus premia. Preclara qua lux uere micat que est salus eterna et nostra gloria.

Inicium sancti euuangelii secundum Iohannem.

IN principio erat uerbum et uerbum erat apud deum: et deus erat uerbum. Hoc erat in principio/ apud [fo. 20 b. deum. Omnia per ipsum facta sunt: et sine ipso factum est nichil. Quod factum est in ipso uita erat: et uita erat lux hominum. Et lux in tenebris lucet: et tenebre eam non comprehenderunt. Fuit homo missus a deo: cui nomen erat iohannes. Hi¹ uenit in testimonium: ut testimonium perhiberet de lumine. ut omnes crederent per illum. Non erat ille lux: set ut testimonium perhiberet de lumine. Erat lux uera: que illuminat omnem hominem uenientem in hunc mundum. In mundo erat et mundus per ipsum factus est: et mundus eum non cognouit. In propria uenit. et sui eum non receperunt. Quotquot autem receperunt eum: dedit eis potestatem filios dei fieri hiis qui credunt in nomine eius. Qui non ex sanguinibus neque ex uoluntate

¹ Sic.

carnis neque ex uoluntate
carnis¹ set ex deo nati sunt.
Et uerbum caro factum est: et
habitauit in nobis. Et uidimus
gloriam eius: gloriam quasi
unigeniti a patre. Plenum gra-
cie: et ueritatis.

Offertorium.

Tui sunt celi et tua est terra
orbem terrarum et plenitu-
dinem eius tu fundasti iusticia et
iudicium preparacio sedis tue.

Secretum.

Oblata domine munera noua
unigeniti tui natiuitate
sanctifica. nos quoque a pecca-
torum nostrorum maculis
emunda. Per eundem.

Prefacio.

Quia per incarnati,

Infra canonem.

Communicantes et diem.

Communio.

Uiderunt omnes fines terre salu-
tare dei nostri.

Postcommunio.

Presta quesumus omnipotens
deus: ut natus hodie
saluator mundi. sicut diuine
nobis generacionis est auctor.
ita et immortalitatis sit ipse
largitor. Qui tecum.

*Sancti stephani prothomartiris
officium.*

ETenim sederunt principes et
aduersum me loquebantur. et
iniqui persecuti sunt me adiuua me
domine deus meus quia seruus tuus
exercebatur in tuis iustificacionibus.
Ps. Beati immaculati. Gloria.

¹ Sic.*Oracio.*

DA nobis quesumus domine
imitari quod colimus: ut
discamus et inimicos diligere:
quia eius natalicia celebramus.
qui nouit eciam pro persecutori-
bus exorare. dominum nostrum
ihesum christum filium tuum.

Leccio actuum apostolorum.

IN diebus illis: Stephanus
plenus gracia et fortitudine:
faciebat prodigia et signa magna
in populo. Sur/rexerunt [fo. 21.
autem quidam de synagoga que
appellatur libertinorum et cyren-
ensium. et alexandrinorum: et
eorum qui erant a cilicia et
asya: disputantes cum stephano.
Et non poterant resistere sapien-
cie: et spiritui qui loquebatur.
Audientes autem hec: disceca-
bantur cordibus suis et stridebant
dentibus in eum. Cum autem
esset stephanus plenus spiritu
sancto: intendens in celum uidit
gloriam dei. et ihesum stantem a
dextris uirtutis dei. et ait.
Ecce uideo celos apertos: et
filium hominis stantem a dextris
uirtutis dei. Exclamantes autem
uoce magna: continuerunt aures
suas et impetum fecerunt unani-
miter in eum. Eteicientes eum
extra ciuitatem: lapidabant.
Et testes¹ miserunt uestimenta
sua secus pedes adolescentis:
qui uocabatur saulus. Et
lapidabant stephanum: inuo-
cantem et dicentem. Domine
ihesu: suscipe spiritum meum.
Positis autem genibus: ex-
clamauit uoce magna dicens.
Domine: ne statuas illis hoc
peccatum. Et cum hoc dixisset:
obdormiuit in domino.

¹ Sic.

Gradale.

SEderunt principes et aduersum me loquebantur et iniqui persecuti sunt me. *V.* Adiua me domine deus meus saluum me fac propter misericordiam tuam. Alleluia. *V.* Uideo celos apertos et ihesum stantem a dextris uirtutis dei.

*Secretum.*¹

Magnus deus in uniuersa terra. Alleluia. Magna sunt eius ubique in celo atque in terra opera. Qui est rex regum dominus omnium a patre genitus ante secula. Cuius caritas uera celo subleuat stephanum de terra. Atque perenni uita ornat candida digniter corona. Plenus etenim stephanus deitate atque gracia. Magna dabat prodigia docens uerissima dogmata. Cum autem predicaret iam presenciam. Nostre redempcionis noua gaudia. Intento in superna celi patet ianua. Dixitque circumstanti plebi uoce publica. Sacra plenus gracia. Ecce dei uideo admirabilem gloriam. Claritate fulgidam. Atque ihesum stantem ad uirtutis dei dexteram. Cum hoc audisset impia gens iudaica. Dans fremitum concita. Quassat lapidibus stephani membra. Sed stat fortiter paciens martir et orat. Ne eis christe noxam statuas. Set iam accipe animam meam. Et cum hoc dixisset in domino obdormiuit pace eterna. Tu et nobis martir o stephane sempiterna impetra gaudia.

Matheum.

IN illo tempore: Dicebat ihesus turbis iudeorum et principibus sacerdotum. Ecce ego mitto ad uos prophetas et sapientes et scribas: et ex illis occidetis et crucifigetis. et ex eis flagellabitis in [fo. 21. b.

¹ Sic. for *Sequencia*.

synagogis uestris. et persequimini de ciuitate in ciuitatem. Ut ueniat super uos omnis sanguis iustus qui effusus est super terram: a sanguine abel iusti usque ad sanguinem zacharie filii barachie. quem occidistis inter templum et altare. Amen dico uobis: uenient hec omnia super generationem istam. Ierusalem ierusalem que occidis prophetas et lapidas eos qui ad te missi sunt: quociens uolui congregare filios tuos quemadmodum gallina congregat pullos suos sub alas et noluisti. Ecce relinquetur uobis: domus uestra deserta. Dico enim uobis: non me uidebitis amodo donec dicatis. Benedictus qui uenit: in nomine domini.

Offertorium.

ELegerunt apostoli stephanum leuitam plenum fide et spiritu sancto quem lapidauerunt iudei orantem et dicentem domine ihesu. accipe spiritum meum. alleluia.

Secretum.

SAcrificium tibi domine placacionis in hac beatissimi stephani leuite sollempnitate deferimus. cuius nos precibus. hec redempcionis nostre suffragia et intelligere quesumus concedas et assequi. Per.

Prefacio.

Quia per incarnati.

Infra canonem.

Communicantes.

Communio.

Uideo celos apertos et ihesum stantem a dextris uirtutis dei. domine ihesu accipe spiritum meum

et ne statuas illis hoc peccatum quia nesciunt quid faciunt.

Postcommunio.

BEatus leuita stephanus domine nobis misterium quod sumpsimus efficiat salutare. qui post mortem filii tui laurea martirum primus meruit coronari. Per eundem.

Sancti Iohannis euuangeliste officium.

IN medio ecclesie aperuit os eius et impleuit eum dominus spiritu sapientie et intellectus stola glorie induit eum. *Ps.* Iocunditatem et exultacionem thesaurizabit super eum. Gloria.

Oracio.

ECclesiam tuam domine benignus illustra: ut beati iohannis euuangeliste illuminata doctrinis. ad dona perueniat sempiterna. Per.

Leccio libri sapientie.

QUI timet deum: faciet bona: Et qui continens est iusticie apprehendit illam: et obuiabit illi quasi mater honorificata. Cibabit illum pane uite et intellectus: et aqua sapientie salutaris potabit illum. Et firmabitur in illo et non flectetur: et continebit illum et non confundetur. et exaltabit illum apud proximos suos. In medio ecclesie aperuit os eius: et implebit eum [fo. 22. dominus spiritu sapientie et intellectus. et stola glorie induit eum. Iocunditatem et exultacionem: thesaurizabit super eum. Et nomine eterno hereditabit illum: dominus deus noster.

Gradale.

EXit sermo inter fratres quod discipulus ille non moritur.

Y. Set sic eum uolo manere donec ueniam tu me sequere. Alleluya. *Y.* Hic est discipulus ille qui testimonium perhibet de hiis et scimus quia uerum est testimonium eius.

Sequencia.

Iohannes ihesu christo multum dilecte uirgo. Alleluya. Tu eius amore carnalem. In naui parentem liquisti. Tu teue coniugis pectus respuisti messyiam secutus. Ut eius pectoris sacra meruisses. fluente potare. Tu que in terra positus gloriam conspexisti filii dei. Que solum sanctis in uita creditur contuenda esse per henni. Te christus in cruce triumphans matri sue dedit custodem. Ut uirgo uirginem seruares atque curam suppeditares. Tute carcere flagrisque fractus testimonio pro christi es gauisus. Idem mortuos suscitans inque ihesu nomine uenenum forte uincis. Tibi summus tacitum ceteris uerbum suum pater reuelat. Tu nos omnes precibus sedulis apud deum semper commenda. Iohannes christi care.

Iohannem.

IN illo tempore: Dixit ihesus petro. Sequere me. Conuersus autem petrus: uidit illum discipulum quem diligebat ihesus sequentem qui et recubuit in cena super pectus eius. et dixit. Domine: quis est qui tradet te? Hunc ergo cum uidisset petrus dicit ihesu. Domine: hic autem quid? Dicit ei ihesus. Sic eum uolo manere. donec ueniam. Quid ad te? Tu me sequere. Exiuit ergo sermo iste inter fratres: quod discipulus ille non moritur: Et non dixit ei ihesus quia non moritur: set sic eum uolo manere donec ueniam. Hic est discipulus qui testimonium perhibet de hiis: et scripsit hec.

Et scimus quia uerum est: testimonium eius.

Offertorium.

Iustus ut palma florebit sicut cedrus que in libano est multiplicabitur.

Secretum.

Plebis tue omnipotens deus oblationem beati iohannis apostoli et euangeliste magestrati tue commendet oratio. cuius gloriosa predicatione uerbi tui patefacta est incarnatio. Per eundem.

Prefacio.

Quia per incarnati.

Infra canonem.

Communicantes.

Communio.

Exiit sermo inter fratres quod discipulus ille non moritur. et non dixit ihesus non moritur set sic eum uolo manere donec ueniam.

Postcommunio.

Beati euangeliste iohannis natalicia recolentes domine/ sancta misteria [fo. 22. b. percepimus exorantes: ut eius doctrinis. tam de uerbi tui diuinitate perpetua. quam de humanitate carius assumpta reddamur instructi. Per eundem.

In natali sanctorum innocencium officium.

Ex ore infancium deus et lactencium perfecisti laudem propter inimicos tuos. *Ps.* Domine dominus noster. Gloria patri.

Oratio.

Deus cuius hodierna die preconiū innocentes martires non loquendo sed moriendo confessi sunt: omnia in nobis uiciorum mala mortifica: ut fidem tuam quam lingua nostra loquitur. etiam moribus uita fateatur. Per.

Leccio libri apocalypsis Iohannis apostoli.

In diebus illis. Uidi supra montem syon agnum stantem: et cum eo centum quadraginta quatuor milia habentes nomen eius. et nomen patris eius scriptum in frontibus suis. Et audiui uocem de celo tanquam uocem aquarum multarum: et tanquam uocem tonitruui magni. Et uocem quam audiui: sicut cytharedorum cytharizancium in cytharis suis. Et cantabant quasi canticum nouum ante sedem dei: et ante quatuor animalia et seniores. Et nemo poterat dicere canticum nisi illa centum quadraginta quatuor milia qui empti sunt de terra. Hii sunt qui cum mulieribus non sunt coinquinati: uirgines enim sunt. Hii secuntur agnum: quocumque ierit. Hii empti sunt ex omnibus primicie deo et agno: et in ore eorum non est inuentum mendacium. Sine macula sunt: ante thronum dei.

Gradale.

Anima nostra sicut passer erepta est de laqueo uenancium. *Ps.* Laqueus contritus est et nos liberati sumus adiutorium nostrum in nomine domini qui fecit celum et terram. Alleluya. *Ps.* Mirabilis dominus noster in sanctis suis.

Sequencia.

CElsa pueri concrepent melodia.
 Pia innocentum colentes tri-
 pudia. Quos infans christus hodie
 uexit in astra. Hos trucidauit fren-
 dens insania. Herodis fraudis ob
 nulla crimina. In bethleem ipsius
 cuncta et per confinia. A bimatu
 et infra iuxta nascendi tempora.
 Herodes rex christi nati uerens infe-
 lix imperia. Intremittit totus et erigit
 arma superba dextera. Querit lu-
 cem et celiregem cum mente turbida.
 Ut extinguat qui uitam prestat per
 sua iacula. Dum non ualent intueri
 lucem splendidam nebulosa que-
 rentis pectora. Ira feruet/ [fo. 23.
 fraudes auget herodes seuus ut per-
 dat piorum agmina. Castra militum
 dux iniquus aggregat. ferrum figit in
 membra tenera. Inter ubera lac
 effudit antequam sanguinis fierent
 coagula. Hostis nature natos euis-
 cerat atque iugulat. Ante proster-
 nit quam etas paruula sumat robor.
 Quam beata sunt innocentum ab
 herode cesa corpuscula. Quam felices
 existunt matres que fuderunt talia
 pignora. O dulces innocentum
 acies o pia lactentum pro christo
 certamina. Paruorum trucidantur
 milia membris ex teneris manant
 lactis flumina. Ciues angelici ueni-
 unt in obuiam. Mira uictoria uite
 captat premia turba candidissima.
 Te christe quesumus mente deuotis-
 sima. Nostra qui uenisti reformare
 secula innocentum gloria. Perfrui
 nos concedas per eterna.

Matheum.

IN illo tempore: Angelus do-
 mini apparuit in sompnis
 ioseph dicens. Surge et accipe
 puerum et matrem eius et fuge
 in egyptum: et esto ibi usque
 dum dicam tibi. Futurum est
 enim: ut herodes querat puerum

ad perdendum eum. Qui con-
 surgens accepit puerum et ma-
 trem eius et secessit in egyptum:
 et fuit ibi usque ad obitum
 herodis. Ut adimpleretur quod
 dictum est per prophetam dicen-
 tem. Ex egypto uocaui filium
 meum. Tunc herodes uidens
 quoniam illusus esset a magis:
 iratus est ualde. Et mittens
 occidit omnes pueros qui erant
 in bethleem et in omnibus fini-
 bus eius a bimatu et infra: se-
 cundum tempus quod exquisierat
 a magis. Tunc adimpletum est
 quod dictum est per ieremiam
 prophetam dicentem. Uox in
 rama audita est ploratus et ulu-
 latus multus: rachel plorans
 filios suos. Et noluit consolari:
 quia non sunt.

Offertorium.

ANima nostra sicut passer erepta
 est de laqueo uenancium la-
 queus contritus est et nos liberati
 sumus.

Secretum.

ADesto domine muneribus
 innocentium festiuitate
 sacrandis. et presta ut eorum
 sinceritatem possimus imitari.
 quorum tibi dicatam ueneramur
 infanciam. Per.

Prefacio.

Quia per incarnati.

Infra canonem.

Communicantes.

Communio.

UOx in rama audita est ploratus
 et ululatus multus rachel plo-
 rans filios suos et noluit consolari
 quia non sunt.

Postcommunio.

Utiua domine dona percepimus. que sanctorum innocentium nobis precibus. et presentis quesumus uite pariter et eterne tribue conferre subsidium. Per.

In natali [1*Sancti* [fo. 23. b. Thome archiepiscopi et martiris. Officium.]]

Gaudeamus omnes in domino de cuius [passione]. *Ps.* Exultate iusti.

Oracio.

D

sue salutarem consequantur effectum. Per [*Epistola*] Omnis p[ontifex].

Gradale.

[Sacerdotes eius.] *Ps.* [Illuc] Alleluia. *Ps.* [Inueni Dauid seruum].²

Sequencia.

PER unius ortum floris circa finem temporis creuit florum copia. Flos hic florum christus fuit qui per carnem floruit ut florerent omnia. Ex hoc flore singulari sorte quadam compari florum surgunt milia. Dum a christo sumunt uires quos decreuit martires sola christi gracia. Hos ut hostes odit mundus hos ut ciues rubicundus sponsus ille diligit. Qui ad suum dyadema roseum et candens

¹ The mass for St. Thomas has been erased, most likely in the time of Henry VIII. The restoration of the sequence is due to the application of ammonium-sulphide. (See Preface.) The collect, except the five last words, has been completely erased. The words between brackets are mainly conjectural.

² Cf. *Commune unius confessoris*.

scema pari uoto colligit. Hii triumphant in agone hii de christi passione sibi pingunt stigmata. Fide firmi spe robusti ferro cesi flammis usti set nunc habent sabbata. Inter tales celi flores inter primos et maiores uernat thomas flos anglorum. Qui pastoris curam nactus pastorales gessit actus uiam tenens perfectorum. Non hunc pompa mundi fregit non terrena uis coegit ut exponat lupis gregem. Uicit carnem. mundum spreuit qui mundanum non decreuit set celestem sequi regem. Si uis nosse floris ortum nostri thome norunt ortum felices londonie. Urbs insignis urbs fecunda urbs excellens nec secunda constantini glorie. In hoc orto flos est natus cuius totus uite status per successus floruit. Primo regis candidatus primus regni post sacratu primas esse meruit. Hic armatus zelo recti dum non potest nec uult flecti exulat ad libitum. Reuocatus ense cadit sic flos¹ florem tradit thomas christo spiritum. Iam exutus tunica thomas ope medica flagrescit per secula. Licet non compareat nec in carne floreat floret per miracula. Cuius excellencia gratiam de gracia prefert egris alleluia.

Euuangelium.

EGO sum pastor. *Require dominica prima post octauas pasce.*

Offertorium.

POSuisti domine bonus.

Secretum.

MUnera tibi domine dicata sanctifica et intercedente beato thoma martire tuo atque pontifice per eadem nos placatus intende. Per dominum.

¹ Florum? *add.*

Prefacio.

Quia per incarnati.

Infra canonem.

Communicantes.

Communio.

Beatus seruus.

Postcommunio.

Adiuuet nos quesumus omnipotens et misericors deus per hec sancta que sumpsimus beati/ thome martiris [fo. 24. tui atque pontificis intercessio ueneranda. qui pro tui nominis honore glorioso meruit coronari martirio. Per.

*Dominica prima post octauam
Natalis officium.*

Dom medium silencium tenerent omnia. et nox in suo cursu medium iter haberet omnipotens sermo tuus domine de celis a regalibus sedibus uenit. *Ps.* Qui regis. Gloria patri.

Oratio.

Omnipotens sempiterne deus. dirige actus nostros in beneplacito tuo: ut in nomine dilecti filii tui mereamur bonis operibus habundare. Per eundem.

Ad galathas.

Fratres: Quanto tempore heres paruulus est: nichil differt a seruo cum sit dominus omnium. Sed sub tutoribus et actoribus est: usque ad prefinitum tempus a patre. Ita et nos cum essemus paruuli: sub elementis huius mundi eramus seruiantes. At ubi uenit plenitudo temporis

misit deus filium suum factum ex muliere factum sub lege ut eos qui sub lege erant redimeret. ut adoptionem filiorum recipere-mus. Quoniam autem estis filii dei: misit deus spiritum filii sui in corda nostra clamantem abba pater. Itaque iam non est seruus: sed filius. Quod si filius: et heres per deum.

Gradale.

Spectiosus forma pre filiis hominum. diffusa est gracia in labiis tuis. *Ps.* Eructauit cor meum uerbum bonum dico ego opera mea regi lingua mea calamus scribe uelociter scribentis. Alleluya. *Ps.* Dominus regnauit decorem induit. induit dominus fortitudinem et precinxit se uirtute.

Secundum Lucam.

In illo tempore: Erant Ioseph et maria mater ihesu mirantes: super hiis que dicebantur de illo. Et benedixit illis sytheon: et dixit ad mariam matrem eius. Ecce positus est hic in ruinam et in resurrectionem multorum in israel: et in signum cui contradicetur. Et tuam ipsius animam pertransibit gladius: ut reuelentur ex multis cordibus cogitationes. Et erat anna prophetissa filia phanuel de tribu aser. Hec processerat in diebus multis. et uixerat cum uiro suo annis septem a uirginitate sua. Et hec uidua usque ad annos octoginta quatuor que non discedebat de templo ieiuniis et obsecrationibus seruiens die ac nocte. Et hec ipsa hora superueniens confitebatur domino: et loquebatur de illo omnibus qui expectabant redemptionem ierusalem. Et ut perfecerunt omnia secundum

legem domini/ reuersi [fo. 24. b. sunt in galileam in ciuitatem suam nazareth. Puer autem crescebat et confortabatur: plenus sapientia. Et gracia dei: erat cum illo.

Offertorium.

DEus enim firmavit. *Require in officio.* Lux fulgebit.

Secretum.

ACcepta domine sacrificium plebis tue quam ihesu christi filii tui domini nostri iubeas esse consortem. qui humanitatis nostre dignitatis est fieri particeps. Qui tecum.

Prefacio.

Quia per incarnati.

Communio.

Tolle puerum et matrem eius et uade in terram iuda defuncti sunt enim qui querebant animam pueri.

Postcommunio.

Sumpto sacrificio domine tua generaliter exultet ecclesia. quo infirmitates eius sunt absumpte. ut diuine particeps fieret ipsa substantie. Per dominum.

In circumcissione domini officium.

Puer natus. *Ps.* Multiplicabitur.

Oratio.

DEus qui nobis nati saluatoris diem celebrare concedis octauum: fac nos quesumus perpetua diuinitate muniri: cuius sumus carnali commercio reparati. Qui tecum.

Ad romanos.

FRatres: Arbitramur iustificari hominem per fidem: sine operibus legis. An iudeorum deus tantum? Nonne et gentium? Immo et gentium. Quoniam quidem unus deus iustificat circumcisionem ex fide: et prepucium per fidem. Legem ergo destruimus per fidem? Absit? Sed legem statuimus. Quid ergo dicimus inuenisse abraham patrem nostrum secundum carnem? Si enim abraham ex operibus legis iustificatus est: habet gloriam set non apud deum. Quid enim dicat scriptura? Credidit abraham deo: et reputatum est illi ad iusticiam. Ei autem autem¹ qui operatur: merces non imputatur secundum gratiam. sed secundum debitum. Ei uero quia non operatur: credenti autem in eam qui iustificat impium: reputatur fides eius ad iusticiam secundum propositum gracie dei. sicut et dauid dicit. beatitudinem hominis. cui deus accepto fert iusticiam sine operibus. Beati quorum remisse sunt iniquitates: et quorum tecta sunt peccata. Beatus uir cui non imputauit dominus peccatum. Beatitudo ergo hec in circumcissione tantum manet an etiam in prepucio? Dicamus enim: quia reputata est abrahe/ fides ad iusticiam. Quo- [fo. 25. modo ergo reputata est? In circumcissione an etiam in prepucio? Non in circumcissione: set in prepucio. Et signum accepit circumcissionis signaculum iusticie fidei que est in prepucio: ut sit pater omnium cre-

¹ Struck through with red line.

dencium in prepucium ut reputetur et illis ad iusticiam. et sit pater circumcisionis. Non hiis tantum qui sunt ex circumcisione: sed et hiis qui sectantur uestigia fidei. que est in prepucio: patris nostre¹ abrahe.

Gradale.

Uiderunt omnes. *℣.* Notum fecit. Alleluya. *℟.* Multipharie olim deus loquens in prophetis nouissime diebus istis locutus est nobis in filio suo.

Sequencia.

EYa recolamus laudibus piis digna. Alleluya. Huius diei gaudia in qua nobis lux oritur gratissima. Noctis interit nebula pereunt nostri criminis umbracula. Hodie seculo maris stella est enixa noue salutis gaudia. Quem tremunt baratra mors cruenta pauent ipsa a quo peribunt mortua. Gemit capta pestis antiqua coluber liuidus perdit spolia. Homo lapsus ouis abducta reuocatur ad eterna gaudia. Gaudent in hac die agmina angelorum celestia. Quia erat dragma decima perdita et est inuenta. O proles nimium beata qua redempta est natura. Deus qui creauit omnia nascitur ex femina. Mirabilis natura Mirifice induta. Assumens quod non erat manens quod erat. Induitur natura Diuinitas humana quis audiuit talia dic rogo facta. Querere uenerat pastor pius quod perierat. Induit galeam certat ut miles armatura. Prostratus in sua propria ruit hostis spicula auferuntur tela. In quibus fidebat diuisa sunt illius spolia. capta preda sua. Christi pugna fortissima salus nostra est uera. Qui nos suam ad patriam duxit post uictoriam. In qua sibi laus est eterna.

¹ Sic.

Secundum Lucam.

IN illo tempore: Postquam consummati sunt dies octo ut circumcideretur puer: uocatum est nomen eius ihesus. Quod uocatum est ab angelo: priusquam in utero conciperetur.

Offertorium.

Tui sunt.

Secretum.

Presta quesumus domine ut per hec munera que domini nostri ihesu christi archane natiuitatis misterio gerimus. purificate mentis. intelligenciam consequamur. Per eundem.

Prefacio.

Quia per incarnati.

Infra canonem.

Communicantes.

Communio.

Uiderunt omnes.

Postcommunio.

Presta quesumus domine. ut quod saluatoris mundi iterata/ festiuitate per- [fo. 25. b. cepimus. perpetue nobis saluationis conferat medicinam. Per eundem.

In uigilia epiphanie officium.

Lux fulgebit.

Oracio.

Corda nostra quesumus domine uenture festiuitatis splendor illustret. quo mundi huius tenebris carere ualeamus: et perueniamus ad patriam claritatis eterne. Per.

Epistola.

Apparuit gracia dei.

Gradale.

Benedictus qui uenit in nomine domini deus dominus et illuxit nobis. *℣.* A domino factum est istud et est mirabile in oculis nostris. Alleluya. *℣.* Dominus regnauit decorem induit. induit dominus fortitudinem et precinxit se uirtute.

Matheum.

In illo tempore: Defuncto herode: ecce angelus domini apparuit in sompnis ioseph in egypto dicens. Surge et accipe puerum et matrem eius: et uade in terram israel. Defuncti sunt enim qui querebant animam pueri. Qui consurgens accepit puerum et matrem eius: et uenit in terram israel. Audiens autem quod archelaus regnaret in iudea pro herode patre suo: timuit illo ire. Et admonitus in sompnis: recessit in partes galilee. Et ueniens habitauit in ciuitate que uocatur nazareth. Ut adimpleretur quod dictum est per prophetas: quoniam nazareus uocabitur.

Offertorium.

Deus enim firmauit orbem terre qui non commouebitur parata sedes tua deus extunc a seculo tu es.

Secretum.

Tribue quesumus domine. ut presentibus illum immolemus sacrificiis. et eum sumamus. quem uenture sollempnitatis pia munera preloquuntur. Qui tecum.

Communio.

Tolle puerum et matrem eius et uade in terram iudam. defuncti sunt enim qui querebant animam pueri.

Postcommunio.

DA nobis quesumus domine digne celebrare misterium quod in nostri saluatoris infancia miraculis choralibus declaratur: et corporalibus incrementis manifesta designatur humanitas. Per eundem.

In die epiphanie Officium.

Ecce aduenit dominator dominus et regnum in manu eius et potestas et imperium. *Ps.* Deus iudicium. Gloria.

Oracio.

Deus qui hodierna die unigenitum tuum gentibus stella duce reuelasti: concede propicius. ut qui iam te ex fide cognouimus. usque ad contemplandam speciem tue celsitudinis/ perducamur. Per [fo. 26. eundem.

Leccio ysaie prophete.

Surge illuminare ierusalem: quia uenit lumen tuum et gloria domini super te orta est. Quia ecce tenebre operient terram: et caligo populos. Super te autem orietur dominus: et gloria eius in te uidebitur. Et ambulabunt gentes in lumine tuo: et reges in splendore ortus tui. Leua in circuitu oculos tuos et uide: omnes isti congregati uenerunt tibi. Filii tui de longe uenient: et filie tue delate resurgent. Tunc uidebis et afflues et mirabitur et dilatabitur

cor tuum: quando conuersa fuerit ad te multitudo maris fortitudo gentium uenerit tibi. Inundacio camelorum operiet te dromedarii maidan et effa. Omnes de saba uenient. aurum et thus deferentes: et laudem domino annunciantes.

Gradale.

OMnes de saba uenient aurum et thus deferentes et laudem domino annunciantes. *℣.* Surge illuminare ierusalem quia gloria domini super te orta est. Alleluya. *℣.* Uidimus stellam eius in oriente et uenimus cum muneribus adorare dominum.

Sequencia.

EPIphaniam domino canamus gloriosam. Alleluya. Qua prolem dei ueram magi adorant. Imensam caldei cuius persequere uenerantur potenciam. Quem cuncti prophete precinare uenturum gentes ad saluandas. Cuius maiestas ita est inclinata ut assumeret serui formam. Ante secula qui deus et tempora homo factus est in maria. Balaam de quo uaticinans exhibit ex iacob rutilans inquit stella. Et confringet ducum agmina regionis moab maxima potencia. Huic magi munera deferunt preclara aurum simul thus et mirram. Thure deum predicant auro regem magnum hominem mortalem mirra. In sompnis hos monet angelus ne redeant ad regem commotum propter regna. Pauebat etenim nimium regem natum uerens amittere regni iura. Magi dicta sibi implentes monita. Pergunt alacres itinera patriam. Que eos ducebant ad propriam linquentes herodis mandata. Qui percussus corde nimium pre ira. Extemplo mandat infantes per cuncta. Inquiri bethleem

M. WESTM.

confinia. et mox priuari eos uita. Omnis ergo nunc caterua tinnulum iungat laudibus organi neupma. Mistice offerens regi regum christo munera preciosa. Poscens ut per orbem regna omnia protegat in secla sempiterna.

Secundum matheum.

CUM natus esset ihesus in bethleem iude in diebus herodis regis. ecce magi ab oriente uenerunt ierusalem dicentes. Ubi est qui natus est/ rex iudeorum? [fo. 26. b. Uidimus enim stellam eius in oriente: et uenimus cum muneribus adorare eum. Audiens autem herodes rex turbatus est: et omnis ierusalima cum illo. Et congregans omnes principes sacerdotum et scribas populi: sciscitabatur ab eis ubi christus nasceretur. At illi dixerunt ei. In bethleem iude. sic enim scriptum est per prophetam. Et tu bethleem terra iuda. nequaquam minima es in principibus iuda. Ex te enim exiet dux: qui regat populum meum israel. Tunc herodes clam uocatis magis: diligenter didicit ab eis tempus stelle que apparuit eis. Et mittens illos in bethleem dixit. Ite et interrogate diligenter de puero. Et cum inueneritis renunciate michi: ut et ego ueniens adorem eum. Qui cum audissent regem abierunt. Et ecce stella quam uiderant in oriente antecibat¹ eos usque dum ueniens staret supra ubi erat puer. Uidentes autem stellam: gauisi sunt gaudio magno ualde. Et intrantes domum: inuenerunt puerum cum maria matre eius.

¹ Sic.

et procidentes: adorauerunt eum. Et apertis thesauris suis: optulerunt ei munera. Aurum: thus. et mirram. Et responso accepto in sompnis ne rēdirent ad herodem: per aliam uiam reuersi: sunt in regionem suam.

Offertorium.

REges tharsis et insule munera offerent reges arabum et saba dona adducent et adorabunt eum omnes reges terre omnes gentes seruiant ei.

Secretum.

ECclesie tue quesumus domine dona propicius intueri. quibus non iam aurum. thus. et mirra profertur. set quod eisdem muneribus declaratur immolatur et sumitur. ihesus christus dominus noster.

Prefacio.

ETerne deus. Quia cum unigenitus tuus in substantia nostre carnis apparuit: in nouam nos immortalitatis sue lucem reparauit. Et ideo.

Communicantes et diem sacratissimum celebrantes quo unigenitus tuus in tua tecum gloria coeternus in ueritate carnis nostre uisibiliter corporalis apparuit. Set et memoriam uenerantes. In primis gloriose semper uirginis.

Communio.

UIdimus stellam eius in oriente et uenimus cum muneribus adorare dominum.

Postcommunio.

PResta quesumus omnipotens deus: ut quod sollempni celebramus/ officio. puri- [fo. 27. ficate mentis intelligencia consequamur.

*Dominica infra octauam.**Secundum matheum.*

IN illo tempore: Uenit ihesus a galilea in iordanem ad iohannem. ut baptizaretur ab eo. Iohannes autem prohibebat eum dicens. Ego a te debeo baptizari: et tu uenis ad me? Respondens autem ihesus: et dixit ei. Sine modo. Sic enim decet nos implere omnem iusticiam. Tunc dimisit eum. Baptizatus autem ihesus: confestim ascendit de aqua. Et ecce aperti sunt celi et uidit spiritum dei descendentem sicut columbam. et uenientem super se. Et ecce uox de celis dicens. Hic est filius meus dilectus: in quo michi bene complacui.

*In octaua epiphanie.**Officium.*

ECce aduenit.

Oratio.

DEus cuius unigenitus in substantia nostre carnis apparuit presta quesumus: ut per eum quem similem nobis. foris agnouimus. intus reformari mereamur. Qui tecum.

Leccio ysaie prophete.

Domine deus honorificabo te: laudem tribuam nomini tuo qui facis mirabiles res. Consilium tuum antiquum uerum fiat. Domine excelsum

est brachium tuum deus sabaoth corona spei que ornata est gloria. Exultet desertum: et exultent solitudines iordanis. Et populus meus uidebit altitudinem domini et magestatem dei. et erit congregatus et redemptus per deum. Et ueniet in syon cum leticia. et leticia sempiterna super capud eius laus et exultacio. Et aperiam in montibus flumina. in mediis campis fontes dirumpam. et terram sicientem sine aqua infundam. Ecce puer meus exaltabitur et eleuabitur: et sublimis erit ualde. Haurietis aquas in gaudio de fontibus saluatoris: et dicetis in illa die. Confitemini domino et inuocate nomen eius. Notas facite in populis uirtutes eius cantate domino quia mirabilia fecit. Annunciate hoc in uniuersa terra. Dicit dominus: omnipotens.

Gradale.

OMnes de saba. *Ps.* Surge illuminare. Alleluia. *Ps.* Uidimus stellam.

Secundum Iohannem.

IN illo tempore: Uidit iohannes ihesum uenientem ad se: et ait. Ecce agnus dei ecce qui tollit peccata mundi. Hic est de quo dixi. Post me uenit uir qui ante me factus est quia prior me erat. Et ego nesciebam eum. Set ut manifestaretur in israel: propterea ueni [fo. 27. b. ego in aqua baptizans. Et testimonium perhibuit iohannes dicens: quia uidi spiritum descendentem quasi columbam de celo: et mansit super eum. Et

ego nesciebam eum. Et qui misit me baptizare in aqua: ille michi dixit. Super quem uideris spiritum descendentem et manentem super eum hic est qui baptizat in spiritu sancto. Et ego uidi et testimonium perhibui: quia hic est filius dei.

Offertorium.

REges tharsis.

Secretum.

HOSTIAS tibi domine pro nati filii tui apparicione deferimus suppliciter exorantes. ut sicut idem auctor est munerum. ita ipse misericors sit etceptor. Qui tecum.

Prefacio.

Quia cum unigenitus.

Infra canonem.

Communicantes.

Communio.

Uidimus stellam.

Postcommunio.

CELESTI lumine quesumus domine semper et ubique nos preueni: ut misterium cuius nos participes esse uoluisti. et puro cernamus intuitu. et digno percipiamus effectum. Per.

Dominica prima post octauam epiphanie. officium.

IN excelso throno uidi sedere uirum quem adorat multitudo angelorum psallentes in unum ecce cuius imperii numen est in eternum. *Ps.* Iubilare deo omnis terra: psalmum dicite nomini eius date gloriam laudi eius.

Oracio.

UOta quesumus domine supplicantis populi celesti pietate proseguere: ut et que agenda sunt uideant et adimplenda que uiderint conualescant. Per.

Ad romanos.

FRatres: Obsecro uos per misericordiam dei: ut exhibeatis corpora uestra hostiam uiuentem, sanctam, deo placentem, rationabile obsequium uestrum. Et nolite conformari huic seculo, set reformamini in nouitate sensus uestri. Ut probetis que sit uoluntas dei bona et beneplacens: et perfecta. Dico enim per gratiam que data est michi omnibus qui sunt inter uos non plus sapere quam oportet sapere, set sapere ad sobrietatem. Et unicuique sicut deus diuisit mensuram fidei. Sicut enim in uno corpore multa membra habemus, omnia autem membra non eundem actum habent, ita multi unum corpus sumus in christo. Singuli autem: alter alterius membra. In christo ihesu: domino nostro.

Gradale.

Benedictus dominus deus israel qui facit mirabilia magna solus a seculo. *℣.* Suscipiant montes pacem populo tuo et colles iusticiam. Alleluia. *℣.* Iubilare deo omnis terra seruite domino in leticia.

Secundum Lucam. [fo. 28.]

IN illo tempore: Cum factus esset ihesus annorum duodecim: ascendentibus illis iheru-

solimam: secundum consuetudinem diei festi. Consummatisque diebus cum redirent, remansit puer in ierusalem, et non cognouerunt parentes eius. Existimantes autem illum esse in comitatu: uenerunt iter diei et requirebant eum inter cognatos et notos. Et non inuenientes: regressi sunt in iherusalem requirentes eum. Et factum est post triduum inueniunt illum in templo sedentem in medio doctorum audientem eos et interrogantem. Stupabant autem omnes qui eum audiebant: super prudentia et responsis eius. Et uidentes admirati sunt. Et dixit mater eius ad illum. Fili: quid fecisti nobis sic? Ecce pater tuus et ego: dolentes querebamus te? Et ait ad illos: quid est quod me querebatis? Nesciebatis quia in hiis que patris mei sunt: oportet me esse? Et ipsi non intellexerunt uerbum: quod locutus est ad illos. Et descendit cum eis et uenit nazareth: et erat subditus illis. Et mater eius conseruabat omnia uerba hec in corde suo. Et ihesus proficiebat sapientia etate et gracia: apud deum et homines.

Offertorium.

Iubilare deo omnis terra iubilate deo omnis terra seruite domino in leticia intrate in conspectu eius in exultacione quia dominus ipse est deus.

Secretum.

Oblatum tibi domine sacrificium uiuificet nos semper et muniat. Per dominum.

Prefacio.

Quia per incarnati.

Communio.

Fili quid fecisti nobis sic ego et pater tuus dolentes querebamus te et quid est quod me querebatis. nesciebatis quia in hiis que patris mei sunt oportet me esse.

Postcommunio.

Tua domine sancta libantes : et perfecte capiamus purgacionis effectum. et continuum diuine defensionis auxilium. Per.

Dominica ii. post octauam epiphanie officium.

Omnis terra adoret te deus et psallat tibi psalmum dicat nomini tuo altissime. *Ps.* Iubilate deo omnis terra. i.

Oracio.

Omnipotens sempiterne deus qui celestia simul et terrena moderaris : supplicationes populi tui clementer exaudi : et pacem tuam nostris concede temporibus. Per.

Ad Romanos.

Fratres : Habentes donationes. secundum gratiam que data est nobis differentes. Siue prophetiam : secundum rationem fidei. Siue ministerium in/ministrando : [fo. 28. b. siue qui docet in doctrina. Qui exhortatur in exhortando : qui tribuit in simplicitate. qui preest in sollicitudine. qui miseretur in hilaritate. Dileccio sine simulacione. Odientes malum : adherentes bono. Caritatem fraternitatis : inuicem diligentes. Honore inuicem preuenientes.

Sollicitudine non pigri. Spiritu feruentes : domino seruientes. Spe gaudentes : in tribulacione patientes. Oracioni instantes : necessitatibus sanctorum communicantes hospitalitatem secutantes. Benedicite persequentibus uos : benedicite et nolite maledicere. Gaudere cum gaudentibus : flere cum flentibus. Idipsum inuicem sentientes : non alta sapientes : sed humilibus consencientes.

Gradale.

Misit dominus uerbum suum et sanauit eos. et eripuit eos de interitu eorum. *Ÿ.* Confiteantur domino misericordie et mirabilia eius filiis hominum. Alleluya. *Ÿ.* Dominus regnauit exultet terra. letentur insule multe.

Secundum Iohannem.

In illo tempore : Nupcie facte sunt in chana galilee : et erat mater ihesu ibi. Vocatus est autem ihesus : et discipuli eius. ad nupcias. Et deficiente uino : dicit mater ihesu ad eum. Unum non habent. Et dicit ei ihesus. Quid michi et tibi est mulier? Nondum uenit hora mea. Dicit mater eius ministris. Quodcumque dixerit uobis facite. Erant autem ibi lapidee ydrie sex posite secundum purificationem iudeorum : capientes singule metretas binas uel ternas. Dicit ei ihesus. Implete ydrias aqua. Et impleuerunt eas : usque ad summum. Et dixit eis ihesus. Haurite nunc : et ferte architriclino. Et tulerunt. Ut autem gustauit architriclinus aquam uinum factum et non sciebat unde esset ministri

autem sciebant qui hauserant aquam: uocat sponsum architriclinus. et dicit ei. Omnis homo primum bonum uinum ponit: et cum inebriati fuerint tunc id quod deterius est: tu autem seruasti uinum bonum adhuc. Hoc fecit initium signorum ihesus in chana galilee: et manifestauit gloriam suam. Et crediderunt in eum: discipuli eius.

Offertorium.

Iubilate deo omnis terra iubilate deo omnis terra psalmum dicite nomini eius uenite et audite et narrabo uobis omnes qui timetis deum quanta fecit dominus anime mee. Alleluya.

Secretum.

Placare domine sacrificio singulari. ut hoc celerius. [fo. 29. nobis misericordie tue dona conciliet. quod tibi super omnes hostias uoluisti munus offerri. Per dominum.

Prefacio.

Quia per incarnati.

Communio.

Dicit dominus inplete ydrias aqua et ferte architriclino dum gustasset architriclinus aquam uinum factum dicit sponso. seruasti bonum uinum usque adhuc hoc signum fecit ihesus primum coram discipulis suis.

Postcommunio.

Augeatur in nobis domine quesumus tue uirtutis operacio. ut diuinis uegetati sacramentis. ad eorum promissa capienda tuo munere preparemur. Per.

Feria iiii ad collocenses.

FRatres: Audistis dispensacionem dei que data est michi in uobis: ut impleam uerbum dei. Misterium quod absconditum fuit a seculis et generacionibus: nunc autem manifestatum est sanctis eius. Quibus uoluit deus notas facere diuicias glorie sacramenti huius in gentibus. quod est christus in uobis spes glorie. Quem uos annunciamus corripientes omnem hominem: et docentes omnem hominem in omni sapiencia. Ut exhibeamus omnem hominem perfectum. In christo ihesu domino nostro.

Secundum marcum.

[I¹] N illo tempore: Egressus ihesus abiit in patriam.

Secundum lucam.

IN illo tempore: Descendens ihesus in capharnaum.

Dominica iii officium.

ADorate dominum omnes angeli eius audiuit et letata est syon et exultauerunt filie iude. *Ps.* Dominus regnauit exultet.

Oracio.

OMnipotens sempiterne deus infirmitatem nostram propicius respice: atque ad protegendum nos dexteram tue magestatis extende. Per dominum.

Ad romanos.

FRatres: Nolite esse prudentes apud uosmetipsos: nulli malum pro malo reddentes. Prouidentes bona: non tantum

¹ I omitted in MS.

coram deo set etiam coram omnibus hominibus. Si fieri potest quod ex uobis est cum omnibus hominibus pacem habentes. Non uosmetipsos defendentes karissimi : set date locum ire. Scriptum est enim. Michi uindictam : et ego retribuam dicit dominus. Sed si esurierit inimicus tuus : ciba illum. Si sitit : potum da illi. Hoc enim faciens : carbones ignis congeres super capud eius. Noli uinci a malo : set uince in bono malum.

Gradale.

Timebunt gentes nomen tuum domine et omnes reges terre gloriam tuam. *V.* Quoniam edificauit dominus syon et uidebitur in magestate sua. Alleluya. / [fo. 29. b. *V.* Laudate deum omnes angeli eius laudate eum omnes uirtutes eius.

matheum.

IN illo tempore : Cum descendisset ihesus de monte. secute sunt eum turbe multe. et ecce leprosus ueniens adorabat eum dicens. Domine : si uis potes me mundare. Et extendens ihesus manum : tetigit eum dicens. Uolo : mundare. Et confestim mundata est lepra eius. Et ait illi ihesus. Uide nemini dixeris. Set uade ostende te sacerdoti : et offer munus quod precepit moyses in testimonium illis. Cum autem introisset capharnaum : accessit ad eum centurio rogans eum et dicens. Domine : puer meus iacet in domo paraliticus : et male torquetur. Et ait illi ihesus. Ego ueniam : et curabo eum. Et respondens centurio ait. Domine : non sum dignus

ut intres sub tectum meum : set tantum dic uerbo et sanabitur puer meus. Nam et ego homo sum sub potestate constitutus : habens sub me milites. Et dico huic uade : et uadit. Et alio ueni : et uenit. Et seruo meo fac hoc et facit. Audiens autem ihesus miratus est : et sequentibus se dixit. Amen dico uobis : non inueni tantam fidem in israel. Dico autem uobis : quod multi ab oriente et occidente uenient et recumbent cum abraham et ysaac et iacob in regno celorum. Filii autem regni : eicientur in tenebras exteriores. Ibi erit fletus : et stridor dencium. Et dixit ihesus centurioni. Uade : et sicut credidisti fiat tibi. Et sanatus est puer : ex illa hora.

Offertorium.

Dextera domini fecit uirtutem dextera domini exaltauit me non moriar set uiuam et narrabo opera domini.

Secretum.

Uite perpetue misteria ueneranda recolimus te domine deprecantes ut et deuotis eadem sacrificiis. et dignis operibus assequantur. Per.

Prefacio.

Quia per incarnati.

Communio.

Mirabantur omnes de hiis que procedebant de ore dei.

Postcommunio.

Quos tantis domine largiris uti misteriis. quesumus ut effectibus eorum ueraciter aptare digneris. Per.

Dominica iiii. officium.

ADorate deum omnes. *Ps.*
Dominus regnauit.

Oracio.

DEus qui nos in tantis periculis constitutos pro humana scis fragilitate non posse subsistere: da nobis salutem mentis et corporis: ut ea que pro peccatis nostris patimur te adiuuante uincamus. *Per.*

Ad romanos.

FRatres: Nemini quicquam/ debeatis nisi ut in- [fo. 30. uicem diligatis. Qui enim diligit proximum: legem impleuit. Nam non adulterabis. non occides non furaberis. non falsum testimonium dices. non concupisces rem proximi tui. Et si quod est aliud mandatum: in hoc uerbo instauratur. Diliges proximum tuum: sicut teipsum. Dileccio proximi: malum non operatur. Plenitudo ergo legis: est dileccio.

Gradale.

Timebunt gentes. *Ps.* Quoniam edificauit. Alleluia. *Ps.* Laudate.

Secundum matheum.

IN illo tempore: Ascendente ihesu in nauiculam: secuti sunt eum discipuli eius. Et ecce motus magnus factus est in mari: ita ut nauicula operiretur fluctibus. Ipse uero dormiebat. Et accesserunt et suscitauerunt eum dicentes. Domine salua nos perimus. Et dicit eis ihesus. Quid timidi estis modice fidei? Tunc surgens imperauit uentis et mari: et facta est

tranquillitas magna. Porro homines mirati sunt dicentes. Qualis est hic? Quia uenti et mare: obediunt ei.

Offertorium.

DExtera domini.

Secretum.

COncede quesumus omnipotens deus: ut huius sacrificii munus oblatum. fragilitatem nostram ab omni malo purget semper et muniat. *Per.*

Prefacio.

Quia per incarnati. *Si post purificationem euenerit dicitur prefacio de trinitate.*

Communio.

MIrabantur.

Postcommunio.

MUnera tua nos deus delectationibus terrenis expediant. et celestibus semper instruant alimentis. *Per.*

Dominica v^a. officium.

ADorate deum.

Oracio.

FAmiliam tuam quesumus domine continua pietate custodi: ut que in sola spe gracie celestis innititur. tua semper protectione muniatur. *Per dominum.*

Ad colocenses.

FRatres: Induite uos sicut electi dei sancti et dilecti uiscera misericordie: benignitatem. humilitatem. modestiam. pacienciam. supportantes in-

uicem et donantes uobismetipsis. Si quis aduersus aliquem habet querelam: sicut et dominus donauit uobis ita et uos. Super omnia autem hec caritatem habentes: quod est uinculum perfectionis. Et pax christi exultet in cordibus nostris: in qua et uocati estis in uno corpore. Et grati estote: et uerbum christi habitet in uobis habundanter. In omni sapientia docentes et commonentes/ [fo. 30. b. uosmetipsos: psalmis. ymnis. canticis spiritualibus in gracia cantantes in cordibus uestris deo. Omne quodcumque facitis in uerbo aut in opere: omnia in nomine domini ihesu christi gracias agentes deo et patri. Per ihesum christum: dominum nostrum.

Gradale.

Timebunt. *Ps.* Quoniam edificauit. Alleluia. *Ps.* Laudate.

Matheum.

IN illo tempore: Respondens ihesus: dixit. Confiteor tibi domine pater celi et terre: quia abscondisti hec a sapientibus et prudentibus et reuelasti ea paruulis. Ita pater: quoniam sic fuit placitum ante te. Omnia michi tradita sunt: a patre meo. Et nemo nouit filium nisi pater. neque patrem quis nouit nisi filius et cui uoluerit filius reuelare. Uenite ad me omnes qui laboratis et onerati estis: et ego reficiam uos. Tollite iugum meum super uos: et dicite quia mitis sum et humilis corde: et inuenietis requiem animabus uestris. Iugumenim meum suaue est: et onus meum leue.

Offertorium.

Dextera domini.

Secretum.

Suscipe quesumus domine tuorum oblaciones preces que seruorum ut sub tue protectionis auxilio: et collata non perdant. et que expetunt apprehendant. Per dominum.

Prefacio.

Quia per incarnati. *Si post purificationem euenerit dicatur prefacio de trinitate.*

Communio.

Mirabantur.

Postcommunio.

Quos munere celesti domine reficis. diuino tuere presidio. ut tuis perfruentes misteris. nullis subdantur aduersis. Per.

Dominica in septuagesima officium.

Circumdederunt me gemitus mortis dolores inferni circumdederunt me. et in tribulatione mea inuocaui dominum et exaudiuit de templo sancto suo uocem meam. *Ps.* Diligam te domine. Gloria patri.

Oracio.

Preces populi tui quesumus domine clementer exaudi: ut qui iuste pro peccatis nostris affligimur: pro tui nominis gloria misericorditer liberemur. Per.

Ad corinthios.

FRatres: Nescitis quod hii qui in stadio currunt. omnes quidem currunt. set unus accipit brauium? Sic currite. ut comprehendatis. Omnis enim qui in agone contendit: ab omnibus se abstinere. et illi quidem ut corruptibilem coronam accipiant: nos autem incorruptam. Ego igitur sic curro: non quasi in incertum. Sic pugno: non quasi aerem uerberans. Set castigo corpus meum et in serui/tutem [fo. 31. redigo: ne forte cum aliis predicauerim ipse reprobus efficiar. Nolo enim uos ignorare fratres: quoniam patres nostri omnes sub nube fuerunt. et omnes in moyse baptizati sunt in nube et mari. Et omnes eandem escam spiritualement manducauerunt. et omnes eundem potum spiritualement biberunt. Bibebant autem de spirituali: consequenti eos petra. Petra autem: erat christus.

Gradale.

Adiutor in oportunitatibus in tribulacione sperent in te qui nouerunt te quoniam non derelinquis querentes te domine. *℣.* Quoniam non in finem obliuio erit pauperis paciencia pauperum non peribit in eternum exurge domine non preualeat homo.

Tractus.

DE profundis clamaui ad te domine domine exaudi uocem meam. *℣.* Fiant aures tue intendentes in oracionem serui tui. *℣.* Si iniquitates obseruaueris domine domine quis sustinebit. *℣.* Quia

apud te propiciacio est et propter legem tuam sustinui te domine.

Secundum matheum.

IN illo tempore: Dixit ihesus discipulis suis parabolam hanc. Simile est regnum celorum homini patrifamilias: qui exiit primo mane conducere operarios in uineam suam. Conuencione autem facta cum operariis ex denario diurno: misit eos in uineam suam. Et egressus circa horam terciam: uidit alios stantes in foro ociosos et illis dixit. Ite et uos in uineam meam: et quod iustum fuerit dabo uobis. Illi autem abierunt. Iterum autem exiit circa sextam et nonam horam: et fecit similiter. Circa undecimam uero exiit: et inuenit alios stantes et dixit illis. Quid hic statis tota die ociosi? Dicunt ei. Quia nemo nos conduxit. Dicit illis. Ite et uos in uineam meam. Cum sero autem factum esset: dicit dominus uinee procuratori suo. Uoca operarios et redde illis mercedem: incipiens a nouissimis usque ad primos. Cum uenissent ergo qui circa undecimam horam uenerant: acceperunt singulos denarios. Uenientes autem et primi: arbitrati sunt quod plus essent accepturi. Acceperunt autem et ipsi: singulos denarios. Et accipientes: murmurabant aduersus patrem-familias dicentes. Hii nouissimi una hora fecerunt et pares illos nobis fecisti qui portauimus pondus diei et estus: At ille respondens: uni eorum dixit. Amice: non facio tibi iniuriam. Nonne/ ex denario [fo. 31. b.

conuenisti mecum. Tolle quod tuum est et uade. Uolo autem et huic nouissimo dare sicut et tibi. Annon licet michi quod uolo facere? an oculus tuus nequam est. quia ego bonus sum. Sic erunt nouissimi primi: et primi nouissimi. Multi enim sunt uocati: pauci uero electi.

Offertorium.

Bonum est confiteri domino et psallere nomini tuo altissime.

Secretum.

Muneribus nostris quesumus domine precibus que susceptis. et celestibus nos munda misteriis: et clementer exaudi. Per.

Prefacio.

Qui cum unigenito.

Communio.

Illumina faciem tuam super seruum tuum et saluum me fac in misericordia tua domine non confundar quoniam inuocaui te.

Postcommunio.

Fideles tui deus per tua dona firmentur. ut eadem et percipiendo requirant. et querendo sine fine percipiant. Per.

Dominica in sexagesima officium.

Exurge quare obdormis domine exurge et ne repellas in finem. quare faciem tuam auertis. obliuisceris tribulationem nostram adhesit in terra uenter noster. exurge domine adiuua nos et libera nos. *Ps.* Deus auribus nostris audiuiamus: patres nostri annunciauerunt nobis.

Oracio.

Deus qui conspicias quia ex nulla nostra accione confidimus: concede propicius: ut contra aduersa omnia doctoris gencium protectione muniamur. Per.

Ad corinthios.

FRatres: Libenter suffertis insipientes: cum sitis ipsi sapientes. Sustinetis enim: siquis uos in seruitutem redigit. Siquis deuorat. siquis accipit. si quis extollitur. siquis in faciem uos cedit. Secundum ignobilitatem dico: quasi nos infirmi fuerimus in hac parte: In quo quis audet? In insipientia dico: audeo et ego. Hebrei sunt: Et ego. Israelite sunt? Et ego. Semen abrahe sunt? Et ego. Ministri christi sunt: Et ego. Ut minus sapiens dico: Plus ego. In laboribus plurimis: in carceribus habundancius in plagis supra modum. in mortibus frequenter. A iudeis quinquies quadragenas una minus accepi. Ter uirgis cesus sum: semel lapidatus sum. ter naufragium feci. Nocte ac die: in profundum maris fui. In itineribus sepe: periculis fluminum. periculis latronum. periculis ex genere. periculis ex gentibus. periculis in ciuitate. periculis in solitudine. periculis in mari. periculis in falsis/fratribus. In labore [fo. 32. et erumpna: in uigiliis multis. In fame et siti: in ieiuniis multis in frigore et nuditate. Preter illa que extrinsecus sunt: instantia mea cotidiana sollicitudo omnium ecclesiarum. Quis infirmatur et ego non infirmor? Quis scanda-

lizatur et ego non uror? Si gloriari oportet: que infirmitatis mee sunt gloriabor. Deus et pater domini nostri ihesu christi scit qui est benedictus in secula: quia non mencior. *Diuisio.* Damasci prepositus gentis arethe regis custodiebat ciuitatem damascenorum ut me comprehenderet: et per fenestram in sporta dimissus sum: per murum: et sic effugi manus eius. Si gloriari oportet: non expedit quidem. Ueniam autem ad uisiones et reuelaciones domini. Scio hominem in christo ante annos quatuordecim siue in corpore siue extra corpus nescio. deus scit raptum huiusmodi usque ad tertium celum. Et scio huiusmodi hominem siue in corpore siue extra corpus nescio deus scit quoniam raptus est in paradysum. et audiuit archana uerba que non licet homini loqui. Pro huiusmodi gloriabor: pro me autem nichil nisi in infirmitatibus meis. Nam et si uolero gloriari: non ero insipiens. Ueritatem enim dicam. Parco autem nequis me existimet supra id quod uidet me: aut audit aliquid ex me. Et ne magnitudo reuelacionum extollat me: datus est stimulus carnis mee. angelus sathane qui me colaphizet. Propter quod ter dominum rogaui ut discederet a me: et dixit michi. Sufficit tibi gracia mea. Nam uirtus in infirmitate perficitur. Libenter igitur gloriabor in infirmitatibus meis: ut inhabitet in me: uirtus christi.

Gradale.

SCiant gentes quoniam nomen tibi deus. tu solus altissimus super omnem terram. *℣.* Deus meus pone illos ut rotam et sicut stipulam ante faciem uenti.

Tractus.

COMMouisti terram et conturbasti eam. *℣.* Sana contriciones eius quia commota est. *℣.* Ut fugiant a facie arcus ut liberentur dilecti tui.

Lucam.

IN illo tempore: Cum turba plurima conueniret. et de ciuitatibus properarent ad ihesum: dixit per similitudinem. Exiit qui seminat: seminare semen suum. Et dum seminat: aliud cecidit secus uiam et conculcatum est. et uolucres celi/ comederunt illud. [fo. 32. b. Et aliud cecidit supra petram: et natum aruit quia non habebat humorem. Et aliud cecidit inter spinas: et simul exorte spine suffocauerunt illud. Et aliud cecidit in terram bonam: et ortum fecit fructum centuplum. Hec dicens clamabat. Qui habet aures audiendi: audiat. Interrogabant autem eum discipuli eius: que esset hec parabola. Quibus ipse dixit. Uobis datum est nosse misterium regni dei: ceteris autem in parabolis. Ut uidentes non uideant. et audientes non intelligant. Est autem hec parabola. Semen est uerbum dei. Qui autem secus uiam: hii sunt qui audiunt. deinde uenit dyabolus. et tollit uerbum de corde eorum ne credentes salui fiant. Nam qui supra petram qui cum audierint: cum

gaudio suscipiunt uerbum. Et hii radices non habent; quia ad tempus credunt. et in tempore temptationis recedunt. Quod autem in spinis cecidit: hii sunt qui audierunt et a sollicitudinibus et diuiciis et uoluptatibus uite euntes suffocantur et non referunt fructum. Quod autem in terram bonam: hii sunt qui in corde bono et optimo audientes uerbum retinent. Et fructum afferunt: in paciencia.

Offertorium.

Perfice gressus meos in semitis tuis ut non moueantur uestigia mea inclina aurem tuam et exaudi uerba mea mirifica misericordias tuas qui saluos facis sperantes in te domine.

Secretum.

[I¹] Ntende quesumus domine hostiam familie tue. ut quam sacris muneribus facis esse participem: tribuas ad eius plenitudinem peruenire. Per.

Communio.

Introibo ad altare dei ad deum qui letificat iuuentutem meam.

Postcommunio.

Supplices te rogamus omnipotens deus: ut quos tuis reficis sacramentis. tibi eciam placitis moribus dignanter deseruere concedas. Per.

*Dominica in quinquagesima.**Officium.*

Esto michi in deum protectorem et in locum refugii ut saluum me facias. quoniam firmamentum meum et refugium meum es tu. et propter nomen tuum dux michi eris.

¹ I omitted in MS.

et enutries me. *Ps.* In te domine speraui. Gloria patri.

Oracio.

PReces nostras quesumus domine clementer exaudi: atque a peccatorum uinculis absolutos. ab omni nos aduersitate custodi. Per.

Ad corinthios.

FRatres Si linguis hominum loquar/ et ange-[fo. 33. lorum caritatem autem non habeam: factus sum uelud es sonans aut cymbalum tinniens. Et si habuero prophetiam et nouerim misteria omnia. et omnem scientiam. et si habuero omnem fidem ita ut montes transferam. caritatem autem non habeam nichil sum. Et si distribuero in cibos pauperum omnes facultates meas et si tradero corpus meum ita ut ardeam caritatem autem non habuero nichil michi prodest. Caritas pociens est. benigna est. Caritas non emulatur: non agit perperam non inflatur non est ambiciosa. non querit que sua sunt Non irritatur: non cogitat malum. non gaudet super iniquitate. congaudet autem ueritati. Omnia suffert. omnia credit. omnia sperat. omnia sustinet. Caritas numquam excidit. siue prophetie euacuabuntur. siue lingue cessabunt siue sciencia destruetur. Ex parte enim cognoscimus: et ex parte prophetamus. Cum autem uenerit quod perfectum est: euacuabitur quod ex parte est. Cum essem paruulus: loquebar ut paruulus. sapiebam ut paruulus. cogitabam

ut paruulus. Quando autem factus sum uir: euacuaui que erant paruuli. Uidemus nunc per speculum in enigmate: tunc autem facie ad faciem. Nunc cognosco ex parte. tunc autem cognoscam sicut et cognitus sum. Nunc autem manent: fides. spes. caritas. tria hec. Maior autem horum: est caritas.

Gradale.

TU es deus qui facis mirabilia solus. notam fecisti in populis uirtutem tuam. *℣.* Liberasti in brachio tuo populum tuum filios israel et ioseph.

Tractus.

Iubilate domino omnis terra. seruite domino in leticia. *℣.* Intrate in conspectu eius in exultatione. *℣.* Scitote quo dominus ipse est deus. *℣.* Ipse fecit nos et non ipsi nos nos autem populus eius et oues pascue eius.

Secundum Lucam.

IN illo tempore: Assumpsit ihesus duodecim discipulos suos: et ait illis. Ecce ascendimus iherosolimam: et consummabuntur omnia que scripta sunt per prophetas de filio hominis. Tradetur enim gentibus et illudetur. et flagellabitur et conspuetur. Et postquam flagellauerint occident eum: et die tertia resurget. Et ipsi nichil horum intellexerunt. Erat autem uerbum istud absconditum ab eis: et non intelligebant que dicebantur. Factum est autem. Cum appropinquaret: iherico/ cecus [fo. 33. b. quidam sedebat secus uiam

mendicans. Et cum audiret turbam pretereuntem: interrogabat quid hoc esset. Dixerunt autem ei: quod ihesus nazareus transiret. Et clamauit dicens. Ihesu fili dauid: miserere mei. Et qui preibant: increpabant eum ut taceret. Ipse uero multo magis clamabat: fili dauid miserere mei. Stans autem ihesus: iussit eum adduci ad se. Et cum appropinquasset interrogauit illum dicens. Quid tibi uis faciam? At ille dixit. Domine: ut uideam. Et ihesus: dixit illi. Respice. Fides tua: te saluum fecit. Et confestim uidit: et sequebatur illum magnificans deum. Et omnis plebs ut uidit: dedit laudem deo.

Offertorium.

Benedictus es domine doce me iustificationes tuas. benedictus es domine doce me iustificationes tuas in labiis meis pronunciam omnia iudicia oris tui.

Secretum.

Hec hostia domine quesumus emundet nostra delicta. et sacrificium celebrandum subditorum tibi corpora mentes que sanctificet. Per.

Communio.

Manducauerunt et saturati sunt nimis et desiderium eorum attulit eis dominus non sunt fraudati a desiderio suo.

Postcommunio.

Quesumus omnipotens deus: ut qui celestia alimenta percepimus: per hec contra omnia aduersa muniamur. Per.

Feria iiii. cinerum.

Misereris omnium domine et nichil odisti eorum que fecisti dissimulans peccata hominum propter penitenciam et parcens illis quia tu es dominus deus noster. *Ps.* Miserere mei deus. Gloria patri.

Oratio.

Presta domine fidelibus tuis : ut ieiuniorum ueneranda sollempnia. et congrua pietate suscipiant. et segura deuocione percurrant. Per.

Leccio Iohelis prophete.

Hec dicit dominus deus. Conuertimini ad me in toto corde uestro : in ieiunio et fletu et planctu. et scindite corda uestra. et non uestimenta uestra. Et conuertimini ad dominum deum uestrum quia benignus et misericors est paciens et multum misericors. prestabilis super malicia. Quis scit si conuertatur et ignoscat deus et relinquat post se benedictionem. Sacrificium et libamen : domino deo nostro. Canite tuba in syon. sanctificate ieiunium. uocate cetum. congregate populum. sanctificate ecclesiam. coadunate senes. congregate paruulos. et suggentes ubera. Egrediatur sponsus de cubili suo : et sponsa de thalamo suo./ inter [fo. 34. uestibulum et altare : plorabunt sacerdotes ministri domini et dicent. Parce domine parce populo tuo : et ne des hereditatem tuam in obprobrium. ut dominantur eis nationes. Quare dicunt in populis ubi est deus eorum. Zelatus est dominus terram suam : et pepercit populo suo. Et res-

pondit dominus : et dixit populo suo. Ecce ego mittam uobis frumentum et uinum et oleum : et replebimini in eis. et non dabo uos ultra obprobrium gentibus. Dicit dominus : omnipotens.

Gradale.

Miserere mei deus miserere mei quoniam in te confidit anima mea. *℣.* Misit de celo et liberauit me dedit in obprobrium conculcantes me.

Tractus.

Domine non secundum peccata nostra facias nobis neque secundum iniquitates nostras retribuas nobis. *℣.* Domine ne memineris iniquitatum nostrarum antiquarum cito anticipent nos misericordie tue quia pauperes facti sumus nimis. *℣.* Adiuua nos deus salutaris noster. et propter gloriam nominis tui domine libera nos. et propicius esto peccatis nostris propter nomen tuum.

Matheum.

In illo tempore : Dixit ihesus discipulis suis. Cum ieiunatis : nolite fieri sicut ypocrite tristes. Exterminant enim facies suas : ut appareant hominibus ieiunantes. Amen dico uobis : receperunt mercedem suam. Tu autem cum ieiunas : ungue capud tuum. et faciem tuam laua ne uidearis hominibus ieiunans. sed patri tuo qui est in abscondito. Et pater tuus qui uidet in abscondito reddet tibi. Nolite thesaurizare uobis thesauros in terra. ubi erugo et tinea demolitur. et ubi fures effodiunt et furantur. Thesaurizate autem uobis thesauros in celo : ubi neque erugo neque tinea demoli-

tur. et ubi fures non effodiunt nec furantur. Ubi enim est thesaurus tuus: ibi est et cor tuum.

Offertorium.

EXaltabo te domine quoniam suscepisti me nec delectasti inimicos meos super me domine clamaui ad te et sanasti me.

Secretum.

FAc nos quesumus domine hiis muneribus offerendis conuenienter aptari. quibus uenerabilis ieiunii celebramus exordium. Per.

Prefacio.

QUi corporali ieiunio uicia comprimis: mentem eleuas uirtutem largiris et premia. per christum dominum nostrum.

Communio.

QUi meditabitur in lege domini die ac nocte dabit fructum suum in tempore suo.

Postcommunio.

PErcepta nobis domine prebeant sacramenta subsidium/ ut et tibi grata [fo. 34. b. sint nostra ieiunia et nobis proficiant ad medelam. Per.

Super populum.

INclinantes se domine mages-tati tue propiciatus intende. ut qui diuino munere sunt refecti: celestibus semper nutriantur auxiliis. Per.

Feria v. officium.

DUm clamarem ad dominum exaudiuit uocem meam ab hiis qui appropinquant michi. et

humiliabit eos qui est ante secula et manet in eternum: iacta cogitatum tuum in domino. et ipse te enutriet. *Ps.* Exaudi deus oracionem meam et ne despexeris. Gloria.

Oracio.

DA quesumus domine fidelibus tuis ieiuniis paschalibus conuenienter aptari: ut suscepta sollempniter castigacio corporalis. cunctis ad fructum proficiat animarum. Per.

Leccio ysaie prophete.

IN diebus illis. Egrotauit ezechias usque ad mortem. et introiuit ad eum ysaias filius amos propheta. et dixit ei. Hec dicit dominus. Dispone domui tue: quia morieris tu et non uiues. Et conuertit ezechias faciem suam ad parietem: et orauit ad dominum et dixit. Obsecro domine memento queso quomodo ambulauerim coram te in ueritate et in corde perfecto. et quod bonum est in oculis tuis fecerim. Et fleuit ezechias fletu magno. Factumque est uerbum domini ad ysaia[m] dicens. Uade: et dic ezechie. Hec dicit dominus deus dauid patris tui. Audiui oracionem tuam: et uidi lacrimas tuas. Ecce ego adiciam super dies tuos quindecim annos et de manu regis assiriorum eruam te. et ciuitatem istam. et protegam eam. Dicit dominus: omnipotens.

Gradale.

IActa cogitatum tuum in domino et ipse te enutriet. *Ꝗ.* Dum clamarem ad dominum exaudiuit uocem meam ab hiis qui appropinquant michi.

Secundum matheum.

IN illo tempore: Cum introisset ihesus capharnaum: accessit ad eum centurio rogans eum et dicens. Domine: puer meus iacet in domo paraliticus: et male torquetur. Et ait illi ihesus. Ego ueniam: et curabo eum. Et respondens: centurio ait. Domine: non sum dignus. ut intres sub tectum meum: set tantum dic uerbo. et sanabitur puer meus. Nam et ego homo sum sub potestate constitutus: habens sub me milites. Et dico huic uade: et uadit. Et alio ueni: et uenit. Et seruo meo fac hoc: et facit. Audiens autem ihesus miratus est: et/ [fo. 35. sequentibus se dixit. Amen dico uobis: non inueni tantam fidem in israel. Dico autem uobis: quod multi ab oriente et occidente uenient et recumbent cum abraham et ysaac. et iacob in regno celorum. Filii autem regni: eicientur in tenebras exteriores. Ibi erit fletus: et stridor dencium. Et dixit ihesus centurioni. Uade: et sicut credidisti fiat tibi. Et sanatus est puer: ex illa hora.

Offertorium.

AD te domine leuaui animam meam deus meus in te confido non erubescam neque irrideant me inimici mei etenim uniuersi qui te expectant non confundentur.

Secretum.

Offerimus tibi domine munera que dedisti: ut et creationis tue circa mortalitatem nostram testificentur auxilium. et remedium nobis immortalitatis operentur. Per.

M. WESTM̃.

Communio.

ACceptabissacrificium iusticie oblationes et holocausta super altare tuum domine.

Postcommunio.

Concede fidelibus tuis quesumus domine. et sine cessatione capere paschalia sacramenta. et desiderabiliter expectare uentura ut in misteriis quibus renouati sunt permanentes. ad nouam uitam hiis operibus perducantur. Per.

Super populum.

Parce domine parce populo tuo ut dignis flagellationibus castigatus in tua miseratione respiret. Per.

Feria vi. officium.

Audiuit dominus et misertus est michi dominus factus est adiutor meus. Ps. Exaltabo te. Gloria.

Oracio.

Inchoata ieiunia quesumus domine benigno fauore proseguere. ut obseruanciam quam corporaliter exhibemus: mentibus etiam sinceris exercere ualeamus. Per.

Leccio ysaie prophete.

Hec dicit dominus deus: Clama ne cesses: quasi tuba exalta uocem tuam. et annuncia populo meo scelera eorum. et domui iacob peccata eorum. Me etenim de die in diem querunt et scire uias meas uolunt. quasi gens que iusticiam fecerit. et que iudicium dei sui non dereliquerit. Rogant me iudicia iusticie: et appropinquare deo uolunt. Quare ieiunauimus et non aspexisti.

E

humiliauimus animas nostras. et nescisti? Ecce in die ieiunii uestri inuenitur uoluntas uestra: et omnes debitores uestros repetitis. Ecce ad lites et contenciones ieiunatis: et percutitis pugno impie. Nolite ieiunare sicut usque ad hanc diem: ut audiatur in/excelso clamor uester. [fo. 35. b. ter. Numquid tale est ieiunium quod elegi per diem affligere hominem animam suam? Numquid contorquere quasi circulum capud suum. et saccum et cinerem sternere? Numquid istud uocabis ieiunium et diem acceptabilem domino? Nonne hoc est magis ieiunium quod elegi? Dissolue colligationes impietatis: solue fasciculos deprimentes. Dimitte eos qui confracti sunt liberos: et omne onus dirumpe. Frange esurienti panem tuum: et egenos uagos que induc in domum tuam. Cum uideris nudum: operi eum: et carnem tuam ne despexeris. Tunc erumpet quasi mane lumen tuum: et sanitas tua cicius orietur. Et anteibit faciem tuam iusticia tua et gloria domini colliget te. Tunc inuocabis: et dominus exaudiet. Clamabis: et dicet ecce assum. Quia misericors sum: dominus deus tuus.

Gradale.

Domine refugium factus es nobis a generatione et progenie. *V.* Priusquam montes fierent aut formaretur terra et orbis a seculo. et in seculum tu es deus.

Matheum.

IN illo tempore: Dixit ihesus discipulis suis. Audistis quia dictum est antiquis. Dili-

ges proximum tuum. et odio habebis inimicum tuum. Ego autem dico uobis. Diligite inimicos uestros: benefacite hiis qui oderunt uos. Et orate pro persequentibus et calumpniantibus uos: ut sitis filii patris uestri qui in celis est. Qui solem suum oriri facit super bonos et malos: et pluit super iustos et iniustos. Si enim diligitis eos qui uos diligunt: quam mercedem habebitis? Nonne et publicani hoc faciunt? Et si salutaueritis fratres uestros tantum. quid amplius facietis? Nonne et ethnici hoc faciunt? Estote ergo uos perfecti: sicut et pater uester celestis perfectus est. Attendite ne iusticiam uestram faciatis coram hominibus: ut uideamini ab eis. Alioquin: mercedem non habebitis apud patrem uestrum qui in celis est. Cum ergo facis elemosinam: noli tuba canere ante te. sicut ypocrite faciunt. in synagogis et in uicis ut honorificentur ab hominibus. Amen dico uobis: receperunt mercedem suam. Te autem faciente elemosinam: nesciat sinistra tua quid faciat dextera tua. ut sit elemosina tua in abscondito. Et pater tuus qui uidet in abscondito: reddet tibi. Et/ cum oratis: non [fo. 36. eritis sicut ypocrite qui amant in synagogis et in angulis platearum stantes orare: ut uideantur ab hominibus. Amen dico uobis: receperunt mercedem suam. Tu autem cum oraueris: intra in cubiculum tuum. et clauso ostio. ora patrem tuum in abscondito. Et pater tuus qui uidet in abscondito: reddet tibi.

Offertorium.

Domine uiuifica me secundum eloquium tuum. ut sciam testimonia tua.

Secretum.

Sacrificium domine obseruancie paschalis offerimus: presta quesumus: ut tibi et mentes nostras reddat acceptas. et continencie promptioris nobis tribuat facultatem. Per.

Communio.

Seruite domino in timore et exultate ei cum tremore apprehendite disciplinam ne pereatis de uia iusta.

Postcommunio.

Tribue nobis omnipotens deus: ut dona celestia que debito frequentamus obsequio. salutaria nobis iugiter senciamus. Per.

Super populum.

Tuere domine populum tuum et ab omnibus peccatis clementer emunda. quia nulla ei nocebit aduersitas. si nulla¹ dominetur iniquitas. Per.

Sabbato officium.

Audiuit dominus *ut supra in uia feria.*

Oratio.

Adesto domine supplicationibus nostris. et presta: ut hoc sollempne ieiunium quod animabus corporibus que curandis salubriter institutum est. deuoto seruicio celebremus. Per.

Leccio ysaie prophete.

Hec dicit dominus. Si abstuleris de medio tui cathenam. et desieris digitum tuum

¹ Sic.

extendere. et loqui quod non prodest. cum effuderis esurienti animam tuam et animam afflictorum repleueris. orietur in tenebris lux tua. et tenebre tue erunt sicut meridies. Et requiem tibi dabit dominus deus tuus semper. et implebit splendoribus animam tuam et ossa tua liberabit. Et eris quasi ortus irriguus: et sicut fons aquarum. cuius non deficient aque. Et edificabuntur in te deserta seculorum: fundamenta generationis et generationis suscitabis. Et uocaberis edificator sepium: auertens semitas iniquitatis. Si auerteris a sabbato pedem tuum facere uoluntatem tuam in die sancto meo. et uocaberis sabbatum dedicatum et sanctum domini gloriosum. et glorificaueris eum dum non facis uias tuas/ et non in- [fo. 36. b. uenietur uoluntas tua ut loquaris sermonem tunc delectaberis super domino. et sustollam te super altitudinem terre et cibabo te hereditate iacob patris tui. Os enim domini: locutum est hec.

Gradale.

UNam pecii a domino hanc requiram ut inhabitem in domo domini. V. Ut uideam uoluntatem domini et protegar a templo sancto eius.

Secundum marcum.

IN illo tempore: Cum sero esset factum erat naus in medio mari. et ihesus solus in terra. et uidit eos laborantes in remigando. Erat enim uentus contrarius eis. Et circa quartam uigilium noctis uenit ad eos ambulans supra mare: et uolebat

preterire eos. At illi ut uiderunt eum supra mare ambulanti: putauerunt fantasma esse et exclamauerunt. Omnes enim eum uiderunt: et conturbati sunt. Et statim locutus est cum eis et dixit eis. Confidite: ego sum. nolite timere. Et ascendit ad illos in nauem: et cessauit uentus et plusmagis intra se stupebant. Non enim intellexerant de panibus. Erat enim cor illorum obcecaturum. Et cum transfretassent: peruenerunt in terram genesaret et applicuerunt. Cumque egressi essent de nauis: continuo cognouerunt eum. Et percurrentes uniuersam regionem illam. ceperunt in grabatis eos qui se male habebant circumferre ubi audiebant eum esse. Et quocumque introibat in uicos uel in uillas aut ciuitates: in plateis ponebant infirmos. et deprecabantur eum ut uel fimbriam uestimenti eius tangerent. Et quotquot tangebant eum: salui fiebant.

Offertorium.

Domine uiuifica me.

Secretum.

Prepara nos huius quesumus domine festiuis abstinentie officijs. ut hec sacrificia ueneranda. sobrijs semper mentibus celebremus. Per.

Communio.

Seruite domino.

Postcommunio.

Celestis uite munere uegetati quesumus domine. ut quod est nobis in presenti uita mis-

terium. fiat eternitatis auxilium. Per dominum.

Super populum.

Fac nos quesumus domine salutis nostre causas. et deuotis semper frequentare seruicijs. et deuocius recolere principaliter inchoatas. Per.

Dominica prima xl. officium.

Inuocauit me et ego exaudiam eum eripiam eum et glorificabo eum longitudine dierum adimplebo eum. *Ps.* Qui habitat. Gloria.

Oracio. [fo. 37]

Deus qui ecclesiam tuam annua quadragesime obseruatione purificas: presta familie tue. ut quod a te optinere abstinendo nititur. hoc bonis operibus exequatur. Per.

Ad corinthios.

Fratres: Hortamur uos: ne in uacuum gratiam dei recipiatis. Ait enim. Tempore accepto exaudiui te: et in die salutis adiuui te. Ecce nunc tempus acceptabile: ecce nunc dies salutis. Nemini dantes ullam offensionem: ut non uituperetur ministerium nostrum. Set in omnibus exhibeamus nosmetipsos sicut dei ministros: in multa paciencia. in tribulationibus in necessitatibus. in angustiis. in plagis. in carceribus. in seditionibus. in laboribus in uigiliis. in ieiuniis. in castitate. in sciencia. in longanimitate. in suauitate. in spiritu sancto. In caritate non ficta: in uerbo ueritatis in uirtute dei. Per arma iusticie: a dextris et a sinistris. Per gloriam: et ignobilitatem. Per

infamiam: et bonam famam. Ut seductores: et ueraces. Sicut qui ignoti: et cogniti. Quasi morientes: et ecce uiuimus. Ut castigati: et non mortificati. Quasi tristes: semper autem gaudentes. Sicut egentes: multos autem locupletantes. Tanquam nichil habentes: et omnia possidentes.

Gradale.

Angelis suis mandauit de te ut custodiant te in omnibus uis tuis. *℣.* In manibus portabunt te ne umquam offendas ad lapidem pedem tuum.

Tractus.

Qui habitat in adiutorio altissimi. in protectione dei celi commorabitur. *℣.* Dicet domino susceptor meus es tu. et refugium meum deus meus sperabo in eum. *℣.* Quoniam ipse liberauit me de laqueo uenancium et a uerbo aspero. *℣.* Scapulis suis obumbrabit tibi. et sub pennis eius sperabis. *℣.* Scuto circumdabit te ueritas eius. non timebis a timore nocturno. *℣.* A sagitta uolante per diem a negotio perambulante in tenebris a ruina et demonio meridiano. *℣.* Cadent a latere tuo mille et decem milia a dextris tuis tibi autem non appropinquabit. *℣.* Quoniam angelis suis mandauit de te ut custodiant te in omnibus uis tuis. *℣.* In manibus portabunt te ne umquam offendas ad lapidem pedem tuum. *℣.* Super aspidem et basiliscum ambulabis. et conculcabis leonem et draconem. *℣.* Quoniam in me sperauit liberabo eum protegam eum quoniam cognouit nomen meum. *℣.* Inuocauit me et ego exaudiam eum cum ipso sum/ in [fo. 37. b. tribulacione. *℣.* Eripiam eum et

glorificabo eum. longitudine dierum adimplebo eum et ostendam illi salutare meum.

Secundum matheum.

In illo tempore: Ductus est ihesus in desertum a spiritu: ut temptaretur a dyabolo. Et cum ieiunasset quadraginta diebus et quadraginta noctibus: postea esuriit. Et accedens temptator: dixit ei. Si filius dei es: dic ut lapides isti panes fiant. Qui respondens. dixit. Scriptum est: non in solo pane uiuit homo. sed in omni uerbo quod procedit de ore dei. Tunc assumpsit eum dyabolus in sanctam ciuitatem: et statuit eum supra pinnaculum templi. et dixit ei. Si filius dei es: mitte te deorsum. Scriptum est enim. quia angelis suis mandauit de te. et in manibus tollent te ne forte offendas ad lapidem pedem tuum. Ait illi ihesus rursum: Scriptum est: non temptabis dominum deum tuum. Iterum assumpsit eum dyabolus in montem excelsum ualde. et ostendit ei omnia regna mundi et gloriam eorum et dixit illi. Hec omnia tibi dabo: si cadens adoraueris me. Tunc dixit ei ihesus: Uade sathana. Scriptum est enim: dominum deum tuum adorabis: et illi soli seruius. Tunc reliquit eum dyabolus: Et ecce angeli accesserunt: et ministrabant ei.

Offertorium.

Scapulis suis obumbrabit tibi. et sub pennis eius sperabis scuto circumdabit te ueritas eius.

Secretum.

SAcrificium quadragesimalis inicii sollempniter immolamus te domine deprecantes. ut cum epularum restrictione carnalium. a noxiis quoque uoluptatibus temperemus. Per.

Communio.

Scapulis suis obumbrabit tibi et sub pennis eius sperabis scuto circumdabit te ueritas eius.

Postcommunio.

TUi nos domine sacramenti libacio sancta restauret. et a uetustate purgatos. in misterii salutaris faciat transire consortium. Per.

Feria ii. officium.

Sicut oculi seruorum in manibus dominorum suorum ita oculi nostri ad dominum deum nostrum donec misereatur nostri miserere nobis domine miserere nobis. *Ps.* Ad te leuaui. Gloria.

Oratio.

Conuerte nos deus salutaris noster: et ut nobis ieiunium quadragesimale proficiat: mentes nostras celestibus instrue disciplinis. Per.

Leccio ezechielis prophete.

HEc dicit dominus deus. Ecce/ ego ipse re- [fo. 38. quiram oues meas: et uisitabo illas sicut uisitat pastor gregem suum in die quando fuerit in medio ouium suarum dissipatarum. Sic uisitabo oues meas et liberabo eas de omnibus locis in quibus disperse fuerant in die nubis et caliginis. Et educam eas de populis: et congregabo eas de terris. Et inducam eas

in terram suam. et pascam eas in montibus israel. in riuus et in cunctis sedibus terre. In pascuis uberrimis pascam eas: et in montibus excelsis israel erunt pascue earum. Ibi requiescent in herbis uirentibus: et in pascuis pinguibus pascentur super montes israel. Ego pascam oues meas. et ego eas accubare faciam dicit dominus deus. Quod perierat requiram: et quod abiectum fuerat reducam. et quod confractum erat alligabo. et quod infirmum fuerat consolidabo. et quod pingue et forte custodiam: et pascam illas in iudicio et iusticia. Dicit dominus: omnipotens.

Gradale.

PRotector noster aspice deus et respice super seruos tuos. *Y.* Domine deus uirtutum exaudi preces seruorum tuorum.

Secundum matheum.

IN illo tempore: Dixit ihesus discipulis suis. Cum uenerit filius hominis in magestate sua. et omnes angeli cum eo: tunc sedebit super sedem magestatis sue. Et congregabuntur ante eum omnes gentes. et separabit eas abinuicem sicut pastor segregat oues ab hedis. Et statuet oues quidem a dextris suis: hedos autem a sinistris. Tunc dicet rex. hiis qui a dextris eius erunt. Uenite benedicti patris mei possidete paratum uobis regnum a constitutione mundi. Esuriui enim: et dedistis michi manducare. Sitiui: et dedistis michi bibere. Hospes eram: et collegistis me. Nudus: et cooperuistis me. Infirmus:

et uisitastis me. In carcere eram : et uenistis ad me. Tunc respondebunt ei iusti : dicentes. Domine : quando te uidimus esurientem et paupum. sicientem et dedimus tibi potum ? Quando autem te uidimus hospitem : et collegimus te ? Aut nudum. et cooperuimus te. Aut quando te uidimus infirmum aut in carcere et uenimus ad te. Et respondens rex : dicet illis. Amen dico uobis quamdiu fecistis uni de hiis fratribus meis minimis. michi fecistis. Tunc dicet et hiis qui/ a [fo. 38. b. sinistris eius erunt. Discedite a me maledicti in ignem eternum : qui preparatus est dyabolo et angelis eius. Esuriui : et non dedistis michi manducare. Sitiui et non dedistis michi bibere. Hospes eram : et non collegistis me. Nudus : et non cooperuistis me. Infirmus et in carcere : et non uisitastis me : Tunc respondebunt ei et ipsi dicentes. Domine : quando te uidimus esurientem. aut sicientem aut hospitem. aut nudum. aut infirmum. uel in carcere. et non ministrauimus tibi. Tunc respondet illis dicens. Amen dico uobis quamdiu non fecistis uni de minoribus meis hiis. nec michi fecistis. Et ibunt hii in supplicium eternum : iusti autem : in uitam eternam.

Offertorium.

Leuabo oculos meos et considerabo mirabilia tua domine ut doceas me iusticiam tuam da michi intellectum ut discam mandata tua.

Secretum.

ACcepta tibi domine sit nostre deuotionis oblatio. que et ieiunium nostrum te operante sanctificet. et indulgentiam nobis tue consolacionis optineat. Per.

Communio.

UOce mea ad dominum clamaui et exaudiuit me de monte sancto suo. non timebo milia populi circumdantis me.

Postcommunio.

Prosint nobis domine quesumus frequentata misteria : que nos a cupiditatibus terrenis expediant. et instituant amare celestia. Per.

*Super populum.**Oracio.*

Absolue quesumus domine nostrorum uincula peccatorum : et quicquid pro eis meremur propiciatus auerte. Per.

Feria iii. Officium.

Domine refugium factus es nobis a generatione et progenie a seculo et in seculum tu es. *Ps.* Priusquam montes fierent aut formaretur terra. et orbis a seculo.

Oracio.

Respice domine familiam tuam. et presta. ut apud te mens nostra tuo desiderio fulgeat. que se carnis maceratione castigat. Per.

Leccio ysaie prophete.

IN diebus illis : Locutus est ysaias propheta dicens. Querite dominum dum inueniri potest : inuocate eum dum

prope est. Derelinquat impius uiam suam et uir iniquus cogitationes suas et reuertatur ad dominum. et miserebitur eius. et ad deum nostrum quoniam multus est ad ignoscendum. Non enim cogitationes mee cogitationes uestre. neque uie mee uie uestre dicit dominus. Quia sicut exaltantur celi a terra: sic/ exaltate sunt [fo. 39. uie mee a uiis uestris et cogitationes mee a cogitationibus uestris. Et quomodo descendit ymber et nix de celo. et illuc ultra non reuertitur. sed inebriat terram et infundit eam et germinare eam facit. et dat semen serenti et panem comedenti. sic erit uerbum meum quod egredietur de ore meo. Non reuertetur ad me uacuum: set faciet quicumque uolui. et prosperabitur in hiis ad que misi illud. Ait dominus: omnipotens.

Gradale.

Dirigatur oratio mea sicut incensum in conspectu tuo domine. *V.* Eleuacio manuum mearum sacrificium uespertinum.

Secundum matheum.

In illo tempore: Cum intrasset ihesus iherosolimam: commota est uniuersa ciuitas dicens. Quis est hic? Populi autem dicebant. Hic est ihesus propheta: a nazareth. galilee. Et intrauit ihesus in templum dei: et eiciebat omnes uendentes et ementes in templo. et mensas nummulariorum et cathedras uendencium columbas euertit. Et dicit eis. Scriptum est: quia domus mea domus oracionis

uocabitur. Uos autem: fecistis illam speluncam latronum. Et accesserunt ad eum ceci et claudi in templo: et sanauit eos. Uidentes autem principes sacerdotum et scribe mirabilia que fecit. et pueros clamantes in templo et dicentes osanna filio dauid: indignati sunt et dixerunt ei. Audis quid isti dicunt. Ihesus autem dixit eis. Utique. Numquam legistis quia ex ore infancium et lactencium perfecisti laudem? Et relictis illis abiit foras extra ciuitatem in bethaniam. Ibiq; mansit et docebat eos: de regno dei.

Offertorium.

In te speraui domine dixi deus meus es tu in manibus tuis tempora mea.

Secretum.

Presta domine quesumus ut dicato muneri congruentem nostre deuocionis tibi offeramus affectum. Per.

Communio.

Cum inuocarem te exaudisti me deus iusticie mee in tribulatione dilatasti me miserere michi domine et exaudi oracionem meam.

Postcommunio.

Quesumus omnipotens deus ut illius salutaris capiamus effectum cuius per hec misteria pignus accepimus. Per.

Super populum oracio.

Ascendant ad te domine preces nostre et ab ecclesia tua cunctam repelle nequiciam. Per.

Reminiscere miserationum tuarum domine et misericordie tue que a seculo sunt/ [fo. 39. b. neumquam dominantur nobis inimici nostri libera nos deus israel ex omnibus angustiis nostris. *Ps.* Ad te domine leuau. Gloria.

Oracio.

Preces nostras quesumus domine clementer exaudi: et contra cuncta nobis aduersancia dexteram tue magestatis extendere. Per.

Leccio libri exodi.

IN diebus illis: Dixit dominus ad moisen. Ascende ad me in montem: et esto ibi. Daboque tibi duas tabulas lapideas et legem ac mandata que scripsi ut doceas filios israel. Surrexerunt moyses et iosue minister eius. Ascendens que moyses in montem dei: senioribus ait. Expectate hic: donec reuertamur ad uos. Habetis aaron et hur uobiscum: siquid natum fuerit questionis: referetis ad eos. Cumque ascendisset moyses operuit nubes montem: et habitauit gloria domini super synai tegens illum nube sex diebus. Septimo autem die: uocauit eum dominus de medio caliginis. Erat autem species glorie domini quasi ignis ardens super uerticem montis: in conspectu filiorum israel. Ingressus que moyses medium nebule ascendit in montem: et fuit ibi quadraginta diebus: et quadraginta noctibus.

Tribulaciones cordis mei dilatate sunt de necessitatibus meis eripe me domine. *Y.* Uide humilitatem meam et laborem meum. et dimitte omnia peccata mea.

Oracio.

Deuocionem populi tui quesumus domine benignus intende. ut qui per abstinentiam macerantur in corpore. per fructum boni operis reficiantur in mente. Per.

Leccio libri regum.

IN diebus illis: Uenit helyas in bersabee iuda et dimisit ibi puerum suum et perrexit in desertum uia unius diei. Cumque uenisset et sederet subter unam iuniperum: petiuit anime sue ut moreretur et ait. Sufficit michi domine: tolle animam meam. Neque enim melior sum quam patres mei. Proiecitque se et obdormiuit in umbra iuniperi. et ecce angelus domini tetigit eum: dixit que ei. Surge comede. Et respexit: et ecce ad capud subcinerius panis et uas aque. Comedit ergo et bibit: et rursum obdormiuit. Reuersus que est angelus domini secundo et tetigit eum dixitque illi. Surge comede. Grandis enim tibi restat uia. Qui cum surrexisset: comedit et bibit. et ambulauit in fortitudine/ [fo. 40. cibi illius quadraginta diebus et quadraginta noctibus: usque ad montem dei oreb.

Tractus.

DE necessitatibus meis eripe me domine. uide humilitatem meam et laborem meum et dimitte

omnia peccata mea. *℣.* Ad te domine leuauī animam meam deus meus in te confido non erubescam. neque irrideant me inimici mei. *℣.* Etenim uniuersi qui te expectant non confunduntur. confundantur omnes facientes uana.

Secundum matheum.

IN illo tempore: Accesserunt ad ihesum scribe et pharisei: dicentes. Magister. uolumus a te signum uidere: Qui respondens: ait illis. Generacio mala et adultera signum querit: et signum non dabitur ei nisi signum ione prophete. Sicut enim fuit ionas in uentre ceti tribus diebus et tribus noctibus. sic erit filius hominis in corde terre tribus diebus et tribus noctibus. Uiri niniuite surgent in iudicio cum generatione ista et condempnabit eam: quia penitenciam egerunt in predicatione ione. Et ecce plus quam iona hic. Regina austri surget in iudicio cum generatione ista et condempnabit eam. quia uenit a finibus terre audire sapienciam salamonis. Et ecce plusquam salamon hic. Cum autem imundus spiritus exierit ab homine ambulat per loca arida querens requiem et non inuenit. Tunc dicit. Reuertar in domum meam unde exiui. Et ueniens inuenit eam uacantem scopis mundatam et ornatam. Et tunc uadit et assumit septem alios spiritus secum nequiores se: et ingressi habitant ibi. Et sunt nouissima hominis illius peiora prioribus. Sic erit et generacioni huic pessime. Adhuc eloquente ad turbas: ecce mater eius et fratres foris stabant

querentes loqui ei. Dixit autem ei quidam. Ecce mater tua et fratres tui foris stant querentes te. At ipse respondens dicenti sibi ait. Que est mater mea et qui sunt fratres mei. Et extendens manum in discipulos suos dixit. Ecce mater mea: et fratres mei. Quicumque enim fecerit uoluntatem patris mei qui in celis est: ipse meus frater et soror: et mater est.

Offertorium.

MEditabor in mandatis tuis que dilexi ualde et leuabo manus meas ad mandata tua que dilexi.

Secretum.

Intende quesumus domine sacrificium singulare. ut huius participatione misterii. que speranda credimus/ [fo. 40. b. expectata sumamus. Per. *

Communio.

Intellige clamorem meum intende uoci oracionis mee rex meus et deus meus quoniam ad te orabo domine.

Postcommunio.

DA quesumus omnipotens deus ut reatum nostrum munera sacra purificent. et recte uiuendi nobis operentur effectum. Per.

Super populum.

Mentes nostras quesumus domine lumine tue claritatis illustra. ut uidere possimus que agenda sunt. et que recta sunt agere ualeamus. Per.

Feria quinta officium.

Confessio et pulchritudo in conspectu eius sanctitas et magni-

ficencia in sanctificatione eius. *Ps.*
Cantate i. Gloria.

Oracio.

OMnipotens sempiterne deus
qui in obseruacione ieiunii.
et elemosinarum largicione posu-
isti nostrorum remedia peccato-
rum: concede nos mente et
corpore semper tibi esse deuotos.
Per.

Leccio ezechielis prophete.

IN diebus illis: Factus est ser-
mo domini ad me dicens.
Quid est quod inter uos parabolam
uertitis in prouerbum istud
in terra israel dicentes. patres
nostricomederunt uuam acerbam
et dentes filiorum obstupescunt.
Uiuo ego dicit dominus. si erit
ultra fabula hec in prouerbum
in israel. Ecce omnes anime
mee sunt. Ut anima patris ita
et anima filii mea est. Anima
que peccauerit: ipsa morietur.
Et uir si fuerit iustus et fecerit
iudicium et iusticiam in montibus
non comederit. et oculos suos
non leuauerit ad ydola domus
israel. uxorem proximi sui non
uiolauerit. et ad mulierem men-
struatam non accesserit. homi-
nem non contristauerit pignus
debitori reddiderit. per uim nichil
rapuerit. panem suum esurienti
dederit et nudum operuerit uesti-
mento ad usuram non commo-
dauerit. et amplius non acceperit.
ab iniquitate auerterit manum
suam. iudicium uerum fecerit
inter uirum et uirum. in preceptis
meis ambulauerit. et iudicia mea
custodierit ut faciat ueritatem.
hic iustus est. uita uiuet et non
moriatur. Quod si genuerit fi-

lium latronem effundentem san-
guinem et fecerit unum de istis.
et hec quidem omnia non facien-
tem numquid uiuet? Cum uni-
uersa hec detestanda fecerit:
morte morietur sanguis/ [fo. 41.
eius in ipso erit. Quod si genu-
erit filium qui uidens omnia pec-
cata patris sui que fecit. timuerit
et non fecerit simile eis. iudicia
mea fecerit et in preceptis meis
ambulauerit: hic non morietur
in iniquitate patris sui. set uita
uiuet. Ait dominus: omnipo-
tens.

Gradale.

Custodi me domine ut pupillam
oculi sub umbra alarum tua-
rum protege me. *Ps.* De uultu tuo
iudicium meum prodeat: oculi tui
uideant equitates.

Iohannem.

IN illo tempore: Dicebat ihesus
ad eos qui crediderunt ei ex
iudeis. Si uos manseritis in ser-
mone meo: uere discipuli mei
eritis. Et cognoscetis ueritatem:
et ueritas liberabit uos. Respon-
derunt ei iudei. Semen abrahe
sumus et nemini seruiuimus un-
quam. Quomodo tu dicis quia
liberi eritis? Respondit eis ihe-
sus. Amen amen dico uobis:
quia omnis qui facit peccatum:
seruus est peccati. Seruus au-
tem non manet in domo ineter-
num: filius autem manet ineter-
num. Si ergo uos filius liberau-
erit: uere liberi eritis. Scio quia
filii abrahe estis: set queritis me
interficere. quia sermo meus non
capit in uobis. Ego quod uidi
apud patrem meum loquor: et
uos que uidistis apud patrem
uestrum facitis. Responderunt

iudei. et dixerunt ei. Pater noster abraham est. Dixit eis ihesus. Si filii abrahe estis: opera abrahe facite. Nunc autem queritis me interficere: hominem qui ueritatem locutus sum uobis quam audiui a deo. Hoc abraham non fecit. Uos facitis opera patris uestri. Dixerunt ergo iudei. Nos ex fornicatione¹ non sumus nati: unum patrem habemus deum. Dixit ergo eis ihesus. Si deus pater uester esset: diligeretis utique me. Ego enim ex deo processi: et ueni. Neque enim a meipso ueni: sed ille me misit. Quare loquelam meam non cognoscitis? Quia non potestis audire sermonem meum. Uos ex patre dyabolo estis: et desideria patris uestri uultis facere. Ille homicida erat ab initio et in ueritate non stetit. quia non est ueritas in eo. Cum loquitur mendacium ex propriis loquitur: quia mendax est et pater eius. Ego enim qui ueritatem dico uobis: non creditis michi. Quis ex uobis arguet me de peccato. Si ueritatem dico: quare uos non creditis michi. Qui est [fo. 41. b. ex deo: uerba dei audit.

Offertorium.

Immittit angelus domini in circuitu timencium eum et eripiet eos gustate et uidete quoniam suauis est dominus.

Secretum.

Sacrificia domine quesumus propensius ista nos saluent que medicinalibus sunt instituta ieiuniis. Per.

¹ Sic.*Communio.*

Panis quem ego dederam carum meum est pro seculi uita.

Postcommunio.

Tuorum nos domine largitate donorum. et temporalibus nos attolle presidiis: et renoua sacramentis. Per.

Super populum.

DA quesumus domine populis christianis. et que profitentur agnoscere. et celeste munus diligere quod frequentant. Per.

Feria vi. officium.

DE necessitatibus meis eripe me domine uide humilitatem meam et laborem meum et dimitte omnia peccata mea. *Ps.* Ad te domine leuauit. Gloria.

Oratio.

Esto domine propicius plebi tue. et quam tibi facis esse deuotam benigno refoue misertus auxilio. Per.

Leccio ezechielis prophete.

Hec dicit dominus deus. Anima que peccauerit: ipsa morietur. Filius non portabit iniquitatem patris: et pater non portabit iniquitatem filii. Iusticia iusti super eum erit: et impietas impii erit super eum. Si autem impius egerit penitentiam ab omnibus peccatis suis que operatus est. et custodierit uniuersa precepta mea. et fecerit iudicium et iusticiam: uita uiuet et non morietur. Omnium iniquitatum eius quas operatus est: non recordabor. In iusticia quam operatus est uiuet. Numquid uoluntatis mee est mors impii. dicit dominus deus: et non ut conuertatur a

uiis suis et uiuat? Si autem auerterit se iustus a iusticia sua et fecerit iniquitatem secundum omnes abhominaciones quas operari solet impius numquid uiuet? Omnes iusticie eius quas fecerat: non recordabuntur. In preuariacione quam preuaticatus est et in peccato suo quod peccauit. in ipsis morietur. Et dixistis. Non est equa uia domini. Audite ergo domus israel. Numquid uia mea non est equa et non magis uie uestre prauæ sunt? Cum enim auerterit se iustus a iusticia sua et fecerit iniquitatem morietur in ea. In iniusticia sua quam operatus est: morietur. Et cum auerterit se impius ab impietate sua quam operatus est et fecerit iudicium et/ iusticiam: [fo. 42. ipse animam suam uiuificabit. Considerans enim et auertens se ab omnibus peccatis suis que operatus est uita uiuet et non morietur. Dicit dominus: omnipotens.

Gradale.

SAluum fac seruum tuum deus meus sperantem in te. *Y.* Auribus percipe domine oracionem meam.

Iohannem.

IN illo tempore: Erat dies festus iudeorum: et ascendit ihesus ierosolimam. Est autem ierosolimis probatica piscina que cognominabatur hebraice bethsaida quinque porticus habens. In hiis iacebat multitudo magna languencium, cecorum, claudorum, aridorum, expectancium aque motum. Angelus autem domini secundum tempus descendebat in piscinam: et moueba-

tur. aqua. Et qui prior descendisset in piscinam post mocionem aque: sanus fiebat a quacumque detinebatur infirmitate. Erat autem quidam homo ibi: triginta et octo annos habens in infirmitate sua. Hunc cum uidisset ihesus iacentem et cognouisset quia iam multum tempus haberet: dicit ei. Uis sanus fieri? Respondit ei languidus. Domine: hominem non habeo: ut cum turbata fuerit aqua mittat me in piscinam. Dum uenio enim ego: alius ante me descendit. Dicit ei ihesus. Surge tolle grabatum tuum et ambula. Et statim sanus factus est homo: et sustulit grabatum suum et ambulabat. Erat autem sabbatum: in die illa. Dicebant ergo iudei: illi qui fuerat sanatus factus. Sabbatum est: non licet tibi tollere grabatum tuum. Respondit eis. Qui me sanum fecit: ille michi dixit tolle grabatum tuum et ambula. Interrogauerunt ergo eum. Quis est ille homo qui dixit tibi tolle grabatum tuum et ambula? Is autem qui sanus fuerat effectus nesciebat quis esset. Ihesus autem declinauit a turba: constituta in loco. Postea inuenit eum ihesus in templo: et dixit illi. Ecce sanus factus es iam noli peccare: ne tibi deterius aliquid contingat. Abiit ille homo et nunciauit iudeis quia ihesus esset: qui fecit eum sanum.

Offertorium.

Benedic anima mea domino et noli obliuisci omnes retributiones eius et renouabitur sicut aquile iuuentus tua.

Secretum.

UScipe quesumus domine munera nostris oblata seruiciis. et tua propicius dona sanctifica. Per./ [fo. 42. b.

Communio.

ERubescant et conturbentur uehementer omnes inimici mei auertantur retrorsum et erubescant ualde uelociter.

Postcommunio.

PER huius domine operationem misterii et uicia nostra purgantur. et iusta desideria compleantur. Per.

Super populum.

EXaudi nos misericors deus et mentibus nostris gratie tue lumen ostende. Per.

Sabbato officium.

INTret oratio mea in conspectu tuo inclina aurem tuam ad precem meam domine. *Ps.* Domine deus salutis mee. Gloria.

Oratio.

POPulum tuum domine quesumus propicius respice atque ab eo flagella tue iracundie clementer auerte. Per.

Leccio libri deuteronomii.

IN diebus illis: Locutus est moyses ad dominum dicens. Respice domine de sanctuario tuo. et de excelso celorum habitaculo: et benedic populo tuo israel. et terram quam dedisti nobis sicut iurasti patribus nostris terram lacte et melle manantem. Audi israel. Hodie dominus deus tuus precepit tibi.

ut facias mandata eius atque iudicia. et custodias et impleas ex toto corde tuo. et ex tota anima tua. Dominum elegisti hodie ut sit tibi deus et ambules in uis eius. et custodias ceremonias illius. et mandata atque iudicia. et obedias eius imperio. Et dominus elegit te hodie ut sis ei populus peculiaris sicut locutus est tibi. et custodias omnia precepta eius. et faciat te excelsoiorem cunctis gentibus quas creauit in laudem et nomen. et gloriam suam. et sis populus sanctus domini dei tui: sicut locutus est tibi.

Gradale.

PROPicius esto domine peccatis nostris nequando dicant gentes ubi est deus eorum. *Y.* Adiua nos deus salutaris noster. et propter honorem nominis tui domine libera nos.

Oratio.

DEus qui nos per temporalia ducis ad eterna: pretende misericordiam tuam ad celestia promissa nitentibus. et quia tuum est quod in te credimus. tuum sit omne quod uiuimus. Per.

Leccio libri deuteronomii.

IN diebus illis: Dixit moyses filiis israel: Si custodieritis mandata que ego precipio uobis feceritis ea. ut diligatis dominum deum uestrum. et ambuletis in omnibus uis eius adherentes ei. disperdet dominus omnes gentes istas ante faciem uestram. et possidebitis eas que maiores et forciores uobis sunt. Omnis locus quem calcauerit pes uester: uester erit. A deserto et libano

et fluuio magno/ eufrate [fo. 43. usque ad mare occidentale erunt termini uestri. Nullus stabit contra uos. Terrorem uestrum et formidinem dabit dominus deus uester super omnem terram quam calcaturi estis. sicut locutus est uobis: dominus deus uester.

Gradale.

PRotector noster aspice deus et respice super seruos tuos. *Ÿ.* Domine deus uirtutum exaudi preces seruorum tuorum.

Oracio.

PRotector noster aspice deus: ut qui malorum nostrorum pondere premimur. percepta misericordia libera tibi mente famulemur. Per.

Leccio libri machabeorum.

IN diebus illis. Oracionem faciebant sacerdotes dum offerrent sacrificium pro populo israel: ionatha inchoante. ceteris autem respondentibus et dicentibus. Benefaciat uobis deus et meminerit testamenti sui quod ad abraham. et ysaac. et iacob. locutus est seruorum suorum fidelium. Et det uobis cor omnibus ut colatis eum: et faciat eius uoluntatem corde magno et animo uolenti. Adapariat dominus cor uestrum in lege sua. et in preceptis suis: et faciat pacem. Exaudiat dominus oraciones uestras: et reconcilietur uobis. nec uos deserat in tempore malo: dominus deus uester.

Gradale.

AB occultis meis munda me domine et ab alienis parce seruo tuo. *Ÿ.* Si mei non fuerint dom-

inati tunc immaculatus ero et emundabor a delicto maximo.

Oracio.

ADesto quesumus domine supplicationibus nostris. ut esse te largiente mereamur et inter prospera humiles et inter aduersa securi. Per.

Leccio libri sapiencie.

Miserere nostri deus omnium. et respice nos. et ostende nobis lucem miserationum tuarum. Et immitte timorem tuum super gentes que non exquisierunt te. ut cognoscant quia non est deus nisi tu ut enarrant mirabilia tua. Alleua manum tuam super gentes alienas: ut uideant potenciam tuam. Sicut enim in conspectu eorum sanctificatus es in nobis. sic in conspectu nostro magnificaberis in illis: ut cognoscant te sicut et nos cognouimus. quoniam non est deus preter te domine. Innoua signa: et immuta mirabilia. Glorifica manum: et brachium dextrum. Excita furorem: et effunde iram. Extolle aduersarium: et afflige inimicum. Festina tempus et memento finis: ut enarrent mirabilia tua: domine deus noster./ [fo. 43. b.

Gradale.

Conuertere domine aliquantulum et deprecare super seruos tuos. *Ÿ.* Domine refugium es nobis a generatione et progenie.

Oracio.

ACciones nostras quesumus domine aspirando preueni et adiuuando proseguere: ut cuncta nostra operacio. et a te

semper incipiat. et per te cepta
finiatur. Per.

Leccio danielis prophete.

IN diebus illis: Angelus domini descendit cum azaria et sociis eius in fornacem. et excussit flammam ignis de fornace et fecit medium fornacis quasi uentum roris flantem. Flamma autem diffusa est super fornacem cubitis quadraginta nouem et incendit quos reperit iuxta fornacem de chaldeis ministros regis qui eam incendebant. Illos autem omnino non tetigit ignis neque contristauit nec quicquam molestie intulit. Tunc hii tres quasi ex uno ore ympnum dicebant et magnificabant¹ deum in fornace dicentes. Benedictus es domine deus patrum nostrorum. et laudabilis et superexaltatus in secula. Et benedictum nomen glorie tue sanctum. et laudabile et superexaltatum in omnibus seculis. Benedictus es in templo sancto glorie tue: et superlaudabilis et supergloriosus in secula. Benedictus es in throno regni tui. et superlaudabilis et superexaltatus. secula. Benedictus es qui intueris abyssos et sedes super cherubyn: et laudabilis et superexaltatus in secula.

Tractus.

Benedictus es in firmamento celi. et laudabilis et gloriosus in secula. *℣.* Benedicite omnia opera domini domino. benedicite celi domino. *℣.* Benedicite angeli domini domino. Hymnum dicite et superexaltate eum in secula. *℣.* Benedicite aque que super celos

¹ Sic.

sunt domino benedicite omnes uirtutes domini domino. benedicite sol et luna domino. ympnum dicite. *℣.* Benedicite stelle celi domino. benedicite ymber et ros domino. benedicite omnes spiritus dei domino. ympnum dicite. *℣.* Benedicite ignis et estus domino. benedicite noctes et dies domino benedicite tenebre et lumen domino. ympnum dicite. *℣.* Benedicite frigus et cauma domino. benedicite nives et pruina domino. benedicite fulgura et nubes domino. ympnum dicite. *℣.* Benedicat terra domino. benedicite montes et colles domino. benedicite omnia nascencia terre domino. ympnum dicite. *℣.* Benedicite maria et flumina domino. benedicite fontes domino. benedicite cete et omnia que mouentur in aquis domino. Ympnum dicite. / [fo. 44. *℣.* Benedicite uolucres celi domino. benedicite bestie et uniuersa pecora domino. benedicite filii hominum domino. ympnum dicite. *℣.* Benedicat israel domino. benedicite sacerdotes domini domino. benedicite serui domini domino. ympnum dicite. *℣.* Benedicite spiritus et anime iustorum domino. benedicite sancti et humiles corde domino. ympnum dicite. *℣.* Benedicite ananias azarias misael domino. ympnum dicite. *℣.* Benedictus es in firmamento celi. Et laudabilis.

Oracio.

DEus qui tribus pueris mitigasti flammam ignium: concede propicius: ut nos famulos tuos non exurat flamma uiciorum. Per.

Ad thessalonicenses.

FRatres: Rogamus uos corripite inquietos consolamini pusillanimes. suscipite infirmos patientes estote ad omnes. *Ui-*

de nequis malum pro malo alicui reddat, set semper quod bonum est sectamini inuicem et in omnes. Semper gaudete: sine intermissione orate, in omnibus gratias agite: hec est enim uoluntas dei in christo ihesu in omnibus nobis. Spiritum nolite extinguere: prophetias nolite spernere. Omnia autem probate: quod bonum est tenete, ab omni specie mala abstinete uos. Ipse autem deus pacis sanctificet uos per omnia, et integer spiritus uester, et anima et corpus sine querela in aduentu: domini nostri ihesu christi seruetur.

Tractus.

LAudate dominum omnes gentes et collaudate eum omnes populi. *V.* Quoniam confirmata est super nos misericordia eius et ueritas domini manet in eternum.

Matheum.

IN illo tempore: Assumpsit ihesus petrum et iacobum, et iohannem fratrem eius: et duxit in montem excelsum seorsum, et transfiguratus est ante eos. Et resplenduit facies eius sicut sol: uestimenta autem eius facta sunt alba sicut nix. Et ecce apparuit illis moyses et helyas: cum eo loquentes. Respondens autem petrus, dixit ad ihesum, Domine: bonum est nos hic esse. Si uis faciamus hic tria tabernacula. Tibi unum: moysi unum, et helye unum. Adhuc eo loquente: ecce nubes lucida obumbravit eos. Et ecce uox de nube dicens, Hic est filius meus dilectus: in quo

michi bene complacui, ipsum audite. Et audientes discipuli: ceciderunt in faciem suam, et timuerunt ualde. Et accessit ihesus: et tetigit eos: dixitque illis, Surgi/te: nolite [fo. 44. b. timere. Leuantes autem oculos suos: neminem uiderunt nisi solum ihesum. Et descendentibus illis de monte: precepit eis dicens, Nemini dixeritis uisionem: donec filius hominis: a mortuis resurgat.

Offertorium.

Domine deus salutis mee in die clamaui et nocte coram te intret oratio mea in conspectu tuo domine.

Secretum.

Presentibus sacrificiis domine ieiunia nostra sanctifica: ut quod obseruancia nostra proficitur extrinsecus, interius operetur. Per.

Communio.

Domine deus meus in te speraui, libera me ab omnibus persequentibus me et eripe me.

Postcommunio.

Quos diuino domine reficis misterio, perpetuo defende presidio: et quos imbuisti celestibus institutis salubribus comitare solaciis. Per.

Super populum.

AB omnibus nos quesumus domine peccatis propiciatus absolue, ut percepta uenia peccatorum, liberis tibi mentibus seruiamus. Per.

Dominica ii. Officium.

Reminiscere miseracionum tuarum domine et misericordie tue que a seculo sunt. neumquam dominantur nobis inimici nostri libera nos deus israel ex omnibus angustiis nostris. *Ps.* Ad te domine leuaui.

Oracio.

Deus qui conspicis omni nos uirtute destitui: interius exterius que custodi: ut ab omnibus aduersitatibus muniamur in corpore. et a prauis cogitationibus mundemur in mente. Per.

Ad thessalonicenses.

Fratres: Rogamus uos et obsecramus in domino ihesu ut quemadmodum accepistis a nobis quomodo uos oporteat ambulare et placere deo: sic et ambuletis. ut habundetis magis. Scitis enim que precepta dederim uobis: per dominum ihesum. Hec est enim uoluntas dei sanctificacio uestra: ut abstineatis uos a fornicacione. ut sciat unusquisque uestrum suum uas possidere in sanctificatione et honore. Non in passione desiderii: sicut et gentes que ignorant deum. Et nequis supergrediatur neque circumueniat in negotio fratrem suum: quoniam uindex est dominus de hiis omnibus sicut prediximus uobis. et testificati sumus. Non enim uocauit nos deus in inmundiciam: set in sanctificationem. In christo ihesu: domino nostro.

Tractus.

Confitemini domino quoniam bonus. quoniam in seculum misericordia eius. *Ps.* Quis [fo. 45.

loquetur potencias domini. auditas faciet omnes laudes eius Quoniam. *Ps.* Beati qui custodiunt iudicium et faciunt iusticiam in omni tempore Quoniam. *Ps.* Memento nostri domine in beneplacito populi tui. uisita nos in salutari tuo.

Tractus.

Dixit dominus mulieri chanaanee non est bonum sumere panem filiorum. et mittere canibus ad manducandum. *Ps.* At illa dixit eciam domine. nam et catelli edunt de micis que cadunt de mensa dominorum suorum. *Ps.* Ait illi ihesus mulier magna est fides tua fiat tibi sicut petisti.

Secundum matheum.

In illo tempore: Egressus ihesus. secessit in partes tyri et sidonis. Et ecce mulier chanaanee a finibus illis egressa clamauit dicens. ei. Miserere mei domine fili dauid: filia mea male a demonio uexatur. Qui non respondit ei uerbum. Et accedentes discipuli eius: rogabant eum dicentes. Dimitte eam: quia clamat post nos. Ipse autem respondens ait. Non sum missus: nisi ad oues que perierunt domus israel. At illa uenit: et adorauit eum dicens: Domine: adiuua me. Qui respondens ait. Non est bonum sumere panem filiorum: et mittere canibus. At illa dixit. Eciam domine. Nam et catelli edunt de micis que cadunt de mensa dominorum suorum. Tunc respondens ihesus: ait illi. O. mulier. magna est fides tua: fiat tibi sicut uis. Et sanata est filia eius: ex illa hora.

133

Offertorium.

Meditabor in mandatis tuis que dilexi ualde. et leuabo manus meas ad mandata tua que dilexi.

Secretum.

Ecclēsie tue domine munera placatus assume: que et misericors offerenda tribuisti: et in nostre salutis potenter efficis transire misterium. Per.

Communio.

Intellige clamorem meum intende uoci orationis mee rex meus et deus meus quoniam ad te orabo domine.

Postcommunio.

Corporis et sanguinis sacrosancti domine quesumus gracia nos sumpta uiuificet. et quod mysticis actionibus pollicetur. eternis effectibus largiatur. Per.

Feria ii. Officium.

Redime me domine et miserere mei. pes enim meus stetit in uia recta in ecclesiis benedicam te domine. *Ps.* Iudica me domine quoniam.

Oratio.

Presta quesumus omnipotens deus. ut familia tua. que se affligendo carnem ab alimentis abstinet. sectando iusticiam a culpa ieiunet. Per.

Leccio danielis prophete.

In diebus illis: Orauit daniel dicens. Domine deus noster qui/ eduxisti popu- [fo. 45. b. lum tuum de terra egypti. in manu forti. et fecisti tibi nomen secundum diem hanc. Peccaui-

134

mus iniquitatem fecimus in omnem iusticiam tuam. Auertatur obsecro ira tua. et furor tuus a ciuitate tua iherusalem: et a monte sancto tuo. Propter peccata enim nostra et iniquitates patrum nostrorum. iherusalem et populus tuus in obprobrium sunt omnibus per circuitum nostrum. Nunc ergo exaudi deus noster orationem serui et preces eius et ostende faciem tuam super sanctuarium tuum quod desertum est. Propter temetipsum inclina deus meus aurem tuam et audi aperi oculos tuos et uide desolationem nostram. et ciuitatem super quam inuocatum est nomen tuum. Neque enim in iustificacionibus nostris prosterimus preces ante faciem tuam: sed in miseracionibus tuis multis. Exaudi domine. placare domine: attende et fac. Ne moreris propter temetipsum deus meus: quia nomen tuum inuocatum est super ciuitatem et super populum tuum: domine deus noster.

Gradale.

Adiutor meus et liberator meus esto domine ne tardaueris. *Ps.* Confundantur et reuerantur inimici mei qui querunt animam meam.

Secundum Iohannem.

In illo tempore: Dixit ihesus turbis iudeorum. Ego uado et queretis me: et in peccato uestro moriemini. Quo ego uado: uos non potestis uenire. Dicebant ergo iudei. Quo hic iturus est quia non inuenimus eum? Numquid in dispersionem gentium iturus est et docturus gentes? Dicebant ergo. Num-

quid interficiet semetipsum quia dicit quo ego uado uos non potestis uenire. Et dicebat eis. Uos de deorsum estis: ego de supernis sum. Uos de mundo hoc estis. ego non sum de hoc mundo. Dixi ergo uobis: quia moriemini in peccatis uestris. Si enim non credideritis quia ego sum: moriemini in peccato uestro. Dicebant ergo ei. Tu quis es? Dixit eis ihesus. Principium qui et loquor uobis. Multa habeo de uobis loqui: et iudicare. Sed qui misit me uerax est: et que audiui ab eo hec loquor in mundo. Et non cognouerunt: quia de patre eis dicebat. Dixit ergo eis ihesus. Cum exaltaueritis filium hominis: tunc cognoscetis quia ego sum. Et a meipso facio/ nichil: [fo. 46. set sicut docuit me pater hec loquor. Et qui me misit mecum est: et non reliquid me solum. Quia ego que placita sunt ei: facio semper.

Offertorium.

Benedicam dominum qui tribuit michi intellectum. prouidebam deum in conspectu meo semper. quoniam a dextris est michi ne commouear.

Secretum.

Hec hostia domine placationis et laudis tua nos propiciatione dignos efficiat. Per.

Communio.

Domine dominus noster. quam admirabile est nomen tuum in uniuersa terra.

Postcommunio.

Hec nos communio domine purget a crimine et celestis remedii faciat esse consortes. Per.

*Super populum.**Oracio.*

Adesto supplicationibus nostris omnipotens deus: et quibus fiduciam sperande pietatis indulges. consuete misericordie tribue benignus effectum. Per.

Feria iii. officium.

Tibi dixit cor meum quesui uultum tuum. uultum tuum domine requiram ne auertas faciem tuam a me. *Ps.* Dominus illuminatione.

Oracio.

Perfice quesumus domine benignus in nobis obseruancie sancte subsidium: ut que te auctore facienda cognouimus. te operante impleamus. Per.

Leccio libri regum.

In diebus illis: Factum est uerbum domini ad helyam thesbiten dicens. Surge et uade in sareptam sydoniorum: et manebis ibi. Precepi enim ibi mulieri uidue: ut pascat te. Surrexit et abiit in sareptam. Cumque uenisset ad portam ciuitatis apparuit ei mulier uidua colligens ligna. Et uocauit eam: dixitque ei. Da michi paululum aque in uase: ut bibam. Cumque illa pergeret ut afferret: clamauit post tergum eius dicens. Affer michi obsecro et buccellam panis in manu tua. Que respondit. Uiuat dominus deus tuus quia non habeo panem

nisi quantum pugillus potest capere farine in ydria : et paululum olei in lechito. En colligo duo ligna : ut ingrediar et faciam illud michi et filio meo. ut comedamus et moriamur. Ad quam helyas ait. Noli timere : sed uade et fac sicut dixisti. Uerumptamen : michi primum fac de ipsa farinula subcinericium panem paruulum : et affer ad me. Tibi autem et filio tuo : facies postea. Hec autem dicit dominus deus israel. Ydria farine non deficiet : [fo. 46. b. et lechitus olei non minuetur usque in diem in qua daturus est dominus pluuiam super faciem terre. Que abiit et fecit : iuxta uerbum helye. Et comedit ipse et ipsa : et domus eius. Ex illa die ydria farine non defecit et lechitus olei non est inminutus iuxta uerbum domini : quod locutus est : in manu helye.

Gradale.

IActa cogitatum tuum in domino et ipse te enutriet. *Y.* Dum clamarem ad dominum exaudiuit uocem meam ab hiis qui appropinquant michi.

Secundum matheum.

IN illo tempore : Locutus est ihesus ad turbas : et ad discipulos suos dicens. Super cathedram moysi : sederunt scribe et pharisei. Omnia ergo quecumque dixerint uobis : seruare et facite. Secundum uero opera eorum : nolite facere. Dicunt enim : et non faciunt. Alligant enim onera grauia. et importabilia. et imponunt in humeros hominum : digito autem

suo nolunt ea mouere. Omnia uero opera sua faciunt : ut uideantur ab hominibus. Dilatant enim philacteria sua. et magnificant fimbrias. Amant autem primos recubitus in cenis et primas cathedras in synagogis. et salutationes in foro. et uocari ab hominibus rabi. Uos autem nolite uocari rabi. Unus est enim : magister uester. Omnes autem uos fratres estis. Et patrem nolite uocare uobis super terram. Unus est enim pater uester : qui in celis est. Nec uocemini magistri : quia magister uester unus est christus. Qui maior est uestrum : erit minister uester. Qui autem se exaltauerit : humiliabitur. Et qui se humiliauerit : exaltabitur.

Offertorium.

MIserere michi domine secundum magnam misericordiam tuam dele domine iniquitatem meam.

Secretum.

SAnctificationem tuam nobis domine hiis misteriis placatus operare : que nos et a terrenis uiciis purget. et ad celestia dona perducatur. Per.

Communio.

NArrabo omnia mirabilia tua letabor et exultabo in te psallam nomini tuo altissime.

Postcommunio.

SIt nobis domine quesumus medicamentis et corporis : quod de sancto altari tuo percepimus : ut nullis aduersitatibus fatigemur. qui tanti remedii participatione munimur. Per.

Super populum.

PROPICIARE domine supplicationibus nostris: et animarum nostrarum medere languoribus. ut remissione percepta: in tua semper/ benedictione [fo. 47. letemur. Per.

Feria iiii. officium.

NE derelinquas me domine deus meus ne discedas a me intende in adiutorium meum domine uirtus salutis mee. *Ps.* Domine ne in furore tuo. ii.

Oratio.

POPULUM tuum domine propicius respice. et quos ab escis carnalibus precipis abstinere. a noxiis quoque uiciis cessare concede. Per.

Leccio libri hester.

IN diebus illis: Orauit hester ad dominum dicens. Domine deus rex omnipotens in dictione tua cuncta sunt posita. et non est qui possit resistere tue uoluntati. Si decreueris saluare nos: continuo liberabimur. Tu enim domine fecisti celum et terram. et quicquid celi ambitu continetur. Tu es deus omnium: et non est qui resistat uoluntati tue. Et nunc domine rex regum deus abraham miserere populo tuo quia uolunt inimici nostri perdere. et hereditatem tuam delere. Ne despicias partem quam redemisti tibi: set exaudi deprecationem nostram et propicius esto sorti. et funiculo hereditatis tue. Et conuerte luctum nostrum in gaudium: ut uiuentes laudemus nomen tuum. Et ne claudas ora te canencium te: domine deus noster.

Gradale.

SALUUM fac populum tuum domine. et benedic hereditati tue. *Y.* Ad te domine clamabo deus meus ne sileas a me et ero similis descendentibus in lacum.

Secundum matheum.

IN illo tempore: Ascendens ihesus iherosolimam assumpsit duodecim discipulos secreto. et ait illis. Ecce ascendimus iherosolimam: et filius hominis tradetur principibus sacerdotum et scribis: et condemnabunt eum morte. Et tradent eum gentibus ad illudendum et flagellandum. et crucifigendum. Et tertia die resurget. Tunc accessit ad eum mater filiorum zebedei cum filiis suis: adorans et petens aliquid ab eo. Qui dixit ei. Quid uis. Ait illi. Dic ut sedeant hii duo filii mei unus ad dexteram tuam. et alius ad sinistram in regno tuo. Respondens autem ihesus: dixit. Nescitis quid petatis. Potestis bibere calicem quem ego bibiturus sum? Dicunt ei. Possumus. Ait illis. Calicem quidem meum bibetis: sedere autem ad dexteram meam uel sinistram non est meum dare uobis: sed quibus paratum est: a patre meo. Et audientes decem: indignati sunt de duobus fratribus. Ihesus autem uocauit eos ad se: et/ ait illis. [fo. 47. b. Scitis quia principes gentium dominantur eorum: et qui maiores sunt potestatem exercent in eos. Non ita erit inter uos. Set quicumque uoluerit inter uos maior fieri: sit uester minister. Et qui uoluerit inter

uos primus esse: erit uester seruus. Sicut filius hominis non uenit ministrari: sed ministrare. Et dare animam suam: redemptionem pro multis.

Offertorium.

AD te domine leuauit animam meam deus meus in te confido non erubescam. neque irideant mei inimici mei etenim uniuersi qui te expectant non confundentur.

Secretum.

HOSTIAS domine quas tibi offerimus propicius respice. et per hec sancta commercia uincula peccatorum nostrorum absolue. Per.

Communio.

Iustus dominus et iusticias dilexit. equitatem uidit uultus eius.

Postcommunio.

Uicia cordis humani hec domine quesumus medicina salutaris compescat. que mortalitatis nostre uenit curare languores: Per dominum.

Super populum.

DEUS innocencie restitutor et amator. dirige ad te tuorum corda seruorum: ut spiritus tui feruore concepto. et in fide inueniantur stabiles. et in opere efficaces. Per dominum. In unitate.

Feria quinta officium.

DEUS in adiutorium meum intende. domine ad adiuuandum me festina. confundantur et reuerentur inimici mei qui querunt animam meam. Ps. Auertantur retrorsum.

Oratio.

PREsta nobis domine quesumus auxilium gracie tue: ut ieiuniis et oracionibus conuenienter intenti: liberemur ab hostibus mentis et corporis. Per dominum.

Leccio Ieremie prophete.

HEC dicit dominus deus. Maledictus homo: qui confidit in homine. et ponit carnem brachium suum: et a domino recedit cor eius. Erit enim quasi mirice in deserto. et non uidebit cum uenerit bonum. set habitabit in siccitate in deserto in terra salsuginis et inhabitabili. Benedictus uir qui confidit in domino: et erit dominus fiducia eius. Et erit tanquam lignum quod transplantatur super aquas quod ad humorem mittit radices suas. et non timebit cum uenerit estus. Et erit folium eius uiride. et in tempore siccitatis non erit sollicitum. nec aliquando desinet facere fructum. Prauum est cor hominis: et inscrutabile. Quis cognoscet illud? Ego dominus scrutans corda et probans renes qui do/ unicuique iuxta [fo. 48. uiam suam. et iuxta fructum adinuencionum suarum. Dicit dominus: omnipotens.

Gradale.

PROpicius esto domine peccatis nostris nequando dicant gentes ubi est deus eorum. V. Adiuua nos deus salutaris noster et propter honorem nominis tui domine libera nos.

IN illo tempore : Dixit ihesus turbis iudeorum. Non possum ego a meipso facere quicquam. set sicut audio iudico. Et iudicium meum uerum est : quia non quero uoluntatem meam. set uoluntatem eius qui me misit. Si ego testimonium perhibeo de meipso : testimonium meum non est uerum. Alius est qui testimonium perhibet de me. et scio quia uerum est testimonium eius quod perhibet de me. Uos misistis ad iohannem et testimonium perhibuit ueritati. Ego enim testimonium non accipio. ab homine sed hec dico ut uos salui sitis. Ille erat lucerna ardens et lucens : uos autem uoluistis ad horam exultare in luce eius. Ego autem testimonium habeo : maius iohanne. Opera enim que dedit michi pater ut perficiam ea ipsa opera que ego facio testimonium perhibent de me. quia pater me misit. Et qui me misit pater : ipse testimonium perhibet de me. Neque uocem eius umquam audistis neque speciem eius uidistis. Et uerbum eius non habetis in uobis manens : quia quem misit ille huic uos non creditis. Scrutamini scripturas : in quibus putatis uos uitam eternam habere. Et ipse sunt que testimonium perhibent de me. Et non uultis uenire ad me : ut uitam habeatis. Claritatem ab hominibus non accipio : set cognoui uos quia dileccionem dei non habetis in uobis. Ego ueni in nomine patris mei : et non accepistis me. Si alius uenerit in nomine

suo : illum suscipietis. Quomodo potestis uos credere qui gloriam abinuicem expectatis. et gloriam que a solo deo est non queritis. Nolite ergo putare : quia ego accusaturus sum uos apud patrem. Est qui uos accusat : moyses in quo uos speratis. Si enim crederetis moysi : crederetis forsitan et michi. De me enim : ille scripsit. Si enim illius litteris non creditis : quomodo uerbis meis credetis.

Offertorium.

PRecatus est moyses in conspectu domini dei sui et dixit. precatus est moyses in conspectu domini dei sui et dixit. quare domine irasceris in populo tuo. parce ire animi/ tui memento [fo. 48. b. abraham ysaac et iacob. quibus iurasti dare terram fluentem lac et mel. et placatus factus est dominus de malignitate quam dixit facere populo suo.

Secretum.

DEus cui omnium sacrificiorum uarietate finita hostiam nunc offerimus singularem : adesto uotis tua inspiratione conceptis : ut in te sperantium. et desideria iubeas perfici. et peccata deleri. Per.

Communio.

Qui manducat carnem meam et bibit sanguinem meum. in me manet et ego in eo dicit dominus.

Postcommunio.

GRacia tua nos quesumus domine non derelinquat. que et sacre nos deditos faciat seruituti : et tue nobis opem semper adquirat largitatis. et ab omnibus tueatur aduersis. Per.

*Super populum.
Oracio.*

A Desto domine famulis tuis. et perpetuam benignitatem largire poscentibus. ut hiis qui te auctore et gubernatore gloriantur. et congregata restaures et restaurata conserues. Per.

Feria vi. officium.

E Go autem cum iusticia apparebo in conspectu tuo saciabor dum manifestabitur gloria tua. *Ps.* Exaudi domine. iusticiam meam. Gloria patri.

Oracio.

DA quesumus omnipotens deus: ut sacro nos purificante ieiunio. sinceris mentibus ad sancta uentura facias peruenire. Per.

Leccio libri Genesis.

IN diebus illis. Dixit ioseph fratribus suis. Auditesomponum meum quod uidi. Putabam ligare nos manipulos in agro. et quasi consurgere manipulum meum et stare. uestros que manipulos circumstantes adorare manipulum meum. Responderunt fratres eius. Numquid rex noster eris aut subiciemur ditioni tue? Hec ergo causa sompnorum atque sermonum inuidie et odii fomitem ministravit. Aliud quoque uidit sompnum quod narrans fratribus ait. Uidi per sompnum: quasi solem et lunam et stellas undecim adorare me. Quod cum patri suo et fratribus retulisset: increpauit eum pater et dixit. Quid sibi uult hoc somp-

nium quod uidisti. Num ego et mater tua. et fratres tui adorabimus te super terram? Inuidebant ei igitur fratres sui: pater uero rem tacitus considerabat. Cumque fratres illius in pascendis gregibus patris morarentur in sychem. dixit ad eum israel. Fratres tui pascunt oues in sychemis: ueni mittam te ad eos. Quo respondente presto sum: ait Uade et uide si cuncta prospera sint erga fratres tuos et pecora: et renuncia/ [fo. 49. michi quid agatur. Missus de ualle ebron: uenit in sychem. Inuenitque eum uir errantem in agro: et interrogauit quid quereretur. At ille respondit. Fratres meos quero: indica michi ubi pascunt greges. Dixitque ei uir. Recesserunt de loco isto. audiui autem eos dicentes eamus in dothaym. Perrexit ergo ioseph post fratres suos. et inuenit eos in dothaym. Qui cum uidissent eum procul: antequam accederet ad eos: cogitauerunt illum occidere et mutuo loquebantur. Ecce sompniator uenit. Uenite occidamus eum: et mittamus eum in cisternam ueterem. Dicemus que. Fera pessima deuorauit eum. Et tunc apparebit: quid illi prosint sompnia sua. Audiens autem hoc ruben: nitebatur liberare eum de manibus eorum et dicebat. Non interficiamus animam eius nec effundamus sanguinem: set proicite eum in cisternam hanc que est in solitudine: manus que uestras seruate innoxias. Hoc autem dicebat: uolens eripere eum de manibus eorum: et reddere patri suo.

Gradale.

AD dominum cum tribularer clamaui. et exaudiuit me. *Ps.*
Domine libera animam meam a labiis iniquis: et a lingua dolosa.

Secundum matheum.

In illo tempore: Dixit ihesus discipulis suis et turbis iudeorum parabolam hanc. Homo quidam erat paterfamilias qui plantauit uineam: et sepem circumdedit ei. et fodit in ea torcular. et edificauit turrim et locauit eam agricolis et peregre profectus est. Cum autem tempus fructuum appropinquasset: misit seruos suos ad agricolas. ut acciperent fructus eius. Et agricole apprehensis seruis eius. alium ceciderunt. alium occiderunt alium uero lapidauerunt. Iterum misit alios seruos: plures prioribus et fecerunt illis similiter. Nouissime autem misit ad eos filium suum dicens. Uerebuntur filium meum. Agricole autem uidentes filium: dixerunt intra se. Hic est heres. Uenite occidamus eum et habebimus hereditatem eius. Et apprehensum eum: eiecerunt extra uineam et occiderunt. Cum autem uenerit dominus uinee. quid faciet agricolis illis? Aiunt illi. Malos male perdet: et uineam suam locabit aliis agricolis qui reddunt ei fructum temporibus suis./ Dicit illis ihesus. [fo. 49. b. Numquam legistis in scripturis. lapidem quem reprobauerunt edificantes: hic factus est in capud anguli a domino factum est istud. et est mirabile in oculis nostris. Ideo dico uobis aufertur a uobis regnum dei: et

dabitur genti facienti fructus eius. Et qui ceciderit super lapidem istum confringetur. Super quem uero ceciderit. conteret eum. Et cum audissent principes sacerdotum et pharisei parabolam eius: cognouerunt quod de ipsis diceret. Et querentes eum tenere timuerunt turbas: quoniam sicut prophetam: eum habebant.

Offertorium.

Domine in auxilium meum respice confundantur et reuerentur qui querunt animam meam ut auferant eam.

Secretum.

Hec in nobis sacrificia deus et accione permaneant et operatione firmentur. Per.

Communio.

Tu domine seruabis nos et custodies nos a generatione hac in eternum.

Postcommunio.

Fac nos quesumus domine accepto pignore salutis eterne sic tendere congruenter. ut ad eam peruenire possimus. Per.

Super populum.

Da quesumus domine populo tuo salutem mentis et corporis: ut bonis operibus inherendo tue semper uirtutis mereatur protectione defendi. Per.

Sabbato officium.

Lex domini irreprehensibilis¹ conuertens animas testimonium domini fidei sapientiam prestans paruulis. *Ps.* Celi enarrant.

¹ Sic.

DA quesumus domine nostris effectum ieiuniis salutarem: ut castigacio carnis assumpta. ad nostrarum uegetacionem trans-eat animarum. Per.

Leccio libri Genesis.

IN diebus illis: Dixit rebecca filio suo iacob. Audiui patrem tuum loquentem cum esau fratre tuo et dicentem ei. Affer michi de uenenacione¹ tua et fac michi cibos ut comedam: et benedicam tibi coram domino antequam moriar. Nunc ergo fili mi adquiesce consiliis meis et pergens ad gregem affer michi duos hedos optimos ut faciam ex eis escas patri tuo quibus libenter uescetur. Quas cum intuleris et comederit: benedicat tibi priusquam moriatur. Cui ille respondit. Nosti quod esau frater meus homo pilosus sit. et ego lenis. Si attrectauerit me pater meus et senserit: timeo ne putet sibi me uoluissse illudere. et inducat super me maledictionem pro benediccione. Ad quem mater. In me sit/ [fo. 50. sit¹ ista maledicchio fili mi. Tantum audi uocem meam et pergens affer que dixi. Abiit et attulit: deditque matri. Parauit illa cibos sicut nouerat uelle patrem illius. et uestibus esau ualde bonis quas apud se habebat domi induit eum. Pelliculasque hedorum circumdedit manibus: et colli nuda protexit. Dedit pulmentum: et panes quos coxerat tradidit. Quibus illatis. dixit. Pater mi? At ille respondit. Audio. Quis es

¹ Sic.

tu fili mi? Dixitque iacob. Ego sum esau primogenitus tuus. Feci: sicut precepisti michi. Surge sede. et comede de uenacione mea: ut benedicat michi anima tua. Rursum ysaac ad filium suum. Quomodo inquit tam cito inuenire potuisti fili mi. Qui respondit. Uoluntas dei fuit: ut cito michi occurreret quod uolebam. Dixit que ysaac. Accede huc ut tangam te fili mi: et probem utrum tu sis filius meus esau annon. Accessit ille ad patrem: Et palpato eo: dixit ysaac. Uox quidem uox iacob est: set manus manus sunt esau. Et non cognouit eum quia pilose manus similitudinem maioris expresserant. Benedicens ergo illi ait. Tu es filius meus esau. Respondit: Ego sum. At ille. Affer michi inquit cibos de uenacione tua fili mi: ut benedicat tibi anima mea. Quos cum oblatos comedisset: optulit ei eciam uinum. Quo hausto: dixit ad eum. Accede ad me: et da michi osculum fili mi. Accessit: et osculatus est eum. Statimque ut sensit uestimentorum eius fragrantiam: benedicens ait: Ecce odor filii mei sicut odor agri pleni cui benedixit dominus. Det tibi deus de rore celi. et de pinguedine terre habundanciam frumenti et uini et olei. et seruiant tibi populi et adorent te tribus. Esto dominus fratrum tuorum: et incuruentur ante te filii matris tue. Qui maledixerit tibi sit ille maledictus: et qui benedixerit tibi. benedictionibus repleatur. Uix ysaac sermonem impleuerat. et egresso

iacob foras : uenit esau. Cocos que de uenacione cibos : intulit patri dicens. Surge pater mi : et comede de uenacione filii tui : ut benedicat michi anima tua. Dixitque ysaac. Quis enim es tu ? Qui respondit. Ego sum filius tuus primogenitus esau. /Ex-[fo. 50. b. paut ysaac stupore uehementi : et ultra quam credi potest admirans ait. Quis igitur ille est qui dudum captam uenacionem mihi attulit michi et comedi ex omnibus priusquam tu uenires ? benedixique ei : et erit benedictus. Auditis esau sermonibus patris : irriguit¹ clamore magno et consternatus ait. Benedic eciam et michi pater mi. Qui ait. Uenit germanus tuus fraudulenter : et accepit benedictionem tuam. At ille subiunxit. Iuste uocatum est nomen eius iacob. Supplantauit enim me : en altera uice. Primogenita mea ante tulit : et nunc secundo surripuit benedictionem meam ? Rursumque ad patrem. Numquid non reseruasti ait et michi benedictionem ? Respondit ysaac. Dominum tuum illum constitui : et omnes fratres eius seruituti illius subiugauit. Frumento et uino stabiliui eum : et tibi post hec fili mi ultra quid faciam ? Cui esau. Num unam inquit tantum benedictionem habes pater ? Michi quoque obsecro : ut benedicas. Cumque eiulatu magno fleret : motus ysaac dixit ad eum. In pinguedine terre, et in rore celi desuper : erit benedictio tua.

BOnum est¹ est confiteri domino et psallere nomini tuo altissime. *Y.* Ad annunciandum mane misericordiam tuam. et ueritatem tuam per noctem.

Secundum Lucam.

IN illo tempore : Dixit ihesus discipulis suis. Homo quidam habuit duos filios : et dixit adolescencior¹ ex illis patri. Pater : da michi porcionem substantie que me contingit. Et diuisit illis substantiam. Et non post multos dies congregatis omnibus adolescencior filius peregre profectus est in regionem longinquam. Et ibi dissipauit omnem substantiam suam uiuendo luxuriose. Et postquam omnia consummasset : facta est fames ualida in regione illa. Et ipse cepit egere. Et abiit et adhesit uni ciuium regionis illius : et misit illum in uillam suam ut pasceret porcos. Et cupiebat implere uentrem suum de siliquis quas porci manducabant : et nemo illi dabat. In se autem reuersus dixit. Quanti mercenarii in domo patris mei habundant panibus : ego autem hic fame pereor. Surgam et ibo ad patrem meum : et dicam ei. Pater : peccaui in celum et coram te : et iam non sum dignus uocari filius tuus. Fac me sicut unum de mercenariis. Et surgens : uenit ad patrem suum. Cum autem adhuc longe esset. uidit illum pater ipsius et misericordia motus est. Et accurrens cecidit super collum eius et osculatus est eum. Dixitque ei filius.

Pater: peccaui in celum et coram te: et iam non sum dignus uocari filius tuus. Dixit autem pater ad seruos suos. Cito proferte stolam primam et induite illum. et date anulum in manu eius. et calciamenta in pedes eius. Et adducite uitulum saginatum et occidite. et manducemus et epulemur: quia hic filius meus mortuus fuerat et reuixit. perierat: et inuentus est. Et ceperunt epulari. Erat autem filius eius senior in agro. Et cum ueniret et appropinquaret domui: audiuit symphoniam et chorum. Et uocauit unum de seruis: et interrogauit que hec essent. Is que dixit illi. Frater tuus uenit. et occidit pater tuus uitulum saginatum quia saluum illum recepit. Indignatus est autem: et nolebat introire. Pater ergo illius egressus: cepit rogare eum. At ille respondens: dixit patri suo. Ecce tot annis seruo tibi. et nunquam mandatum tuum preterui. et numquam dedisti michi hedum ut cum amicis meis epularer. Sed postquam hic filius tuus qui deuorauit substantiam suam cum meretricibus uenit. occidisti illi uitulum saginatum. At ipse dixit illi. Fili: tu semper mecum es: et omnia mea tua sunt. Epulari autem et gaudere oportebat. quia frater tuus hic mortuus fuerat et reuixit. perierat: et inuentus est.

Offertorium.

Illumina oculos meos neumquam obdormiam in morte nequando dicat inimicus meus preualui aduersus eum.

Secretum.

His sacrificiis domine concede placatus: ut qui propriis oramus absolui delictis. non grauemur exterius. Per.

Communio.

Oportet te fili gaudere quia frater tuus mortuus fuerat et reuixit. perierat. et inuentus est.

Postcommunio.

Sacramenti tui domine diuina libacio penetralia nostri cordis infundat. et sui participes potenter efficiat. Per.

Super populum.

Familiam tuam quesumus domine continua pietate custodi: ut que in sola spe gracie celestis innitur. celesti etiam protectione muniatur. Per.

Dominica iii. officium.

Oculi mei semper ad dominum quia ipse euellet de laqueo pedes meos respice in me et miserere mei quoniam unicus/ et [fo. 51. b. pauper sum ego. Ps. Ad te domine leuaui.

Oracio.

Quesumus omnipotens deus uota humilium respice: atque ad defensionem nostram dexteram tue magestatis extendere. Per.

Ad ephesios.

Fratres: Estote imitatores dei sicut filii karissimi: et ambulate in dilectione sicut et christus dilexit nos. et tradidit semetipsum pro nobis oblacionem et hostiam deo in odorem suauitatis. Fornicacio autem et

omnis inmundicia aut auaricia nec nominetur in uobis sicut decet sanctos : aut turpitudine. aut stultiloquium aut scurilitas que ad rem non pertinet. set magis graciaram accio. Hoc enim scitote intelligentes : quod omnis fornicator aut inmundus aut auarus. quod est ydolorum seruitus non habet hereditatem in regno christi et dei. Nemo uos seducat inanibus uerbis. Propter hec enim : uenit ira dei in filios diffidencie. Nolite ergo effici participes eorum. Eratis enim aliquando tenebre : nunc autem lux in domino. ut filii lucis ambulate. Fructus enim lucis est in omni bonitate : et iusticia et ueritate.

Gradale.

EXurge domine non preualeat homo iudicentur. gentes in conspectu tuo. *℣.* In conuertendo inimicum meum retrorsum infirmabuntur et peribunt a facie tua.

Tractus.

AD te leuaui oculos meos qui habitas in celis. *℣.* Ecce sicut oculi seruorum in manibus dominorum suorum. *℣.* Et sicut oculi ancille in manibus domine sue. *℣.* Ita oculi nostri ad dominum deum nostrum donec misereatur nostri. *℣.* Miserere nobis domine. miserere nobis.

Secundum lucam.

IN illo tempore : Erat ihesus eiciens demonium : et illud erat mutum. Et cum eiecisset demonium : locutus est mutus et admirentur sunt turbe. Quidam autem ex eis dixerunt. In beelzebub principe demoniorum

eicit demonia. Et alii temptantes : signum de celo querebant ab eo. Ipse autem ut uidit cogitationes eorum dixit eis. Omne regnum in seipsum diuisum. desolabitur et domus supra domum cadet. Si autem et sathanas in seipsum diuisus est : quomodo stabit regnum ipsius. quia dicitis in beelzebub eicio demonia ? Si autem ego in beelzebub eicio demonia : filii uestri in quo eiciunt ? Ideo ipsi : iudices uestri erunt. Porro si in digito dei eicio demonia : profecto peruenit in uos regnum dei. / Cum fortis armatus [*fo. 52.* custodit ¹armatus custodit¹ atrium suum : in pace sunt ea que possidet. Si autem forcior illo superueniens uicerit eum. uniuersa arma eius auferet in quibus confidebat et spolia eius distribuet. Qui non est mecum : aduersum me est. Et qui non colligit mecum : dispergit. Cum inmundus spiritus exierit ab homine : ambulat per loca inaquosa querens requiem. Et non inueniens : dicit. Reuertar in domum meam unde exiui. Et cum uenerit : inuenit eam uacantem scopis mundatam et ornatam. Et tunc uadit et assumit septem alios spiritus secum nequiores se : et ingressi habitant ibi. Et fiunt nouissima hominis illius : peiora prioribus. Factum est autem. Cum hec diceret extollens uocem quedam mulier de turba dixit illi. Beatus uenter qui te portauit : et ubera que suxisti. At ipse dixit. Quinimmo : beati qui audiunt uerbum dei : et custodiunt illud.

¹—¹ These two words struck out with a red line.

Offertorium.

Iusticie domini recte letificantes
corda et dulciora super mel et
fauum nam et seruus tuus custodiet
ea.

Secretum.

Suscipe quesumus domine
deuotorum munera famu-
lorum tuorum et tua diuinis
purifica seruientes pietate mis-
teriis. quibus eciam iustificas
ignorantes. Per.

Communio.

Passer inuenit sibi domum. et
turtur nidum ubi reponat pul-
los suos altaria tua domine uirtutum
rex meus et deus meus. beati qui
habitant in domo tua in seculum
seculi laudabunt te.

Postcommunio.

Acunctis nos domine reatibus
et periculis propiciatus ab-
solue : quos tanti misterii tribuis
esse participes. Per.

Feria ii. officium.

IN deo laudabo uerbum. in domi-
no laudabo sermonem in deo
speraui non timebo quid faciat michi
homo. *Ps.* Miserere mei deus
quoniam conculcauit me homo.

Oracio.

Cordibus nostris quesumus
domine gratiam tuam be-
nignus infunde : ut sicut ab escis
corporalibus abstinemus. ita sen-
sus quoque nostros a noxiis re-
trahamus excessibus. Per.

Leccio libri regum.

IN diebus illis : Naaman prin-
ceps milicie regis syrie : erat
uir magnus apud dominum suum
et honoratus. Per illum enim :

dedit dominus salutem syrie.
Erat autem uir fortis et diues :
set leprosus. Porro de syria
egressi fuerant latrunculi. et cap-
tiuam duxerant de terra israel
puellam paruulam : que erat in
obsequio uxoris naaman. Que-
ait ad dominam suam. / [fo. 52. b.
Utinam fuisset dominus meus ad
prophetam qui est in samaria.
profecto curasset eum : a lepra
quam habet. Ingressus est ita-
que naaman ad dominum suum
et nunciauit ei dicens. Sic et
sic locuta est puella de terra is-
rael. Dixitque ei rex syrie.
Uade : et mittam literas ad re-
gem israel. Qui cum profectus
esset et tulisset secum decem
talenta argenti et sex milia
aureos et decem mutatoria uesti-
mentorum detulit literas ad re-
gem israel in hec uerba. Cum
acceperis epistolam hanc. scito
quod miserim ad te naaman ser-
uum meum. ut cures eum a lepra
sua. Cumque legisset rex israel
litteras : scidit uestimenta sua et
ait. Numquid deus ego sum ut
occidere possim et uiuificare quia
iste misit ad me ut curem homi-
nem a lepra sua ? Animaduer-
tite et uidete : quod occasiones
querat aduersum me. Quod
cum audisset heliseus uir dei
scidisse uidelicet regem israel
uestimenta sua : misit ad eum
dicens. Cur scidisti uestimenta
tua ? ueniat ad me et sciat pro-
phetam esse in israel. Uenit
ergo naaman cum equis et curri-
bus et stetit ad ostium domus
helysei. misitque ad eum heliseus
nuncium dicens. Uade et lauare
sepcies in iordane et recipiet
sanitatem caro tua atque mun-

daberis. Iratus que naaman recedebat dicens. Putabam quod egrederetur ad me et stans inuocaret nomen domini dei sui. et tangeret manu sua locum lepre et curaret me. Numquid non meliores sunt abana et pharphar fluuii damasci. omnibus aquis israel. ut lauer in eis et munder? Cum ergo uertisset se et abiret indignans accesserunt ad eum serui sui et locuti sunt ei. Pater : et si rem grandem dixisset tibi propheta : certe facere debueras. Quanto magis quia nunc dixit tibi lauare et mundaberis. Descendit et lauit in iordane sepcies. iuxta sermonem uiri dei : et restituta est caro eius sicut caro pueri paruuli. et mundatus est a lepra. Reuersus que ad uirum dei cum uniuerso comitatu suo uenit et stetit coram eo et ait. Vere scio quod non sit alius deus in uniuersa terra : nisi tantum dominus deus israel.

Gradale.

DEus uitam meam annunciaui tibi. posuisti lacrimas meas in conspectu tuo. *℣.* Miserere michi domine quoniam conculcauit me homo tota die bellans/ tribula- [fo. 53. uit me.

Secundum Lucam.

IN illo tempore : Dixerunt pharisei ad ihesum. Quanta audiuius facta in capharnaum : fac et hic in patria tua. Ait autem. Amen dico uobis. quia nemo propheta acceptus est in patria sua. In ueritate dico uobis multe uidue erant in diebus helie in israel quando clausum est celum annis tribus et mensibus sex. cum facta esset fames magna

in omni terra. et ad nullam illarum missus est helyas nisi in sarepta sidonie ad mulierem uiduam. Et multi leprosi erant in israel sub helyseo propheta : et nemo eorum mundatus est nisi naaman syrus. Et repleti sunt omnes in synagoga ira : hec audientes. Et surrexerunt et eiecerunt illum extra ciuitatem : et eduxerunt illum usque ad supercilium montis super quem ciuitas illorum erat edificata. ut precipitarent eum. Ipse autem transiens : per medium illorum ibat.

Offertorium.

EXaudi deus oracionem meam et ne despexeris deprecationem meam intende in me et exaudi me.

Secretum.

MUnus quod tibi domine nostreseruitutis offerimus. tu salutare nobis perface sacramentum. Per.

Communio.

Quis dabit ex syon salutare israel cum auerterit dominus captiuitatem plebis sue exultabit iacob et letabitur israel.

Postcommunio.

PResta quesumus omnipotens et misericors deus : ut que ore contingimus pura mente capiamus. Per.

Super populum.

SUbueniat nobis domine misericordia tua. ut ab imminetibus peccatorum nostrorum periculis te mereamur protegente saluari. Per.

Feria iii. officium.

EGo clamaui quoniam exaudisti me deus inclina aurem tuam et exaudi uerba mea custodi me domine ut pupillam oculi sub umbra alarum tuarum protege me. *Ps.* Exaudi domine iusticiam meam. Gloria patri.

Oracio.

EXaudi nos omnipotens et misericors deus. et contineencie salutaris propicius nobis dona concede. Per.

Leccio libri Regum.

IN diebus illis: Mulier quedam clamabat ad helyseum prophetam dicens. Seruus tuus uir meus mortuus est: et tu nosti quia seruus tuus fuit timens deum. Et ecce creditor uenit: ut tollat duos filios meos ad seruiendum sibi. Cui dixit helyseus. Quid uis ut faciam tibi? Dic michi quid habes in domo tua. At illa respondit. Non habeo ancilla tua quicquam in domo mea: nisi parum olei quo ungar. Cui ait. Uade et pete [fo. 53. b. mutuo ab omnibus uicinis tuis uasa uacua non pauca. et ingredere in¹ domum tuam et claude hostium cum intrinsecus fueris tu et filii tui. et mitte inde in omnia uasa hec. Et cum plena fuerint tolles. Iuit itaque mulier et clausit ostium super se. et super filios suos. Illi offerebant uasa: et illa infundebat. Cumque plena fuissent uasa: dicit ad filium suum. Affer michi adhuc uas. At ille respondit. Non habeo. Stetitque oleum. Uenit autem illa et in-

dicaui homini dei. At ille. Uade inquit uende oleum: et redde creditori tuo. Tu autem et filii tui: uiuite de reliquo.

Gradale.

AB occultis meis munda me domine et ab alienis parce seruo tuo. *Ps.* Si mei non fuerint dominati tunc immaculatus ero. et emundabor a delicto maximo.

Secundum matheum.

IN illo tempore: Respiciens ihesus in discipulos suos: dicit symoni petro. Si peccauerit in te frater tuus uade et corripe eum inter te et ipsum solum. Si te audierit: lucratus eris fratrem tuum. Si autem non te audierit: adhibe tecum adhuc unum uel duos ut in ore duorum uel trium testium stet omne uerbum. Quod si non audierit eos: dic ecclesie. Si autem ecclesiam non audierit: sit tibi sicut ethnicus et publicanus. Amen dico uobis quecumque alligaueritis super terram erunt ligata et in celo. Et quecumque solueritis super terram erunt soluta et in celo. Iterum dico uobis: quia si duo ex uobis consenserint super terram de omni re quamcumque pecierint: fiet illis a patre meo qui in celis est. Ubi enim sunt duo uel tres congregati in nomine meo: ibi sum in medio eorum. Tunc accedens petrus: ad eum dixit. Domine: quociens peccabit in me frater meus dimittam ei usque sepcies. Dixit illi ihesus. Non dico tibi usque sepcies. sed usque septuagies sepcies.

¹ Struck out with red line.

Offertorium.

Dextera domini fecit uirtutem
dextera domini exaltauit me
non moriar sed uiuam et narrabo
opera domini.

Secretum.

Per hec ueniat quesumus do-
mine sacramenta nostre
redemptionis effectus. que nos et
ab humanis retrahat semper ex-
cessibus. et ad salutaria cuncta
perducatur. Per.

Communio.

Domine quis habitabit in taber-
naculo tuo aut quis requiescet
in monte sancto tuo. qui ingreditur
sine macula et operatur iusticiam.

Postcommunio.

Sacris domine misteriis ex-
piati et ueniam/ [fo. 54.
consequamur et gratiam. Per.

Super populum.

Tua nos domine protectione
defende : et ab omni sem-
per iniquitate custodi. Per.

Feria iiii. officium.

Ego autem in domino speraui
exultabo et letabor in tua
misericordia. quia respexisti humili-
tatem meam. *Ps.* In te domine
speraui. i. Gloria patri.

Oratio.

Presta nobis quesumus do-
mine : ut ieiuniis et ora-
cionibus eruditi. a noxiis quoque
uiciis abstinentes propiciacio-
nem tuam facilius impetremus.
Per.

Leccio libri exodi.

Hec dicit dominus deus :
Honora patrem tuum et
matrem tuam : ut longeuus sis

super terram quam dominus
deus tuus dabit tibi. Non occi-
des non mechaberis non furtum
facies. Non loqueris contra prox-
imum tuum falsum testimonium.
Non concupisces rem prox-
imi tui : nec desiderabis uxorem
eius. Non seruum non ancil-
lam. non bouem non asinum.
nec omnia que illius sunt. Cun-
ctus autem populus audiebat
uoces et uidebat lampades : et
sonitum buccine. montemque
fumantem. Et perterriti ac pa-
uore concussi. steterunt procul
dicentes moysi. Loquere tu
nobis : et audiemus. Non lo-
quatur nobis dominus : ne forte
moriatur. Et ait moyses ad
populum. Nolite timere. Ad
enim probaret uos : uenit deus.
et ut terror illius esset in uobis.
et non peccaretis. Stetitque
populus de longe : moyses autem
accessit ad caliginem in qua erat
deus. Dixit preterea dominus
ad moysen. Hec dices filiis
israel. Uos uidistis quod de
celo locutus sum uobis. Non
facietis deos argenteos : nec
deos aureos facietis uobis. Al-
tare de terra facietis michi. et
offeretis super illud holocausta
et pacifica uestra. Oues uestras
et boues : in omni loco in quo
memoria fuerit : nominis mei.

Gradale.

Miserere mei domine quoniam in-
firmus sum sana me domine.
¶ Conturbata sunt omnia ossa mea
et anima mea turbata est ualde.

Secundum matheum.

In illo tempore : Accesserunt
ad ihesum ab iherosolimis
scribe et pharisei dicentes.

Quare discipuli tui transgrediuntur traditiones seniorum? non enim lauant manus suas cum panem manducant. Ipse autem respondens ait illis. Quare et uos transgredimini mandatum dei propter traditionem uestram? Nam deus dixit. Honora patrem tuum et matrem tuam. Et qui male/dixerit patri [fo. 54. b. uel matri: morte moriatur. Uos autem dicitis. Quicumque dixerit patri uel matri munus quodcumque est ex me tibi proderit: et non honorauit¹ patrem suum aut matrem suam. et irritum fecistis mandatum dei propter traditionem uestram. Ypocrite: bene prophetauit de uobis ysaias propheta dicens. Populus hic labiis me honorat: cor autem eorum longe est a me. Sine causa autem colunt me docentes doctrinas et mandata hominum. Et conuocatis ad se turbis: dixit eis. Audite: et intelligite. Non quod intrat in os coinquinat hominem: sed quod procedit ex ore hoc coinquinat hominem. Tunc accedentes discipuli eius: dixerunt ei. Scis quia pharisei audito hoc uerbo scandalizati sunt? At ille respondens ait illis: Omnis plantacio quam non plantauit pater meus celestis: eradicabitur. Sinite illos. Ceci sunt, et duces cecorum. Cecus autem si ceco ducatum prebeat: ambo in foueam cadunt. Respondens autem petrus: dixit ei. Edissere nobis parabolam istam. At ille dixit. Adhuc et uos sine intellectu estis? Non intelligitis quia omne quod in os intrat in

¹ Sic.

uentrem uadit et in secessum emittitur. Que autem procedunt de ore. de corde exeunt et ea sunt que coinquinant hominem. De corde enim exeunt cogitationes male. homicidia. adulteria. fornicaciones. furta. falsa testimonia. blasphemie. Hec sunt: que coinquinant hominem. Non lotis autem manibus manducare: non coinquinat hominem.

Offertorium.

Domine fac mecum misericordiam tuam propter nomen tuum quoniam suauis est misericordia tua.

Secretum.

Suscipe domine quesumus preces populi tui cum oblationibus hostiarum. et tua miseria celebrantes ab omnibus nos defende periculis. Per.

Communio.

Notas michi fecisti uias uite adimplebis me leticia cum uultu tuo domine.

Postcommunio.

Sanctificet nos quesumus domine qua pasti sumus mensa celestis: et a cunctis erroribus expiatis: supernis promissionibus reddat acceptos. Per.

Super populum.

Concede quesumus omnipotens deus: ut qui protectionis tue gratiam querimus: liberati a malis omnibus secura tibi mente seruiamus. Per.

Feria v. officium.

Salus populi ego sum dicit dominus de quacumque tribulatione clamauerint/ ad me [fo. 55. exaudiam eos. et ero illorum

dominus imperpetuum. *Ps.* Attendite popule meus.

Oracio.

COncede quesumus omnipotens deus: ut ieiuniorum nobis sancta deuocio. et purificationem tribuat et magestati tue nos reddat acceptos. *Per.*

Leccio Ieremie prophete.

IN diebus illis: Factum est uerbum domini ad me dicens. Sta in porta domus domini: et predica ibi uerbum istud et dic. Audite uerbum domini omnis iuda. qui ingredimini per portas has. ut adoretis dominum. Hec dicit dominus exercituum deus israel. Bonas facite uias uestras. et studia uestra: et habitabo uobiscum in loco isto. Nolite confidere in uerbis mendacii dicentes. Templum domini. templum domini est. Quoniam si benedixeritis uias uestras et studia uestra. si feceritis iudicium uerum inter uirum et proximum eius. aduene et pupillo. et uidue non feceritis calumpniam. nec sanguinem innocentem effuderitis in loco isto. et post deos alienos non ambulaueritis in malum uobismetipsis. habitabo uobiscum in loco isto. in terra quam dedi patribus uestris: a seculo. et usque in seculum. Dicit dominus: omnipotens.

Gradale.

OCuli omnium in te sperant domine et tu das escam illorum in tempore opportuno. *℣.* Aperis tu manum tuam. et imples omne animal benedictione.

Secundum Iohannem.

IN illo tempore: Dixit ihesus turbis. Operamini non cibum qui perit: sed qui permanet in uitam eternam. quem filius hominis dabit uobis. Hunc enim pater signauit deus. Dixerunt ergo ad eum. Quid faciemus ut operemur opera dei? Respondit ihesus: et dixit eis. Hoc est opus dei: ut credatis in eum quem misit ille. Dixerunt ergo ei. Quod ergo tu facis signum ut uideamus et credamus tibi? Quid operaris? Patres nostri manducauerunt manna in deserto: sicut scriptum est. Panem de celo dedit eis manducare. Dixit ergo eis ihesus. Amen amen dico uobis: non moyses dedit uobis panem de celo. sed pater meus dat uobis panem de celo. Uerus enim panis est qui de celo descendit et dat uitam mundo. Pater meus dat nobis panem uerum Panis enim dei est qui descendit de celo: et dat uitam mundo. Dixerunt ergo ad eum. Domine: semper da nobis panem hunc. Dixit autem eis ihesus. Ego sum panis uite. Qui uenit ad me: non esuriet. Et [fo. 55. b. qui credit in me: non siciet unquam.

Offertorium.

SI ambulauero in medio tribulationis uiuificabis me domine et super iram inimicorum meorum extends manum tuam. et saluum me fecit dextera tua.

Secretum.

FAc nos quesumus domine ad sancta misteria purificatis mentibus accedere: ut tibi

semper competens deferamus obsequium. Per.

Communio.

TU mandasti mandata tua custodiri nimis utinam dirigantur uie mee ad custodiendas iustificationes tuas.

Postcommunio.

SACRAMENTI tui domine ueneranda perceptio. et mystico nos mundet effectum. et perpetua uirtute defendat. Per.

Super populum.

SUBIECTUM tibi populum quesumus domine propiciatio celestis amplifcet. et tuis semper faciat seruire mandatis. Per.

Feria vi. officium.

FAc mecum domine signum in bono. ut uideant qui me oderunt et confundantur quoniam tu domine adiuuisti me. et consolatus es me. *Ps.* Inclina domine aurem tuam.

Oratio.

IEIUNIA nostra quesumus domine benigno fauore prosequere: ut sicut ab alimentis abstinemus in corpore. ita a uiciis ieiunemus in mente. Per.

Leccio libri numeri.

IN diebus illis: Conuenerunt filii israel ad moysen et aaron: et uersi in sedicionem dixerunt. Da nobis aquam ut bibamus. Ingressus que moyses et aaron dimissa multitudo ante tabernaculum federis corruerunt proni in terram. clamaueruntque ad dominum atque dixerunt. Domine deus exaudi clamorem populi huius: et aperi eis thesaurum tuum fontem aque

uiue ut saciati cesset murmuracio eorum. Et apparuit gloria domini super eos. Locutus est dominus ad moysen dicens. Tolle uirgam et congrega populum tu et aaron frater tuus: et loquimini ad petram coram eis. et illa dabit aquas. Cumque eduxeris aquam de petra: bibet omnis multitudo et iumenta eius. Tulit igitur moyses uirgam que erat in conspectu domini: sicut preceperat ei. Congregataque multitudo ante petram: dixit eis. Audite rebelles et increduli. Num de petra hac uobis aquam poterimus eicere? Cumque eleuasset moyses manum percutiens uirga bis silicem: egressae sunt aque largissime. ita ut populus biberet. et iumenta. Dixitque preterea dominus ad moysen et aaron. Quia non credidistis michi. ut sanctificaretis me coram filiis israel: non introducetis hos populos in terram quam dabo eis. Hec est aqua/ contradiccionis. ubi [fo. 56. iurgati sunt filii israel contra dominum: et sanctificatus est in eis.

Gradale.

IN deo sperauit cor meum et adiuutus sum et reffloruit caro mea. et ex uoluntate mea confitebor illi. *Ps.* Ad te domine clamabo: deus meus ne sileas ne discedas a me.

Secundum Iohannem.

IN illo tempore: oportebat ihesum: transire per samariam. Uenit ergo in ciuitatem samarie que dicitur sychar: iuxta predium quod dedit iacob ioseph filio suo. Erat autem ibi fons iacob. Ihesus ergo fatigatus ex

itinere : sedebat sic super fontem. Hora erat : quasi sexta. Uenit mulier de samaria : haurire aquam. Dicit ei ihesus. Da michi bibere. Discipuli autem eius abierant in ciuitatem : ut cibos emerent. Dicit ergo ei mulier illa samaritana quomodo tu iudeus cum sis bibere a me possis. que sum mulier samaritana? non enim coutuntur iudei samaritanis. Respondit ihesus : et dixit ei. Si scires donum dei. et quis est qui dicit tibi da michi bibere. tu forsitan petisses ab eo. et dedisset tibi aquam uiuam. Dicit ei mulier. Domine. neque in quo haurias habes : et puteus altus est. Unde ergo habes aquam uiuam? Numquid tu maior es patre nostro iacob qui dedit nobis puteum. et ipse ex eo bibit. et filii eius et pecora eius? Respondit ihesus : et dixit ei. Omnis qui bibit ex aqua hac. siciet iterum. Qui autem biberit ex aqua quam ego dabo ei non siciet in eternum. Sed aqua quam ego dabo ei : fiet in eo fons aque salientis in uitam eternam. Dicit ad eum mulier. Domine : da michi hanc aquam. ut non siciam neque ueniam huc haurire. Dicit ei ihesus. Uade uoca uirum tuum : et ueni huc. Respondit ei mulier : et dixit. Non habeo uirum. Dicit ei ihesus. Bene dixisti quia non habeo uirum. Quinque enim uiros habuisti : et nunc quem habes non est tuus uir. Hoc uere dixisti. Dicit ei mulier. Domine : uideo quia propheta es tu. Patres nostri in monte hoc adorauerunt : et uos dicitis quia iherosolimis est locus ubi adorari oportet. Dicit

ei ihesus. Mulier crede michi : quia uenit hora quando neque in monte hoc neque in iherosolimis adorabitis patrem. Uos adoratis quod nescitis. nos adoramus quod scimus quia salus ex iudeis est. Set uenit hora et nunc est quando ueri adoratores adorabunt patrem in spiritu et ueritate. Nam et pater tales querit :/ qui adorent eum. Spiritus [fo. 56. b. est deus : et eos qui adorant eum in spiritu. et ueritate oportet adorare. Dicit ei mulier. Scio quia messyas uenit qui dicitur christus. Cum ergo uenerit : ille nobis annuntiabit omnia. Dicit ei ihesus. Ego sum : qui loquor tecum. Et continuo uenerunt discipuli eius : et mirabantur quia cum muliere loquebatur. Nemo tamen dixit ei quid queris. aut quid loqueris cum ea. Reliquid ergo ydriam suam mulier. et abiit in ciuitatem. et dicit illis hominibus. Uenite et uidete hominem qui dixit michi omnia quecumque feci. Numquid ipse est christus? Exierunt de ciuitate : et ueniebant ad eum. Interea rogabant eum discipuli eius dicentes. Rabi : manduca. Ille autem dicit eis. Ego cibum habeo manducare : quem uos nescitis. Dicebant ergo discipuli adinuicem. Numquid aliquis attulit ei manducare? Dicit eis ihesus. Meus cibus est ut faciam uoluntatem eius qui misit me : ut perficiam opus eius. Nonne uos dicitis quia adhuc quatuor menses sunt. et messis uenit? Ecce dico uobis. Leuate oculos uestros et uidete regiones : quia albe sunt iam ad messem. Et

qui metit mercedem accipit: et congregat fructum in uitam eternam. Ut et qui seminat simul gaudeat. et qui metit. In hoc enim est uerbum uerum: quia alius est qui seminat. et alius est qui metit. Ego misi uos metere: quod uos non laborastis. Alii laborauerunt: et uos in labores eorum introistis. Ex ciuitate autem illa multi crediderunt in eum samaritanorum propter uerbum mulieris testimonium perhibentis: quia dixit michi omnia quaecumque feci. Cum ergo uenissent ad illum samaritani: rogauerunt eum ut ibi maneret. Et mansit ibi duos dies. Et multo plures crediderunt in eum propter sermones eius: et mulieri dicebant quia iam non propter tuam loquelam credimus. Ipsi enim audiuius et scimus: quia hic est uere saluator mundi.

Offertorium.

Intende uoci oracionis mee rex meus et deus meus quoniam ad te orabo domine.

Secretum.

Respice domine propicius ad munera que sacramus. ut et tibi grata sint. et nobis salutaria semper existant. Per.

Communio.

Qui biberit aquam quam ego dabo/ ei¹ dicit dominus [fo. 57. samaritane fiet in eo fons aque salientis in uitam eternam.

Postcommunio.

Huius domine nos perceptio sacramenti mundet a crimine. et ad celestia regna perducat. Per.

¹ Written over erasure.

Super populum.

Presta quesumus omnipotens deus ut qui in tua protectione confidimus cuncta nobis aduersancia te adiuuante uincamus. Per.

Sabbato officium.

Uerba mea auribus percipe domine intellige clamorem meum intende uoci oracionis mee. Ps. Quoniam ad te orabo.

Oracio.

Presta quesumus omnipotens deus: ut qui se affligendo carnem ab alimentis abstinens. sectando iusticiam a culpa ieiunent. Per.

Leccio danielis prophete.

In diebus illis: Erat uir in babyлоне: et nomen eius ioachim. Et accepit uxorem nomine susannam filiam helchie pulcram nimis. et timentem dominum. Parentes enim illius cum essent iusti: erudierunt filiam suam secundum legem moysi. Erat autem ioachim diues ualde. et erat ei pomerium uicinum domui sue. Et ad ipsum confluebant iudei: eo quod esset honorabilior esset omnibus. Et constituti sunt duo senes iudices in anno illo de quibus locutus est dominus quia egressa est iniquitas de babilone a senioribus iudicibus qui uidebantur regere populum. Isti frequentabant domum ioachim: et ueniebant ad eos omnes qui habebant iudicia. Cum autem populus reuertisset post meridiem: ingrediebatur susanna. et deambulabat in pomerio uiri sui. Et uidebant eam senes cotidie ingredientem. et deambulantem

et exarcerunt in concupiscenciam eius. et auerterunt sensum suum. et declinauerunt oculos suos ut non uiderent celum. neque recordarentur iudiciorum iustorum. Factum est autem. cum obseruarent diem aptum quando eam inuenire possent solam ingressa est aliquando sicut heri et nudius tercius cum duabus solis puellis uoluitque lauari in pomerio. Estus quippe erat. Et non erat ibi quisquam preter duos senes absconditos. et contemplantes eam. Dixit ergo puellis. Afferte michi oleum et smigmata: et ostia pomerii claudite ut lauer. Cum autem egressa essent puelle. surrexerunt duo senes. et dixerunt. Ecce hostia pomerii clau/sa sunt: et nemo [fo. 57. b. nos uidet. Quamobrem assentire nobis: et commiscere nobiscum. quod si nolueris dicemus testimonium contra te quod fuerit tecum iuuenis. et ob hanc causam emiseris puellas a te. Ingemuit susanna et ait. Angustie michi sunt undique. Si enim hoc egero: mors michi est. Si autem non egero: non effugiam manus uestras. Set melius est michi absque opere incidere in manus uestras. quam peccare in conspectu domini. Et exclamauit uoce magna susanna. Exclamauerunt autem et senes aduersus eam. Cum ergo audissent clamorem in pomerio famuli domus: irruerunt per posticum. ut uiderent quid nam esset. Postquam autem senes locuti sunt: erubuerunt serui uehementer. quia numquam dictus fuerat sermo huiuscemodi de susanna. Et facta est dies crastina.

Cumque uenisset populus ad uirum eius ioachim: uenerunt et duo presbiteri pleni iniqua cogitatione aduersus susannam. ut interficerent eam. Et dixerunt coram populo. Mittite ad susannam filiam helchie: uxorem ioachym. Et statim miserunt. Et uenit cum parentibus et filiis et uniuersis cognatis suis. Flebant igitur sui: et omnes qui nouerant eam. Consurgentes autem duo presbiteri in medio populi: posuerunt manus suas super caput eius. Que flens: suspexit ad celum. Erat enim cor eius: fiduciam habens in domino. Et dixerunt presbiteri. Cum deambularem in pomerio soli: ingressa est hec cum duabus puellis et clausit ostia pomerii. et dimisit puellas a se. Uenitque adolescens qui erat absconditus: et concubuit cum ea. Porro nos cum essemus in angulo pomerii uidentes iniquitatem cucurrimus ad eos. et uidimus eos pariter commisceri. Et illum quidem non quiuimus comprehendere. quia forcior nobis erat: et aperto ostio exiliuit. Hanc autem cum apprehendissemus interrogauimus quisnam esset adolescens. et noluit indicare nobis. Huius igitur rei testes sumus. Credidit eis multitudo quasi senibus populi et iudicibus. et condempnauerunt eam ad mortem. Exclamauit autem uoce magna susanna et ait. Deus eterne qui absconditorum es cognitor. qui nosti omnia antequam/ fiant. tu scis quoniam falsum testimonium tulerunt contra me. Et ecce morior cum nichil horum fecerim: que

isti maliciose composuerunt aduersum me. Exaudiuit autem dominus uocem eius. Cumque duceretur ad mortem suscitauit deus spiritum sanctum pueri iunioris: cui nomen daniel. Et exclamauit uoce magna daniel. Mundus ego sum: a sanguine huius. Et conuersus omnis populus ad eum ait. Quis est iste sermo quem tu locutus es? Qui cum staret in medio eorum dixit: Sic fatui israel non iudicantes neque quod uerum est cognoscentes condempnastis filiam israel. Reuertimini ad iudicium: quia falsum testimonium locuti sunt aduersus eam. Reuersus est ergo populus cum festinatione: et dixit ad eos daniel. Separate eos abinuiem procul: et diiudicabo eos. Cum ergo diuisi essent alter ab altero: uocauit unum de eis. et dixit ad eum. Inueterate dierum malorum: nunc uenerunt peccata tua que operabar prior iudicans iudicia iniusta innocentes opprimens. et dimittens noxios dicente domino. Innocentem et iustum non interficies. Nunc ergo si uidisti eam dic sub qua arbore uidisti eos colloquentes sibi. Qui ait. Sub cino. Dixit autem daniel. Recte mentitus es in capud tuum. Ecce enim angelus domini accepta sententia ab eo: scindet te medium. Et amoto eo: iussit uenire alium. et dixit ei. Semen chanaan et non iuda: species decepit te. et concupiscencia subuertit cor tuum. Sic faciebatis filiabus israel: et ille timentes loquebatur uobis. Set non filia iuda: sustinuit iniquitatem uestram.

Nunc ergo dic michi sub qua arbore comprehenderis eos colloquentes sibi. Qui ait. Sub prino. Dixit autem ei daniel. Recte mentitus es et tu in capud tuum. Manet enim angelus domini gladium habens ut cecet te medium. et interficiat uos. Exclamauit itaque omnis cetus uoce magna et benedixerunt dominum qui saluat sperantes in se. Et consurrexerunt aduersum duos presbiteros. conuicerat enim eos daniel ex ore suo falsum dixisse testimonium. fecerunt que eis sicut male egerant aduersus proximam. et interfecerunt eos. Et saluatus est sanguis innoxius: / in [fo. 58 b. die illa.

Gradale.

SI ambulem in medio umbre mortis non timebo mala quoniam tu mecum es domine. *Y.* Uirga tua et baculus tuus ipsa me consolata sunt.

Secundum Iohannem.

IN illo tempore: Perrexit ihesus in montem oliueti: et diluculo iterum uenit in templum. Et omnis populus uenit ad eum et sedens docebat eos. Adducunt autem scribe et pharisei mulierem in adulterio deprehensam et statuerunt eam in medio et dixerunt ei. Magister: hec mulier modo deprehensa est in adulterio. In lege autem moyses mandauit nobis huiusmodi lapidare. Tu ergo quid dicis? Hoc autem dicebant temptantes eum: ut possent accusare eum. Ihesus autem inclinans se deorsum: digito scribebat in terra. Cum autem

perseuerarent interrogantes eum: crexit se et dixit eis. Quis sine peccato est uestrum: primus in illam lapidem mittat. Et iterum se inclinans: scribebat in terra. Audientes autem: unus post unum exhibant incipientes a senioribus. Et remansit ihesus solus: et mulier in medio stans. Erigens autem se ihesus: dixit ei. Mulier: ubi sunt¹ qui te accusabant? Nemo te condempnauit? Que dixit. Nemo domine. Dixit autem, ei ihesus. Nec ego te condempnabo. Uade: et iam amplius noli peccare.

Offertorium.

Gressus meos dirige domine secundum eloquium tuum ut non dominetur mei omnis iniusticia domine.

Secretum.

Efficiatur hec hostia domine quesumus sollempnibus grata ieiuniis. et ut tibi fiat acceptior. purificatis mentibus immoletur. Per.

Communio.

Nemo te condempnauit mulier nemo domine. nec ego te condempnabo iam amplius noli peccare.

Postcommunio.

Quesumus omnipotens deus: ut inter eius membra numeremur cui corpori communicamus et sanguini. Ihesu christi domini nostri. Qui tecum.

Super populum.

Pretende domine fidelibus tuis dexteram celestis auxilii: ut te corde perquirant.

¹ In lower margin of this column is a sketch of battlements.

et que digne postulant assequantur. Per.

Dominica iiii. officium.

Letare ierusalem. et conuentum facite omnes qui diligitis eam. gaudete cum leticia. qui in tristitia fuistis. ut exultetis et saciemini abundanter uberibus consolationis uestre. *Ps.* Letatus sum. Gloria patri.

Oratio.

Concede quesumus omnipotens deus: ut qui ex merito nostre accionis affligimur. tue gracie consolacione respiremus. Per.

Ad galathas. [fo. 59.

Fratres: Scriptum est quoniam abraham duos filios habuit. Unum de ancilla: et unum de libera. Set qui de ancilla: secundum carnem natus est. Qui autem de libera: per repromissionem. que sunt per allegoriam dicta. Hec enim sunt duo testamenta. Unum quidem a monte syna in seruitutem generans: que est agar. Syna enim mons est in arabia: qui coniunctus est ei que nunc est ierusalem. et seruit cum filiis suis. Illa autem que sursum est ierusalem libera est que est mater nostra. Scriptum est enim. Letare sterilis que non paris: erumpe et clama que non parturis. quia multi filii deserte magis quam eius que habet uirum. Nos autem fratres: secundum ysaac promissionis filii sumus. Sed quomodo tunc is qui secundum carnem natus fuerat. persequabatur eum qui secundum spiritum: ita et nunc. Sed quid dicit scriptura? Eice

ancillam et filium eius. Non enim heres erit filius ancille: cum filio libere. Itaque fratres non sumus ancille filii. sed libere. Qua libertate: christus nos liberauit.

Gradale.

L Etatus sum in hiis que dicta sunt michi in domum domini ibimus. *Ps.* Fiat pax in uirtute tua. et habundancia in turribus tuis.

Tractus.

Qui confidunt in domino sicut mons syon non commouebitur in eternum qui habitat in iherusalem. *Ps.* Montes in circuitu eius et dominus in circuitu populi sui ex hoc nunc et usque in seculum.

Iohannem.

In illo tempore: Abiit ihesus transmare galilee: quod est tyberiadis. Et sequebatur eum multitudo magna. quia uidebant signa que faciebat super hiis qui infirmabantur. Subiit ergo in montem ihesus et ibi sedebat cum discipulis suis. Erat autem proximum pascha: dies festus iudeorum. Cum subleuasset ergo oculos ihesus et uidisset quia multitudo maxima uenit ad eum: dixit ad philippum. Unde¹ ememus panes ut manducent hii? Hoc autem dicebat: temptans eum. Ipse enim sciebat: quid esset factururus. Respondit ei philippus. Ducentorum denariorum panes non sufficiunt eis: ut unusquisque modicum quid accipiat. Dicit ei unus ex discipulis eius: andreas frater symonis petri. Est puer unus hic qui habet quinque panes ordaceos.

¹ Added in margin.

et duos pisces. Sed hec quid sunt./ inter tantos? [fo. 59. b. Dixit ergo ihesus. Facite homines discumbere. Erat autem fenum multum in loco. Discubuerunt ergo uiri: numero quasi quinque milia. Accepit ergo ihesus panes: et cum gracias egisset distribuit discumbentibus. Similiter et ex piscibus: quantum uolebant. Ut autem impleti sunt: dixit discipulis suis. Colligite que superauerunt fragmenta ne pereant. Collegerunt ergo et impleuerunt duodecim cophinos fragmentorum ex quinque panibus ordaceis que superfuerunt hiis qui manducauerant. Illi ergo homines cum uidissent quod fecerat signum: dicebant. Quia hic est uere propheta: qui uenturus est in mundum.

Offertorium.

L Audate dominum quia benignus est psallite nomini eius quoniam suauis est omnia quecumque uoluit fecit in celo et in terra.

Secretum.

Annue nobis quesumus domine. ut et diuinis semper sollempnitatibus occupemur. et misteriis sacris mente pariter congruamus et corpore. Per.

Communio.

Iherusalem que edificatur ut ciuitas cuius participatio eius in idipsum. illuc enim ascenderunt tribus tribus domini ad confitendum nomini tuo domine.

Postcommunio.

DA nobis quesumus misericors deus: ut sancta tua quibus incessanter explemur:

sinceris tractemus obsequiis. et
fidei semper mente sumamus.
Per.

Feria ii. officium.

DEus in nomine tuo saluum me
fac et in uirtute tua iudica me
deus exaudi oracionem meam. *Ps.*
Quoniam alieni.

Oracio.

PRESTA quesumus omnipotens
deus: ut obseruaciones
sacras annua deuocione recolentes.
et corpore tibi placeamus et
mente. Per.

Leccio libri regum.

IN diebus illis: Uenerunt due
mulieres meretrices ad regem
salamonem: steteruntque
coram eo. Quarum una ait.
Obsecro mi domine: ego et
mulier hec habitabamus in domo
una. et pepererim apud eam in
cubiculo. Tercia uero die postquam
ego pepererim: peperit et hec.
Et eramus simul: nullus
que alius in domo nobiscum
exceptis nobis duabus. Mortuus
est autem filius huius mulieris
nocte. Dormiens quippe: oppressit
eum. Et consurgens intempeste
noctis silencio: tulit filium meum
de latere meo ancille tue dormientis.
et collocavit in sinu suo. Suum
autem filium qui erat mortuus: posuit
in sinu meo. Cumque surrexissem
mane ut darem lac filio meo:
apparuit mortuus. [fo. 60. Quem
diligentius intuens clara luce:
deprehendi non esse meum quem
genueram. Responditque altera
mulier. Non est ita. Sed filius
tuus mortuus est. meus autem
uiuuit. E contrario illa

dicebat. Mentiris. filius quippe
meus uiuit. et filius tuus mortuus
est. Atque in hunc modum
contendebant coram rege. Tunc
rex ait. Hec dicit filius meus
uiuuit et filius tuus mortuus est.
et ista respondit non. sed filius
tuus mortuus est meus autem
uiuuit. Dixit ergo rex. Afferte
michi gladium. Cumque attulissent
gladium coram rege ait. Diuidite
inquit infantem uiuum in duas
partes: et date dimidiam partem
uni. et dimidiam partem alteri.
Dixit autem mulier cuius filius
erat uiuus ad regem. Commota
sunt quippe uiscera eius. super
filio suo. Obsecro domine: date
illi infantem uiuum. et nolite
interficere eum. E contrario illa
dicebat. Nec michi nec tibi.
sed diuidatur. Respondit rex.
et ait. Date huic infantem uiuum:
et non occidatur. Hec est enim
mater eius. Audiuit itaque
omnis israel iudicium quod iudicasset
rex et timuerunt regem uidentes
sapientiam dei esse in eo. ad
faciendum iudicium.

Gradale.

EStO michi in deum protectorem.
et in locum refugii ut saluum
me facias. *Ps.* Deus in te speraui
domine non confundar in eternum.

Secundum Iohannem.

IN illo tempore: Prope erat
pascha iudeorum: et ascendit
ihesus iherosolimam. Et inuenit
in templo uendentes oues. et boues.
et columbas et nummularios sedentes.
Et cum fecisset quasi flagellum de
funiculis: omnes eiecit de templo.

oues quoque. et boues. et nummulariorum effudit es. et mensas subuertit: et hiis qui columbas uendebant dixit. Auferte ista hinc: et nolite facere domum patris mei domum negociacionis. Recordati sunt uero discipuli eius. quia scriptum est. Zelus domus tue comedit me. Responderunt ergo iudei: et dixerunt ei. Quod signum ostendis nobis quia hec facis? Respondit ihesus: et dixit eis. Soluite templum hoc: et in tribus diebus excitabo illud. Dixerunt ergo ei iudei. Quadraginta et sex annis edificatum est templum hoc: et tu in tribus diebus excitabis illud? Ille autem dicebat. de templo corporis sui. Cum ergo resurrexisset a mortuis: recordati sunt discipuli eius quia/ hoc dicebat. Et [fo. 60. b. crediderunt scripture: et sermoni. quem dixit eis ihesus. Cum autem essent iherosolimis in die festo: multi crediderunt in nomine eius. uidentes signa que faciebat. Ipse autem ihesus non ostendebat semetipsum eis: eo quod ipse nosset omnes. et quia opus ei non erat ut quis testimonium perhiberet de homine. Ipse enim sciebat: quid esset in homine.

Offertorium.

Iubilate deo omnis terra iubilate deo omnis terra seruite domino in leticia intrate in conspectu eius in exultatione quia dominus ipse est deus.

Secretum.

Tuis domine. quesumus operare mistereris.¹ ut hec tibi

¹ Sic.

munera dignis mentibus offeramus. Per.

Communio.

AB occultis meis munda me domine. et ab alienis parce seruo tuo.

Postcommunio.

Quos diuinis domine reficis sacramentis. tuis sustenta presidiis. et quos beneficiis temporalibus refoues pasce perpetuis. Per.

Super populum.

Deprecacionem nostram quesumus domine benignus exaudi: et quibus supplicandi prestas affectum. tribue defensionis auxilium. Per.

Feria iii. officium.

Exaudi deus oracionem meam. et ne despexeris deprecacionem meam intende in me et exaudi me. *Ps.* Contristatus sum in exercitatione mea. et conturbatus sum a uoce inimici et a tribulatione peccatoris.

Oracio.

Sacre nobis domine quesumus obseruacionis ieiunia et pie conuersacionis augmentum et tue propiciacionis¹ continuum prestant auxilium. Per.

Leccio libri exodi.

IN diebus illis: Locutus est dominus ad moysen dicens. Descende de monte: peccauit populus tuus quem eduxisti de terra egipti. Recesserunt cito de uia. quam ostendisti eis Feceruntque sibi uitulum conflatilem et adorauerunt. atque immolantes ei hostias dixerunt. Isti sunt dii tui israel qui te eduxerunt de terra egipti. Rur-

¹ Sic.

sumque ait dominus ad moysen dicens. Cerno quod populus iste dure ceruicis sit. Dimitte me ut irascatur furor meus contra eos et deleam eos : faciamque te in gentem magnam. Moyses autem orabat dominum deum suum dicens. Cur domine irascitur furor tuus contra populum tuum quem eduxisti de terra egypti in fortitudine magna. et in manu robusta. Ne queso. dicant egypcii. Callide eduxit eos ut interficeret in montibus. et deleret e terra. Quiescat ira tua. et esto placabilis super nequicia populi tui. Recordare/ abraham et ysaac. [fo. 61. et israel seruorum tuorum quibus iurasti per teipsum dicens. Multiplicabo semen uestrum sicut stellas celi. et uniuersam terram de qua locutus sum. dabo semini uestro. et possidebitis eam semper. Placatus que est dominus ne faceret malum quod locutus fuerat aduersus populum suum. Et misertus est populo suo : dominus deus noster.

Gradale.

EXurge domine fer opem nobis. et libera nos propter nomen tuum. V. Deus auribus nostris audiuiimus. patres nostri annunciauerunt nobis opus quod operatus es in diebus eorum et in diebus antiquis.

Iohannem.

IN illo tempore : Iam die festo mediante : ascendit ihesus in templum et docebat. Et mirabantur iudei dicentes. Quomodo hic literas scit. cum non didicerit. Respondit eis ihesus et dixit. Mea doctrina non est

mea : sed eius qui misit me. Si quis uoluerit uoluntatem eius facere : cognoscet de doctrina utrum ex deo sit. an ego a meipso loquar. Qui a semetipso loquitur : gloriam propriam querit. Qui autem querit gloriam eius qui misit illum. hic uerax est et iniusticia in illo non est. Nonne moyses dedit uobis legem. et nemo ex uobis facit legem? Quid me queritis interficere? Respondit turba : et dixit. Demonium habes. Quis te querit interficere? Respondit ihesus et dixit eis. Unum opus feci. et omnes miramini. Propterea moyses dedit uobis circumcisionem. non quia ex moyse est. sed ex patribus. Et in sabbato circumciditis hominem. Si circumcisionem accipit homo in sabbato. ut non soluatur lex moysi michi indignamini quia totum hominem sanum feci in sabbato. Nolite iudicare secundum faciem : set iustum iudicium iudicate. Dicebant autem quidam ex iherosolimis. Nonne hic est quem querunt interficere? Ecce palam loquitur. et nichil ei dicunt. Numquid uere cognouerunt principes quia hic est christus : Sed hunc scimus unde sit. christus autem cum uenerit. nemo scit unde sit. Clamabat ergo docens in templo ihesus et dicens. Et me scitis : et unde sim scitis. Et a meipso non ueni : set est uerus qui misit me quem uos nescitis. Ego scio eum. Et si dixero quia non noui eum ero similis uobis mendax. Set scio eum/ quia ab ipso sum. et [fo. 61. b. ipse me misit. Querebant ergo

189

eum apprehendere. Et nemo misit in illum manum: quia nondum uenerat hora eius. De turba autem: multi crediderunt in eum.

Offertorium.

EXpectans expectaui dominum et respexit me. et exaudiuit deprecationem meam et immisit in os meum canticum nouum ymnium deo nostro.

Secretum.

Fidelium tuorum domine quesumus hostias propicius inuere: ut quod oblatum est per obsequium. et deuotorum uota famulorum tua potius propiciatione firmentur. Per.

Communio.

Letabimur in salutari tuo. et in nomine domini dei nostri magnificabimur.

Postcommunio.

Prosit nobis domine quesumus sacer cibus potus que salutaris: qui et temporalem uitam muniat. et prestet eternam. Per.

Super populum.

Miserere domine populo tuo. et continuis tribulationibus laborantem. propicius respirare concede. Per.

Feria iiii. officium.

Dum sanctificatus fuero in uobis congregabo uos de uniuersis terris et effundam super uos aquam mundam et mundabimini ab omnibus inquinamentis uestris. et dabo uobis spiritum nouum. *Ps.* Tollam quippe uos de gentibus et congregabo uos de uniuersis terris et adducam uos in terram uestram.

190

Oracio.

DEus qui et iustis premia meritorum. et peccatoribus per ieiunium ueniam prebes. miserere supplicibus tuis. ut reatus nostri confessio indulgentiam ualeat percipere delictorum. Per.

Leccio ezechielis prophete.

Hec dicit dominus deus. Sanctificabo nomen meum magnum: ut sciant gentes quia ego sum dominus cum sanctificatus fuero in uobis coram eis. Tollam quippe uos de gentibus et congregabo uos de uniuersis terris. et adducam uos in terram uestram. Et effundam super uos aquam mundam: et mundabimini ab omnibus inquinamentis uestris et ab uniuersis ydolis uestris mundabo uos. Et dabo uobis cor nouum: et spiritum nouum ponam in medio uestri. Et auferam cor lapideum de carne uestra: et dabo uobis cor carneum: et spiritum meum ponam in medio uestri. Et faciam ut in preceptis meis ambuletis. et iudicia mea custodiat et operemini. Et habitabitis in terra quam dedi patribus uestris. et eritis michi in populum: et ego ero uobis in deum. Dicit dominus: omnipotens. [fo. 62.]

Gradale.

Uenite filii audite me timorem domini docebo uos. *Ps.* Accedite ad eum et illuminamini. et facies uestre non confundentur.

Oracio.

Presta quesumus omnipotens deus: ut quos ieiunia uotiuu castigant. ipsa quoque deuo-

cio sancta letificet: ut terrenis affectibus mitigatis: facilius celestia capiamus. Per.

Feria iiii. Leccio ysaie prophete.

HEc dicit dominus deus: Lauamini mundi estote. Auferte malum cogitationum uestrarum ab oculis meis. Quiescite agere peruerse: discite benefacere. Querite iudicium. subuenite oppresso. iudicate pupillo. defendite uiduam. et uenite. et arguite me dicit dominus. Si fuerint peccata ut coccinum: quasi nix dealhabuntur. Et si fuerint rubra quasi uermiculus: uelut lana alba erunt. Si uolueritis et audieritis me: bona terre comedetis. Dicit dominus: omnipotens.

Gradale.

BEata gens cuius est dominus deus eorum. populus quem elegit dominus in hereditatem sibi. V. Uerbo domini celi firmati sunt et spiritu oris eius omnis uirtus eorum.

Iohannem.

IN illo tempore: Preteriens ihesus: uidit hominem cecum a natiuitate sua. Et interrogauerunt eum discipuli eius. Rabi: quis peccauit hic aut parentes eius ut cecus nasceretur? Respondit ihesus. Neque hic peccauit neque parentes eius: set ut manifestentur opera dei in illo. Me oportet operari opera eius qui misit me: donec dies est. Uenit nox: quando nemo potest operari. Quamdiu sum in mundo: lux sum mundi. Hec cum dixisset: expuit in terram. et fecit lutum ex sputo. et liniuit lutum super oculos eius

et dixit ei. Uade et laua in natatoria syloe: quod interpretatur missus. Abiit ergo et lauit: et uenit uidens. Itaque uicini et qui uiderant eum prius quia mendicus erat: dicebant. Nonne hic est qui sedebat et mendicabat? Alii dicebant quia hic est: alii autem nequaquam set similis eius est. Ille uero dicebat: quia ego sum. Dicebant ergo ei. Quomodo aperti sunt tibi oculi: Respondit. Ille homo qui dicitur ihesus lutum fecit. et unxit oculos meos et dixit michi. Uade ad natatoriam syloe: et laua. Et abii et laui: et uidi. Dixerunt ergo ei. Ubi est ille. Ait. Nescio. Adducunt eum ad phariseos: qui cecus fuerat. Erat autem sabbatum: quando lutum fecit/ ihesus. et aperuit [fo. 62. b. oculos eius. Iterum ergo interrogabant eum pharisei: quomodo uidisset. Ille autem dixit eis. Lutum posuit michi super oculos: et laui et uideo. Dicebant ergo ex phariseis quidam. Non est hic homo a deo: qui sabbatum non custodit. Alii autem dicebant. Quomodo potest homo peccator hec signa facere? Et scisma erat intra eos. Dicunt ergo ceco iterum. Tu quid dicis de eo qui aperuit oculos tuos? Ille autem dixit: quia propheta est. Non crediderunt ergo iudei de illo quia cecus fuisset. et uidisset: donec uocauerunt parentes eius qui uiderant. et interrogauerunt eos dicentes. Hic est filius uester quem uos dicitis quia cecus natus est? Quomodo ergo nunc uidet. Responderunt eis paren-

tes eius: et dixerunt. Scimus quia hic est filius noster: et quia cecus natus est. Quomodo ergo nunc uideat nescimus. aut quis eius aperuit oculos nos nescimus. Ipsum interrogate. Etatem habet: ipse de se loquatur. Hec dixerunt parentes eius. quia timebant iudeos. Iam enim conspirauerant iudei: ut si quis eum confiteretur christum. extra synagogam fieret. Propterea parentes eius dixerunt: quia etatem habet ipsum interrogate. Uocauerunt ergo rursum hominem qui cecus fuerat et dixerunt ei. Da gloriam deo. Nos scimus quia hic homo peccator est. Dixit ergo ille. Si peccator est. nescio. Unum scio: quia cecus cum essem modo uideo. Dixerunt ergo illi. Quid fecit tibi? Quomodo aperuit tibi oculos? Respondit eis. Dixi uobis iam: et audistis. Quid iterum uultis audire? Numquid et uos uultis discipuli eius fieri? Maledixerunt ergo ei: et dixerunt. Tu discipulus illius sis. Nos autem moysi discipuli sumus. Nos scimus. quia moysi locutus est deus. Hunc autem nescimus: unde sit. Respondit ille homo: et dixit eis. In hoc enim mirabile est quia uos nescitis unde sit: et aperuit oculos meos. Scimus autem quia peccatores deus non audit. Sed si quis dei cultor est. et uoluntatem eius facit hunc exaudit. A seculo non est auditum. quia quis aperuit oculos ceci nati. Nisi hic esset a deo: non poterat facere quicquam. Responderunt et dixerunt ei. In peccatis natus es totus. et tu doces nos.

M. WESTM.

Et eiecerunt eum foras. Audiuit ihesus quia eiecerunt eum foras: et cum inuenisset eum dixit ei. Tu credis in filium dei? [fo. 63. Respondit ille et dixit. Quis est domine. ut credam in eum? Et dixit ei ihesus. Et uidisti eum: et qui loquitur tecum ipse est. At ille dixit. Credo domine. Et procidens: adorauit eum.

Offertorium.

Benedicite gentes dominum deum nostrum et obaudite uocem laudis eius. qui posuit animam meam ad uitam. et non dedit commoueri pedes meos. benedictus dominus qui non ammouit deprecationem meam et misericordiam suam a me.

Secretum.

Supplices te domine rogamus. ut hiis sacrificiis peccata nostra mudentur. quia tunc ueram nobis tribuis mentis et corporis sanitatem. Per.

Communio.

Lutum ex sputo dominus fecit et liniuit oculos meos et abii et laui. et uidi. et credidi deo.

Postcommunio.

Sacramenta que sumpsimus domine deus noster: et spiritualibus nos impleant alimentis. et corporalibus tueatur auxiliis.

Super populum.

Pateant aures misericordie tue domine precibus supplicancium. et ut petentibus desiderata concedas. fac eos que tibi sunt placita postulare. Per.

Feria quinta officium.

Letetur cor querencium dominum querite dominum et confirmamini querite faciem eius semper. *Ps.* Confitemini domino et inuocate.

Oracio.

Presta quesumus omnipotens deus. ut quos ieiunia uotiuu castigant ipsa quoque deuotio sancta letificet: ut terrenis affectibus mitigatis. facilius celestia capiamus. Per.

Leccio libri regum.

IN diebus illis: Uenit mulier sunamitis ad heliseum in montem carmeli: et apprehendit pedes eius. Et accessit giezi: ut amoueret eam. Et ait homo dei. Dimitte eam. Anima enim eius in amaritudine est. et dominus celauit a me. et non indicauit michi. Que dixit illi. Numquid petiui filium a domino meo? Numquid non dixi tibi ne illudas me? At ille ait ad giezi. Accinge lumbos tuos: et tolle baculum meum in manu tua et uade. Si occurrerit tibi homo non salutes eum: et si salutauerit te quispiam non respondeas illi. Et pone baculum meum super faciem pueri. Porro mater pueri ait. Uiuu dominus et uiuit anima tua: non dimittam te. Surrexit ergo: et secutus est eam. Giezi autem precesserat ante eos: et posuerat baculum super faciem pueri. et non erat uox neque sensus. Reuersusque est giezi in occursum eius: et nunciavit ei dicens. Non surrexit puer. In- [fo. 63. b. gressus est ergo helyseus domum: et ecce puer mortuus iacebat in lectulo eius. Ingressusque clau-

sit ostium super se et super puerum: et orauit ad dominum. Et ascendit et incubuit super puerum: posuitque os suum super os eius et oculos suos super oculos eius. et manus suas super manus eius. Et incuruauit se super puerum: et calefacta est caro pueri. Et ille reuersus deambulauit in domo semel huc et illuc: et ascendit et incuruauit se super eum. Et oscitauit puer sepcies. aperuitque oculos suos. At ille uocauit giezi: et dixit ei. Uoca sunamitem hanc. Que uocata: ingressa est ad eum. Cui ait. Tolle filium tuum. Uenit autem illa et corruit ad pedes eius: et adorauit super terram. Tulitque filium suum: et egressa est. Helyseus uero: reuersus est in galgala.

Gradale.

Respice domine in testamentum tuum. et animas pauperum tuorum ne obliuiscaris in finem. *Y.* Exurge domine et iudica causam tuam memor esto obprobrii seruorum tuorum.

Iohannem.

IN illo tempore: Dixit ihesus turbis iudeorum. Pater meus usque modo operatur: et ego operor. Propterea ergo magis querebant eum iudei interficere: quia non solum soluebat sabbatum. sed et patrem suum dicebat deum equalem se faciens deo. Respondit ergo ihesus: et dixit eis. Amen amen dico uobis: non potest filius a se facere quicquam. nisi quod uiderit patrem facientem. Quicumque enim ille fecerit: hec

et filius similiter facit. Pater enim diligit filium: et omnia demonstrat ei que ipse facit. Et maiora hiis demonstrabit ei opera ut et uos miremini. Sicut enim pater suscitatur mortuos et uiuificat: sic et filius quos uult uiuificat. Neque enim pater iudicat quemquam: sed omne iudicium dedit filio. ut omnes honorificent filium. sicut honorificant patrem. Qui non honorificat filium: non honorificat patrem qui misit illum. Amen amen dico uobis: quia qui uerbum meum audit et credit ei qui misit me habet uitam eternam. Et in iudicium non ueniet: sed transibit de morte ad uitam. Amen amen dico uobis: quia uenit hora et nunc est. quando mortui audient uocem filii dei. et qui audierint uiuent. Sicut enim pater habet uitam in semetipso: sic dedit et filio habere uitam in semetipso. Et potestatem dedit ei iudicium facere: quia filius hominis est. Nolite mirari hoc: quia uenit hora in qua omnes que in monumentis sunt audient uocem filii dei. Et procedent qui bona fecerunt: in resurrectionem uite. Qui uero mala egerunt: in resurrectionem iudicii.

Offertorium.

Domine in auxilium meum respice confundantur et reuerantur qui querunt animam meam ut auferant eam domine ad adiuuandum me festina. confundantur omnes qui cogitant michi mala.

Secretum.

Purifica nos misericors deus: ut ecclesie tue preces que

tibi grate sunt pia munera deferentes. fiant expiatis mentibus graciosiores. Per.

Communio.

Domine memorabor iusticie tue solius deus docuisti me a iuuentute mea et usque in senectam et senium deus ne derelinquas me.

Postcommunio.

Celestia dona capientes quesumus domine non ad iudicium prouenire paciaris. que fide libus tuis ad remedium prouidisti. Per.

Super populum.

Populi tui deus institutor et rector peccata quibus impugnatur expelle: ut semper tibi placitus. et tuo munimine sit securus. Per.

Feria sexta officium.

Meditatio cordis mei in conspectu tuo semper domine adiutor meus et redemptor meus. Ps. Celi enarrant.

Oratio.

Deus qui ineffabilibus mundum renouas sacramentis: presta quesumus: ut ecclesia tua et eternis proficiat institutis. et temporalibus non destituatur auxiliis. Per.

Leccio libri regum.

In diebus illis: Egrotauit filius mulieris matris familie: et erat languor fortissimus ita ut non remaneret in eo alitus. Dixit ergo ad helyam. Quid michi et tibi uir dei? Ingressus es ad me ut remorarentur iniquitates mee et interficeres filium meum. Et ait ad eam helyas.

Sic.

Da michi filium tuum. Tulitque eum de sinu illius. et portauit eum in cenaculum ubi ipse manebat. Et posuit eum super lectum suum et clamauit ad dominum et dixit. Domine deus meus: eciam ne uiduam apud quam ego utcumque sustentor affixisti. ut interficeres filium eius. Et expandit se atque mensus est super puerum tribus uicibus: clamauit que ad dominum et dixit. Domine deus meus: reuertatur oro anima pueri huius in uiscera eius. Exaudiuit autem dominus uocem helye: et reuersa est anima pueri intra eum et/ re- [fo. 64 b. uixit. Tulitque helyas puerum: et deposuit eum de cenaculo in inferiorem domum. et tradidit illum matri sue. et ait illi. En uiuit filius tuus. Dixitque mulier ad helyam. Nunc in isto cognoui: quoniam uir dei es tu: et uerbum domini: in ore tuo uerum est.

Gradale.

BONum est confidere in domino quam confidere in homine. *Ÿ.* Bonum est sperare in domino. quam sperare in principibus.

Iohannem.

IN illo tempore: Erat quidam languens lazarus a bethania: de castello marie et marthe sororum eius. Maria autem erat que unxit dominum unguento. et extersit pedes eius capillis suis cuius frater lazarus infirmabatur. Miserunt ergo sorores eius ad eum dicentes. Domine: ecce quem amas infirmatur. Audiens autem ihesus: dixit eis. Infirmitas hec non est ad mor-

tem: sed pro gloria dei. ut glorificetur filius dei per eam. Diligebat autem ihesus: martham et sororem eius mariam. et lazarus. Ut ergo audiuit quia infirmabatur: tunc quidem mansit in eodem loco duobus diebus. Deinde post hec dixit discipulis suis. Eamus in iudeam iterum. Dicunt ei discipuli eius. Rabi: nunc querebant te iudei lapidare. et iterum uadis illuc? Respondit eis ihesus. Nonne duodecim hore sunt diei? Si quis ambulauerit in die non offendit: quia lucem huius mundi uidet. Siquis autem ambulauerit in nocte offendit: quia lux non est in eo. Hec ait: et post hec dicit eis. Lazarus amicus noster dormit: sed uado ut a sompno excitem eum. Dixerunt ergo discipuli eius. Domine: si dormit saluus erit. Dixerat autem ihesus de morte eius. Illi autem putauerunt: quia de dormicione sompni diceret. Tunc ergo dixit eis manifeste. Lazarus mortuus est. Et gaudeo propter uos ut credatis: quoniam non eram ibi. Sed eamus ad eum. Dixit ergo thomas qui dicitur didimus: ad condiscipulos. Eamus nos et moriamur cum eo. Uenit itaque ihesus: et inuenit eum quatuor dies iam in monumento habentem. Erat autem bethania iuxta iherosolimam quasi stadiis quindecim. Multi autem ex iudeis uenerant ad martham et mariam: ut consolarentur eas de fratre suo. Martha ergo ut audiuit quia ihesus uenit: occurrit illi. Maria autem: domi sedebat. Dixit ergo/ martha [fo. 65. ad ihesum. Domine si fuisses

hic: frater meus non fuisset mortuus. Sed et nunc scio: quia quecumque poposceris a deo dabit tibi deus. Dicit ei ihesus. Resurget frater tuus. Dicit ei martha. Scio: quia resurget in resurrectione in nouissimo die. Dicit ei ihesus. Ego sum: resurrectione et uita. Qui credit in me: etiam si mortuus fuerit uiuet. Et omnis qui uiuit et credit in me: non morietur in eternum. Credis hoc? Ait illi. Utique domine. Ego credidi quia tu es christus filius dei: qui in hunc mundum uenisti. Et cum hec dixisset abiit et uocauit mariam sororem suam silencio dicens. Magister adest: et uocat te. Illa autem ut audiuit surrexit cito: et uenit ad eum. Nondum enim uenerat ihesus in castellum sed erat adhuc in illo loco ubi occurrerat ei martha. Iudei igitur qui erant cum ea in domo et consolabantur eam de fratre suo cum uidissent mariam quia cito surrexit et exiit: secuti sunt eam dicentes quia uadit ad monumentum ut ploret ibi. Maria ergo cum uenisset ubi erat ihesus: uidens eum cecidit ad pedes eius et dicit ei. Domine: si fuisses hic: non esset mortuus frater meus. Ihesus ergo uidens eam plorantem et iudeos qui uenerant cum ea plorantes. infremuit spiritu. et turbauit semetipsum et dixit. Ubi posuistis eum? Dicunt ei. Domine: ueni et uide. Et lacrimatus est ihesus. Dixerunt ergo iudei. Ecce quomodo amabat eum. Quidam autem ex ipsis dixerunt. Non poterat hic qui aperuit oculos ceci nati

facere ut hic non moreretur Ihesus ergo rursum fremens in semetipsouenit ad monumentum. Erat autem spelunca: et lapis superpositus erat ei. Ait ihesus. Tollite lapidem. Dicit ei martha soror eius qui mortuus fuerat. Domine iam fetet: quatri-duanusest. Dicite ei ihesus. Nonne dixi tibi. quoniam si credideris uidebis gloriam dei? Tulerunt ergo lapidem. Ihesus autem eleuatis sursum oculis: dixit. Pater: gracias ago tibi: quoniam audisti me. Ego autem sciebam: quia semper me audis. Sed propter populum qui circumstat dixi ut credant quia tu me misisti. Hec cum dixisset: uoce magna clamauit. Lazare. ueni foras. Et statim prodiit qui erat mortuus: ligatus manus et pedes/ institis. [fo. 65. b. Et facies illius sudario erat ligata. Dicit eis ihesus. Soluite eum: et sinite abire. Multi ergo ex iudeis qui uenerant ad mariam et martham. et uiderant que fecit: crediderunt in eum.

Offertorium.

Populum humilem saluum facies domine. et oculos superbiorum humiliabis quoniam quis deus preter te domine. *Ps.* Clamor meus in conspectu eius introiuit in aures eius.

Secretum.

Munera nos domine quesumus oblata purificent: et te nobis iugiter faciant esse placatum. Per.

Communio.

Uidens dominus flentes sorores lazari ad monumentum lacrimatus est coram iudeis et clamabat.

lazare ueni foras et prodiit ligatis manibus et pedibus qui fuerat quatruiduanus mortuus.

Postcommunio.

HEc nos quesumus domine participacio sacramenti. et a propriis reatibus indesinenter expediat. et ab omnibus tueatur aduersis. Per.

Super populum.

DA quesumus omnipotens deus: ut qui infirmitatis nostre conscii de tua pietate confidimus sub tua proteccione gaudeamus.

Sabbato officium.

Scientes uenite ad aquas dicit dominus. et qui non habetis precium uenite bibite cum leticia. *Ps.* Audite audientes me et comedite bonum et dilectabitur in crassitudine anima uestra. Gloria.

Oracio.

Fiat domine quesumus per gratiam tuam fructuosus nostre deuocionis affectus. quia tunc nobis proderunt suscepta ieiunia si tue sint placita pietati. Per.

Leccio ysaye prophete.

HEc dicit dominus deus. In tempore placito exaudiui te: et in die salutis auxiliatus sum tui. Et seruauit te et dedit te in fedus populi: ut suscitaras terram et possideres hereditates dissipatas. Et diceres hiis qui uincti sunt exite. et hiis qui in tenebris reuelamini. Super uias pascentur: et in omnibus planis pascue eorum. Non esurient

neque sicient amplius et non percuciet eos estus et sol. quia miserator eorum reget es.¹ et ad fontes aquarum potabit eos. Et ponam omnes montes meos in uiam: et semite mee exaltabuntur. Ecce isti delonge uenient: et ecce illi ab aquilone et mari. et isti de terra australi. Laudate celi et exultet terra: iubilate montes laudem quia consolatus est dominus populum suum et pauperum suorum miserebitur. Et dixit syon. Dereliquid me dominus: et dominus oblitus est mei. Numquid obliuisci potest mulier/ infantem suum. [fo. 66. ut non misereatur filio uteri sui? Et si illa oblita fuerit: ego tamen non obliuiscar tui. Dicit dominus: omnipotens.

Gradale.

Tibi domine derelictus est pauper pupillo tu eris adiutor. *V.* Ut quid domine recessisti longe despicias in oportunitatibus in tribulacione dum superbit impius incenditur pauper.

Iohannem.

In illo tempore: Dicebat ihesus turbis. Ego sum lux mundi. Qui sequitur me. non ambulat in tenebris: sed habebit lumen uite. Dixerunt ergo ei pharisei. Tu de te ipso testimonium perhibes. Testimonium tuum: non est uerum. Respondit ihesus: et dixit eis. Et si ego testimonium perhibeo de meipso. uerum est testimonium meum quia scio unde ueni. et quo uado. Uos autem nescitis: unde ueni: aut quo uado. Uos secundum carnem iudicatis: ego non iudico

¹ Sic.

quemquam. Et si iudico ego: iudicium meum uerum est quia solus non sum. sed ego et qui misit me pater. Et in lege uestra scriptum est: quia duorum hominum testimonium uerum est. Ego sum qui testimonium perhibeo de meipso: et testimonium perhibet de me qui misit me pater. Dicebant ergo ei. ubi est pater tuus? Respondit ihesus. Neque me scitis: neque patrem meum. Si me sciretis: forsitan et patrem meum sciretis. Hec uerba locutus est ihesus in gazophilacio docens in templo. Et nemo apprehendit eum quia nondum uenerat hora eius.

Offertorium.

Factus est dominus firmamentum meum et refugium meum et liberator meus sperabo in eum. *V.* Persequar inimicos meos. et non conuertar donec deficiant.

Secretum.

Oblacionibus quesumus domine placare supceptis: et ad te nostras etiam rebelles compelle propicius uoluntates. Per.

Communio.

Dominus regit me et nichil michi deerit in loco pascue ibi me collocauit. super aquam refeccionis educauit me.

Postcommunio.

Tua nos quesumus domine que sumpsimus sancta purificent. et operacionis sue remedio. nos tibi faciant esse placitos. Per.

Super populum.

Deus qui sperantibus in te misereri potius eligis quam

irasci: da nobis digne flere mala que fecimus. ut tue consolacionis gratiam inuenire ualeamus. Per.

Dominica in passione domini officium.

Iudica me deus et discerne causam meam de gente non sancta ab homine iniquo/ et doloso [fo. 66. b.] erue me. quia tu es deus meus et fortitudo mea. *Ps.* Emitte lucem tuam.

Oratio.¹

Quesumus omnipotens deus familiam tuam propicius respice: ut te largiente regatur in corpore. et te seruante custodiatur in mente. Per.

Ad hebreos.

Fratres: Christus assistens pontifex futurorum bonorum: per amplius et perfectius tabernaculum non manufactum id est non huius creacionis. neque per sanguinem hyrcorum aut uitulorum. sed per proprium sanguinem introiuit semel in sancta. eterna redempcione inuenta. Si enim sanguis hyrcorum et tauro- rum. et cinis uitule aspersus inquinatos sanctificat ad emundacionem carnis. quanto magis sanguis christi qui per spiritum sanctum semetipsum optulit immaculatum deo emundabit consciencias nostras ab operibus mortuis ad seruiendum deo uiuenti. Et ideo noui testamenti mediator est. ut morte intercedente in redempcionem earum² preuaricacionum que erant sub

¹ Oratio, ad hebreos, secundum Iohannem, and *V* and *R* of tract of this day are written, not in red, but in red and blue.

² earum repeated and struck through with red line.

priori testamento repromissionem accipiant qui uocati sunt eterne hereditatis. In christo ihesu : domino nostro.

Gradale.

ERipeme de inimicis inimicis¹ meis. doce me facere uoluntatem tuam. *℣.* Liberator meus domine de gentibus iracundis ab insurgentibus in me exaltabis me. a uiro iniquo eripies me.

Tractus.

SEpe expugnauerunt me a iuuentute mea. *℣.* Dicat nunc israel sepe expugnauerunt me a iuuentute mea. *℣.* Etenim non potuerunt michi supra dorsum meum fabricauerunt peccatores. *℣.* Prolongauerunt iniquitatem sibi dominus iustus concidet ceruices peccatorum.

Secundum Iohannem.

IN illo tempore : dicebat ihesus turbis iudeorum. et principibus sacerdotum. Quis ex uobis arguet me de peccato? Si ueritatem dico : quare uos non creditis michi? Qui est ex deo uerba dei audit. Propterea uos non auditis : quia ex deo non estis. Responderunt ergo iudei : et dixerunt. Nonne bene dicimus nos quia samaritanus es tu et demonium habes? Respondit ihesus. Ego demonium non habeo. sed honorifico patrem meum et uos inhonorastis me. Ego non quero gloriam meam : est qui querat et iudicet. Amen amen dico uobis : si quis sermonem meum seruauerit. mortem non uidebit in eternum. Dixe-

runt ergo iudei. Nunc cognouimus : quia/ demonium [fo. 67. habes. Abraham mortuus est et prophete. Et tu dicis. si quis sermonem meum seruauerit : mortem non gustabit in eternum. Numquid tu maior es patre nostro abraham qui mortuus est. et prophete mortui sunt? Quem teipsum facis? Respondit ihesus : Si glorifico meipsum : gloria mea nichil est. Est pater meus qui glorificat me. quem uos dicitis quia deus uester est. et non cognouistis eum. Ego autem noui eum. Et si dixero quia non scio eum : ero similis uobis mendax. Sed scio eum : et sermonem eius seruo. Abraham pater uester exultauit ut uideret diem meum : et uidit et gauisus est. Dixerunt ergo iudei ad eum. Quinquaginta annos nondum habes et abraham uidisti. Dixit ergo eis ihesus. Amen amen dico uobis : antequam abraham fieret ego sum. Tulerunt ergo lapides : ut iacerent in eum. Ihesus autem abscondit se : et exiuit de templo.

Offertorium.

Confitebor tibi domine in toto corde meo retribue seruo tuo uiuam et custodiam sermones tuos. uiuifica me secundum uerbum tuum domine. *℣.* Beati immaculati in uia qui ambulant in lege domini. beati qui scrutantur testimonia eius in toto corde exquirunt eum. Uiuifica.

Secretum.

Hostias fidelium tuorum omnipotens deus propicius intuere. et concede : ne cathena

¹ Sic, repeated apparently for *inimicis* which has just gone before as the last word at the bottom of the column.

secli captiuos teneat. quos passione filii tui in omnibus liberos esse uoluisti. Qui tecum.

Prefacio.

QUI salutem.

Data pace hac die sacerdos incipiat communionem.

Hoc corpus quod pro uobis tradetur. *Et prosequatur cum eo ministri ipsius.* V. Hic calix noui testamenti est in meo sanguine dicit dominus hoc facite quocienscumque sumitis in meam commemoracionem. Accepit ergo ihesus panem benedixit ac fregit dedit discipulis suis dicens. *Repetur Communio.* Hoc corpus.

Postcommunio.

Adesto nobis domine deus noster. et quos tuis misteriis recreasti : perpetuis defende presidiis. Per.

Feria ii. officium.

Miserere michi domine quoniam conculcauit me homo tota die bellans tribulauit me. *Ps.* Conculcauerunt.

Oracio.

Sanctifica quesumus domine nostra ieiunia : et cunctarum nobis propicius indulgenciam largire culparum. Per.

Leccio Ione prophete.

IN diebus illis : Factum est uerbum domini ad ionam prophetam / secundo [fo. 67 b. dicens. Surge et uade in niniuen ciuitatem magnam : et predica in ea predicacionem quam ego loquor ad te. Et surrexit ionas.

et abiit in niniuen iuxta uerbum domini. Et niniue erat ciuitas magna itinere dierum trium. Et cepit ionas introire in ciuitatem itinere diei unius : et clamauit et dixit. Adhuc quadraginta dies : et niniue subuertetur. Et crediderunt uiri niniuite domino : et predicauerunt ieiunium et uestiti sunt saccis. a maiore usque ad minorem. Et peruenit uerbum usque ad regem niniues : et surrexit de solio suo. et abiicit uestimentum suum a se. et indutus est sacco. et sedit in cinere. et clamauit et dixit. In niniue ex ore regis et principum eius : dicens. Homines et iumenta et boues et pecora : non gustent quicquam nec pascantur. et aquam non bibant. Et operiantur saccis homines. et iumenta clament ad deum in fortitudine. Et conuertatur uir a uia sua mala. et ab iniquitate que est in manibus eorum. Quis scit si conuertatur et ignoscat deus. et reuertatur a furore ire sue. et non peribimus? Et uidit deus opera eorum quia conuersi sunt a uia sua mala. Et misertus est populo : suo : dominus deus noster.

Gradale.

DEUS exaudi oracionem meam auribus percipe uerba oris mei. V. Deus in nomine tuo saluum me fac et in uirtute tua iudica me.

Secundum Iohannem.

IN illo tempore : Miserunt principes et pharisei ministros : ut apprehenderent ihesum. Dixit ergo eis ihesus. Adhuc modicum uobiscum sum : et uado ad eum qui misit me.

Queretis me et non inuenietis. et ubi sum ego uos non potestis uenire? Dixerunt ergo iudei ad semetipsos. Quo hic iturus est quia non inueniemus eum? Numquid in dispersionem gentium iturus est et docturus gentes? Quis est hic sermo quem dixit. queretis me. et non inuenietis. et ubi sum ego uos non potestis uenire? In nouissimo autem die magno festiuitatis: stabat ihesus et clamabat dicens. Si quis sitit ueniat ad me et bibat: Qui credit in me sicut dicit scriptura flumina de uentre eius fluent aque uiue. Hoc autem dixit de spiritu quem accepturi erant: credentes in eum.

Offertorium.

CONuertere domine et eripe animam meam. / saluum [fo. 68. me fac propter misericordiam tuam. *Ps.* Domine ne in ira tua arguas me. neque in furore tuo corripias me.

Secretum.

SACRIFICIUM laudis de perceptione tuorum domine deferimus¹ presidiorum. quesumus ut percipienda securius. uerius que sumamus. Per.

Communio.

DOMINUS uirtutum ipse est rex glorie.

Postcommunio.

SACRAMENTI tui quesumus domine participacio salutaris. et purificationem nobis prebeat et medelam. Per dominum.

¹ Sic.*Super populum.*

DA quesumus domine populo tuo spiritum ueritatis et pacis: ut te tota mente cognoscat. et que sunt tibi placita pia deuotione exerceat. Per.

Feria iii. officium.

EXPECTA dominum uiriliter age et confortetur cor tuum et sustine domine. *Ps.* Dominus illuminatio.

Oracio.

NOstra tibi quesumus domine sint accepta ieiunia que nos et expiando gracia tua dignos efficiant. et ad remedia perducant eterna. Per.

Leccio danielis prophete.

IN diebus illis: Congregati sunt babilonii ad regem: et dixerunt ei. Trade nobis daniellem qui bel destruxit et draconem interfecit. Alioquin: interficiemus te et domum tuam. Uidit ergo rex quod irruerent in eum uehementer. et necessitate compulsus tradidit eis daniellem. Qui miserunt eum in lacum leonum: et erat ibi sex diebus. Porro in lacu erant leones septem. et dabantur eis cotidie duo corpora et due oues. Et tunc non data sunt eis: ut deuorarent daniellem. Erat autem abacuc propheta in iudea: et ipse coxerat pulmentum et intriuerat panes in alueolo. et ibat in campum. ut ferret messoribus. Dixitque angelus domini ad abacuc. Fer prandium quod habes in babilonem danieli: qui est in lacu leonum. Et dixit abacuc. Domine: babilonem

non uidi. et lacum nescio. Et apprehendit eum angelus domini in uertice eius. et portauit eum capillo capitis sui posuitque eum in babilonem super lacum in impetu spiritus sui. Et clamauit abacuc dicens. Daniel serue dei tolle prandium quod misit tibi deus. Et ait daniel. Recordatus es enim mei domine deus: et non dereliquisti diligentes te. Surgens que daniel comedit. Porro angelus domini restituit abacuc confestim in locum suum. Uenit ergo rex die septimo ut lugeret danielem: et uenit ad lacum./ et introspectit. [fo. 68. b. Et ecce daniel sedens in medio leonum. Et exclamauit rex uoce magna dicens. Magnus es domine deus danielis. Et extraxit eum de lacu. Illos autem qui perditionis eius causa fuerant intromisit in lacum. et deuorati sunt in momento coram eo. Tunc rex ait. Pauca omnes habitantes in uniuersa terra deum danielis. quia ipse est liberator et saluator faciens signa et mirabilia. in celo et in terra. Qui liberauit danielem: de lacu leonum.

[*Gradale.*]

Discerne causam meam domine ab homine iniquo et doloso eripe me. *℣.* Emitte lucem tuam et ueritatem tuam. ipsa me deduxerunt. et adduxerunt in montem sanctum tuum.

Iohannem.

IN illo tempore: Ambulabat ihesus in galileam. Non enim uolebat in iudeam ambulare. quia querebant eum iudei interficere. Erat autem in prox-

imo dies festus iudeorum senophagia. Dixerunt autem ad eum fratres eius. Transi hinc et uade in iudeam: ut et discipuli tui uideant opera tua que facis. Nemo quippe in occulto aliquid facit: et querit ipse palam esse. Si hec facis: manifesta teipsum mundo. Neque enim fratres eius credebant in eum. Dicit eis ihesus. Tempus meum nondum aduenit: tempus autem uestrum semper est paratum. Non potest mundus odisse uos. Me autem odit: quia ego testimonium perhibeo de illo. quia opera eius mala sunt. Uos ascendite ad diem festum hunc. Ego autem non ascendam ad diem festum istum: quia tempus meum nondum impletum est. Hec cum dixisset: ipse mansit in galilea. Ut autem ascenderunt fratres eius: tunc et ipse ascendit ad diem festum non manifeste. sed quasi in occulto. Iudei ergo querebant eum in die festo: et dicebant. Ubi est ille? Et murmur multum de eo erat in turba. Quidam enim dicebant quia bonus est: alii autem dicebant non. sed seducit turbas. Nemo tamen palam loquebatur de illo: propter metum iudeorum.

Offertorium.

Sperant in te omnes qui nouerunt nomen tuum domine quoniam non derelinquis quærentes te. psallite domino qui habitat in syon. quoniam non est oblitus oracionem pauperis. *℣.* Sedes super thronum qui iudicas equitatem increpasti gentes et periit impius iudicare populum cum iusticia et factus/ est refugium [fo. 69. pauperum. Psallite.

Secretum.

HOstias tibi domine deferimus immolandasque temporali consolacione nos letificent: ut promissa cercius non desperemus eterna. Per.

Communio.

Redime me deus israel ex omnibus angustiis meis.

Postcommunio.

DA quesumus omnipotens deus: ut que diuina sunt iugiter exequentes. donis mereamur celestibus propinquare. Per.

Super populum.

DA nobis domine quesumus perseuerantem in tua uoluntate famulatum: ut in diebus nostris. et merito. et numero. populus tibi seruiens augeatur. Per.

Feria iiii. officium.

Liberator meus de gentibus iracundis ab insurgentibus in me exaltabis me a uiro iniquo eripies me domine. *Ps.* Diligam.

Oracio.

Sanctificato hoc ieiunio deus tuorum corda fidelium miserator illustra. et quibus supplicandi prestat affectum prebe supplicantibus pium benignus auditum. Per.

Leccio libri leuitici.

IN diebus illis: Locutus est dominus ad moysen dicens. Ego sum dominus deus uester. Non facietis furtum. non menciemini: nec decipiet unusquisque

proximum suum. Non periurabis in nomine meo: nec pollues nomen domini dei tui. Ego dominus. Non facies calumpniam proximo tuo: nec ui opprimes eum. Non morabitur opus mercennarii tui apud te: usque mane. Non maledices surdo. nec coram ceco pones offendiculum. sed timebis deum tuum quia ego sum dominus. Non facies quod iniquum est. nec iniuste iudicabis. Non consideres personam pauperis: nec consideres uultum potentis. Iuste iudica proximo. Non eris criminator: et susurro in populo. Non stabis contra sanguinem proximi tui. Ego dominus. Non oderis fratrem tuum in corde tuo: sed publice argue eum. ne habeas super illo peccatum. Non queres ulcionem. nec memor eris iniurie ciuium tuorum. Diliges proximum tuum sicut teipsum. Ego dominus. Leges meas custodite. Ego enim sum: dominus deus uester.

Gradale.

Exaltabo te domine quoniam suscepisti me nec delectasti inimicos meos super me. *Ps.* Domine deus meus clamaui ad te et sanasti me. dominé abstraxisti ab inferis animam meam. [fo. 69. b. saluasti me a descendentibus in lacum.

Secundum Iohannem.

IN illo tempore: Facta sunt encennia in iherosolimis: et hyemps erat. Et ambulabat ihesus in templo: in porticu salomonis. Circumdederunt ergo eum iudei: et dicebant ei. Quo usque animam nostram tollis?

Si tu es christus: dic nobis palam. Respondit eis ihesus. Loquor uobis: et non creditis. Opera que ego facio: in nomine patris mei: hec testimonium perhibent de me. sed uos non creditis: quia non estis ex ouibus meis. Oues mee uocem meam audiunt. et ego cognosco eas et sequuntur me. Et ego uitam eternam do eis: et non peribunt in eternum. et non rapiat eas quisquam de manu mea. Pater meus quod dedit michi maius omnibus est: et nemo potest rapere de manu patris mei. Ego et pater unum sumus. Sustulerunt lapides iudei: ut lapidarent eum. Respondit eis ihesus. Multa bona opera ostendi uobis: ex patre meo. Propter quod eorum opus me lapidatis? Responderunt ei iudei. De bono opere non lapidamus te: sed de blasphemia. Et quia tu homo cum sis: facis teipsum deum. Respondit eis ihesus. Nonne scriptum est in lege uestra. quia ego dixi dii estis? Si illos dixit deos ad quos sermo dei factus est. et non potest solui scriptura: quem pater sanctificauit. et misit in mundum uos dicitis quia blasphemias quia dixi filius dei sum. Si non facio opera patris mei: nolite credere michi. Si autem facio: etsi non uultis michi credere. operibus credite. Ut cognoscatis et credatis quia in me est pater. et ego in patre.

Offertorium.

ERipe me de inimicis meis deus meus. et ab insurgentibus in me libera me domine. *℣.* Quia

ecce captauerunt animam meam. et irruerunt fortes in me. Libera.

Secretum.

ANnue misericors deus: ut hostias placacionis ac laudis. sincero tibi deferamus obsequio. Per.

Communio.

LAuabo inter innocentes manus meas. et circumdabo altare tuum domine. ut audiam uocem laudis tue. et enarrem uniuersa mirabilia tua.

Secretum.¹

Celestis doni benedictione percepta. supplices te deus omnipotens deprecamur: ut hoc idem nobis. et sacramenti causa/ sit et salutis. Per. [fo. 70.

Super populum.²

ADucniat domine quesumus misericordia tua sperata supplicibus: et eis celesti munificencia tribuatur: quatinus et recte petenda postulent et postulata percipiant.

Feria v. officium.

OMnia que fecisti nobis. domine in uero iudicio fecisti quia peccauimus tibi et mandatis tuis non obediimus. sed da gloriam nomini tuo et fac nobiscum secundum multitudinem misericordie tue. *Ps.* Peccauimus inique egimus recedentes a te: et precepto tuo non obediimus. *Ps.* Beati immaculati.

Oracio.

PResta quesumus omnipotens deus: ut dignitas conditionis humane per inmoderanciam sauciata. medicinalis parcimonie studio reformetur. Per.

¹ Sic.² Written in blue.

Leccio danielis prophete.

IN diebus illis : Orauit daniel dicens. Domine deus ne despicias populum tuum neque auferas misericordiam tuam a nobis. propter abraham dilectum tuum et ysaac seruum tuum. et israel sanctum tuum quibus locutus es pollicens. quod multiplicares semen eorum sicut stellas celi. et sicut arenam que est in litore maris. Quia domine imminuti sumus plusquam omnes gentes. sumusque humiles in uniuersa terra hodie propter peccata nostra. et non est in tempore hoc princeps. et propheta. et dux. neque holocaustum. neque sacrificium. neque oblatio. neque incensum. neque locus primiciarum coram te. ut possimus inuenire misericordiam. sed in animo contrito. et spiritu humilitatis suscipiamur. Sicut in holocaustum arietum. et taurorum. et sicut in milibus agnorum pinguium. sic fiat sacrificium nostrum in conspectu tuo hodie. ut placeat tibi. quoniam non est confusio confidentibus in te. Et nunc sequimur in toto corde. et timemus te. et querimus faciem tuam. Ne confundas nos : sed fac nobiscum iuxta mansuetudinem tuam. et secundum multitudinem misericordie tue. Et erue nos in mirabilibus tuis : et da gloriam nomini tuo domine. et confundantur omnes qui ostendunt seruis tuis mala. Confundantur in omni potencia : et robur eorum conteratur. Et sciant quia tu es deus solus et gloriosus super omnem terram : domine deus noster.

Gradale.¹

Tollite hostias. et introite in atria eius. adorate dominum in aula sancta eius. *℣.* Reuelauit dominus condensa. et in templo eius/ omnes dicent [fo. 70. b. gloriam.

Secundum Iohannem.

IN illo tempore : Cum audissent quidam de turba sermones ihesu dicebant. Hic est uere propheta. Alii dicebant. Hic est christus. Quidam autem dicebant. Numquid a galilea christus uenit ? Nonne scriptura dicit. quia ex semine dauid. et de bethleem castello ubi erat dauid uenit christus ? Dissensio itaque facta est in turba propter eum. Quidam autem ex ipsis uolebant eum apprehendere : sed nemo misit in illum manus. Uenerunt ergo ministri : ad pontifices et phariseos. Quibus illi dixerunt. Quare non adduxistis eum ? Responderunt ministri. Numquam sic locutus est homo : sicut hic loquitur. Responderunt ergo pharisei. Numquid et uos seducti estis. Numquid aliquis ex principibus credidit in eum aut ex phariseis ? Sed turba hec que non nouit legem : maledicti sunt. Dicit nichodemus ad eos ille qui uenit ad ihesum nocte : qui unus erat ex ipsis. Numquid lex nostra iudicat hominem nisi audierit ab ipso prius et cognouerit quid faciat ? Responderunt et dix-

¹ This word, and *℣.* *Secundum Iohannem*, *Offertorium*, *Secretum*, *Communio*, and *Postcommunio* are, in this Mass, written in red and blue. The word *Postcommunio* is written up to the first *m* in blue ; after in red.

erunt ei. Numquid et tu galileus es? Scrutare scripturas: et uide quia propheta a galilea non surgit. Et reuersi sunt unusquisque: in domum suam.

Offertorium.

Super flumina babilonis illic sedimus et fleuimus dum recordaremur tui syon. *Ps.* Memento domine filiorum edom in diem ierusalem.

Secretum.

Domine deus noster qui in hiis potius creaturis quas ad fragilitatis nostre subsidium condidisti. tuo quoque nomini munera iussisti dicanda constitui: tribue quesumus: ut et uite nobis presentis auxilium. et eternitatis efficiant sacramentum. Per.

Communio.

Memento uerbi tui seruo tuo in quo michi spem dedisti. hec me consolata est in humilitate mea.

Postcommunio.

Quod ore sumpsimus domine mente capiamus. et de munere temporali. fiat nobis remedium sempiternum. Per.

Super populum.

Esto quesumus domine propicius plebi tue: ut que tibi non placent respuens. tuorum potius repleatur delectacionibus mandatorum. Per.

*Feria Sexta.**Officium.*

Miserere michi domine quoniam tribulor. libera me. et eripe me de manibus inimicorum meorum

et a persequentibus me. domine non confundar quoniam in uo-[-fo. 71 caui te. *Ps.* In te domine speraui.

Oracio.

Cordibus nostris quesumus domine gratiam tuam benignus infunde. ut peccata nostra castigatione uoluntaria cohibentes. temporaliter potius maceremur. quam suppliciiis deputemur eternis. Per.

Leccio Ieremie prophete.

IN diebus illis: Dixit Ieremias. Domine: omnes qui te derelinquunt confundentur: recedentes a te in terra scribentur: quoniam dereliquerunt uenam aquarum uiuentium dominum. Sana me domine et sanabor: saluum me fac. et saluus ero. quoniam laus mea tu es. Ecce ipsi dicunt ad me. Ubi est uerbum domini? Ueniat. Et ego non sum turbatus te pastorem sequens. et diem hominis non desiderauit tu scis. Quod egressum est de labiis meis rectum in conspectu tuo fuit. Non sis michi tu formidini. spes mea tu in die afflictionis. Confundantur qui me persequuntur: et non confundar ego. Paueant illi: et non paueam ego. Induc super eos diem afflictionis: et duplici contricione contere eos. domine deus meus.

Gradale.

Pacificè loquebantur michi inimici mei. et in ira molesti erant michi. *Ps.* Uidisti domine deus meus ne sileas ne discedas a me.

Secundum Iohannem.

IN illo tempore: Collegerunt pontifices et pharisei consilium aduersus ihesum: et dicebant. Quid facimus quia hic homo multa signa facit? Si dimittimus eum sic: omnes credent in eum. Et uenient romani: et tollent nostrum locum et gentem. Unus autem ex ipsis cayphas nomine cum esset pontifex anni illius: dixit eis. Uos nescitis quicquam nec cogitatis: quia expedit uobis ut unus homo moriatur pro populo. et non tota gens pereat. Hoc autem a semetipso non dixit: sed cum esset pontifex anni illius prophetauit quia ihesus moriturus erat pro gente. Et non tantum pro gente: sed ut filios dei qui erant dispersi congregaret in unum. Ab illo ergo die cogitauerunt ut interficerent eum. Ihesus ergo iam non palam ambulabat apud iudeos: sed abiit in regionem iuxta desertum in ciuitatem que dicitur effrem. Et ibi morabatur: cum discipulis suis.

Offertorium.

Benedictus es domine doce me iustificationes tuas et non tradas calumpniantibus me superbis/ et respondebo exprobrantibus michi uerbum. *Ps.* Uidi non seruantes pactum et tabescebam. domine. quando facies de persecuentibus me iudicium.

Secretum.

Presta nobis misericors deus ut digne tuis seruire semper altaribus mereamur: et eorum perpetua participatione saluari. Per.

Communio.

NE tradideris me domine in animas persequencium me quia insurrexerunt in me testes iniqui. et mentita est iniquitas sibi.

Postcommunio.

Sumpti sacrificii domine perpetua nos tuicio non relinquat. et noxia semper a nobis cuncta repellat. Per.

Super populum.

Concede nobis quesumus domine ueniam peccatorum et religionis augmentum. atque ut in nobis tua dona multiplices. tuis fac mandatis prompiciores. Per.

Sabbato officium.

Liberator meus de gentibus iracundis ab insurgentibus in me exaltabis me. a uiro iniquo eripies me domine. *Ps.* Diligam te domine.

Oratio.

Proficiat quesumus domine plebs tibi dicata pie deuotionis affectu: ut sacris accionibus erudita. quanto magestati tue fit graciosior. tanto donis pocioribus augeatur. Per.

Leccio ieremie prophete.

IN diebus illis: Dixerunt impii iudei adinuicem. Uenite cogitemus contra iustum cogitationes. Non enim peribit lex a sacerdote: neque consilium a sapiente nec sermo a propheta. Uenite et percuciamus eum lingua: et non attendamus ad uniuersos sermones eius. Attende domine ad me: et audi uoces aduersariorum meorum.

Numquid redditur pro bono malum: quia foderunt foueam anime mee? Recordare quod steterim in conspectu tuo. ut loquerer pro eis bonum et auerterem indignacionem tuam ab eis. Propterea da filios eorum in famem: et deduc eos in manus gladii. Fiant uxores eorum absque liberis et uidue: et uiri earum interficiantur morte. Iuuenes eorum confodiantur gladio in prelio: audiatur clamor de domibus eorum. Adduces enim super eos latronem repente: quia foderunt foueam ut cape- rent me. et laqueos absconderunt pedibus meis. Tu autem domine scis omne consilium eorum aduersum me in mortem. Ne propiciaris iniquitati eorum: et peccatum eorum/ a facie [fo. 72. tua non deleatur. Fiant cor- ruentes in conspectu tuo. in tem- pore furoris tui: domine deus meus.

Gradale.

Pacificæ. *Ps.* Uidisti domine *ut supra in vi^{ta} feria precedenti.*

Secundum Iohannem.

IN illo tempore: Dixit ihesus turbis iudeorum: Amen amen dico uobis: nisi manducaueritis carnem filii hominis et biberitis eius sanguinem non habebitis uitam in uobis. Qui manducat meam carnem. et bibit meum sanguinem: habet uitam eternam. Et ego resuscitabo eum: in nouissimo die. Caro enim mea uere est cibus: et sanguis meus uere est potus. Qui manducat meam carnem et bibit meum sanguinem: in me

manet. et ego in illo. Sicut misit me uiuens pater: et ego uiuo propter patrem. Et qui manducat me: et ipse uiuet propter me. Hic est panis uiuus: qui de celo descendit. Non sicut manducauerunt patres uestri manna: et mortui sunt. Qui manducat hunc panem: uiuet in eternum. Hec dixit in syna- goga: docens sabbato in capharnaum. Multi ergo audientes ex discipulis eius: dixerunt. Durus est hic sermo. Et quis eum potest audire? Sciens autem ihesus apud semetipsum quod murmurarent de hoc discipuli eius dixit. Hoc uos scandalizat. Cum ergo uideritis filium ascendentem ubi erat prius. Spiritus est qui uiuificat. Nam caro nichil prodest. Uerba que ego locutus sum uobis: spiritus et uita sunt. Set sunt quidam ex uobis: qui non credunt. Sciebat autem ab initio ihesus qui essent credentes: et quis traditurus esset eum. Et dicebat. Propterea dixi uobis. quia nemo potest uenire ad me nisi ei datum fuerit a patre meo. Ex hoc ergo multi discipulorum eius abierunt retro: et amplius cum illo non ambulabant. Dixit ergo ihesus ad duodecim. Numquid et uos uultis abire? Respondit ei symon petrus dicens. Domine: ad quem ibimus? Uerba uite eterne habes. Et nos credimus et cognouimus: quia tu es christus filius dei. Respondit eis ihesus. Nonne ego uos duodecim elegi: et unus ex uobis dyabolus est? Dicebat enim de iuda symonis scariothis. Hic enim erat traditurus eum:

cum esset unus ex duodecim./ [fo. 72. b.

Offertorium.

Recordare quod steterim in conspectu tuo ut loquerer pro eis bonum. et auerterem indignacionem tuam ab eis.

Secretum.

Suscipe creator omnipotens deus ut que ieiunantes de tue munificencie largitate deferimus. et pro temporali nobis collata presidio. ad uitam conuerte propiciatus eternam. Per.

Communio.

NE tradideris.

Postcommunio.

Diuini muneris satiati largitate quesumus domine deus noster: ut huius semper participacione uiuamus. Per.

Super populum.

Tueatur quesumus domine dextera tua populum deprecantem: et purificatum dignanter erudiat. ut consolacione presenti: ad futura dona proficiat. Per.

Dominica in ramispalmarum officium.

Domine ne longe facias auxilium tuum a me. ad defensionem meam aspice. libera me de ore leonis. et a cornibus unicornium humilitatem meam. Ps. Deus deus meus respice.

Oracio.

Omnipotens sempiterne deus qui humano generi ad imitandum humilitatis exemplum saluatorem nostrum carnem sumere. et crucem subire fecisti: concede propicius: ut et paciencie ipsius habere documenta. et resurrectionis consorcia mereamur. Per.

Ad philippenses.

FRatres. Hoc sentite in uobis. quod et in christo ihesu. Qui cum in forma dei esset non rapinam arbitratus est esse se equalem deo. sed semetipsum exinaniuit formam serui accipiens. in similitudinem hominum factus: et habitu inuentus ut homo. Humiliauit semetipsum factus obediens usque ad mortem: mortem autem crucis. Propter quod et deus exaltauit illum: et donauit illi nomen quod est super omne nomen. ut in nomine ihesu omne genu flectatur. celestium. terrestrium. et infernorum. et omnis lingua confiteatur: quia dominus ihesus christus: in gloria est dei patris.

Gradale.

Tenuisti manum dexteram meam in uoluntate tua deduxisti me. et cum gloria sussumpsisti me. V. Quam bonus israel deus rectis corde mei autem pene moti sunt pedes pene effusi sunt gressus mei. quia zelaui in peccatoribus pacem peccatorum uidens.

Tractus.

Deus deus meus respice in me quare me dereliquisti. V. Longe a salute mea uerba delic-

torum meorum. *℣.* Deus meus clamabo per diem nec exaudies. et nocte et non ad insipientiam michi. *℣.* Tu autem in sancto habitas laus israel in te sperauerunt patres nostri. sperauerunt. et/ liberasti eos. [fo. 73. *℣.* Ad te clamauerunt et salui facti sunt in te sperauerunt et non sunt confusi. *℣.* Ego autem sum uermis et non homo. obprobrium hominum et abieccio plebis. *℣.* Omnes qui uidebant me aspernabantur me. locuti sunt labiis et mouerunt capud. *℣.* Sperauit in domino eripiat eum. saluum faciat eum quoniam uult eum. *℣.* Ipsi uero considerauerunt et conspexerunt me diuiserunt sibi uestimenta mea. et super uestem meam miserunt sortem. *℣.* Libera me de ore leonis et a cornibus unicornium humilitatem meam. *℣.* Qui timetis dominum laudate eum uniuersum semen iacob magnificate eum. *℣.* Annuntiabitur domino generacio uentura. et annuntiabunt celi iusticiam eius. *℣.* Populo qui nascetur quem fecit dominus.

Secundum marcum.

IN illo tempore: Dum appropinquaret iherosolime et bethanie ad montem oliuarum: misit duos ex discipulis suis et ait illis. Ite in castellum quod contra uos est. et statim introeuntes illuc. inuenietis pullum ligatum super quem nemo adhuc hominum sedit. Soluite illum: et adducite. Et si quis uobis dixerit quid facitis: dicite quia domino necessarius est. et continuo dimittet illum huc. Et abeuntes inuenerunt pullum ligatum ante ianuam foris in biuio: et soluunt eum. Et quidam de hic stantibus dicebant illis. Quid facitis soluentes

pullum? Qui dixerunt eis sicut preceperat illis ihesus. et dimiserunt eis. Et duxerunt pullum ad ihesum. et imponunt illi uestimenta sua. et sedit super eum. Multi autem uestimenta sua strauerunt in uia. Alii autem frondes cedebant de arboribus et sternebant in uia. Et qui preibant et qui sequebantur clamabant dicentes osanna: benedictus qui uenit in nomine domini. Benedictum quod uenit regnum patris nostri dauid: osanna in excelsis.

*Passio domini nostri ihesu christi.
Secundum matheum.*

IN illo tempore: Dixit ihesus discipulis suis. Scitis quia post biduum pascha fiet. et filius hominis tradetur ut crucifigatur. Tunc congregati sunt principes sacerdotum et seniores populi in atrium principis sacerdotum qui dicebatur cayphas: et consilium fecerunt ut ihesum dolo tenerent et occiderent. Dicebant autem. Non in die festo: ne forte/ tumultus fieret [fo. 73 b. in populo. Cum autem esset ihesus in bethania in domo symonis leprosi: accessit ad eum mulier habens alabastrum unguenti preciosi et effudit super capud ipsius recumbentis. Uidentes autem discipuli indignati sunt: dicentes. Ut quid perdicio hec? Potuit enim istud uenundari multo: et dari pauperibus. Sciens autem ihesus: ait illis. Quid molesti estis huic mulieri? opus bonum: operata est in me. Nam semper pauperes habetis uobiscum. me autem non semper habebitis. Mittens enim hec

unguentum hoc in corpus meum ad sepeliendum me fecit. Amen dico uobis ubicumque predicatum fuerit hoc euangelium in toto mundo dicetur et quod hec fecit in memoriam eius. Tunc abiit unus de duodecim qui dicitur iudas scarioth ad principes sacerdotum: et ait illis. Quid uultis michi dare. et ego uobis eum tradam? At illi constituerunt ei triginta argenteos. Et exinde querebat oportunitatem: ut eum traderet. Prima autem die azimorum: accesserunt discipuli ad ihesum. dicentes. Ubi uis paremus tibi comedere pascha? At ihesus dixit. Ite in ciuitatem ad quemdam: et dicite ei. Magister dicit. Tempus meum prope est: apud te facio pascha cum discipulis meis. Et fecerunt discipuli. sicut constituit illis ihesus: et parauerunt pascha. Uespere autem facto: discumbebat cum duodecim discipulis suis. Et edentibus illis dixit. Amen amen dico uobis: quia unus uestrum me traditurus est. Et contristati ualde: ceperunt singuli dicere. Numquid ego sum domine? At ipse respondens ait. Qui intingit mecum manum in parapside: hic me tradet. Filius quidem hominis uadit: sicut scriptum est de illo. Ue autem homini illi: per quem tradetur. Bonum erat ei: si natus non fuisset homo ille. Respondens autem iudas qui tradidit eum: dixit. Numquid ego sum rabi? Ait illi. Tu dixisti. Cenantibus autem eis: accepit ihesus panem et benedixit ac fregit. deditque disci-

pulis suis et ait accipite et comedite: hoc est corpus meum. Et accipiens calicem: gracias egit et dedit illis dicens. Bibite ex hoc omnes. Hic est enim sanguis meus noui testamenti/ qui pro multis effundetur [fo. 74. in remissionem peccatorum. Dico autem uobis: non bibam amodo de hoc genimine uitis usque in diem illum cum illud bibam uobiscum nouum in regno patris mei. Et ympno dicto. exierunt in montem oliueti. Tunc dicit illis ihesus. Omnes uos scandalum paciemini in me in ista nocte. Scriptum est enim. Percuciam pastorem et dispergentur oues gregis. Postquam autem resurrexero: precedam uos in galileam. Respondens autem petrus: ait illi. Et si omnes scandalizati fuerint in te: ego numquam scandalizabor. Ait illi ihesus. Amen dico tibi: quia in hac nocte antequam gallus cantet. ter me negabis. Ait illi petrus. Eciam si oportuerit me mori tecum: non te negabo. Similiter et omnes discipuli dicebant. Tunc uenit ihesus cum illis in uillam que dicitur gethsemani: et dixit discipulis suis. Sedete hic: donec uadam illuc et orem. Et assumpto petro et duobus filiis zebedei: cepit contristari et mestus esse. Tunc ait illis. Tristis est anima mea usque ad mortem. Sustinete hic: et uigilate mecum. Et progressus pusillum: procidit in faciem suam orans et dicens. Mi pater: si possibile est transeat a me calix iste. Uerumptamen non sicut ego uolo: sed sicut tu. Et uenit ad

discipulos suos : et inuenit eos dormientes. Et dicit petro. Sic : non potuisti. una hora uigilare mecum ? Uigilate et orate : ut non intretis in temptationem. Spiritus quidem promptus est caro autem infirma. Iterum secundo abiit : et orauit dicens : Pater mi : si non potest hic calix transire nisi bibam illum : fiat uoluntas tua. Et uenit iterum : et inuenit eos dormientes. Erant enim oculi eorum grauati. Et relictis illis : uerum abiit et orauit tercio eundem sermonem dicens. Tunc uenit ad discipulos suos : et dicit illis. Dormite iam : et requiescite. Ecce appropinquabit hora : et filius hominis tradetur in manus peccatorum. Surgite eamus : ecce appropinquabit qui me tradet. Adhuc ipso loquente : ecce iudas unus de duodecim uenit et cum eo turba multa cum gladiis et fustibus missi a principibus/ sacerdotum et [fo. 74. b. senioribus populi. Qui autem tradidit eum : dedit illis signum dicens. Quemcumque osculatus fuero. ipse est tenete eum. Et confestim accedens ad ihesum dixit. Aue rabi. Et osculatus est eum. Dixitque illi ihesus. Amice : ad quod uenisti. Tunc accesserunt et manus iniecerunt in ihesum : et tenuerunt eum. Et ecce unus ex hiis qui erant cum ihesu extendens manum exemit gladium suum. et percuciens seruum principis sacerdotum : amputauit auriculam eius. Tunc ait illi ihesus. Conuertere gladium tuum in locum suum. Omnes enim qui acceperunt gladium : gladio peribunt.

An putas quia non possum rogare patrem meum et exhibebit michi modo plusquam duodecim legiones angelorum ? Quomodo ergo implebuntur scripture quia sic oportet fieri ? In illa hora : dixit ihesus turbis. Tanquam ad latronem existis cum gladiis et fustibus comprehendere me ? Cotidie apud uos sedebam docens in templo : et non me tenuistis. Hoc autem totum factum est : ut implerentur scripture prophetarum. Tunc discipuli omnes : relictis eo fugerunt. At illi tenentes ihesum : duxerunt ad caypham principem sacerdotum quo scribe et seniores conuenerant. Petrus autem sequebatur eum alonge : usque in atrium principis sacerdotum. Et ingressus intro : sedebat cum ministris ut uideret finem. Princeps autem sacerdotum et omne consilium querebant falsum testimonium contra ihesum : ut eum morti traderent. Et non inuenerunt : cum multi falsi testes accessissent. Nouissime autem uenerunt duo falsi testes : et dixerunt. Hic dixit. Possum destruere templum dei : et post triduum reedificare illud. Et surgens princeps sacerdotum : ait illi. Nichil respondes ad ea que isti aduersum te testificantur. Ihesus autem tacebat. Et princeps sacerdotum ait illi. Adiuro te per deum uiuum : ut dicas nobis si tu es christus filius dei. Dicit illi ihesus. Tu dixisti. Uerumtamen dico uobis : amodo uidebitis filium hominis sedentem a dextris uertutis dei. et uenientem in nubibus celi. Tunc princeps sacerdotum scidit uestimenta sua dicens.

Blasphemauit. Quid/ [fo. 75. adhuc egemus testibus? Ecce nunc audistis blasphemiam. Quid uobis uidetur? At illi respondentes dixerunt. Reus est mortis. Tunc expuerunt in faciem eius et colaphis eum ceciderunt. Alii autem palmas in faciem eius dederunt dicentes. Prophetiza nobis christe. quis est qui te percussit? Petrus uero sedebat foris in atrio. Et accessit ad eum una ancilla dicens. Et tu cum ihesu galileo eras. At ille negauit coram omnibus dicens. Nescio quid dicis. Exeunte autem illo ianuam: uidit eum alia ancilla. et ait hiis qui erant ibi. Et hic erat cum ihesu nazareno. Et iterum negauit cum iuramento: quia non nouisset hominem. Et post pusillum accesserunt qui ibi stabant et dixerunt. Uere et tu ex illis es? Nam et loquela tua manifestum te facit. Tunc cepit detestari. et iurare: quia non nouisset hominem. Et continuo gallus cantauit. Et recordatus est petrus uerbi ihesu quod dixerat: priusquam gallus cantet. ter me negabis. Et egressus foras fleuit amare. Mane autem facto: consilium inierunt omnes principes sacerdotum et seniores populi aduersus ihesum: ut eum morti traderent. Et uinctum adduxerunt eum: et tradiderunt poncio pilato presidi. Tunc uidens iudas qui eum tradidit quod dampnatus esset. penitencia ductus retulit triginta argenteos principibus sacerdotum et senioribus dicens. Peccaui. tradens sanguinem iustum: At illi dixerunt: Quid ad nos? tu uideris.

Et proiectis argenteis in templo. recessit. et abiens laqueo se suspendit. Principes autem sacerdotum acceptis argenteis dixerunt. Non licet mittere eos in carbonem: quia precium sanguinis est. Consilio autem inito: emerunt ex illis agrum figuli in sepulturam peregrinorum. Propter hoc uocatus est ager ille acheldemach: hoc est ager sanguinis usque in hodiernum diem. Tunc adimpletum est quod dictum est per ieremiam prophetam dicentem. Et acceperunt triginta argenteos: precium apreciati quem appreciauerunt a filiis israel et dederunt eos in agrum figuli sicut constituit michi dominus. Ihesus autem stetit ante presidem. Et interrogauit eum/ preses dicens. Tu es rex [fo. 75. b. iudeorum. Dicit ei ihesus. Tu dicis. Et cum accusaretur a principibus sacerdotum et senioribus: nichil respondit. Tunc dicit illi pilatus. Non audis quanta aduersum te dicunt testimonia? Et non respondit ei ad ullum uerbum: ita. ut miraretur preses uehementer. Per diem autem sollempnem consueuerat preses dimittere populo unum uinctum quemcumque uoluissent. Habebat autem tunc uinctum insignem qui dicebatur barrabas: qui propter homicidium missus fuerat in carcerem. Congregatis ergo illis: dixit pilatus. Quem uultis dimittam uobis? Barraban. an ihesum qui dicitur christus? Sciebat enim: quod per inuidiam tradidissent eum. Sedente autem illo pro tribunali: misit ad illum uxor eius dicens. Nichil tibi: et iusto illi. Multa

enim passa sum hodie per uisum : propter eum. Principes autem sacerdotum et seniores persua-
serunt populis ut peterent barra-
ban : ihesum uero perderent. Respondens autem preses ait illis. Quem uultis uobis de duobus dimitti? At illi dixerunt baraban. Dicit illis pilatus. Quid igitur faciam de ihesu qui dicitur christus. Dicunt omnes. Crucifigatur. Ait illis preses. Quid enim mali fecit? At illi magis clamabant dicentes. Crucifigatur. Uidens autem pilatus quia nichil proficeret. sed magistum multus fieret. accepta aqua lauit manus suas coram populo dicens. Innocens ego sum a sanguine iusti huius uos uideritis. Et respondens uniuersus populus dixit. Sanguis eius super nos. et super filios nostros. Tunc dimisit illis baraban : ihesum uero flagellatum tradidit eis ut crucifigeretur. Tunc milites presidis suscipientes ihesum in pretorio : congregauerunt ad eum uniuersam cohortem. Et exuentes eum : clamidem coccineam circumdederunt ei. Et plectentes coronam de spinis posuerunt super capud eius et arundinem in dextera eius : et genuflexo ante illudebant dicentes. Aue rex iudeorum. Et expuentes in eum : acceperunt arundinem et percuciebant capud eius. Et postquam illuserunt ei : exuerunt eum clamide. et induerunt eum uestimentis suis et duxerunt eum ut crucifigerent. Exeuntes/ [fo. 76. autem inuenerunt hominem quendam cyreneum nomine symonem. Hunc angariauerunt : ut tolleretur crucem eius. Et

uenerunt in locum qui dicitur golgatha : quod est caluarie locus. Et dederunt ei uinum bibere : cum felle mixtum. Et cum gustasset : noluit bibere. Postquam autem crucifixerunt eum : diuiserunt uestimenta eius mittentes sortem. Ut impleretur quod dictum est per prophetam dicentem. Diuiserunt sibi uestimenta mea : et super uestem meam miserunt sortem. Et sedentes : seruabant eum. Et imposuerunt super capud eius causam ipsius scriptam. Hic est ihesus rex iudeorum. Tunc crucifixi sunt cum eo duo latrones : unus a dextris et unus a sinistris. Pretereuntes autem blasphemabant eum mouentes capita sua et dicentes. Uath qui destruit templum dei. et in triduo illud reedificat. Salua temetipsum. Si filius dei es : descende de cruce. Similiter et principes sacerdotum illudentes cum scribis et senioribus dicentes. Alios saluos fecit : seipsum non potest saluum facere. Si rex israel est : descendat nunc de cruce et credimus ei. Confidit in deo : liberet eum nunc si uult. Dixit enim quia filius dei sum. Id ipsum autem et latrones qui crucifixi erant cum eo : improperabant ei. A sexta autem hora : tenebre facte sunt super uniuersam terram usque ad horam nonam. Et circa horam nonam : clamauit ihesus uoce magna dicens. Hely : Hely. lamazabathani. Hoc est : Deus meus. deus meus : utquid dereliquisti me? Quidam autem illic stantes et audientes dicebant. Helyam uocat iste. Et continuo currens unus ex eis acceptam spongiam

impleuit aceto. et imposuit arundini. et dabat ei bibere. Ceteri uero dicebant. Sine. uideamus an ueniat helyas liberans eum. Ihesus autem iterum clamans uoce magna: emisit spiritum. *Hic dicit sacerdos deuotionem.* Et ecce uelum templi scissum est in duas partes: a summo usque deorsum. Et terra mota est. et petre scisse sunt. et monumenta aperta sunt. et multa corpora sanctorum qui dormierant surrexerunt. Et exeuntes de monumentis post resurrectionem eius uenerunt in sanctam ciuitatem: et apparuerunt multis. [fo. 76. b. Centurio autem et qui cum eo erant custodientes ihesum uiso terremotu. et hiis que fiebant: timuerunt ualde dicentes. Uere filius dei erat iste. Erant autem ibi mulieres alonge que secute erant ihesum a galilea ministrantes ei. Inter quas erat maria magdalene. et maria iacobi. et ioseph mater et mater filiorum zebedei. Cum sero autem factum esset. uenit quidam homo diues ab arimathia nomine ioseph: qui et ipse erat discipulus ihesu. Hic accessit ad pilatum: et petiit corpus ihesu. Tunc pilatus: iussit reddi corpus. Et accepto corpore ioseph inuoluit illud in syndone munda: et posuit illud in monumento suo nouo quod exciderat in petra. Et aduoluit saxum magnum ad ostium monumenti: et abiit. Erant autem ibi maria magdalene. et altera maria: sedentes contra sepulchrum.

Euangelium.

Altera autem die que est post parascheuen: conuenerunt

principes sacerdotum et pharisei ad pilatum dicentes. domine: recordati sumus quia seductor ille dixit adhuc uiuens post tres dies resurgam. Iube ergo custodiri sepulchrum usque in diem tertium: ne forte ueniant discipuli eius et furentur eum. et dicant plebi surrexit a mortuis. Et erit nouissimus error: peior priore. Ait illis pilatus. Habetis custodiam. Ite: custodite sicut scitis. Illi autem abeuntes munerunt sepulchrum: signantes lapidem cum custodibus.

Offertorium.

Improperium expectauit cor meum et miseriam. et sustinui qui simul contristaretur et non fuit. consolantem me quesui et non inueni. et dederunt in escam meam fel. et in siti mea potauerunt me aceto. *℣.* Saluum me fac deus quoniam intrauerunt aque usque ad animam meam.

Secretum.

Tibi deus pater omnipotens immaculati agni paschale offerimus holocaustum. cuius nos sanguine ab exterminatoris uastacione saluatos. ad terram quesumus tue repromissionis inducas. Per eundem.

Communio.

Pater si non potest hic calix transire nisi bibam illum fiat uoluntas tua. *℣.* Uerumptamen non sicut ego uolo set sicut uis fiat uoluntas tua.

Postcommunio.

Fideles tuos domine benignus intende: ut sue redemptionis inicia recolentes quorum munere sunt refectioni. eorum proficiant incrementis. Per. [fo. 77.

Iudica domine nocentes me expugna impugnantes me apprehende arma et scutum et exurge in adiutorium meum domine uirtus salutis mee. *Ps.* Effunde frameam et concludere aduersus eos qui me persequuntur dic anime mee salus tua ego sum.

Oracio.

DA quesumus omnipotens deus: ut qui in tot aduersis ex nostra infirmitate deficiamus: intercedente unigeniti tui passione respiremus. Per.

Leccio ysaie prophete.

IN diebus illis. Dixit ysaias propheta. Dominus deus aperuit michi aurem: ego autem non contradico. retrorsum non abii. Corpus meum dedi percutientibus: et genas meas uellentibus. Faciem meam non auerti ab increpantibus. et conspuentibus in me. Dominus deus auxiliator meus: et ideo non sum confusus. Iccirco posui faciem meam ut petram durissimam: et scio quoniam non confundar. Iuxta est qui iustificat me. Quis contradicit michi? Stemus simul. Quis est aduersarius meus? Accedat ad me. Ecce dominus deus auxiliator meus. Quis est qui condempnet me? Ecce omnes quasi uestimentum conterentur: tinea comedet eos. Quis est ex uobis timens deum audiens uocem serui sui. Quis ambulauit in tenebris et non est lumen ei: Speret in nomine domini: et innitatur super dominum deum suum.

EXurge domine et intende iudicium meum deus meus. et dominus meus in causam meam. *Ps.* Effunde frameam et concludere aduersus eos qui me persequuntur.

Secundum Iohannem.

ANte sex dies pasche. uenit ihesus bethaniam: ubi fuerat lazarus mortuus quem suscitauit. Fecerunt autem ei cenam ibi: et martha ministrabat. Lazarus uero unus erat ex discumbentibus cum eo. Maria ergo accepit libram unguenti nardi pistici preciosi: et unxit pedes ihesu: et extersit capillis suis pedes eius et domus impleta est. ex odore unguenti. Dicit ergo unus ex discipulis eius iudas scariothis. qui erat eum traditurus. Quare hoc unguentum non uendidit trecentis denariis et datum est egenis? Dixit autem hoc non quia de egenis pertinebat ad eum: sed quia fur erat. et loculos habens ea que mittebantur portabat. Dixit ergo ihesus. Sine illam: ut/ in diem sepulture [fo. 77. b. mee seruet illud. Pauperes enim semper habebitis uobiscum: me autem non semper habebitis. Cognouit ergo turba multa ex iudeis quia illuc esset: et uenerunt non propter ihesum tantum sed ut lazarus uiderent quem suscitauit a mortuis. Cogitauerunt autem principes sacerdotum ut et lazarus interficerent quia multi abibant propter illum ex iudeis et credebant in ihesum. In crastinum autem turba multa que uenerat ad diem festum cum audissent quia uenit ihesus

iherosolimam: acceperunt ramos palmarum. et processerunt obuiam ei. et clamabant. Osanna: benedictus qui uenit in nomine domini rex israel. Et inuenit ihesus asellum et sedit super eum: sicut scriptum est. Noli timere filia syon. Ecce rex tuus uenit sedens super pullum asine. Hec non cognouerunt discipuli eius primum: sed quando clarificatus est ihesus. tunc recordati sunt quia hec scripta erant de eo. et hec fecerunt ei. Testimonium ergo perhibebat turba que erat cum eo: quando et lazarus uocauit de monumento. et suscitauit eum a mortuis. Propterea et obuiam uenit ei turba. quia audierunt eum fecisse hoc signum. Pharisei ergo: dixerunt ad semetipsos. Uidetis: quia nichil proficimus? Ecce mundus totus: post eum abiit. Erant autem gentiles quidam ex hiis qui ascenderant ut adorarent in die festo. Hii ergo accesserunt ad philippum qui erat a bethsaida galilee: et rogabant eum dicentes. Domine. uolumus ihesum uidere. Uenit philippus et dicit andree. Andreas rursum et philippus: dixerunt ihesu. Ihesus autem respondit eis dicens. Uenit hora: ut clarificetur filius hominis. Amen amen dico uobis: nisi granum frumenti cadens in terram mortuum fuerit: ipsum solum manet. Si autem mortuum fuerit: multum fructum affert. Qui amat animam suam perdet eam. Et qui odit animam suam in hoc mundo: in uitam eternam custodit eam. Siquis michi ministrat: me sequatur. Et ubi sum

ego: illic et minister meus erit. Siquis michi ministrauerit honorificabit eum pater meus qui est in celis. Nunc anima mea turbata est. Et quid dicam. Pater: saluiifica¹ me/ ex [fo. 78. hora hac. Sed propterea ueni in horam hanc. Pater: clarifica nomen tuum. Uenit ergo uox de celo dicens. Et clarificaui. et iterum clarificabo. Turba ergo que stabat et audierat: dicebant tonitruum factum esse. Alii dicebant: Angelus ei locutus est. Respondit ihesus et dixit. Non propter me uox hec uenit: sed propter uos. Nunc iudicium est mundi. Nunc princeps mundi huius. eicietur foras. Et ego si exaltatus fuero a terra: omnia traham ad meipsum. Hoc autem dicebat: significans qua morte esset moriturus. Respondit ei turba. Nos audiuius ex lege: quia christus manet in eternum. Et quomodo tu dicis oportet exaltari filium hominis. Quis est iste filius hominis? Dixit ergo eis ihesus. Adhuc modicum lumen in uobis est. Ambulate dum lucem habetis: ne tenebre uos comprehendant. Et qui ambulat in tenebris: nescit quo uadat. Dum lucem habetis credite in lucem: ut filii lucis sitis. Hec locutus est ihesus et abiit: et abscondit se ab eis.

Offertorium.

ERipe me de inimicis meis domine ad te confugi doce me facere uoluntatem tuam quia deus meus es tu. *℣.* Exaudi me in tua iusticia et non intres in iudicium cum seruo tuo domine.

¹ Sic.

Secretum.

I Psa magestati tue domine fideles populos commendet oblacio. que per filium tuum reconciliauit inimicos. Qui tecum.

Communio.

E Rubescant et reuereantur simul qui gratulantur malis meis inquantur pudore et reuerencia qui maligna loquuntur aduersum me.

Postcommunio.

S Aciati munere salutari tuam domine misericordiam deprecamur ut hoc eodem sacramento quo nos temporaliter uegetas. efficias uite eterne participes. Per.

Super populum.

A Diuua nos deus salutaris noster: et ad beneficia recolenda quibus nos instaurare dignatus es. tribue uenire gaudentes. Per.

Feria iii. officium.

N Os autem gloriari oportet in cruce domini nostri ihesu christi in quo est salus uita et resurreccio nostra per quem saluati et liberati sumus. *Ps.* Deus misereatur.

Oracio.

O Mnipotens sempiterne deus da nobis ita dominice passionis sacramenta peragere. ut indulgenciam percipere mereamur. Per eundem.

Leccio Ieremie prophete.

I N diebus illis. Dixit ieremias. Domine demonstrasti michi et/ cognoui. tu osten- [fo. 78. b.

disti michi studia eorum. Et ego quasi agnus mansuetus qui portatur ad uictimam. et non cognoui quia cogitauerunt super me consilia dicentes. Uenite mittamus lignum in panem eius. et eradamus eum de terra uiuentium et nomen eius non memoretur amplius. Tu autem domine sabaoth qui iudicas iuste et probas renes et corda uideam ulcionem tuam ex eis. Tibi enim reuelaui causam meam: domine deus meus.

Gradale.

E Go autem dum michi molesti essent induebam me cilicio. et humiliabam in ieiunio animam meam et oracio mea in sinu meo conuertetur. *Ps.* Iudica domine nocentes me expugna impugnantes me apprehende arma et scutum. et exurge in adiutorium michi.

Passio domini nostri ihesu christi. Secundum marcum.

I N illo tempore: Erat pascha et azima post biduum. Et querebant summi sacerdotes et scribe: quomodo ihesum dolo tenerent et occiderent. Dicebant enim. Non in die festo: Ne forte tumultus fieret populi. Et cum esset ihesus bethanie in domo symonis leprosi et recumberet: uenit mulier habens alabastrum unguenti nardi spicati preciosi et fracto alabastro effudit super capud eius. Erant autem quidam indigne ferentes intra semetipsos¹: et dicentes. Utquid perdicio ista unguenti facta est? Poterat enim unguentum istud uenundari plus-

¹ A face of Judas (?) drawn in margin opposite these lines.

quam trecentis denariis: et dari pauperibus. Et fremebant in eam. Ihesus autem dixit eis. Sinite eam. Quid illi molesti estis? Bonum opus: operata est in me. Semper enim pauperes habetis uobiscum: et cum uolueritis potestis illis benefacere. Me autem non semper habebitis. Quod habuit hec fecit. Preuenit ungere corpus meum in sepulturam. Amen dico uobis: ubicumque predicatum fuerit euangelium istud in uniuerso mundo. et quod hec fecit narrabitur in memoriam eius. Et iudas scariothes unus de duodecim abiit ad summos sacerdotes. ut proderet eum illis. Qui audientes gauisi sunt: et promiserunt ei pecuniam se daturos. Et querebat quomodo oportune illum traderet. Et primo die azimorum quando pascha immolabant dicunt ei discipuli. Quo uis eamus. et paremus [fo. 79. tibi ut manduces pascha? Et misit duos ex discipulis suis: et dicit eis. Ite in ciuitatem: et occurret uobis homo lagenam aque baiulans. Sequimini eum. Et quocumque introierit dicite domino domus: quia magister dicit. Ubi est refeccio mea. ubi pascha cum discipulis meis manducem? Et ipse demonstrabit uobis cenaculum grande stratum et illic parate nobis. Et abierunt discipuli eius et uenerunt in ciuitatem: et inuenerunt sicut dixerat illis et parauerunt pascha. Uespere autem facto: uenit cum duodecim. Et discumbentibus illis et manducantibus: ait ihesus. Amen dico uobis quia unus ex uobis me

tradet qui manducat mecum. At illi ceperunt contristari et dicere ei singillatim. Numquid ego? Qui ait illis. Unus ex duodecim: qui intingit mecum manum in cathino: Et filius quidem hominis uadit: sicut scriptum est de eo. Ue autem homini illi: per quem filius hominis tradetur. Bonum erat ei: si non esset natus homo ille. Et manducantibus illis accepit ihesus panem: et benedicens fregit et dedit eis et ait. Sumite. Hoc est corpus meum. Et accepto calice: gracias agens dedit eis. Et biberunt ex eo omnes. Et ait illis. Hic est sanguis meus noui testamenti qui pro multis effundetur. Amen dico uobis quod iam non bibam de genimine uitis usque in diem illum cum illud bibam nouum in regno dei. Et ympno dicto: exierunt in montem oliuarum. Et ait illis ihesus. Omnes uos scandalizabimini in me in ista nocte: quia scriptum est. Percuciam pastorem: et dispergentur oues. Sed postea quam resurrexero: precedam uos in galileam. Petrus autem ait ei. Et si omnes scandalizati fuerint: sed non ego. Et ait illi ihesus. Amen dico tibi quia tu hodie in nocte hac priusquam gallus bis uocem dederit: ter me es negaturus. At ille amplius loquebatur. Et si oportuerit me simul commori tibi: non te negabo. Similiter autem: et omnes discipuli dicebant. Et uenerunt in predium cui nomen gethsemani. Et ait discipulis suis. Sedete hic: donec orem. Et assumpsit petrum. et iacobum. et ioannem

secum : et cepit pauere et tedere. Et ait illis. Tristis est anima mea usque ad mortem. Sustinete hic : et/ uigilate. [fo. 79. b. Et cum processisset paululum : procidit super terram et orabat ut si fieri posset. transiret ab eo hora. Et dixit abba pater : omnia tibi possibilia sunt. transfer calicem hunc a me. Sed non quod ego uolo : sed quod tu. Et uenit. et inuenit eos dormientes. Et ait petro. Symon dormis? Non potuisti una hora uigilare mecum? Uigilate et orate. ut non intretis in temptationem. Spiritus quidem promptus est : caro autem infirma. Et iterum abiens orauit eundem sermonem dicens. Et reuersus denuo : inuenit eos dormientes. Erant enim oculi eorum grauati. et ignorabant quid responderent ei. Et uenit tercio : et ait illis. Dormite iam. et requiescite. Sufficit. Uenit hora ecce tradetur filius hominis in manus peccatorum. Surgite : eamus ecce qui me tradet prope est. Et adhuc eo loquente : uenit iudas scarioth unus de duodecim. et cum eo turba multa cum gladiis et lignis missi a summis sacerdotibus. et scribis. et senioribus. Dederat autem traditor eius signum eis dicens. Quemcumque osculatus fuero : ipse est tenete eum. et ducite caute. Et cum uenisset statim accedens ad eum ait. Rabi. Et osculatus est eum. At illi manus iniecerunt in eum : et tenuerunt eum. Unus autem de circumstantibus educens gladium : percussit seruum summi sacerdotis. et amputauit illi

auriculam. Et respondens ihesus ait illis. Tanquam ad latronem existis cum gladiis et fustibus comprehendere me. Cotidie apud uos eram docens in templo. et non me tenuistis. Sed ut impleantur scripture. Tunc discipuli eius relinquentes eum : et omnes fugerunt. Adolescens autem quidam sequebatur eum : amictus syndone super nudo : et tenuerunt eum. At ille reiecta syndone : nudus profugit ab eis. Et adduxerunt ihesum ad summum sacerdotem et conuenerunt omnes sacerdotes et scribe. et seniores. Petrus autem alonge secutus est eum : usque intro in atrium summi sacerdotis. Et sedebat cum ministris : et calefaciebat se ad ignem. Summi uero sacerdotes et omne consilium querebant aduersus ihesum testimonium ut eum morti traderent : nec inueniebant. Multi enim/ testimonium falsum [fo. 80. dicebant aduersus eum : et conuenienciā testimonia non erant. Et quidam surgentes. falsum testimonium ferebant aduersus eum dicentes. quoniam nos audiuius eum dicentem. Ego dissoluo templum hoc manufactum. et per triduum aliud non manufactum edificabo. Et non erat conueniens testimonium illorum. Et exurgens summus sacerdos in medium. interrogauit ihesum dicens. Non respondes quicquam ad ea que tibi obiciuntur de hiis? Ihesus autem tacebat : et nichil respondit. Rursum summus sacerdos interrogabat eum et dixit ei. Tu es christus filius dei benedicti? Ihesus autem dixit illi. Ego

sum. Et uidebitis filium hominis a dextris sedentem uirtutis. et uenientem in nubibus celi. Summus autem sacerdos scindens uestimenta sua : et ait. Quid adhuc desideramus testes? Audistis blasphemiam. Quid uobis uidetur? Qui omnes condemnauerunt eum reum esse mortis. Et ceperunt quidam conspuere eum. et uelare faciem eius et colaphis eum cedere. et dicere ei Prophetiza. Et ministri alapis eum cedebant. Et cum esset petrus in atrio deorsum : uenit una ex ancillis summi sacerdotis. Et cum uidisset petrum calefacientem se : aspiciens eum ait. Et tu cum ihesu nazareno eras. At ille negauit dicens. Neque scio. neque noui quid dicas. Et exiit foras ante ostium : et gallus cantauit. Rursus autem cum uidisset illum ancilla : cepit dicere circumstantibus. quia hic ex illis est. At ille iterum negauit. Et post pusillum : rursus qui astabant dicebant petro. Vere ex illis es? Nam et galileus es. Ille autem cepit anathematizare et iurare : quia nescio hominem istum. quem dicitis. Et statim iterum gallus cantauit. Et recordatus est petrus uerbi quod dixerat ihesus : priusquam gallus cantet bis. ter me negabis. Et cepit flere. Et confestim mane consilium facientes summi sacerdotes cum senioribus. et scribis. et uniuerso consilio. uincientes ihesum duxerunt et tradiderunt pilato. Et interrogauit eum pilatus. Tu es rex iudeorum. At ille respondens ait illi. Tu dicis. Et accusabant eum/ summi [fo. 8o. b.

sacerdotes in multis. Pilatus autem rursus interrogauit eum dicens. Non respondes quicquam. Uide in quantis te accusant. Ihesus autem amplius non respondit : ita ut miraretur pilatus. Per diem autem festum : dimittere solebat illis unum ex uinctis quemcumque petissent. Erat autem qui dicebatur barabas qui cum sediciosus erat uinctus qui et in sedicione fecerat homicidium. Et cum ascendisset turba : cepit rogare sicut semper faciebat illis. Pilatus autem respondit eis dicens. Uultis dimittam uobis regem iudeorum : Sciebat enim : quod per inuidiam tradidissent eum summi sacerdotes. Pontifices autem concitauerunt turbam : ut magis baraban dimitteret eis. Pilatus autem iterum respondens : ait illis. Quid ergo uultis faciam regi iudeorum? At illi iterum clamauerunt. Crucifige eum. Pilatus uero dicebat eis. Quid enim mali fecit? At illi magis clamabant. Crucifige eum. Pilatus autem uolens populo satisfacere : dimisit illis baraban. et tradidit eis ihesum flagellis cesum ut crucifigeretur.¹ Milites autem duxerunt eum intro in atrium pretorii. et conuocant totam cohortem. et induunt eum purpura. et imponunt ei plectentes spineam coronam. Et ceperunt salutare eum. Aue rex iudeorum. Et percuciebant capud eius arundine et conspuebant in eum. et ponentes genua adorabant eum. Et postquam illuserunt ei. exuerunt illum purpura. et induerunt eum uestimentis suis. et educunt

¹ Sic.

illum ut crucifigerent eum : et angariauerunt pretereuntem quempiam symonem cyreneum uenientem de uilla patrem alexandri et rufi. ut tolleret crucem eius. Et perducunt eum in golgatha locum : quod est interpretatum caluarie locus. Et dabant ei bibere mirratum uinum : et non accepit. Et crucifigentes eum diuiserunt uestimenta eius mittentes sortem super eis. quis quid tolleret. Erat autem hora tertia : et crucifixerunt eum. Et erat titulus cause eius inscriptus : rex iudeorum. Et cum eo crucifigunt duos latrones : unum a dextris. et unum a sinistris eius. Et adimpleta est scriptura que dicit. Et [fo. 81. cum iniquis deputatus est. Et pretereuntes blasphemabant eum mouentes capita sua et dicentes. Uath qui destruit templum. et in tribus diebus edificat. Saluum fac temetipsum descendens de cruce. Similiter et summi sacerdotes ludentes ad alterutrum dicebant. Alios saluos fecit : seipsum non potest saluum facere. Christus rex israel descendat nunc de cruce ut uideamus et credamus. Et qui cum eo crucifixi erant : conuiciabantur ei. Et facta hora sexta : tenebre facte sunt per totam terram usque in horam nonam. Et hora nona exclamauit ihesus uoce magna dicens. Heloy : Heloy : lamazabathani ? Quod est interpretatum. Deus meus deus meus ? ut quid dereliquisti me. Et quidam de circumstantibus audientes dicebant. Ecce heliam uocat. Currrens autem unus. et implens spongiam aceto circum-

ponensque calamo : potum dabat ei dicens. Sinite : uideamus si ueniat helyas ad deponendum eum. Ihesus autem emissa uoce magna : expirauit. *Hic dicat sacerdos deuotionem.* Et uelum templi scissum est in duo : a summo usque deorsum. Uidens autem centurio qui ex aduerso stabat quia sic clamans expirasset : ait. Uere hic homo filius dei erat. Erant autem et mulieres delonge aspicientes : inter quas erat maria magdalene. et maria iacobi minoris. et ioseph mater. et salomee. et cum esset in galilea sequebantur eum et ministrabant ei. et alie multe qui¹ simul ascenderant cum eo iherosolimam.

Euangelium.

ET cum iam sero esset factum. quia erat parascheue quod est ante sabbatum : uenit ioseph ab arimathia nobilis decurio : qui et ipse erat expectans regnum dei. Et audacter introiuit ad pilatum : et petiit corpus ihesu. Pilatus autem mirabatur : si iam obisset. Et accercito centurione : interrogauit si iam mortuus esset. Et cum cognouisset a centurione donauit corpus ioseph. Ioseph autem mercatus syndonem. et deponens eum inuoluit syndone : et posuit eum in monumento quod erat excisum de petra. et aduoluit lapidem : ad ostium monumenti.

Offertorium.

CUSTODI me dome¹ domine de manu peccatoris et ab/ [fo. 81. b. hominibus iniquis eripe me domine.

¹ Sic.

255

¶ Eripe me domine ab homine malo a uiro iniquo libera me.

Secretum.

DIcate tibi plebis domine quesumus oblationes sanctifica: ut a terrene uetustatis conuersatione mundati celestis uite profectibus innouemur. Per.

Communio.

ADuersum me exercebantur qui sedebant in porta. et in me psallebant qui bibebant uinum. ego uero oracionem meam ad te domine tempus beneplaciti deus in multitudine misericordie tue.

Postcommunio.

REpleti domine sacri muneris gracia supplices exoramus: ut que gustu corporeo dulci ueneratione contingimus dulciora mentibus sentiamus. Per.

Super populum.

TUa nos misericordia deus et ab omni surrepcione uetustatis expurget. et capaces sancte nouitatis efficiat. Per.

Feria iiii. officium.

IN nomine domini omne genu flectatur celestium terrestrium et infernorum quia dominus factus obediens usque ad mortem mortem autem crucis. ideo dominus ihesus christus in gloria est dei patris. *Ps.* Domine exaudi oracionem meam: et clamor meus.

Oracio.

PResta quesumus omnipotens deus: ut qui nostris excessibus incessanter affligimur. per unigeniti tui passionem liberemur. Qui tecum.

256

Leccio ysaie prophete.

HEc dicit dominus deus. Dicite filie syon. Ecce saluator tuus uenit: ecce merces eius cum eo. et opus illius coram illo. Quis est iste qui uenit de edom: tinctis uestibus de bosra? Iste formosus in stola sua gradiens in multitudine fortitudinis sue. Ego qui loquor iusticiam: et propugnator sum ad saluandum. Quare ergo rubrum est indumentum tuum: et uestimenta tua sicut calcancium in torculari? Torcular calcaui solus: et de gentibus non est uir mecum. Calcaui eos in furore meo: et conculcaui eos in ira mea. Et aspersus est sanguis eorum super uestimenta mea: et omnia indumenta mea inquinavi. Dies enim ulcionis in corde meo: annus retributionis mee uenit. Circumspexi. et non erat auxiliator: quesui. et non fuit qui adiuuaret. Et saluauit michi brachium meum: et indignatio mea ipsa auxiliata est michi. Miseracionum domini recordabor. laudem domini super omnibus que reddidit nobis: dominus deus noster.

Gradale.

NE auertas faciem tuam a puero tuo quoniam tribulor uelociter exaudi/ me. ¶ Saluum me [fo. 82. fac deus. quoniam intrauerunt aque usque ad animam meam infixus sum in limo profundi et non est substantia.

Dominus uobiscum.

Oracio.

DEus qui pro nobis filium tuum crucis patibulum subire uoluisti. ut inimici a nobis expelleres potestatem: concede

nobis famulis tuis. ut resurrectionis : gratiam consequamur. Per eundem.

Leccio ysaie prophete.

IN diebus illis : Dixit ysaia propheta. Domine : quis credidit auditui nostro. et brachium domini cui reuelatum est. Et ascendet sicut uirgultum coram eo. et sicut radix de terra sicienti. et non est species ei neque decor. Et uidimus eum et non erat aspectus : et desiderauimus eum despectum et nouissimum uirorum. uirum dolorum et scientem infirmitatem. Et quasi absconditus uultus eius et despectus. Unde nec reputauimus eum. Uere languores nostros ipse tulit : et dolores nostros ipse portauit. Et nos putauimus eum quasi leprosum : et percussum a deo et humiliatum. Ipse autem uulneratus est propter iniquitates nostras. attritus est propter scelera nostra. Disciplina pacis nostre super eum : et liuore eius sanati sumus. Omnes nos quasi oues errauimus. unusquisque a uia sua declinauit et dominus posuit in eo iniquitatem omnium nostrum. Oblatus est quia ipse uoluit : et non aperuit os suum. Sicut ouis ad occisionem ducetur : et quasi agnus coram tondente se ommutescet et non aperiet os suum. De angustia et de iudicio sublatus est. Generationem eius quis enarrabit ? quia absconditus est de terra uiuentium. Propter scelus populi mei percussi eum : et dabit impios pro sepultura. et diuitem pro morte sua. eo quod iniquitatem non fecerit

nec dolus fuerit in ore eius. Et dominus uoluit conterere eum in infirmitate. Si posuerit pro peccato animam suam : uidebit semen longeuum. et uoluntas domini in manu eius dirigetur pro eo quod tradidit in mortem animam suam et cum sceleratis deputatus est. Et ipse peccata multorum tulit. et pro transgressoribus orauit ut non perirent. Dicit dominus : omnipotens.

Tractus.

Domine exaudi orationem meam et clamor meus ad te ueniat. *Ps.* Non auertas faciem tuam a me. in/ in quacumque die tribulor inclina ad me aurem tuam. *Chorus.* Et clamor. *Ps.* In quacumque die inuocauero te uelociter me. Et clamor. *Ps.* Quia defecerunt sicut fumus dies mei. et ossa mea sicut in fixorio confixa sunt. Et clamor. *Ps.* Percussus sum sicut fenum et aruit cor meum quia oblitus sum manducare panem meum. Et clamor. *Ps.* Tu exurgens domine misereberis syon quia uenit tempus miserendi eius. Et clamor. *Ps.* Domine.

*Passio domini nostri ihesu christi.
Secundum Lucam.*

IN illo tempore : Appropinquabat dies festus azimorum qui dicitur pascha. Et querebant principes sacerdotum et scribe : quomodo ihesum interficerent. Timebant uero plebem. Intrauit autem sathanas in iudam qui cognominabatur scarioth unus de duodecim. Et abiit et locutus est cum principibus sacerdotum et magistratibus : quemadmodum illum traderet eis. Et gauisi sunt et pacti sunt ei pecuniam dare. Et spon-

dit. Et querebat opportunitatem : ut traderet eum sine turbis. Uenit autem dies azimorum. in qua necesse erat occidi pascha. Et misit petrum et iohannem dicens. Euntes parate nobis pascha ut manducemus. At illi dixerunt. Ubi uis paremus. Et dixit ad eos. Ecce introeuntibus uobis in ciuitatem occurret uobis homo : amphoram aque portans. Sequimini eum in domum in quam intrat et dicetis patrifamilias domus. Dicit tibi magister. Ubi est diuersorium ubi pascha cum discipulis meis manducem? Et ipse uobis ostendet cenaculum magnum stratum. et ibi parate. Euntes autem inuenerunt sicut dixit illis. et parauerunt pascha. Et cum facta esset hora discubuit : et duodecim apostoli cum eo. Et ait illis. Desiderio desiderauimus hoc pascha manducare uobiscum antequam paciar. Dico enim uobis quia ex hoc non manducabo illud donec impleatur in regno dei. Et accepto calice : gratias egit et dixit. Accipite et diuidite inter uos. Dico enim uobis quod non bibam de generatione uitis huius donec regnum dei ueniat. Et accepto pane : gratias egit et fregit. et dedit eis dicens. Hoc est corpus meum quod pro uobis tradetur hoc facite in meam commemorationem. Similiter/ et [fo. 83. calicem : postquam cenauit dicens. Hic calix nouum testamentum in sanguine meo : qui pro uobis fundetur. Uerumptamen ecce manus tradentis me : mecum est in mensa. Et quidem filius hominis secundum

quod diffinitum est uadit. Uerumptamen ue illi homini : per quem tradetur. Et ipsi ceperunt querere inter se quis esset ex eis qui hoc facturus esset. Facta est autem et contencio inter illos : quis eorum uideretur esse maior. Dixit autem eis. Reges gentium dominantur eorum : et qui potestatem habent super eos benefici uocantur. Uos autem non sic. Sed qui maior est in uobis : fiat sicut minor. Et qui precessor est : sicut ministrator. Nam quis maior est qui recumbit an qui ministrat? Nonne qui recumbit? Ego autem in medio uestrum sum : sicut qui ministrat. Uos autem estis : qui permansistis mecum in temptationibus meis. Et ego dispono uobis sicut disposuit michi pater meus regnum : ut edatis et bibatis super mensam meam in regno meo. Et sedeat super thronos : iudicantes duodecim tribus israel. Ait autem dominus. symoni. Symon : ecce sathanas expetiuit uos ut cribraret sicut triticum. Ego autem rogavi pro te : ut non deficiat fides tua. Et tu aliquando conuersus : confirma fratres tuos. Qui dixit ei. Domine tecum paratus sum. et in carcerem et in mortem ire. At ille dixit. Dico tibi petre : non cantabit hodie gallus donec ter abneges nosse me. Et dixit eis. Quando misi uos sine sacco et pera. et calciamentis numquid aliquid defuit uobis? At illi dixerunt ei. Nichil. Dixit ergo eis. Sed nunc qui habet sacculum tollat similiter et peram. Et qui non habet : uendat tunicam

suam et erat gladium. Dico enim uobis: quoniam adhuc hoc quod scriptum est oportet impleri in me. Et cum iniquis deputatus est. Etenim ea que sunt de me: finem habent. At illi dixerunt. Domine: ecce gladii duo hic. At ille dixit eis. Satis est. Et egressus ibat secundum consuetudinem in montem oliuarum. Secuti sunt autem illum et discipuli. Et cum peruenisset ad locum: dixit illis. Orate: ne intretis in temptationem. Et ipse auulsus/ est ab eis: [fo. 83. b. quantum iactus est lapidis. Et positis genibus orabat dicens. Pater: si uis transfer calicem meam a me. Uerumtamen non mea uoluntas: sed tua fiat. Apparuit autem ei angelus de celo confortans eum. Et factus in agonia: prolixius orabat. Et factus est sudor eius sicut gutte sanguinis decurrentis in terram. Et cum surrexisset ab oratione. et uenisset ad discipulos suos: inuenit eos dormientes pre tristitia. Et ait illis. Quid dormitis? Surgite orate: ne intretis in temptationem. Adhuc eo loquente: ecce turba et qui uocabatur iudas unus de duodecim antecedebat eos. Et appropinquauit ihesu: ut eum oscularetur. Ihesus autem dixit illi. Iuda: osculo filium hominis tradis? Uidentes autem hii qui circa ipsum erant quod futurum erat dixerunt ei. Domine si percutimus in gladio. Et percussit unus ex illis seruum principis sacerdotum: et amputauit auriculam eius dextram. Respondens autem ihesus ait. Sinite usque huc. Et cum teti-

gisset auriculam eius: sanauit eum. Dixit autem ihesus ad eos qui uenerant ad se principes sacerdotum. et magistratus templi et seniores. Quasi ad latronem existis cum gladiis et fustibus. Cum cotidie uobiscum fuerim in templo: non extendistis manus in me. Sed hec est hora uestra: et potestas tenebrarum. Comprehendentes autem eum: duxerunt ad domum principis sacerdotum. Petrus uero: sequebatur eum alonge. Accenso autem igne in medio atrio. et circum-sedentibus illis: erat petrus in medio eorum. Quem cum uidisset ancilla quedam sedentem ad lumen: et eum fuisset intuita dixit. Et hic cum illo erat. At ille negauit eum dicens. Mulier: non noui illum. Et post pusillum: alius uidens eum dicens. Et tu de illis es. Petrus uero ait. O homo non sum. Et interuallo facto quasi hore unius: alius quidam affirmabat dicens. Uere et hic cum illo erat. Nam et galileus est. Et ait petrus. Homo. nescio quid dicis. Et continuo adhuc illo loquente: cantauit gallus. Et conuersus dominus: respexit petrum. Et recordatus est petrus uerbi domini quid dixerat: quia priusquam gallus cantet/ ter [fo. 84. me negabis. Et egressus foras: fleuit amare. Et uiiri qui tenebant illum: illudebant ei cedentes. Et uelauerunt eum. et percuciebant faciem eius et interrogabant eum dicentes. Prophetiza: quis est qui te percussit. Et alia multa blasphemantes: dicebant in eum. Et ut factus est dies: conuenerunt

seniores plebis. et principes sacerdotum et scribe. et duxerunt illum in consilium suum dicentes. Si tu es christus : dic nobis. Et ait illis. Si uobis dixerō : non credetis michi. Si autem et interrogauerō non respondebitis michi neque dimittetis. Ex hoc autem erit filius hominis sedens adextreis uirtutis dei. Dixerunt autem omnes. Tu ergo es filius dei? Qui ait. Uos dicitis : quia ego sum. At illi dixerunt. Quid adhuc desideramus testimonium. Ipsi enim audiuius de ore eius. Et surgens omnis multitudo eorum duxerunt illum ad pilatum. Ceperunt autem illum accusare dicentes. Hunc inuenimus subuertentem gentem nostram et prohibentem tributa dare cesari. et dicentem se christum regem esse. Pilatus autem interrogauit eum dicens. Tu es rex iudeorum? At ille respondit. Tu dicis. Ait autem pilatus ad principes sacerdotum et turbas. Nichil inuenio cause in hoc homine. At illi inualescebant dicentes. Commouet populum docens per uniuersam iudeam. incipiens a galilea usque huc. Pilatus autem autem¹ audiens galileam : interrogauit si homo galileus esset. Et ut cognouit quod de herodis potestate esset : remisit eum ad herodem. qui et ipse iherosolimis erat illis diebus. Herodes autem uiso ihesu : gaudius est ualde. Erat enim ex multo tempore cupiens uidere eum : eo quod audiret multa de illo. et sperabat signum aliquod

¹ The second *autem* struck through with red line.

uidere ab eo fieri. Interrogabat autem illum multis sermonibus. At ipse nichil illi respondebat. Stabant etiam principes sacerdotum et scribe constanter accusantes eum. Spreuit autem illum et herodes cum exercitu suo et illusit. et indutum. ueste alba remisit ad pilatum. Et facti sunt amici herodes et pilatus in ipsa die. Nam antea inimici erant ad inuicem. Pilatus autem conuocatis principi- [fo. 84. b. pibus sacerdotum et magistratibus et plebe dixit ad illos. Opululistis michi hunc hominem quasi auertentem populum. Et ecce ego coram uobis interrogans nullam causam inuenio in homine isto. ex hiis in quibus eum accusatis. Sed neque herodes. Nam remisit uos ad illum. et ecce nichil dignum morte actum est ei. Emendatum ergo illum dimittam. Necesse autem habebat : dimittere eis per diem festum unum. Exclamaui autem simul uniuersa turba dicens Tolle hunc : et dimitte nobis barraban. Qui erat propter sedicionem quandam factam in ciuitate et homicidium : missus in carcerem. Iterum autem pilatus locutus est ad illos uolens dimittere ihesum. At illi succlamabant dicentes. Crucifige. crucifige illum. Ille autem tercio dixit ad illos. Quid enim mali fecistis? Nullam causam mortis inuenio in eo. Corripiam ergo illum : et dimittam. At illi instabant uocibus magnis postulantes ut crucifigeretur. et inualescebant uoces eorum. Et pilatus adiudicauit fieri petitionem eorum. Dimisit autem illis eum qui

propter homicidium et sedicionem missus fuerat in carcerem quem petebant. Ihesum uero tradidit uoluntati eorum. Et cum ducerent eum: apprehenderunt symonem quendam cyrenensem uenientem de uilla. et imponunt illi crucem portare post ihesum. Sequebatur autem illum multitudo populi et mulierum: que plangebant et lamentabantur eum. Conuersus autem ad illas ihesus: dixit. Filie iherusalem nolite flere super me: sed super uos ipsas flete et super filios uestros. Quoniam ecce dies uenient in quibus dicent. Beate steriles et uentres que non genuerunt: et ubera que non lactauerunt. Tunc incipient dicere montibus cadite super nos. et collibus operite nos. Quia si in uiridi ligno hec faciunt: in arido quid fiet? Ducebantur autem et alii duo nequam cum illo ut interficerentur. Et postquam uenerunt in locum qui dicitur caluarie ubi crucifixerunt eum. Et latrones unum adextris. et alterum asinistris. Ihesus autem dicebat. Pater dimitte illis. Non enim sciunt: quid faciunt. Diui/dentes [fo. 85. uero uestimenta eius: miserunt sortes. Et stabat populus spectans. Et deridebant illum principes sacerdotum cum eis dicentes. Alios saluos fecit. seipsum saluum faciat: si hic est christus dei electus. Illudebant autem ei et milites accedentes. et acetum ei offerentes et dicentes. Si tu es rex iudeorum saluum te fac. Erat autem et superscriptio super eum scripta litteris

grecis. et latinis. et hebraicis: hic est rex iudeorum. Unus autem de hiis qui pendebant latronibus blasphemabat eum dicens. Si tu es christus: saluum fac te ipsum et nos. Respondens autem alter: increpabat illum dicens. Neque tu timens deum quod in eadem dampnatione es. Et nos quidem iuste nam digna factis recipimus. Hic uero nichil mali gessit. Et dicebat ad ihesum. Domine memento mei: cum ueneris in regnum tuum. Et dixit illi ihesus. Amen dico tibi: hodie mecum eris in paradiso. Erat autem fere hora sexta. Et tenebre facte sunt in uniuersam terram. usque in horam nonam. Et obscuratus est sol. et uelum templi scissum est medium. Et clamans uoce magna ihesus ait. Pater: in manus tuas commendo spiritum meum. Et hec dicens: expirauit. *Hic dicat sacerdos deuotionem.* Uidens autem centurio quod factum fuerat: glorificauit deum dicens. Uere hic homo iustus erat. Et omnis turba eorum qui simul aderant ad spectaculum istud et uidebant que fiebant: percutientes pectora sua reuertebantur. Stabant autem omnes noti eius alonge: et mulieres que secute erant eum a galilea hec uidentes.

Euangelium.

ET ecce uir nomine ioseph qui erat decurio uir bonus et iustus: hic non consenserat consilio et actibus eorum ab arimathia ciuitate iudee qui expectabat et ipse regnum dei. Hic accessit ad pilatum: et petiit

corpus ihesu. Et depositum inuoluit syndone : et posuit eum in monumento exciso. In quonondum : quisquam positus fuerat.

Offertorium.

Domine exaudi oracionem meam et clamor meus ad te perueniat. *V.* Non auertas faciem tuam ne auertas faciem tuam a me.

Secretum.

Uscipe quesumus domine munus oblatum et dignanter operare : ut quod passionis filii tui domini nostri misterio gerimus piis affectibus consequamur. Per eundem.

Communio.

Potum meum cum fletu temperabam quia eleuans allisisti me. et ego sicut fenum arui tu autem domine in eternum permanes tu exurgens misereberis syon quia uenit tempus miserendi eius.

Postcommunio.

Largire sensibus nostris omnipotens deus : ut per temporalem filii tui mortem quam misteria ueneranda testantur. uitam nobis dedisse perpetuam confidamus. Per.

Super populum.

Respice domine quesumus super hanc familiam tuam pro qua dominus noster ihesus christus non dubitauit manibus tradi nocencium. et crucis subire tormentum. Qui tecum.

Feria v. in cena domini. officium.

Nos autem gloriari. *Require iii. feria proxima precedente.*

Oratio.

Deus a quo et iudas proditor reatus sui penam. et confessionis sue latro premium sumpsit : concede nobis tue propiciationis affectum : ut sicut in passione sua ihesus christus dominus noster diuersa utrisque intulit stipendia meritorum ita nobis ablato uetustatis errore resurrectionis sue gratiam largiatur. Qui tecum.

Ad corinthios.

Fratres : Conuenientibus uobis in unum : iam non est dominicam cenam manducare. Unusquisque enim suam cenam presumit ad manducandum. Et alius quidem esurit : alius autem ebrius est. Numquid domos non habetis ad manducandum et bibendum : aut ecclesiam dei contempnitis et confunditis eos qui non habent ? Quid dicam uobis ? Laudo uos. in hoc non laudo. Ego enim accepi a domino quod et tradidi uobis : quoniam dominus ihesus in qua nocte tradebatur. accepit panem et gratias agens fregit et dixit. Hoc est corpus meum quod pro uobis tradetur : hoc facite in meam commemoracionem. Similiter et calicem : postquam cenauit dicens. Hic calix nouum testamentum est in meo sanguine. Hoc facite : quocienscumque bibetis. in meam commemoracionem. Quocienscumque enim manducabitis panem hunc et calicem bibetis : mortem domini annunciabitis donec ueniat. Itaque quicumque manducauerit panem uel biberit

calicem domini indigne. reus erit corporis. et sanguinis domini. Probet autem seipsum homo :/ et sic de pane [fo. 86. illo edat et de calice bibat. Qui enim manducat et bibit indigne : iudicium sibi manducat et bibit. non diiudicans corpus domini. Ideo inter uos multi infirmi et inbecilles. et dormiunt multi. Quod si nosmetipsos diiudicarem non utique iudicaremur. Dum iudicamur autem a domino corripimur : ut non cum hoc mundo dampnemur.

Gradale.

CHRISTUS factus est pro nobis obediens usque ad mortem mortem autem crucis. V. Propter quod et deus exaltauit illum. et dedit illi nomen quod est super omne nomen.

Secundum Iohannem.

ANTE diem festum pasche sciens ihesus quia uenit eius hora ut transeat ex hoc mundo ad patrem : cum dilexisset suos qui erant in mundo in finem dilexit eos. Et cena facta cum dyabolus iam misisset in cor. ut traderet eum iudas symonis scariothis : sciens quia omnia dedit ei pater in manus. et quia a deo exiuit. et ad deum uadit : surgit a cena et posuit uestimenta sua. Et cum accepisset lintheum. precinxit se. Deinde misit aquam in peluem : et cepit lauare pedes discipulorum. et extergere lintheo quo erat precinctus. Uenit ergo ad symonem petrum : et dixit ei petrus. Domine : tu michi lauas pedes ? Respondit ihesus et

dixit ei. Quod ego facio tu nescis modo : scies autem postea. Dicit ei petrus. Non lauabis michi pedes in eternum. Respondit ei ihesus. Si non lauero te : non habebis partem mecum. Dicit ei symon petrus. Domine : non tantum pedes meos set et manus et capud. Dicit ei ihesus. Qui lotus est non indiget nisi ut pedes lauet. sed est mundus totus. Et uos mundi estis : sed non omnes. Sciebat enim quisnam esset qui tradere teum : propterea dixit non estis mundi omnes. Postquam ergo lauit pedes eorum et accepit uestimenta sua : cum recubuisset iterum dixit eis. Scitis quid fecerim uobis ? Uos uocatis me magister et domine : et bene dicitis. Sum etenim. Si ergo ego laui uestros pedes dominus et magister : et uos debetis alter alterius lauare pedes. Exemplum enim dedi uobis ut quemadmodum ego feci uobis : ita et uos faciatis. Amen amen dico uobis : non est seruus maior domino suo. neque apostolus maior eo qui misit illum. Si hec scitis : beati eritis / si feceritis ea. [fo. 86. b. Non de omnibus uobis dico. Ego scio quos elegerim. Sed ut impleatur scriptura. qui manducat mecum panem. leuabit contra me calcaneum suum. Amodo dico uobis priusquam fiat : ut credatis cum factum fuerit. quia ego sum. Amen amen dico uobis : quia qui accipit siquem misero. me accipit. Qui autem me accipit : accipit eum qui me misit. Cum hec dixisset ihesus : turbatus est spiritu. et protestatus est et

dixit. Amen amen dico uobis quia unus ex uobis tradet me. Aspiciebant ergo adinuicem discipuli: hesitantes de quo diceret. Erat ergo recumbens unus ex discipulis eius in sinu ihesu. quem diligebat ihesus. Innuuit ergo huic symon petrus: et dixit ei. Quis est de quo dicit? Itaque cum recubuisset ille supra pectus ihesu: dicit ei. Domine quis est. Respondit ihesus. Ille est cui ego intinctum panem porrexero. Et cum intinxisset panem: dedit iude symonis scariothis. Et post buccellam. tunc introiuit in illum sathanas. Et dicit ei ihesus. Quod facis: fac cicius. Hoc autem nemo sciuit discumbentium. ad quod dixerit ei. Quidam enim putabant quia loculos habebat iudas quia dicit ei ihesus. eme ea que opus sunt nobis ad diem festum aut egenis aliquid dare. Cum ergo accepisset ille buccellam: exiuit continuo. Erat autem nox. Cum ergo exisset: dicit ihesus. Nunc clarificatus est filius hominis: et deus clarificatus est in eo. Si deus clarificatus est in eo: et deus clarificauit eum in semetipso. Et continuo. clarificabit eum.

Offertorium.

Dextera domini fecit uirtutem
dextera domini exaltauit me
non moriar sed uiuam et narrabo
opera domini.

Secretum.

Ipse tibi quesumus domine
sancte pater omnipotens
eterne deus sacrificium nostrum
reddat acceptum. qui discipulis

suis in sui commemoracionem
hoc fieri hodierna tradicionem
monstrauit ihesus christus filius
tuus dominus noster. Qui tecum.

Prefacio.

Qui salutem.

Infra canonem.

Communicantes et diem sacratissimum celebrantes quo dominus noster ihesus christus pro nobis est traditus. Sed et memoriam uenerantes. In primis gloriose semper uirginis marie genitricis/ eiusdem [fo. 87. dei et domini nostri ihesu christi. Sed et beatorum apostolorum.

Hanc igitur oblacionem seruitutis nostre set cuncte familie tue quam tibi offerimus ob diem in qua dominus noster ihesus christus tradidit discipulis suis corporis et sanguinis misteria celebranda. quesumus domine ut placatus accipias.

Qui pridie quam pro nostra omniumque salute pateretur hoc est hodierna die accepit panem in sanctas ac uenerabiles manus suas.

Hac die non cantetur Agnus dei. neque pax detur. sed antequam faciat sacerdos sanctam commixcionem incipit.

Hoc corpus¹ quod pro nobis tradetur. hic calix noui testamenti est in meo sanguine dicit dominus hoc facite quocienscumque sumitis in meam commemora-

¹—¹ Lines for music have been prepared above these two words but no notes filled in.

cionem. *℣.* Accepit ergo ihesus panem benedixit ac fregit dedit discipulis suis dicens. *Repetatur.* Hoc corpus.

Communio.

Dominus ihesus postquam cenauit cum discipulis suis lauit pedes eorum et ait illis. scitis quid fecerim uobis ego dominus et magister exemplum dedi uobis. ut et uos ita faciatis. *℣.* Surgit autem a cena. et ponit uestimenta sua. et cum recubisset iterum dixit eis. Scitis.

Postcommunio.

Refecti uitalibus alimentis quesumus domine deus noster. ut quod tempore nostre mortalitatis exequimur immortalitatis tue munere consequamur. Per.

Finiatur missa cum Benedicamus domino.

Feria vi. parascheues ueniens ad altare sacerdos nulla premissa supplicatione dicat. Oremus. Flectamus genua. leuate.

Oracio.

Deus a quo iudas reatus. *Ut supra in v. feria.*

Leccio osee prophete.

Hec dicit dominus deus: In tribulacione sua mane consurgent ad me. Uenite et reuertamur ad dominum quia ipse cepit et sanabit nos: percuciet et curabit nos. Uiuificabit nos post duos dies in die tertia suscitabit nos. et uiuemus in conspectu eius. sciemus sequemurque ut cognoscamus dominum. Quasi diluculum preparatus est egressus eius: et

ueniet quasi ymber nobis temporaneus et serotinus terre. Quid faciam tibi effraym? Quid faciam tibi iuda? Misericordia uestra quasi nubes matutina: et quasi ros mane pertransiens. Propter hoc dolui in prophetis et occidi eos in uerbis oris mei. et iudicia mea quasi lux egredi/entur. Quia miseri- [fo. 87. b. cordiam uolui et non sacrificium et scienciam dei plus quam holocausta.

Tractus.

Domine audiui auditum tuum et timui consideraui opera tua et expaui. *℣.* In medio duum animalium innotesceris dum appropinquauerint anni cognosceris dum aduenerit tempus ostenderis in eo dum conturbata fuerit anima mea in ira misericordie memor eris. *℣.* Deus a libano ueniet. et sanctus de monte umbroso et condenso. *℣.* Operuit celos magestas eius. et laudis eius plena est terra.

Quo finito dicatur Flectamus genua. leuate.

Oracio.

Deus qui peccati ueteris hereditariam mortem in qua posteritatis genus omne successerat christi filii tui domini dei nostri passione soluisti: dona ut conformes eidem facti. sicut ymaginem terreni¹ nature necessitate portauimus. ita ymaginem celestis gracie sanctificatione portemus. Per eundem.

Leccio libri exodi.

In diebus illis: Dixit dominus ad moysen et aron in terra egipti. Mensis iste uobis princi-

¹ Sic.

pium mensium: primus erit in mensibus anni. Loquimini ad uniuersum cetum filiorum israel: et dicite eis. Decimo die mensis huius tollat unusquisque agnum per familias et domos suas. Sin autem minor est numerus ut sufficere possit ad uescendum agnum. assumet uicinum suum qui coniunctus est domui sue iuxta numerum animarum que sufficere possint ad esum agni. Erit enim agnus absque macula: masculus anniculus. Iuxta quem ritum tolletis et hedum et seruabitis eum usque ad quartamdecimam diem mensis huius. Immolabitque eum uniuersa multitudo filiorum israel ad uesperum. Et sument de sanguine ac ponent super utrumque postem et insuper luminaribus¹ domorum in quibus comedent illum. Et edent carnes nocte illa assas igni. et azimos panes cum lactucis agrestibus. Non comedetis ex eo crudum quid nec coctum aqua sed assum tantum igni. Capud cum pedibus eius. et intestinis uorabitis. et os non comminuetis ex eo nec remanebit ex eo quicquam usque mane. Siquid residuum fuerit igne comburetis. Sic autem comedetis illum. Renes uestros accingetis. calciamenta habebitis in pedibus. tenentes baculos in manibus. et comedetis/ [fo. 88. festinantes. Est enim phase: id est transitus domini.

Tractus.

ERipe me domine ab homine malo a uiro iniquo libera me. *℣.* Qui cogitauerunt malicias in

¹ *Sic.*

corde. tota die constituebant prelia. *℣.* Acuerunt linguas suas sicut serpentes uenenum aspidum sub labiis eorum. *℣.* Custodi me domine de manu peccatoris et ab hominibus iniquis libera me. *℣.* Qui cogitauerunt supplantare gressus meos absconderunt superbi laqueum michi. *℣.* Et funes extenderunt in laqueum pedibus meis: iuxta iter scandalum posuerunt michi. *℣.* Dixi domino deus meus es tu exaudi domine uocem oracionis mee. *℣.* Domine domine uirtus salutis mee obumbra capud meum in die belli. *℣.* Ne tradas me a desiderio meo peccatori. cogitauerunt aduersum me ne derelinquas me nequam exaltentur. *℣.* Capud circuitus eorum labor laborum ipsorum operiet eos. *℣.* Uerumptamen iusti confitebuntur nomini tuo. et habitabunt recti cum uultu tuo.

Deinde legatur passio absque.

Dominus uobiscum.

Passio domini nostri ihesu christi.

Secundum Iohannem.

IN illo tempore: Egressus est ihesus cum discipulis suis trans torrentem cedron ubi erat ortus: in quem introiuit ipse et discipuli eius. Sciebat autem et iudas qui tradebat eum ipsum locum: quia frequenter ihesus illuc conuenerat cum discipulis suis. Iudas ergo cum accepisset cohortem. et a pontificibus et phariseis ministros: uenit illuc cum laternis et facibus et armis. Ihesus itaque sciens omnia que uentura erant super eum: processit et dixit eis. Quem queritis? Responderunt ei. Ihesum nazarenum.

Dicit eis ihesus. Ego sum. Stabat autem et iudas qui tradebat eum cum ipsis. Ut ergo dixit eis ego sum: abierunt retrorsum. et ceciderunt in terram. Iterum ergo interrogauit eos et dixit. Quem queritis? Illi autem dixerunt. Ihesum nazarenum. Respondit ihesus. Dixi uobis: quia ego sum. Si ergo me queritis: sinite hos abire. Ut impleretur sermo quem dixit. quia quos dedisti michi non perdi ex eis quinquam. Symon ergo petrus habens gladium eduxit eum. et percussit pontificis seruum. et abscidit auriculam eius dextram. Erat autem nomen serui malchus. Dixit ergo ihesus petro. Mitte gladium tuum in uaginam. Calicem quem dedit michi pater: non bibam illum? Cohors ergo et tribunus [fo. 88. et ministri iudeorum comprehenderunt ihesum: et ligauerunt eum. et adduxerunt eum ad annam primum. Erat enim socer cayphe: qui erat pontifex anni illius. Erat autem cayphas qui consilium dederat iudeis. quia expedit unum hominem mori pro populo. Sequebatur autem ihesum symon petrus: et alius discipulus. Discipulus autem ille erat notus pontifici: et introiuit cum ihesu in atrium pontificis. Petrus autem stabat ad ostium foris. Exiuit ergo alius discipulus qui erat notus pontifici. et dixit ostiarie et introduxit petrum. Dicit ergo petro ancilla ostiaria. Numquid et tu ex discipulis es hominis istius? Dicit ille: Non sum. Stabant autem. serui et ministri

ad prunas quia frigus erat: et calefaciebant se. Erat autem et petrus cum eis: stans. et calefaciens se. Pontifex uero interrogauit ihesum de discipulis suis: et de doctrina eius. Respondit ei ihesus. Ego palam locutus sum mundo: ego semper docui in synogoga et in templo quo omnes iudei conueniunt. et in occulto locutus sum nichil. Quid me interrogas? Interroga eos. qui audierunt: quid locutus sum ipsis. Ecce hii sciunt: que dixerim ego. Hec autem cum dixisset: unus assistens ministrorum dedit alapam ihesu dicens. Sic respondes pontifici? Respondit ei ihesus. Si male locutus sum: testimonium perhibe¹ de malo. Si autem bene: quid me cedis? Et misit eum annas ligatum: ad caypham pontificem. Erat autem symon petrus: stans et calefaciens se. Dixerunt ergo ei. Numquid et tu ex discipulis eius es? Negauit ille et dixit. Non sum. Dicit ei unus ex seruis pontificis cognatus eius. cuius abscidit petrus auriculam. Nonne ego uidi te in orto cum illo? Iterum ergo negauit petrus: et statim gallus cantauit. Adducunt ergo ihesum ad caypham in pretorium. Erat autem mane. Et ipsi non introierunt in pretorium: ut non contaminarentur sed manducarent pascha. Exiuit ergo pilatus ad eos foras: et dixit. Quam accusationem affertis aduersus hominem hunc? Responderunt et dixerunt ei. Si non esset hic malefactor: non tibi tradidissemus eum. [fo. 89.

¹ o has been added and erased.

Dixit ergo eis pilatus. Accipite eum uos: et secundum legem uestram iudicate eum. Dixerunt ergo iudei. Nobis non licet interficere quemquam. Ut sermo ihesu impleretur quem dixit. significans qua morte esset moriturus. Introiuit ergo iterum in pretorium pilatus: et uocauit ihesum et dixit ei. Tu es rex iudeorum. et respondit ihesus. A temetipso hoc dicis an alii tibi dixerunt de me? Respondit pilatus. Numquid ego iudeus sum? Gens tua et pontifices: tradiderunt te michi. Quid fecisti? Respondit ihesus. Regnum meum non est de hoc mundo. Si de hoc mundo esset regnum meum: ministri mei utique decertarent ut non traderer iudeis. Nunc autem regnum meum non est hic. Dicit itaque ei pilatus. Ergo rex es tu? Respondit ihesus. Tu dicis: quia rex sum ego. Ego in hoc natus sum et ad hoc ueni in mundum: ut testimonium perhibeam ueritati. Omnis qui est ex ueritate: audit meam uocem. Dicit ei pilatus. Quid est ueritas? Et cum hoc dixisset iterum exiuit ad iudeos: et dicit eis. Ego nullam inuenio in eo causam. Est autem consuetudo. ut unum dimittam uobis in pascha. Uultis ergo dimittam uobis regem iudeorum? Clamauerunt ergo rursum omnes dicentes. Non hunc. sed baraban. Erat autem barabas latro. Tunc ergo apprehendit pilatus ihesum: et flagellauit. Et milites plectentes coronam de spinis imposuerunt capiti eius: et ueste purpurea circumde-

derunt eum. Et ueniebant ad eum et dicebant. Aue rex iudeorum. Et dabant ei alapas. Exiit ergo iterum pilatus foras: et dixit eis. Ecce adduco eum uobis foras: ut cognoscatis quia ego nullam causam inuenio in eo. Exiit ergo ihesus portans spineam coronam et purpureum uestimentum. Et dicit eis. Ecce homo. Cum ergo uidissent eum pontifices. et ministri clamabant dicentes. Crucifige: crucifige eum. Dicit eis pilatus. Accipite eum uos: et crucifigite. Ego enim non inuenio in eo causam. Responderunt ei iudei. Nos legem habemus. et secundum legem debet mori quia filium dei se fecit. Cum ergo audisset pilatus hunc sermonem: magis/ timuit. Et [fo. 89. b. ingressus est pretorium iterum: et dixit ad ihesum. Unde es tu? Ihesus autem responsum non dedit ei. Dixit ergo ei pilatus. Michi non loqueris? Nescis quia potestatem habeo crucifigere te: et potestatem habeo dimittere te. Respondit ihesus. Non haberes aduersum me potestatem ullam nisi tibi esset datum desuper. Propterea qui me tradidit tibi: maius peccatum habet. Et exinde querebat pilatus: dimittere eum. Iudei autem clamabant dicentes. Si hunc dimittis: non es amicus cesaris. Omnis qui se regem facit: contradicit cesari. Pilatus autem cum audisset hos sermones adduxit foras ihesum: et sedit pro tribunali in loco qui dicitur lithostrotos hebraice autem gabatha. Erat autem parascheue pasche: hora quasi

sexta. Et dicit iudeis. Ecce rex uester. Illi autem clamabant. Tolle. tolle crucifige eum. Dicit eis pilatus. Regem uestrum crucifigam? Responderunt pontifices. Non habemus regem: nisi cesarem. Tunc ergo tradidite ishesum: ut crucifigetur. Susceperunt autem eum: et eduxerunt. Et baiulans sibi crucem exiuit in eum qui dicitur caluarie locum. hebraice golgatha. ubi eum crucifixerunt. Et cum eo duos hinc et hinc medium autem ihesum. Scripsit autem et titulum pilatus: et posuit super crucem. Erat autem scriptum: ihesus nazarenus rex iudeorum. Hunc ergo titulum multi legerunt iudeorum: quia prope ciuitatem erat locus: ubi crucifixus est ihesus. Et erat scriptum hebraice grece et latine. Dicebant ergo pilato pontifices iudeorum. Noli scribere rex iudeorum: sed quia ipse dixit rex sum iudeorum. Respondit pilatus. Quod scripsi scripsi: Milites ergo cum crucifixissent eum: acceperunt uestimenta eius. et fecerunt quatuor partes. unicuique militi partem et tunicam. Erat autem tunica inconsutilis: desuper contexta per totum. Dixerunt ergo ad inuicem. Non scindamus illam: sed sorciamur de illa cuius sit. Ut scriptura impleretur dicens. Partiti sunt uestimenta mea sibi: et super uestem meam miserunt sortem. Et milites quidem hec fecerunt. Stabant autem iuxta crucem ihesu mater eius: et soror matris eius: maria cleophe. et maria magdalene. Cum uidisset ergo ihesus matrem et discipulum

quem diligebat: dicit matri sue. Mulier: ecce filius tuus. [fo. 90. Deinde dicit discipulo. Ecce mater tua. Et ex illa hora: accepit eum¹ discipulus in sua. Postea sciens ihesus quia iam omnia consummata sunt ut consummaretur scriptura. dicit. Sicio. Uas ergo positum erat aceto plenum. Illi autem spongiam plenam aceto ysopo circumponentes: optulerunt ori eius. Cum ergo accepisset ihesus acetum: dixit. Consummatum est. Et inclinato capite: tradidit spiritum. *Hic dicat sacerdos deuocionem.* Iudei ergo quoniam parascheue erat ut non remanerent in cruce corpora sabbato. erat enim magnus dies ille sabbati. rogauerunt pilatum ut frangerentur eorum crura et tollerentur. Uenerunt ergo milites. et primi quidem fregerunt crura. et alterius qui crucifixus est cum eo. Ad ihesum autem cum uenissent. ut uiderunt eum iam mortuum. non fregerunt eius crura. Sed unus militum lancea latus eius aperuit: et continuo exiuit sanguis et aqua. Et qui uidit testimonium perhibuit: et scimus quia uerum est testimonium eius. Et ille scit quia uera dicit: ut uos credatis. Facta sunt enim hec: ut scriptura impleretur. Os non cominuuetis ex eo. Et iterum alia scriptura dicit: Uidebunt in quem transfixerunt.

Euangelium.

Post hec rogauit pilatum ioseph ab arimathia eo quod esset discipulus ihesu occultus autem propter metum

¹ Sic.

iudeorum ut tolleretur corpus ihesu. Et permisit pilatus. Uenit ergo et tulit corpus ihesu. Uenit autem et nichodemus qui uenerat ad ihesum nocte primum: ferens mixturam mirre et aloes quasi libras centum. Acceperunt ergo corpus ihesu et ligauerunt lyntheis cum aromatibus sicut mos est iudeis sepelire. Erat autem in loco ubi crucifixus est ortus. et in orto monumentum nouum: in quo nondum: quisquam positus fuerat. Ibi ergo propter parascheuen iudeorum quia iuxta erat monumentum. posuerunt eum.

Perlecta passione dicantur orationes sequentes. prima tamen oratio semper dicetur sine genuflectione.

O Remus dilectissimi nobis pro ecclesia sancta dei. ut eam deus et dominus noster pacificare dignetur toto orbeterarum subiciens ei principatus et potestates. detque nobis quietam et tranquillam uitam degentibus glorificare deum et patrem omnipotentem.

Oremus.

Flectamus/ genua. [fo. 90. b
Leuate.

Oratio.

O Mnipotens sempiterne deus qui gloriam tuam omnibus in christo gentibus reuelasti: custodi opera misericordie tue ut ecclesia tua toto orbeterrarum diffusa stabili fide in confessione tui nominis perseueret. Per eundem.

Oratio.

O¹[Remus et pro beatissimo papa nostro N. ut deus et dominus noster qui elegit eum in ordine episcopatus saluum atque] incolumem custodiat ecclesie sue sancte ad regendum populum sanctum dei.

Oremus.

Flectamus genua. Leuate.

Oratio.

O Mnipotens sempiterne deus. cuius iudicio uniuersa fundantur: respice propitius ad preces nostras: et electum nobis antistitem tua pietate conserua: ut christiana plebs que tali gubernatur auctore sub tanto pontifice [credulitatis sue]meritis augeatur. Per.

Oratio.

O Remus et pro omnibus episcopis presbiteris. et dyaconibus. subdyaconibus. acolitis. exorcistis lectoribus. ostiariis. confessoribus. uirginibus. uiduis. et pro omni populo sancto dei.

Oremus.

Flectamus genua. Leuate.

Oratio.

O Mnipotens sempiterne deus cuius spiritu totum corpus ecclesie sanctificatur et regitur: exaudi nos pro uniuersis ordinibus supplicantes. ut gratie tue munere ab omnibus tibi gradibus fideliter seruiatur. Per dominum. In unitate eiusdem.

¹ Both address and collect almost completely erased. The words between square brackets are taken from the Sarum Missal.

285

Oratio.

Remus et pro christianissimo imperatore nostro ut deus et dominus noster subditas illi faciat omnes barbaras naciones. et faciat sapere ea que recta sunt atque contra inimicos catholice et apostolice ecclesie triumphum largiatur uictorie ad nostram perpetuam pacem.

Oremus.

Flectamus genua. Leuate.

Oratio.

Mnipotens sempiterne deus in cuius manu sunt omnium potestates. et omnium iura regnorum respice ad christianum benignus imperium. ut gentes qui in sua feritate confidunt potencie tue dextra comprimantur. Per.

Oratio.

Remus et pro cathecuminis nostris: ut deus et dominus noster adaperiat aures precordiorum ipsorum. ianuamque misericordie. ut per lauacrum regenerationis accepta remissione omnium peccatorum. digni et ipsi inueniantur. In christo ihesu domino nostro.

Oremus.

Flectamus genua. Leuate.

Mnipotens sempiterne deus qui ecclesiam tuam noua semper prole fecundas: auge fidem et intellectum cathecuminis nostris. ut renati/ [fo. 91. fonte baptismatis adopcionis tue

286

filiis aggregentur. Per dominum.

Oratio.

Remus dilectissimi nobis deum patrem omnipotentem. ut cunctis mundum purget erroribus. morbos auferat. famem depellat. aperiat carceres uincla dissoluat. peregrinantibus reditum. infirmantibus sanitatem. nauigantibus portum salutis indulgeat.

Oremus.

Flectamus genua.

Oratio.

Mnipotens sempiterne deus mestorum consolacio. laborantium fortitudo: perueniant ad te preces de quacumque tribulacione clamantium. ut omnes sibi in necessitatibus suis misericordiam tuam gaudeant affuisse. Per.

Oratio.

Remus. et pro hereticis et scismaticis. ut deus ac dominus noster ihesus christus eruat eos ab erroribus uniuersis. et ad sanctam matrem ecclesiam catholicam atque apostolicam reuocare dignetur.

Oremus.

Flectamus genua. Leuate.

Oratio.

Mnipotens sempiterne deus. qui saluas omnes. et neminem uis perire respice ad animas dyabolica fraude deceptas. ut

omni heretica prauitate deposita errantium corda resipiscant. et ad ueritatis tue redeant unitatem. Per dominum.

O Remus et pro perfidis iudeis ut deus et dominus noster auferat uelamen de cordibus eorum: ut et ipsi agnoscant ihesum christum dominum nostrum.

Hic non dicetur. Flectamus.

Oracio.

Omnipotens sempiterne deus qui eciam iudaicam perfidiam a tua misericordia non repellis: exaudi preces nostras quas pro illius populi obcecatione deferimus: ut agnita ueritatis tue luce que est christus a suis tenebris eruantur. Per eundem.

Oracio.

O Remus et pro paganis ut deus omnipotens auferat iniquitatem a cordibus eorum et relictis ydolis suis conuertantur ad deum uiuum et uerum. et unicum filium eius ihesum christum. deum et dominum nostrum. cum quo uiuit. et regnat. cum spiritu sancto deus.

Oremus.

Flectamus genua. Leuate.

Oracio.

Omnipotens sempiterne deus qui non uis mortem peccatorum. sed uitam semper inquiris: suscipe propicius orationem nostram: et libera eos ab ydolorum cultura. et aggrega

ecclesie tue sancte ad laudem et gloriam nominis tui. Per dominum.

Dictis oracionibus sacerdos ablutis manibus faciat generalem confessionem. et ponat corpus dominicum super| cor-[fo. 91. b. poralia et calicem cum et uini commixione quo cum corporalibus cooperto dicat. In spiritu humilitatis. et cum se erexerit osculetur altare. et eleuatis sursum brachiis. infigans indices pollicibus incipiat humiliter.

Oremus.

Preceptis salutaribus moniti et diuina institucione formati audemus dicere. Pater noster. *Responsio a sinistris.* Sed libera nos a malo. *prosequatur sacerdos.* Amen. Libera nos quesumus domine. Per eundem dominum. *et cetera usque spiritus sancti deus et facta interim ut mos est fraccione dicat. moderata uoce.* Per omnia secula seculorum. *Et responso a sinistro.* Amen. *non dicatur Pax domini neque Agnus dei nec detur pacis osculum. sed ponendo ad terciam particulam corporis dominici in calice dicat si uoluerit* In nomine patris et filii et spiritus sancti amen *Deinde communice se et postea dicat uesperas. Et sic terminabitur seruiuium illius diei.*

Sabbato sancto in uigilia pasche sacerdos indutus assistens altari absque Flectamus genua dicat.

Omnipotens sempiterne deus qui ad nostrarum contemplanonem tenebrarum hec in

mundi huius obscuro luminaria emicare iussisti. presta ut dum ad illum eternitatis diem unigeniti tui properamus occursu. ad hanc interim quam tenebris nostris preparasti lucernam. dum nox ista transcurritur. sine peccatorum offencilo ambulemus. Per eundem.

Leccio libri genesis.

IN principio creauit deus celum et terram. Terra autem erat inanis et uacua: et tenebre erant super faciem abyssi. et spiritus dei ferebatur super aquas. Dixitque deus. Fiat lux. Et facta est lux. Et uidit deus lucem quod esset bona: et diuisit lucem a tenebris. Appellauitque lucem diem: et tenebras noctem. Factumque est uespere et mane. dies unus. Dixit quoque deus. Fiat firmamentum in medio aquarum. et diuidat aquas ab aquis. Et fecit deus firmamentum. diuisitque aquas que erant sub firmamento. ab hiis que erant super firmamentum. Et factum est ita. Uocauitque deus firmamentum celum. et factum est uespere et mane. dies secundus. Dixit uero deus. Congregentur aque que sub celo sunt in locum unum: et appareat arida. Et uocauit deus aridam/ terram: [fo. 92. congregacionesque aquarum appellauit maria. Et uidit deus quod esset bonum: et ait. Germinet terra herbam uirentem et facientem semen et lignum pomiferum faciens fructum iuxta genus suum. cuius semen in semetipso sit super terram. Et factum est ita. Et protulit terra

herbam uirentem et afferentem semen iuxta genus suum. lignumque faciens fructum et habens unumquodque sementem secundum speciem suam. Et uidit deus quod esset bonum. Et factum est uespere et mane dies tertius. Dixit autem deus. Fiant luminaria in firmamento celi et diuidant diem ac noctem. et sint in signa et tempora et dies. et annos ut luceant in firmamento celi et illuminent terram. Et factum est ita. Fecitque deus duo magna luminaria. Luminare maius ut preesset diei et luminare minus ut preesset nocti. Et stellas. Et posuit eas in firmamento celi ut lucerent super terram. et preessent diei ac nocti. et diuiderent lucem ac tenebras. Et uidit deus quod esset bonum. Et factum est uespere et mane dies quartus. Dixit eciam deus. Producant aque reptile anime uiuentis et uolatile super terram sub firmamento celi. Creauitque deus cete grandia. et omnem animam uiuentem atque motabilem quam produserant aque in species suas et omne uolatile secundum genus suum. Et uidit deus quod esset bonum: benedixitque eis dicens. Crescite et multiplicamini et replete aquas maris: auesque multiplicentur super terram. Et factum est uespere et mane: dies quintus. Dixit quoque deus. Producat terra animam uiuentem in genere suo: iumenta et reptilia et bestias terre secundum species suas. Factumque est ita. Et fecit deus bestias terre iuxta species suas iumenta et omne

reptile terre in genere suo. Et uidit deus quod esset bonum : et ait. Faciamus hominem ad ymaginem. et similitudinem nostram. et presit piscibus maris et uolatilibus celi. et bestiis et uniuerse terre omnique reptili quod mouetur in terra. Et creauit deus hominem ad ymaginem suam. ad ymaginem dei creauit illum. masculum et feminam creauit eos. Benedixitque illis deus et ait. Crescite et multiplicamini et replete terram. et subicite eam. et dominamini piscibus maris. et uolatilibus celi. et uniuersis animantibus que/ mouentur super [fo. 92. b. terram. Dixitque deus. Ecce dedi uobis omnem herbam afferentem semen super terram et uniuersa ligna que habent in semetipsis sementem generis sui ut sint uobis in escam. et cunctis animantibus terre omnique uolucris celi. et uniuersis que mouentur in terra. et in quibus est anima uiuens ut habeant ad uescendum. Et factum est ita. Uiditque deus cuncta que fecit : et erant ualde bona. Et factum est uespere et mane : dies sextus. Igitur perfecti sunt celi et terra : et omnis ornatus eorum. Compleuitque deus die septimo opus suum quod fecerat : et requieuit die septimo ab uniuerso opere quod patrarat.

Oracio.

DEus qui mirabiliter creasti hominem. et mirabilius redemisti: da nobis contra oblectamenta peccati mentis ratione persistere: ut mereamur ad gaudia eterna peruenire. Per.

Leccio libri exodi.

IN diebus illis : Factum est in uigilia matutina. et ecce respiciens dominus super castra egypciolorum per columpnam ignis et nubis interfecit exercitum eorum. et subuertit rotas curruum ferebanturque in profundum. Dixerunt ergo egipcii. Fugiamus israelem : Dominus enim pugnat pro eis contra nos. Et ait dominus ad moysen. Extende manum tuam super mare ut reuertantur aque ad egypcios super currus et equites eorum. Cumque extendisset moyses manum contra mare. reuersum est primo diluculo ad priorem locum. Fugientibusque egypciis occurrerunt aque. et inuoluit eos dominus nus¹ in mediis fluctibus. Reuerseque sunt aque et operuerunt currus et equites cuncti exercitus pharaonis qui sequentes ingressi fuerant mare : nec unus quidem superfuit ex eis. Filii autem israel perrexerunt per medium sicci maris et aque eis erant quasi pro muro a dextris et a sinistris. Liberauitque dominus in die illa israel de manu egypciolorum. et uiderunt egypcios mortuos super litus maris : et manum magnam quam exercuerat dominus contra eos. Metuitque populus dominum : et crediderunt domino. et moysi seruo eius. Tunc cecinit moyses et filii israel carmen hoc domino et dixerunt.

Tractus.

CAntemus domino gloriose enim/ honorificatus est equum [fo. 93. et ascensorem proiecit in mare adiutor et protector factus est michi in

¹ Sic repeating last syllable.

salutem. *℣.* Hic deus meus et glorificabo eum deus patris mei et exaltabo eum. *℣.* Dominus conterens bella dominus nomen est illi.

Oratio.

DEus cuius antiqua miracula etiam nostris seculis choruscare sentimus dum quod uni populo a persecucione egipcia liberando dextere tue potencia contulisti id in salutem gencium per aquam regeneracionis operaris. presta ut et in abrahe filios. et in israeleticam dignitatem totius mundi transeat plenitudo. Per.

Leccio ysaie prophete.

HEc dicit dominus: Apprehendent septem mulieres uirum unum in die illa dicentes. Panem nostrum comedemus. et uestimentis nostris operiemus tantummodo inuocetur nomen tuum super nos aufer obprobrium nostrum. In die illa erit germen domini in magnificencia et gloria et fructus terre sublimis. et exultatio hiis qui saluati fuerint de israel. Et erit. Omnis qui relictus fuerit in syon. et residuus in iherusalem sanctus uocabitur. omnis qui scriptus est in uita in israel si abluerit dominus sordes filiarum syon et sanguinem iherusalem lauerit de medio eius in spiritu iudicii et spiritu ardoris. Et creauit dominus super omnem locum montis syon. et ubi inuocatus est nubem per diem. et fumum et splendorem ignis flammantis in nocte. Super omnem enim gloriam protectio et tabernaculum erit in umbraculum diei ab estu. et in securitatem. et absconsionem a turbine et a pluuiis.

Tractus.

Uinea facta est dilecto in cornu in loco uberi. *℣.* Et maceciam circumdedit et circumfodit. et plantauit uineam soareth. et edificauit turrin in medio eius. *℣.* Et torcular fodit in ea uinea enim domini sabaoth domus israel est.

Oratio.

DEus qui in omnibus ecclesie tue filiis sanctorum prophetarum uoce manifestasti in omni loco dominacionis tue satorum te bonorum seminum. et electorum palmitum esse cultorem. tribue quesumus populis tuis. qui et uinearum apud te nomine censentur et segetum. ut spinarum et tribulorum squalore resecato. digni efficiantur fruge fecunda. Per.

*Leccio libri deuteronomii.*¹ [fo. 93. b.

IN diebus illis. Scripsit moyses canticum: et docuit filios israel. Precepitque iosue filio nun et ait. Confortare et esto robustus: tu enim introduces filios israel in terram quam pollicitus sum eis. et ego ero tecum. Postquam ergo scripsit moyses uerba legis huius in uolumine atque compleuit. Precepit leuitis qui portabant archam federis dicens. Tollite librum istum. et ponite illum in latere arche federis domini dei uestri ut sit ibi contra te in testimonium. Ego enim scio contencionem tuam et ceruicem tuam durissimam. Adhuc uiuente me et ingrediente uobiscum semper contenciose egistis contra dominum. quanto

¹ Sic.

magis cum mortuus fuero? Congregate ad me omnes maiores nati per tribus uestras: atque doctores. et loquar eis audientibus sermones istos. et inuocabo contra eos celum et terram. Noui enim quod post mortem meam inique agetis. et declinabitis cito de uia quam precepi uobis. Et occurrent uobis mala in extremo tempore quando feceritis malum in conspectu domini. ut irritetis eum per opera manuum uestrarum. Locutus est ergo moyses audiente uniuerso cetui israel uerba carminis huius. et ad finem usque compleuit.

Tractus.

Attende celum et loquar. et audiat terra uerba ex ore meo. *℣.* Expectetur sicut pluuia eloquium meum. et descendant sicut ros uerba mea. sicut ymber super gramina. *℣.* Et sicut nix super fenum quia nomen domini inuocabo. *℣.* Date magnificencia deo nostro. deus. uerax opera eius. et omnes uie eius iudicia. *℣.* Deus fidelis in quo non est iniquitas iustus et sanctus dominus.

Oratio.

Deus celsitudo humilium et fortitudo rectorum: qui per sanctum puerum tuum moysen ita erudire populos tuos sacri carminis tui decantacione uoluisti. ut illa legis iteracio. fieret etiam nostra directio: excita in omnem iustificatarum gentium plenitudinem potenciam tuam. et da leticiam mitigando terrorem. ut omnium peccatis tua remissione deletis. quod denunciatum est in uelacionem. transeat in salutem. Per.

Leccio Ieremie¹ prophete.

HEc dicit dominus deus. Audi israel mandata uite: auribus percipe uerba mea: ut scias prudenciam. Quid est israel/ quod in terra inimicorum es? Inueterasti in terra aliena coinquinatus es cum mortuis. deputatus es cum hiis qui in inferno sunt. Dereliquisti fontem sapiencie. Nam si in uia dei ambulasses habitasses usque in pace super terram. Disce ubi sit sapiencia. ubi sit uirtus. ubi sit prudencia. ut scias simul ubi sit longaminitas² uite. et uictus: ubi sit lumen oculorum et pax. Quis inuenit locum eius. et quis introiuit in thesauros. Ubi sunt principes gentium et qui dominantur super bestias que sunt super terram? Qui in auiibus celi illudunt qui argentum thesaurizant. et aurum in quo confidunt homines. et non est finis possessionis eorum. Qui argentum fabricant. et solliciti sunt. nec est inuencio operum illorum. Et tamen exterminati sunt et ad inferos descenderunt. et alii in locum illorum surrexerunt. Iuuenes uiderunt lumen: et habitauerunt super terram. Uiam autem discipline nescierunt. neque intellexerunt semitas eius: neque susceperunt eam filii eorum. A facie eorum longe facta est. Non est audita in chanaan. neque uisa est in theman. Filii quoque ragar qui exquirunt prudenciam que de terra est. negociatores terre et theman. et fabulatores et exquisitores prudencie et intelligencie:

¹ Sic for Baruch.

² Sic.

uiam autem sapientie nescierunt neque meminerunt semitarum eius. O israel quam magna domus dei: et ingens locus possessionis eius. Magnus et non habet consummacionem. Excelsus. et inmensus. Ibi fuerunt gigantes nominati illi qui ab initio fuerunt statura magna scientes bellum. Non hos elegit dominus neque uiam discipline inuenerunt. propterea perierunt. Et quoniam non habuerunt sapientiam: perierunt propter suam insipientiam. Quis ascendit in celos et accepit eam et deduxit eam de nubibus. Quis transfretauit mare et inuenit eam. et attulit eam super aurum electum? Non est qui sciat uiam eius: neque qui excogitet semitas eius. Sed qui scit uniuersa nouit illam. et adinuenit eam prudentia sua. Qui prefecit terram in sempiterno tempore: et adimpleuit eam pecudibus. Qui emittit lucem. et uadit. Et uocauit eam: et audiuit eum in tremore. Stelle autem dederunt lumen in cus- [fo. 94. b. todiis suis: et letate sunt. Uocate sunt: et dixerunt. Ecce assumus. Et luxerunt ei cum iocunditate: qui fecit illas. Hic est deus noster: et non estimabitur alius ad illum. Hic adinuenit omnem uiam discipline: et dedit illam iacob puero suo. et israel electo suo. Post hec super terram uisus est: et cum hominibus conuersatus est.

Oracio.

DEus incommutabilis uirtus et lumen eternum. respice propicius ad tocius ecclesie mira-

bile sacramentum. et da famulis tuis. ut hoc quod deuote agimus eciam rectitudine uite teneamus. Per.

Tractus.

SIcut ceruus desiderat ad fontes aquarum ita desiderat anima mea. ad te deus. *℣.* Sitiuit anima mea ad deum uiuum quando ueniam et apparebo ante faciem dei mei. *℣.* Fuerunt michi lacrimae mee panes die ac nocte dum dicitur michi per singulos dies ubi est deus tuus.

Oracio.

OMnipotens sempiternus deus respice propicius ad deuotionem populi renascentis: qui sicut ceruus aquarum tuarum expetit fontem. et concede propicius. ut fidei ipsius sitis baptismatis misterio animam corpusque sanctificet. Per.

Finita hac oracione missa hoc modo incipiatur.

Kyrieleyson *iii.* Christeleyson *iii.*
Kyrieleyson *iii.* Gloria in excelsis.
Dominus uobiscum.

Oracio.

DEus qui hanc sacratissimam noctem gloria dominice resurrectionis illustras. conserua in noua familie tue progenie adopcionis spiritum quem dedisti: ut corpore et mente renouati. puram tibi exhibeant seruitutem. Per.

Ad collocenses.

FRatres: Si consurrexistis cum christo: que sursum sunt querite. ubi christus est in dextera dei sedens. Que sursum sunt sapite: non que super terram. Mortui enim estis: et uita uestra

abscondita est cum christo in deo. Cum autem apparuerit christus uita uestra: tunc et uos apparebitis: cum ipso in gloria.

Alleluia. *Ÿ.* Confitemini domino quoniam bonus quoniam in seculum misericordia eius.

Tractus.

Laudate dominum omnes gentes. et collaudate eum omnes populi. *Ÿ.* Quoniam confirmata est super nos misericordia eius. et ueritas domini manet in eternum.

Secundum matheum.

Uespere sabbati que lucessit in prima sabbati: uenit maria magdalene. et altera maria uidere sepulchrum. Et ecce terremotus: factus est magnus. Angelus enim/ domini [fo. 95. descendit de celo: et accedens reuoluit lapidem: et sedebat super eum. Erat autem aspectus eius sicut fulgur: et uestimenta eius sicut nix. Pre timore autem eius exterriti sunt custodes: et facti sunt uelud mortui. Respondens autem angelus: dixit mulieribus. Nolite timere uos. Scio enim quod ihesum qui crucifixus est queritis. Non est hic. Surrexit enim: sicut dixit. Uenite et uidete locum: ubi positus erat dominus. Et cito euntes dicite discipulis eius quia surrexit: et ecce precedet uos in galileam. Ibi eum uidebitis: ecce predixi uobis.

Postea dicat Dominus uobiscum et Oremus. Sine offertorio.

Secretum.

Suscipe domine quesumus preces populi tui cum oblationibus hostiarum: ut pascha-

libus iniciate misteriis ad eternitatis nobis medelam te operante proficiant. Per.

Prefacio.

ET te quidem omni tempore. sed in hac potissimum nocte gloriosius.

Infra canonem.

Communicantes et noctem sacratissimam. Hanc igitur.

Facta fraccione dicat sacerdos Pax domini. *non dicatur* Agnus deised *peracta communionem inchoet antiphonam.* Alleluia. *Ps.*

Laudate dominum omnes gentes. Gloria patri. *Antiphona.* Alleluia. alleluia. alleluia. alleluia. alleluia alleluia.

Deinde incipiat antiphonam.

Uespere autem sabbati que lucescit in prima sabbati. uenit maria magdalene et altera maria uidere sepulchrum alleluia.

Psalmus. Magnificat *Repetita antiphona.* Uespere autem. *dicat* Dominus uobiscum. *cum postcommunionem.*

Spiritum in nobis domine tue caritatis infunde: ut quos sacramentis paschalibus saciasti. tua facias pietate concordem. Per dominum. In unitate eiusdem.

Et sic missa et uespere simu finiantur cum Ite missa est.

In die pasche officium.

Resurrexi et adhuc tecum sum alleluia. posuisti super me manum tuam alleluia. mirabilis facta est sciencia tua alleluia alleluia. *Ps.* Domine probasti me et cognouisti me. Gloria patri.

Oracio.

DEus qui hodierna die per unigenitum tuum eternitatis nobis aditum deuicta morte reserasti: uota nostra que preueniendo aspiras. eciam adiuuando prosequere. Per eundem.

Ad corinthios.

FRatres: Expurgate uetus fermentum: ut sitis noua conspersio. sicut estis azimi. Etenim pascha/ nos- [fo. 95. b. trum: immolatus est christus. Itaque epulemur. non in fermento ueteri: neque in fermento malicie. et nequicie. Sed in azimis sinceritatis et ueritatis.

Gradale.

HEc dies quam fecit dominus exultemus et letemur in ea. *℣.* Confitemini domino quoniam bonus. quoniam in seculum misericordia eius. Alleluya. *℣.* Pascha nostrum immolatus est christus. *℣.* Epulemur in azimis sinceritatis et ueritatis.

Sequencia.

Fulgens preclara. Alleluya. Rutilat per orbem hodie dies in qua christi lucida narrantur ouanter prelia. De hoste superbo quem ihesus triumphauit pulchre castra illius perimens teterrima. Infelix culpa eue qua caruimus omnes uita. Felix proles marie qua epulamur modo una. Benedicta sit celsa regina illa. Generans regem spoli-antem tartara. Pollentem iam in ethera. Rex in eternum suscipe benignus preconia nostra sedule tibi canencia. Patris sedens ad dexteram. Victor ubique morte superata atque triumphata polorum possidens gaudia. O magna. O celsa. O pulchra christi clemencia melliflua

o alma. Laus tibi. Honorque. Ac uirtus qui nostram antiquam leuiasti sarcinam. Roseo cruore agni benignissimi. empta florida micat hec aula. Potenti uirtute nostra qui lauit facinora. tribuens dona fulgida. Stupens ualde in memet iam miror hodierna. Tanta indignis pandere nobis sacramenta. Stirpe dauitica. Ortus de tribu iuda leo potens sur-rexisti in gloria agnus uisus es in terra. Fundans olim arua. Regna petens supera iustis reddens premia in secula dignanter ouancia. Dic impie zabule quid ualeat nunc fraus tua. Ygneis nexu loris a christi uictoria. Tribus lingue admiramini quis audiuit talia miracula. Ut mors mortem sic superaret rei perciperent talem gratiam. Iudea incredula cur manes adhuc inuere-cunda. Perspice christicolas qualiter leti canunt inclita. Redemptori carmina. Ergo pie rex christe nobis laxans crimina. Solue nexorum uincula. Electorum agmina. Fac tecum resurgere ad beatam gloriam. Digna rependens merita. Paracliti sancti consolacionem piam. Expectamus secundum promissionem tuam. Post acta ascensionis sacra solempnia. Qua es regressus ad celos nube tectus clara. Pollens laude eterna.

Secundum marcum.

IN illo tempore: Maria magdalene. et maria iacobi. et salome emerunt aromata: ut uenientes unguerent ihesum. Et ualde mane una sabbatorum ueniunt ad monumentum: orto iam sole. Et dicebant adinuicem./ [fo. 96. Quis reuoluet nobis lapidem ab ostio monumenti? Et respicientes: uiderunt reuolutum lapidem. Erat quippe magnus ualde. Et introeuntes in monu-

mentum: uiderunt iuuenem sedentem in dextris coopertum stola candida et obstupuerunt. Qui dicit illis. Nolite expauescere. Ihesum queritis nazarenum: crucifixum. Surrexit: non est hic. Ecce locus: ubi posuerunt eum. Sed ite dicite discipulis eius et petro: quia precedet uos in galileam. Ibi eum uidebitis: sicut dixit uobis.

Offertorium.

TERRA tremuit et quieuit dum resurgeret in iudicio deus alleluya.

Secretum.

SUScipe quesumus domine preces populi tui cum oblacionibus hostiarum: ut paschalibus iniciate misteriiis: ad eternitatis nobis medelam te operante proficiant. Per dominum.

Prefacio.

ET te quidem omni tempore.

Infra canonem.

COMMUNICANTES et diem sacram. Hanc igitur oblacionem.

Communio.

PASCHA nostrum immolatus est christus alleluya. itaque epulemur in azimis sinceritatis et ueritatis. alleluya alleluya. alleluya.

Postcommunio.

SPIRITUM in nobis domine tue caritatis infunde: ut quos sacramentis paschalibus saciasti: tua facias pietate concordet. Per.

Feria ii. officium.

INTRODUXIT nos dominus in terram fluentem lac et mel. alleluya. et ut lex domini semper sit in ore uestro. alleluya alleluya. Ps. Confitemini domino quoniam bonus: quoniam in seculum. Gloria.

Oracio.

DEUS qui sollempnitate paschali mundo remedia contulisti: populum tuum quesumus celesti dono proseguere: ut et perfectam libertatem consequi mereatur. et ad uitam proficiat sempiternam. Per.

Leccio actuum apostolorum.

IN diebus illis: Stans petrus in medio plebis dixit. Uiri fratres: uos scitis quod factum est uerbum per uniuersam iudeam. incipiens enim a galilea post baptismum quod predicauit iohannes ihesum a nazareth: quomodo unxit eum deus spiritu sancto et uirtute. Qui pertransiuit benefaciendo et sanando omnes oppressos a dyabolo: quoniam deus erat cum illo. Et nos testes sumus omnium que fecit in regione iudeorum et iherusalem: quem occiderunt suspendentes in ligno. Hunc deus suscitauit tertia die: et dedit eum manifestum fieri non omni populo sed testibus preordinatis a deo nobis qui manducauimus et bibimus/ [fo. 96. b. cum illo postquam resurrexit a mortuis. Et precepit nobis predicare populo et testificari: quia ipse est qui constitutus est a deo iudex uiuorum et mortuorum. Huic omnes prophete testimonium perhibent. remissionem pec-

catorum accipere per nomen eius: omnes qui credunt in eum.

Gradale.

HEc dies. *Ps.* Dicat nunc israel quoniam bonus quoniam in seculum misericordia eius. Alleluya. *Ps.* Nonne cor nostrum ardens erat in nobis de ihesu dum loqueretur nobis in uia.

Sequencia.

PRome casta concio cantica organa subnectens ypodorica. Regi claustra deo tartarea rumpenti decanta nunc symphonia. Morte qui uicta. Resurgens gaudia. Mundo gestat colenda. Hac insolita. Morantes perdita. Cochiti confinia. Aspectant lumina intrante illo luce beata. Terrore perculsa tremiscit demonum plebs ualida. Dant suspiria. Fletuum alta. Repagula qui sic audax fregerit mirantur tunc forcia. Sic ad supera. Reddit cum turma. Gloriosa et timida refouet discipulorum corda. Precelsa huius trophea admirantes flagitemus nunc uoce decliua. Uirginum inter agmina mereamur preciosa colere ut pascha. Galilea in que sacrata prefulgide contueri lucis exordia.

Secundum Lucam.

IN illo tempore: Exeuntes duo de discipulis ihesu: ibant ipsa die in castellum quod erat in spacio stadiorum sexaginta ab iherusalem: nomine emaus. Et ipsi loquebantur adinuicem de hiis omnibus que acciderant. Et factum est dum fabularentur et secum quererent: et ipse ihesus appropinquans ibat cum illis. Oculi autem illorum tenebantur. ne eum agnoscerent. Et ait ad illos. Qui sunt hii sermones quos confertis adinuicem ambu-

lantes et estis tristes? Et respondens unus cui nomen cleophas: dixit ei. Tu solus peregrinus es in iherusalem. et non cognouisti que facta sunt in illa hiis diebus. Quibus ille dixit. Que? Et dixerunt. De ihesu nazareno qui fuit uir propheta potens in opere et sermone coram deo et omni populo. Et quomodo tradiderunt eum summi sacerdotes et principes uestri in dampnatione mortis: et crucifixerunt eum. Nos autem sperabamus: quod ipse esset redempturus israel. Et nunc super hec omnia tercia dies est hodie: quod hec facta sunt. Sed et mulieres quedam ex nostris terruerunt nos que ante lucem fuerunt ad monumentum Et non inuento corpore [fo. 97. eius uenerunt dicentes se eciam uisionem angelorum uidisse qui dicunt eum uiuere. Et abierunt quidam ex nostris ad monumentum et ita inuenerunt sicut mulieres dixerunt. ipsum uero non inuenerunt. Et ipse dixit ad eos. O stulti et tardi corde ad credendum: in omnibus que locuti sunt prophete. Nonne hec oportuit pati christum et ita intrare in gloriam suam? Et incipiens a moyse et omnibus prophetis: interpretabatur illis in omnibus scripturis que de ipso erant. Et appropinquauerunt castello quo ibant: et ipse se finxit longius ire. Et coegerunt illum dicentes. Mane nobiscum. quoniam aduesperascit et inclinata est iam dies. Et intrauit cum illis. Et factum est. Dum recumberet cum illis: accepit panem et benedixit ac fregit et

porrigebat illis. Et aperti sunt oculi eorum: et cognouerunt eum. Et ipse euauit ab oculis eorum. Et dixerunt adinuicem. Nonne cor nostrum ardens erat in nobis dum loqueretur in uia et aperiret nobis scripturas? Et surgentes: eadem hora regressi sunt in iherusalem. Et inuenierunt congregatos undecim. et eos qui cum ipsis erant dicentes quod surrexit dominus uere et apparuit symoni. Et ipsi narrabant que gesta erant in uia: et quomodo cognouerunt eum: in fraccione panis.

Offertorium.

Angelus domini descendit de celo et dixit mulieribus quem queritis surrexit sicut dixit alleluya.

Secretum.

Paschales hostias immolantes quesumus domine ut quod frequentamus actu. comprehendamus effectum. Per resurgentem a mortuis dominum nostrum ihesum christum.

Prefacio.

ET te quidem omni tempore.

Communio.

Surrexit dominus et apparuit petro alleluya.

Postcommunio.

Impleatur in nobis quesumus domine sacramentipaschalis sancta libacio: nosque de terrenis affectibus ad celeste transferat institutum. Per.

Feria iii. Officium.

Aqua sapientie potabit eos alleluya. firmabitur in illis et non flectetur alleluya. et exaltabit illos in

eternum alleluya alleluya. *Ps.*
Confitemini domino quoniam.

Oratio.

DEus qui ecclesiam tuam nouo semper fetu multiplicas: concede famulis tuis: ut sacramentum uiuendo teneant quod fide perceperunt. Per.

Leccio actuum apostolorum.

IN diebus illis: Surgens paulus: et manu silentium indicens ait. Uiri fratres: filii generis/ abraham. et [fo. 97. b. qui in uobis timent deum. uobis uerbum salutis huius missum est. Qui enim habitant iherusalem et principes eius ignorantes ihesum et uoces prophetarum que per omne sabbatum leguntur iudicantes impleuerunt. Et nullam causam mortis inuenientes in eum pecierunt a pilato ut interficerent eum. Cumque consummassent omnia que de eo scripta erant: deponentes eum de ligno posuerunt in monumento. Deus uero suscitauit eum a mortuis tertia die: qui uisus est per dies multos hiis qui simul ascenderant cum eo de galilea in iherusalem qui usque nunc sunt testes eius ad plebem. Et nos uobis annunciamus eam que ad patres nostros repromissio facta est: quoniam hanc deus adimpleuit filiis uestris. resuscitans ihesum christum: dominum nostrum.

Gradale.

HEc dies. *Ps.* Dicant nunc qui redempti sunt a domino quos redemit de manu inimici de regionibus congregauit eos. Alleluya. *Ps.* Oportebat pati christum et resurgere a mortuis et ita intrare in gloriam suam.

Sequencia.

PSalle lyrica carmina. Alleluya.
Iubilans domino turmula.
Presens mera cum symphonia. Ip-
sum nam concedet laus gloria.
Quem laudat in celo angelica uni-
versa dignitas. Is enim celi terre
machinam. Pelagus atque ex nichilo
que sunt creauit omnia. Is delec-
tum paradicolam reduxit ad eterne
uite pascua. Carnem sumens pro
nobis humanam natus matre de
uera sancta maria. Uirgine casta.
Hunc¹ crucis misterio deuastans
mortem claustra fregit infernalìa.
Cyrographum antique preuarica-
cionis delens morte sua. Hic
surgens zabulo triumphato die ter-
cia. Quis fisus fuerat eius arma
aufert omnia. Forti dextra. Eius-
que cuncta spolia diripiens uehit
secum ad astra. Angelicis agmini-
bus pastor bonus constituens socia.
Qua propter huius in laude pangite
gentes cum populis iubilamina.
Ipsius cruore sacro redempte mor-
tis a uinculo uita reddita. In poli
aula. Ubi pariter letemur semper
cum omnibus ad patris dextram.
Cum examine suppremo iudex iudi-
cabit cuncta secula. Flammis pur-
gata. Simul resonent redempta
fiat.

Secundum Iohannem.²

IN illo tempore : Stetit ihesus
in medio discipulorum suo-
rum et dixit eis. Pax uobis.
Ego sum : nolite timere. Con-
turbati uero et contreriti : exis-
timabant se spiritum uidere. Et
dixit eis. Quid turbati estis et
cogitationes ascendunt in corda
uestra? Uidete manus meas/
et pedes meos : quia ipse [fo. 98.
ego sum. Palpate et uidete :

¹ Sic.² Sic for Lucam.

quia spiritus carnem et ossa non
habet. sicut me uidetis habere.
Et cum hoc dixisset ostendit eis.
manus et pedes. Adhuc autem
illis non credentibus et miranti-
bus pre gaudio : dixit. Habetis
hic aliquid quod manducetur.
At illi optulerunt ei partem pis-
cis assi et fauum mellis. Et
cum manducasset coram eis :
sumens reliquias dedit eis. Et
dixit ad illos. Hec sunt uerba
que locutus sum ad uos : cum
adhuc essem uobiscum. Quo-
niam necesse est impleri omnia
que scripta sunt in lege moysi.
et prophetis et psalmis de me.
Tunc aperuit illis sensum : ut
intelligerent scripturas. Et dixit
eis. Quoniam sic scriptum est.
et sic oportebat christum pati.
et resurgere a mortuis die ter-
cia. Et predicari in nomine eius
penitentiam et remissionem pec-
catorum : in omnes gentes.

Offertorium.

INtonuit de celo dominus et
altissimus dedit uocem suam.
et apparuerunt fontes aquarum alle-
luya.

Secretum.

Suscipe domine preces eccle-
sie tue redempcionis sue
gracia exultantis. ut presencium
munerum fide. et tue resurrec-
cionis credulitate pascatur. Qui
uiuís.

Prefacio.

ET te quidem omni.

Communio.

SI consurrexistis cum christo que
sursum sunt querite alleluya.
ubi christus est in dextera dei sedens
que sursum sunt sapite alleluya.

Postcommunio.

Sanctificent nos domine sumpta misteria. et paschalis obseruancie sufficienter nobis tribuant facultatem. Per.

Feria iiii. officium.

Uenite benedicti patris mei. percipite regnum alleluya. quod uobis paratum est ab origine mundi alleluya alleluya alleluya. *Ps.* Cantate. i.

Oracio.

Deus qui nos resurrectionis dominice annua solemnitate letificas: concede propicius. ut per temporalia festa que agimus peruenire ad gaudia eterna mereamur. Per eundem.

Leccio actuum apostolorum.

In diebus illis: Aperiens petrus os suum: dixit. Viri israelite: et qui timetis deum audite. Deus abraham. et deus ysaac et deus iacob. deus patrum nostrorum glorificauit. filium suum ihesum. quem uos quidem tradidistis et negastis ante faciem pilati iudicante illo dimitti. Uos autem sanctum et iustum negastis: et petistis uirum homicidam donari uobis. Auctorem uero uite interfecistis: quem deus suscitauit a mortuis cuius nos testes sumus. Et nunc fratres scio quia per ignoranciam fecistis sicut et principes uestri. Deus autem qui prenunciauit per os omnium prophe- [fo. 98. b. tarum pati christum suum impleuit sic. Penitemini igitur et conuertimini: ut deleantur uestra peccata.

Gradale.

Hec dies. *Ps.* Dexter a domini fecit uirtutem dextera domini exaltauit me. Alleluya. *Ps.* Uenite benedicti patris mei percipite regnum cum gaudio magno.

Sequencia.

Hec est sancta sollempnitas sollempnitatum. Alleluya. Insignita triumpho christi. Qui deuicit imperium. Male potens dyaboli. Suo nos precioso sanguine. Eius de potestate eruens. Redempti ergo gratias agamus nostro redemptori. Rex regum christe cui angelorum chori iuge famulantur. Uultu placido homines in tuis laudibus sedulos pius intueri. Quorum moribus condolens in tantum humilis factus es. ut mortem subires. Tu deuictis inferni legibus resurgens triumphas. Ut post crucem per orbem gentibus imperas omnipotens filius dei.

Secundum Iohannem.

In illo tempore: Manifestauit se iterum ihesus ad mare tyberiadis: manifestauit autem sic. Erant simul symon petrus et thomas qui dicitur didimus et nathanael qui erat a chana galilee. et filii zebedei. et alii ex discipulis eius duo. Dicit eis symon petrus. Uado piscari. Dicunt ei. Uenimus et nos tecum. Et exierunt et ascenderunt in nauim: et illa nocte nichil prenderunt. Mane autem facto: stetit ihesus in litore. Non tamen cognouerunt discipuli: quia ihesus est. Dicit ergo eis ihesus. Pueri: numquid pulmentarium habetis? Responderunt ei. Non. Dixit eis. Mittite in dexteram nauigii rethe: et inuenietis. Miserunt ergo: et

iam non ualebant trahere illud pre multitudine piscium. Dicit ergo discipulus ille quem diligebat ihesus petro. Dominus est. Symon cum audisset quia dominus est tunica succinxit se erat enim nudus. et misit se in mare. Alii autem discipuli: nauigio uenerunt. Non enim longe erant a terra sed quasi cubitis ducentis: trahentes rethe piscium. Ut ergo descenderunt in terram uiderunt prunas positas. et piscem superpositum et panem. Dicit eis ihesus. Afferre de piscibus: quos prendidistis nunc. Ascendit autem symon petrus. et traxit rethe in terram. plenum magnis piscibus. centum quinquaginta tribus. Et cum tanti essent: non est scissum rethe. Dicit eis ihesus. Uenite prandete. Et nemo audebat discumbencium interrogare eum tu quis es: scien/tes [fo. 99. quia dominus est. Et uenit ihesus et accepit panem et dat eis. et piscem similiter. Hoc iam autem tercio manifestatus est ihesus discipulis suis: cum surrexisset a mortuis.

Offertorium.

PORTAS celi aperuit dominus et pluit illis manna ut ederent panem celi dedit illis panem angelorum manducauit homo. alleluya.

Secretum.

SACRIFICIA domine paschalibus gaudiis immolata nobis tue propiciacionis munus optineant. quibus ecclesia tua mirabiliter pascatur et nutritur. Per.

Prefacio.

ET te quidem.

Communio.

CHristus resurgens ex mortuis iam non moritur alleluya. mors illi ultra non dominabitur. alleluya alleluya.

Postcommunio.

AB omni nos quesumus domine uetustate purgatos: sacramenti tui ueneranda perceptio in nouam transferat creaturam. Per.

Feria v. officium.

UICTRICEM manum tuam domine laudauerunt pariter alleluya quia sapientia aperuit os mutum. et linguas infancium fecit disertas alleluya alleluya. *Ps.* Confitemini domino quoniam bonus.

Oracio.

DEUS qui diuersitatem gentium in confessione tui nominis adunasti. da ut renatis fonte baptismatis una sit fides mencium. et pietas accionum. Per.

Leccio actuum apostolorum.

IN diebus illis: Angelus domini locutus est ad philippum dicens. Surge et uade contra meridianum ad uiam que descendit ab iherusalem in gazam: hec est deserta. Et surgens abiit. Et ecce uir ethiops eunuchus potens candacis regine ethyopum. qui erat super omnes gazas eius uenerat adorare in iherusalem. Et reuertebatur sedens super currum suum. legensque ysaia prophetam. Dixit

autem spiritus philippo. Accede et adiunge te ad currum istum. Accurrens autem philippus: audiuit eum legentem ysaiam prophetam et dixit ei. Putasne intelligis que legis? Qui ait. Et quomodo possum intelligere nisi aliquis ostenderit michi? Rogauitque philippum ut ascenderet et sederet secum. Locus autem scripture: hic erat quam legebatur. Tanquam ovis ad occisionem ductus est: et sicut agnus coram tondente se sine uoce sic non aperuit os suum. In humilitate iudicium eius sublatum est. Generationem eius quis enarrabit? Quoniam tollitur de terra uita eius. Respondens autem eunuchus dixit philippo. Obsecro te de quo propheta dicit/ hoc. De [fo. 99. b. se an de alio aliquo? Aperiens autem philippus os suum: et incipiens ab scriptura ista euangelizauit illi ihesum. Et dum irent per uiam: uenerunt ad quandam aquam. Et ait eunuchus. Ecce aqua. Quis prohibet me baptizari? Dixit autem philippus. Si credis ex toto corde: licet. Et respondens eunuchus dixit. Credo dei filium esse ihesum. Et iussit stare currum. Et descenderunt uterque in aquam philippus et eunuchus: et baptizauit eum. Cum autem ascendissent de aqua: spiritus domini rapuit philippum: et amplius non uidit eum eunuchus. Ibat autem per uiam suam gaudens. Philippus autem inuentus est in azoto. Et pertransiens euangelizabat ciuitatibus cunctis donec ueniret cesaream: nomen domini nostri ihesu christi.

HEc dies. *℣.* Lapidem quem reprobauerunt edificantes hic factus est in capud anguli a domino factum est istud et est mirabile in oculis nostris. *Alleluya. ℣.* Surrexit dominus uere et apparuit petro.

Sequencia.

Uictime paschali laudes immolant christiani. Agnus redemit oues christus innocens patri reconciliauit peccatores. Mors et uita duello confluxere mirando dux uite mortuus regnat uiuus. Dic nobis maria quid uidisti in uia. Sepulchrum christi uiuentis et gloriam uidi resurgentis. Angelicos testes sudarium et uestes. Surrexit christus spes nostra precedet uos in galileam. Credendum est magis soli marie ueraci quam iudeorum turbe fallaci. Scimus christum surrexisse a mortuis uere. tu nobis uiCTOR rex miserere.

Secundum Iohannem.

IN illo tempore: Maria stabat ad monumentum foris plorans. Dum ergo fleret: inclinauit se et prospexit in monumentum. Et uidit duos angelos in albis sedentes unum ad capud et unum ad pedes ubi positum fuerat corpus ihesu. Dicunt ei illi. Mulier: quid ploras? Dicit eis. Quia tulerunt dominum meum: et nescio ubi posuerunt eum. Hec cum dixisset conuersa est retrorsum. Et uidit ihesum stantem: et nesciebat quia ihesus est. Dicit ei ihesus. Mulier: quid ploras: Quem queris? Illa existimans quia ortalanus esset dicit ei. Domine: si tu sustulisti eum: dicito michi ubi posuisti eum. et ego eum tollam.

Dixit ei ihesus. Maria. Conuersa illa: dicit ei. Raboni: quod dicitur magister. Dicit ei ihesus. Noli me tangere: nondum enim ascendi ad patrem meum. Uade autem ad fratres/ [fo. 100. meos et dic eis. Ascendo ad patrem meum et patrem uestrum. deum meum et deum uestrum. Uenit autem maria magdalene annuncians discipulis quia uidi dominum: et hec dixit michi.

Offertorium.

IN die sollempnitatis uestre dicit dominus inducam uos in terram fluentem lac et mel alleluya.

Secretum.

Suscipe quesumus domine munera famulorum tuorum propicius. ut confessione tui nominis. et baptismo renouati. sempiternam beatitudinem consequamur. Per.

Prefacio.

ET te quidem omni tempore.

Communio.

Populus adquisicionis annunciate uirtutes eius alleluya. qui uos de tenebris uocauit in admirabile lumen suum alleluya.

Postcommunio.

EXaudi domine preces nostras ut redemptionis nostre sacrosancta commercia. et uite nobis conferant presentis auxilium. et gaudia sempiterna concilient. Per.

Feria vi. officium.

EDuxit eos dominus in spe alleluya et inimicos eorum operuit mare alleluya alleluya alle-

luya. *Ps.* Attendite popule meus legem meam. Gloria.

Oratio.

OMnipotens sempiterne deus qui paschale sacramentum in reconciliacionis humane federe contulisti. da mentibus nostris. ut quod professione celebramus imitemur effectui. Per.

Leccio epistole beati petri apostoli.

KArissimi: Christus semel pro peccatis nostris mortuus est: iustus pro iniustis. ut nos offerret deo. mortificatos quidem carne: uiuificatos autem spiritu. In quo et hiis qui in carne erant spiritualiter ueniens predicauit: qui increduli fuerant aliquando. quando expectabant dei pacenciam in diebus noe cum fabricaretur archa: in qua pauci id est octo anime salue facte sunt per aquam. Quod et uos nunc similis forme saluos facit baptisma. Non carnis depositio sordium. sed conscientie bone interrogacio in deum. per resurrectionem ihesu christi: qui est in dextera dei.

Gradale.

HEc dies. *Ÿ.* Benedictus qui uenit in nomine domini deus dominus et illuxit nobis. Alleluya. *Ÿ.* Surrexit dominus et occurrens mulieribus ait. auete. tunc accesserunt et tenuerunt pedes eius.

Sequencia.

MAne prima sabbati surgens dei filius nostra spes et gloria. Uicto rege sceleris rediit ab inferis cum summa uictoria. Cuius resurrectione omni plena gaudio consolatur

omnia. Resurgentis itaque maria magdalene facta est prenuncia. Ferens christi fratribus eius morte tristibus expectata gaudia. O beati oculi quibus regem seculi mortem iam deposita prima est intuita. Hec est illa femina cuius cuncta crimina ad christi ues- [fo. 100. b. tigia eius lauit gracia. Que dum plorat et mens orat facto clamat quod cor amat ihesum super omnia. Non ignorat quem adorat. quid precetur sed deletur quod mens timet conscia. O maria mater pia stella maris appellaris operum per merita. Matri christi coequata dum fuisti sic uocata. sed honore subdita. Illa mundi imperatrix ista beata peccatrix leticie primordia fuderunt in ecclesia. Illa enim fuit porta per quam fuit lux exorta hec resurgentis prenuncia mundum replet leticia. O maria magdalena audi uoces laude plena apud christum chorum istum clementer concilia. Ut fons summe pietatis qui te lauit a peccatis seruos suos atque tuos mundet data uenia. Amen dicant omnia.

Secundum matheum.

IN illo tempore: Undecim discipuli abierunt in galileam: in montem ubi constituerat illis ihesus. Et uidentes eum adorauerunt. Quidam autem dubitauerunt. Et accedens ihesus: locutus est eis dicens. Data est michi omnis potestas in celo et in terra. Euntes autem docete omnes gentes baptizantes eos: in nomine patris. et filii. et spiritus sancti. Docentes eos seruare omnia quecumque mandauis uobis. Et ecce ego uobiscum sum: omnibus diebus: usque ad consummationem seculi.

Offertorium.

ERit uobis hic dies memorialis alleluya et diem festum celebrabitis sollempnem domino in progeniis¹ uestris legitimum sempiternum diem alleluya. alleluya alleluya.

Secretum.

HOstias quesumus domine placatus assume quas et pro renatorum expiatione peccati deferimus. et pro acceleratione celestis auxilii.

Prefacio.

ET te quidem.

Communio.

DATA est michi omnis potestas in celo et in terra alleluya. euntes docete omnes gentes baptizantes eos. alleluya. in nomine patris et filii. et spiritus sancti. alleluya alleluya alleluya.

Postcommunio.

DEUS qui adoptionis tue sobolem peccatorum remissione genuisti: da ut cuncti fideles tui ueraciter apprehendant. que presentibus susceperunt sacramentis. Per.

Sabbato officium.

EDuxit dominus populum suum in exultatione alleluya. et electos suos in leticia. alleluya alleluya. *Ps.* Confitemini domino et inuocate.

Oratio.

CONcede quesumus omnipotens deus: ut qui paschalia festa uenerando egimus. per hec contingere ad gaudia eterna mereamur. Per.

¹ *Sic.*

*Leccio epistole beati petri
apostoli.*

K Arissimi : Deponentes omnem maliciam et omnem dolum. et simulaciones et inuidias et omnes detracciones sicut modo geniti infantes. racionabile sine dolo lac concupiscite. ut in eo crescatis in salutem. Si tamen gustastis : quoniam dulcis est dominus. / Ad quem [fo. 101. accedentes lapidem uiuum ab hominibus quidem reprobatum. a deo autem electum et honorificatum. et ipsi tanquam lapides uiui superedificamini domos spirituales. sacerdocium sanctum offerre spirituales hostias acceptabiles deo per ihesum christum. Propter quod continet scriptura. Ecce ponam in syon lapidem summum. angularem electum preciosum. et omnis qui crediderit in eum non confundetur. Uobis igitur honor credentibus non credentibus autem lapis quem reprobauerunt edificantes. Hic factus est in capud anguli. et lapis offensionis et petra scandali. hiis qui offendunt uerbo. nec credunt in quo et positi sunt. Uos autem genus electum. regale sacerdocium. gens sancta. populus adquisicionis. ut uirtutes eius annuncietis qui uos de tenebris uocauit in admirabile lumen suum. Qui aliquando non populus : nunc autem populus dei. Qui non consecuti misericordiam : nunc autem misericordiam consecuti.

A lleluya. V. Hec dies quam fecit dominus exultemus et letemur in ea. Alleluya. V. Laudate pueri dominum laudate nomen

domini. V. Sit nomen domini benedictum ex hoc nunc et usque in seculum.

[Sequencia.]

I ubilans concrepa nunc paraphonista. Solito precelsas dic palinodias. Quas semper exornet symphonia per plurima. Iungendo cantica modulis ypofrigica. Nam resultet dies illa. Qua resurgens mundi uita. Nos sua clemencia. Ditauit spe ualida. Quo post surgamus secula.

Secundum Iohannem.

I N illo tempore : Una sabbatorum maria magdalene uenit mane cum adhuc tenebre essent ad monumentum : et uidit lapidem sublatum a monumento. Cucurrit ergo ad symonem petrum et ad alium discipulum quem amauit ihesus et dicit eis. Tulerunt dominum de monumento : et nescio ubi posuerunt eum. Exiit ergo petrus et ille alius discipulus. et uenerunt ad monumentum. Currebant autem duo simul : et ille alius discipulus precucurrit cicius petro. et uenit prior ad monumentum. Et cum se inclinasset : uidit linthiamina posita. non tamen introiuit. Uenit ergo symon petrus sequens eum et introiuit in monumentum et uidit lynthyamina posita et sudarium quod fuerat super capud eius non cum lynthiaminibus positum. sed separatim inuolutum in unum locum. Tunc / [fo. 101. b. ergo introiuit et ille discipulus qui uenit primus ad monumentum. et uidit et credidit. Nondum enim sciebant scripturas quia oportebat eum : a mortuis surgere.

Offertorium.

Benedictus qui uenit in nomine domini benediximus uobis de domo domini deus dominus et illuxit nobis alleluya.

Secretum.

Concede quesumus domine semper nos per hec misteria paschalia gratulari. ut continua nostre redempcionis operacio. perpetue nobis fiat. causa salutis. Per.

Prefacio.

ET te quidem.

Communio.

Omnes qui in christo baptizati estis christum induistis alleluya.

Postcommunio.

Redempcionis nostre munere uegetati quesumus domine ut hoc perpetue salutis auxilio fides semper uera proficiat. Per.

Dominica in octauis pasche officium.

Quasimodogeniti infantes alleluya
rationabile sine dolo lac concupiscite alleluya alleluya alleluya.
Ps. Exultate deo adiutori. Gloria.

Oracio.

Presta quesumus omnipotens deus: ut qui festa paschalia peregrimus hec te largiente moribus. et uita teneamus. Per dominum.

Leccio epistole beati Iohannis apostoli.

Karissimi: Omne quod natum est ex deo uincit mundum. Et hec est uictoria

que uincit mundum fides nostra. Quis est autem qui uincit mundum: nisi qui credit quoniam ihesus est filius dei? Hic est qui uenit per aquam et sanguinem ihesus christus. Non in aqua solum: sed in aqua et sanguine. Et spiritus est qui testificatur: quoniam christus est ueritas. Quia tres sunt qui testimonium dant in celo. pater. uerbum. et spiritus sanctus. Et hii tres unum sunt. Et tres sunt qui testimonium dant in terra: spiritus aqua et sanguis. Et hii tres unum sunt. Si testimonium hominum accipimus: testimonium dei maius est. Quoniam hoc est testimonium dei quod maius est quia testificatus est de filio suo. Qui credit in filium dei: habet testimonium dei in se.

Alleluya. *℣.* Post dies octo ianuis clausis stetit ihesus in medio discipulorum suorum et dixit eis pax uobis. Alleluya. *℣.* Angelus domini descendit de celo et accedens reuoluit lapidem et sedebat super eum. *℣.* Respondens autem angelus dixit mulieribus quem queritis ille autem dixerunt ihesum nazarenum.

Secundum Iohannem.

In illo tempore: Cum autem esset sero die illo una sabbatorum. et fores essent clausae. ubi erant discipuli congregati propter metum iudeorum: uenit ihesus et stetit in medio et dixit eis. Pax uobis. [fo. 102. Et cum hoc dixisset: ostendit eis manus et latus. Gausi sunt ergo discipuli: uiso domino,

Dixit ergo eis iterum. Pax uobis. Sicut misit me pater: et ego mitto uos. Hec cum dixisset: insufflauit et dixit eis. Accipite spiritum sanctum. Quorum remiseritis peccata remittuntur eis. Et quorum retinueritis retenta sunt. Thomas unus ex duodecim qui dicitur didymus non erat cum eis quando uenit ihesus. Dixerunt ergo ei alii discipuli. Uidimus dominum. Ille autem dixit eis. Nisi uidero in manibus eius fixuram clauorum et mittam digitum meum in locum clauorum et mittam manum meam in latus eius. non credam. Et post dies octo iterum erant discipuli eius intus: et thomas cum eis. Uenit ihesus ianuis clausis et stetit in medio et dixit. Pax uobis. Deinde dicit thome. Infer digitum tuum huc. et uide manus meas. et affer manum tuam et mitte in latus meum et noli esse incredulus. sed fidelis. Respondit thomas et dixit ei. Dominus meus: et deus meus. Dicit ei ihesus. Quia uidisti me thoma credidisti. Beati qui non uiderunt et crediderunt. Multa quidem et alia signa fecit ihesus in conspectu discipulorum suorum que non sunt scripta in libro hoc. Hec autem scripta sunt ut credatis quia ihesus est filius dei. Et ut credentes uitam habeatis: in nomine ipsius.

Offertorium.

Angelus domini descendit de celo et dixit mulieribus quem queritis surrexit sicut dixit alleluya.

Secretum.

Suscipe munera quesumus domine exultantis ecclesie. et cui causam tanti gaudii prestitisti: perpetue fructum concede leticie. Per.

Prefacio.

ET te quidem.

Communio.

Mitte manum tuam et cognosce loca clauorum alleluya. et noli esse incredulus. sed fidelis alleluya alleluya.

Postcommunio.

Concede quesumus omnipotens deus ut paschalis perceptio sacramenti. continua in nostris mentibus perseueret. Per.

Dominica ii. Officium.

Misericordia domini plena est terra alleluya. uerbo dei celi firmati sunt alleluya. alleluya. *Ps.* Exultate iusti in domino: rectos. Gloria.

Oratio.

Deus qui in filii tui humilitate iacentem mundum erexisti: fidelibus tuis perpetuam concede leticiam. ut quos perpetue mortis eripuisti casibus. gaudiis facias sempiternis perfrui. Per eundem./ [fo. 102. b.]

Leccio epistole beati petri apostoli.

Karissimi: Christus passus est pro nobis uobis relinquens exemplum: ut sequamini uestigia eius. Qui peccatum non fecit: nec inuentus est dolus in ore eius. Qui cum malediceretur: non maledicebat. Cum

pateretur: non comminabatur. Tradebat autem iudicanti se iniuste. quia peccata nostra ipse pertulit in corpore suo super lignum ut peccatis mortui. iusticie uiuamus cuius liuore sanati estis. Eratis enim aliquando sicut oues errantes: sed conuersi estis nunc ad pastorem et episcopum: animarum uestrarum.

Alleluya. *℣.* Surrexit pastor bonus qui posuit animam suam pro grege suo. Alleluya. *℣.* Dicite in gentibus quia dominus regnauit a ligno.

Secundum Iohannem.

In illo tempore: Dixit ihesus discipulis suis. Ego sum pastor bonus. Bonus pastor: animam suam dat pro ouibus suis. Mercennarius et qui non est pastor cuius non sunt oues proprie. uidet lupum uenientem. et dimittit oues et fugit. Et lupus rapit: et dispergit oues. Mercennarius autem fugit quia mercennarius est: et non pertinet ad eum de ouibus. Ego sum pastor bonus. Et cognosco meas: et cognoscunt me mee. Sicut nouit me pater: et ego agnosco patrem: et animam meam pono pro ouibus meis. Et alias oues habeo que non sunt ex hoc ouili: et illas oportet me adducere. et uocem meam audient. Et fiet unum ouile: et unus pastor.

Offertorium.

Deus deus meus ad te de luce uigilo et in nomine tuo leuabo manus meas alleluya.

Secretum.

Benediccionem domine nobis conferat salutarem sacra semper oblatio. ut quod agit misterio, uirtute perficiat. Per.

Prefacio.

ET te quidem omni tempore.

Communio.

EGo sum pastor bonus alleluya et cognosco oues meas et cognoscunt me mee alleluya alleluya.

Postcommunio.

Presta nobis omnipotens deus: ut uiuificationis tue gratiam consequentes in tuo semper munere gloriemur. Per dominum.

Dominica iii. Officium.

Iubilate deo omnis terra alleluya. psalmum dicite nomini eius alleluya date gloriam laudi eius alleluya alleluya alleluya. *Ps.* Dicite deo quam terribilia sunt. Gloria patri.

Oratio.

Deus qui errantibus ut in uiam possint redire iusticie ueritatis tue lumen ostendis: da cunctis qui christiana professione censentur. et illa respuere que huic inimica sunt nomini. et/ ea que sunt apta sectari. [fo. 103. Per dominum.

Leccio epistole beati petri apostoli.

Karissimi: Obsecro uos tanquam aduenas. et peregrinos abstinere uos a carnalibus desideriis que militant aduersus animam. Conuersacionem uestram inter gentes habentes bonam: ut in eo quod detractant de uobis tanquam de malefactoribus: ex bonis operibus uos considerantes glorificent deum in die uisitacionis. Subiecti estote omni humane creature propter

deum. Siue regi: quasi precel-
lenti. Siue ducibus: tanquam
ab eo missis: ad uindictam
malefactorum. laudem uero
bonorum: Quia sic est uoluntas
dei ut benefacientes ommutes-
cere faciat imprudencium ho-
minum ignoranciam. Quasi
liberi: et non quasi uelamen ha-
bentes malicie libertatem sed si-
cut serui dei. Omnes honorate:
fraternitatem diligite. Deum ti-
mete: regem honorificate. Ser-
ui subditi estote: in omni ti-
more dominis. Non tantum
bonis et modestis: sed etiam
discolis. Hec est gracia.
In christo ihesu: domino nos-
tro.

Alleluya. *Ÿ.* In die resurrec-
cionis mee dicit dominus pre-
cedam uos in galileam. Alleluya. *Ÿ.*
Christus resurgens ex mortuis iam non
moritur mors illi non dominabitur.

Secundum Iohannem.

IN illo tempore. Dixit ihesus
discipulis suis. Modicum
et iam non uidebitis me. et ite-
rum modicum et uidebitis me:
quia uado ad patrem. Dixerunt
ergo ex discipulis eius adinuicem:
Quid est hoc quod dicit nobis
modicum et iam non uidebitis
me, et iterum modicum et uide-
bitis me quia uado ad patrem.
Dicebant ergo. Quid est hoc
quod dicit modicum? Nesci-
mus quid loquitur? Cognouit
autem ihesus quia uolebant eum
interrogare: et dixit eis. De
hoc queritis inter uos quia dixi
modicum et iam non uidebitis
me. et iterum modicum et uide-
bitis me. Amen amen dico uo-
bis quia plorabitis et flebitis uos:

mundus autem gaudebit. Uos
autem contristabimini: sed tris-
ticia uestra uertetur in gaudium.
Mulier cum parit tristitiam ha-
bet: quia uenit hora eius. Cum
autem pepererit puerum iam non
meminit pressure propter gau-
dium: quia natus est homo in
mundum. Et uos igitur: nunc
quidem tristitiam habetis. Ite-
rum autem uidebo uos: et gaude-
bit/ cor uestrum. Et [fo. 103. b.
gaudium uestrum nemo tollet a
uobis.

Offertorium.

LAuda anima mea dominum
laudabo dominum in uita mea
psallam deo meo quamdiu ero alle-
luya.

Secretum.

His nobis domine misteriis
conferatur. quo terrena
desideria mitigantes. discamus
amare celestia. Per.

Prefacio.

ET te quidem.

Communio.

Modicum et non uidebitis me
alleluya. iterum modicum et
uidebitis me quia uado ad patrem
alleluya. alleluya.

Postcommunio.

Sacramenta que sumpsimus
quesumus domine et spiri-
tualibus nos instruunt alimentis.
et corporalibus tueantur auxiliis
Per.

Dominica iv. Officium.

Cantate domino canticum nouum
alleluya. quia mirabilia fecit
dominus alleluya ante conspectum
gencium reuelauit iusticiam suam.

alleluya. alleluya. *Ps.* Saluauit sibi dextera eius. et brachium sanctum eius.

Oratio.

DEus qui fidelium mentes unius efficis uoluntatis. da populis tuis id amare quod precipis. id desiderare quod promittis: ut inter mundanas uarietates ibi nostra fixa sint corda. ubi uera sunt gaudia. Per.

Leccio epistole beati Iacobi apostoli.

KArissimi: Omne datum optimum et omne donum perfectum desursum est: descendens a patre luminum. Apud quem non est transmutacio nec uicissitudinis obumbracio. Uoluntarie genuit nos uerbo ueritatis: ut simus initium aliquod creature eius. Scitis fratres mei dilectissimi. Sit autem omnis homo uelox ad audiendum: tardus autem ad loquendum et tardus ad iram. Ira enim uiri: iusticiam dei non operatur. Propter quod abicientes omnem inmundiciam et omnem habundanciam malicie. in mansuetudine suscipite insitum uerbum. Quod potest saluare: animas uestras.

Alleluya. *℣.* Ego ueritatem dico uobis expedit uobis ut ego uadam. Alleluya. *℣.* Surrexit dominus et occurrens mulieribus ait. auetè tunc accesserunt et tenuerunt pedes eius.

Secundum Iohannem.

IN illo tempore: Dixit ihesus discipulis suis. Uado ad eum qui misit me. et nemo ex

uobis interrogat me. Quo uadis? Sed quia hec locutus sum uobis: tristicia impleuit cor uestrum. Sed ego ueritatem dico uobis: expedit uobis ut ego uadam. Si enim non abiero: paraclitus non [fo. 104. ueniet ad uos. Si autem abiero mittam eum ad uos. Et cum uenerit: ille arguet mundum de peccato. et de iudicio. et de iusticia. De peccato quidem: quia non crediderunt in me. De iusticia uero: quia ad patrem uado et iam non uidebitis me. De iudicio autem: quia princeps mundi huius iudicatus est. Adhuc habeo multa uobis dicere: sed non potestis portare modo. Cum autem uenerit ille spiritus ueritatis: docebit uos omnem ueritatem. Non enim loquetur a semetipso: sed quecumque audiet loquetur. et que uentura sunt annuntiabit uobis. Ille me clarificabit: quia de meo accipiet: et annuntiabit uobis.

Offertorium.

Iubilate deo omnis terra. iubilate deo omnis terra psalmum dicite nomini eius. uenite et audite et narrabo uobis omnes qui timetis deum quanta fecit dominus anime mee alleluya.

Secretum.

DEus qui resurgens a mortuis passione cassata¹ potentio-
riorem te tuis discipulis reddidisti: concede propicius: ut nos quoque magestati tue hoc paschale sacrificium conciliet. et ad gratiam tuam promerendam in bonis operibus efficiat promptiores. Qui uiuis.

¹ Sic.

Prefacio.

ET te quidem.

Communio.

DUm uenerit paraclitus spiritus ueritatis ille arguet mundum de peccato et de iudicio et de iusticia alleluya alleluya.

Postcommunio.

ADesto nobis domine deus noster: ut per hec que fideliter sumpsimus: et purgemur a uiciis. et a periculis omnibus eruamur. Per.

Dominica v. Officium.

UOcem iocunditatis annunciate et audiatur alleluya nunciate usque ad extremum terre. liberauit dominus populum suum alleluya. alleluya. *Ps.* Iubilare deo omnis terra. Gloria patri.

Oracio.

DEus a quo bona cuncta procedunt. largire supplicibus tuis: ut cogitemus te inspirante que recta sunt. et te gubernante eadem faciamus. Per.

Leccio epistole beati iacobi apostoli.

KArissimi: Estote factores uerbi: et non auditores tantum: fallentes uosmetipsos. Quia si quis auditor est uerbi et non factor: hic comparabitur uiro consideranti uultum natiuitatis sue in speculo. Considerauit enim se et abiit: et statim oblitus est qualis fuerit. Qui autem perspexerit in lege perfecte libertatis et permanserit in ea non auditor/ [fo. 104. b.

obliuiosus factus. sed factor operis hic beatus in facto suo erit. Si quis autem putat se religiosum esse non refrenans linguam suam sed seducens cor suum. huius uana est religio. Religio munda et immaculata apud deum. et patrem: hec est. Uisitare pupillos et uiduas: in tribulatione eorum. Et immaculatum se custodire: ab hoc seculo.

Alleluya. *Ps.* Surrexit christus iam non moritur mors illi ultra non dominabitur. Alleluya. *Ps.* Christus mortuus est propter delicta nostra. et resurrexit propter iustificationem nostram.

Secundum Iohannem.

IN illo tempore: Dixit ihesus discipulis suis. Amen amen dico uobis: siquid pecieritis patrem in nomine meo dabit uobis. Usque modo: non petistis quicquam in nomine meo. Petite et accipietis: ut gaudium uestrum sit plenum. Hec in prouerbiis locutus sum uobis. Uenit hora: cum iam non in prouerbiis loquar uobis. sed palam de patre meo annuntiabo uobis. Illo die: in nomine meo petetis. Et non dico uobis quia ego rogabo patrem de uobis. Ipse enim pater amat uos: quia uos me amastis et credidistis quia a deo exiui. Exiui a patre: et ueni in mundum. Iterum relinquo mundum: et uado ad patrem. Dicunt ei discipuli eius. Ecce nunc palam loqueris: et prouerbiū nullum dicis. Nunc scimus quia scis omnia: et non opus est tibi ut quis te interroget. In hoc scimus et credimus: quia a deo existi.

Offertorium.

Benedicite gentes dominum deum nostrum et obaudite uocem laudis eius qui posuit animam meam ad uitam. et non dedit commoueri pedes meos. benedictus dominus qui non ammouit deprecationem meam. et misericordiam suam a me alleluya.

Secretum.

Suscipe domine fidelium preces cum oblacionibus hostiarum ut per hec pie deuotionis officia. ad celestem gloriam transeamus. Per.

Prefacio.

ET te quidem.

Communio.

Cantate domino alleluya cantate domino et benedicite nomen eius benenunciate de die in diem salutare eius alleluya. alleluya.

Postcommunio.

Tribue nobis domine quesumus celestis mense uirtute satiati.¹ et desiderare que recta sunt. et desiderata percipere. Per.

*Feria ii. et iii. rogacionibus.**Officium.*

Exaudiuit de templo sancto suo uocem meam alleluya. et clamor meus in conspectu eius introiuit in aures eius alleluya alleluya. *Ps.* Diligam te domine fortitudo mea. Gloria.

Oracio.

Presta quesumus omnipotens deus: ut qui/ in [fo. 105. afflictione nostra de tua pietate confidimus. contra aduersa omnia tua semper protectione muniamur. Per.

¹ Sic.*Leccio epistole beati Iacobi apostoli.*

Karissimi: Confitemini alterutrum peccata uestra: et orate proinuicem ut saluemini. Multum enim ualet: deprecacio iusti assidua. Helyas homo erat similis nobis passibilis. et oracione orauit. ut non plueret super terram. et non pluit annos tres et menses sex. Et rursum orauit: et celum dedit pluuiam et terra dedit fructum suum. Siquis autem ex uobis errauerit a ueritate. et conuerterit. quis eum scire debet. quoniam qui conueriti fecerit peccatorem ab errore uie sue saluabit animam eius a morte. Et operit multitudinem peccatorum.

Alleluya. *Ps.* Confitemini domino quoniam bonus. quoniam in seculum misericordia eius.

Secundum Iohannem.¹

In illo tempore: Dixit ihesus discipulis suis. Quis uestrum habebit amicum. et ibit ad illum media nocte. et dicet illi. Amice: accomoda michi tres panes: quoniam amicus meus uenit de uia ad me. et non habeo quod ponam ante illum. Et ille deintus: respondens dicat. noli michi molestus esse iam ostium clausum est. et pueri mei mecum sunt in cubili non possum surgere et dare tibi. Et ille si perseuerauerit pulsans: dico uobis etsi non dabit illi surgens eo quod amicus eius sit. propter improbitatem tamen eius surget et dabit illi quotquot habet necessarios. Et ego uobis dico. Petite: et accipietis. Querite: et inueni-

¹ Sic for Lucam.

etis. Pulsate : et aperietur uobis. Omnis enim qui petit accipit : et qui querit inuenit. et pulsanti aperietur. Quis autem ex uobis patrem petit panem ? Numquid lapidem dabit illi : Aut piscem ? Numquid pro pisce serpentem dabit illi ? Aut si pecierit ouum : numquid porriget illi scorpio-nem ? Si ergo uos cum sitis mali : nostis bona data dare filiis uestris. quantomagis pater uester de celo dabit spiritum bonum : petentibus se ?

Offertorium.

CONFITEBOR domino nimis in ore meo. et in medio multorum laudabo eum qui astitit ad dexteram pauperis ut saluam faceret a persequentibus animam meam alleluya.

Secretum.

HEC munera domine quesumus et uincula nostre prauitatis absoluant. et tue nobis misericordie dona concilient. Per.

Communio.

PETITE et accipietis. / [fo. 105. b. querite et inuenietis. pulsate et aperietur uobis. omnis enim qui petit accipit. et qui querit inuenit. et pulsanti aperietur alleluya.

Oracio.¹

UOTA nostra quesumus domine pio fauore prosequere ut dum dona tua in tribulatione nostra percipimus. de consolacione nostra. in tuo amore crescamus. Per.

¹ Sic.*In uigilia ascensionis domini ad missam officium.*

OMNES gentes plaudite manibus iubilate deo in uoce exultacionis. alleluya. alleluya. alleluya. Ps. Subiecit populos nobis : et gentes sub pedibus nostris. Gloria.

Oracio.

PRESTA quesumus omnipotens pater : ut nostre mentis intencio. quo sollempnitatis hodie gloriolus auctor ingressus est semper intendat : et quo fide pergit. conuersacione perueniat. Per eundem.

Leccio actuum apostolorum.

IN diebus illis : Multitudinis credencium : erat cor unum et anima una. nec quisquam eorum que possidebat aliquid suum esse dicebat. sed erant illis omnia communia. Et uirtute magna reddebant apostoli testimonium resurrectionis ihesu christi domini nostri. Et gracia magna erat in omnibus illis. Neque enim quisquam egens erat inter illos. Quotquot autem possessores agrorum aut domorum erant uendentes afferebant precia eorum que uendebant et ponebant ante pedes apostolorum. Diuidebatur autem singulis : prout cuique opus erat.

ALLELUYA. V. Omnes gentes plaudite manibus iubilate deo in uoce exultacionis.

Secundum Iohannem.

IN illo tempore : Subleuatis ihesus oculis in celum dixit. Pater : uenit hora clarifica filium tuum ut filius tuus clarificet te. Sicut dedisti ei potestatem

omnis carnis. ut omne quod dedisti ei det eis uitam eternam. Hec est autem uita eterna : ut cognoscant te solum uerum deum et quem misisti ihesum christum. Ego te clarificaui super terram opus consummaui quod dedisti michi ut faciam. Et nunc clarifica me tu pater apud te ipsum claritate quam habui priusquam mundus esset apud te. Manifestaui nomen tuum hominibus : quos dedisti michi de mundo. Tui erant : et michi eos dedisti. et sermonem tuum seruauerunt. Nunc cognouerunt quia omnia que dedisti michi. abs te sunt : quia uerba que dedisti michi. dedi eis. Et ipsi acceperunt. et cognouerunt uere quia / a te exiui : [fo. 106. et crediderunt quia tu me misisti. Ego pro eis rogo. Non pro mundo rogo : sed pro hiis quos dedisti michi quia tui sunt. Et mea omnia tua sunt : et tua mea sunt. et clarificatus sum in eis. Et iam non sum in mundo. et hii in mundo sunt : et ego ad te uenio.

Offertorium.

PORTAS celi aperuit dominus et pluit illis manna ut ederent. panem celi dedit eis panem angelorum manducauit homo alleluya.

Secretum.

SACRIFICIUM domine pro filii tui supplices uenerabili quam preuenimus ascensione deferimus. presta quesumus ut et nos per ipsum hiis sacrosanctis commerciis ad celestia consurgamus. Per eundem.

Communio.

PATER cum essem cum eis ego seruabam eos quos dedisti michi alleluya. nunc autem ad te uenio non rogo ut tollas eos de mundo : sed ut serues eos a malo alleluya alleluya.

Postcommunio.

TRIBUE quesumus domine ut per hec sacramenta que sumpsimus illuc tendat nostre deuotionis affectus : quo tecum est nostra substantia ihesus christus dominus noster. Qui tecum.

In die ascensionis. officium.

UIRI galilei quid admiramini aspicientes in celum alleluya. quemadmodum uidistis eum ascendentem in celum ita ueniet alleluya alleluya alleluya. *Ps.* Cumque intuerentur in celum euntem illum ecce duo uiri astiterunt iuxta illos in uestibus albis qui et dixerunt.

Oratio.

CONCEDE quesumus omnipotens deus : ut qui hodierna die unigenitum tuum redemptorem nostrum ad celos ascendisse credimus : ipsi quoque mente in celestibus habitemus. Per eundem.

Leccio actuum apostolorum.

PRIMUM quidem sermonem feci de omnibus o theophile : que cepit ihesus facere et docere usque in diem qua precipiens apostolis per spiritum sanctum quos elegit assumptus est. Quibus et prebuit seipsum uiuum post passionem suam in multis argumentis per dies quadraginta apparens eis et loquens

de regno dei. Et conuescens precepit eis ab iherosolimis ne discederent: sed expectarent promissionem patris quam audistis inquit per os meum. Quia iohannes quidem baptizauit aqua: uos autem baptizabimini spiritu sancto non post multos hos dies. Igitur qui conuenerant: interrogabant eum dicentes. Domine: si in tempore hoc restitues regnum israel? Dixit autem eis. Non est uestrum nosse tempora uel momenta que pater/ [fo. 106. b. posuit in sua potestate. Sed accipietis uirtutem superuenientis spiritus sancti in uos et eritis michi testes in iherusalem et in omni iudea et samaria et usque ad ultimum terre. Et cum hoc dixisset: uidentibus illis eleuatus est: et nubes suscepit eum ab oculis eorum. Cumque intuerentur in celum euntem illum. ecce duo uiri astiterunt iuxta illos in uestibus albis: qui et dixerunt. Uiri galilei: quid statis aspicientes in celum? Hic ihesus qui assumptus est a uobis in celum: sic ueniet quemadmodum uidistis eum: euntem in celum.

Alleluya. *℣*. Ascendit deus in iubilatione et dominus in uoce tube. Alleluya. *℣*. In assumptione tua christe celum et terra letentur. Alleluya. *℣*. Ascendens christus in altum captiuam duxit captiuitatem dedit hominibus. Alleluya. *℣*. Dominus in sinai sancto ascendens in altum captiuam duxit captiuitatem.

Sequencia.

Rex omnipotens die hodierna. Alleluya. Mundo triumphali redempto potencia. Victor ascendit

celos unde descenderat. Nam quadraginta postquam surrexerat. Diebus sacris confirmans pectora. Apostolorum pacis cara relinquit oscula. Quibus et dedit potestatem laxandi crimina. Et misit eos in mundum baptizare cunctas animas. In patris et filii et sancti spiritus clemencia. Et conuescens precepit eis ab iherosolimis. Ne abirent sed expectarent promissa munera. Non post multos enim dies mittam uobis spiritum paraclitum in terra. Et eritis michi testes in iherusalem iudea siue samaria. Et cum hoc dixisset uidentibus illis eleuatus est. et nubes clara. Suscepit eum ab eorum oculis intuentibus illis ethera. Ecce stetero amicti duo uiri in ueste alba. Iuxta dicentes quid admiramini celorum alta. Ihesus enim hic qui assumptus est a uobis ad patris dexteram. Ut ascendit ita ueniet querens talenti commissi lucra. O deus mare polum arua hominem quem creasti quem fraude subdola. Hostis expulit paradiso et captiuatum secum traxit ad tartara. Sanguine proprio quem redemisti deus. Illuc et prouehis unde prius corruit paradisi gaudia. Iudex cum ueneris iudicare seculum. Da nobis petimus sempiterna gaudia in sanctorum patria. In qua tibi cantemus alleluya.

Secundum Marcum.

IN illo tempore: Recumbentibus undecim discipulis: apparuit illis ihesus et exprobrauit incredulitatem illorum et duriciam cordis. quia hiis qui uiderant eum resurrexisse a mortuis non crediderunt. Et dixit eis. Euntes in mundum uniuersum: predicate euangelium omni creature. Qui crediderit et baptizatus fuerit: saluus/ [fo. 107. erit. Qui uero non crediderit:

condempnabitur. Signa autem eos qui crediderint : hec sequentur. In nomine meo demonia eicient : linguis loquentur nouis. serpentes tollent. Et si mortiferum quid biberint : non eis nocebit. Super egros manus imponent : et bene habebunt. Et dominus quidem ihesus postquam locutus est eis assumptus est in celum. et sedet a dextris dei. Illi autem profecti predicauerunt ubique domino cooperante, et sermonem confirmante : sequentibus signis.

Offertorium.

UIri galilei quid admiramini aspicientes in celum hic ihesus qui assumptus est a uobis in celum. sic ueniet quemadmodum uidistis eum ascendentem in celum alleluya.

Secretum.

Suscipe domine munera. que pro filii tui gloriosa ascensione deferimus. et concede propicius ut a presentibus periculis liberemur et ad uitam perueniamus eternam. Per eundem.

Prefacio.

Qui post resurrectionem suam.

Infra canonem.

Communicantes et diem sacratissimum.

Communio.

Psallite domino qui ascendit super celos celorum ad orientem alleluya.

Postcommunio.

Presta nobis omnipotens et misericors deus : ut que uisibilibus misteriis sumenda

percepimus inuisibili consequamur effectum. Per.

*Dominica infra octauas ascensionis.**Officium.*

EXaudi domine uocem meam quia clamaui ad te alleluya tibi dixit cor meum quesui uultum tuum domine requiram ne auertas faciem tuam a me alleluya alleluya. *Ps.* Dominus illuminatio mea.

Oratio.

Omnipotens sempiterne deus : fac nos tibi semper et deuotam gerere uoluntatem. et magesta¹ tue sincero corde seruire. Per.

Leccio epistole beati petri apostoli.

Karissimi : Estote prudentes : et uigilate in oracionibus. Ante omnia autem mutuam in uobismetipsis caritatem continuam habentes : quia caritas operit multitudinem peccatorum. Hospitales inuicem : sine murmuracione. Unusquisque sicut accepit gratiam in alterutrum illam administrantes sicut boni dispensatores multiformis gratie dei. Siquis loquitur : quasi sermones dei. Siquis ministrat : tanquam ex uirtute quam administrat deus. ut in omnibus honorificetur deus. Per ihesum christum : dominum nostrum.

Alleluya. *Ps.* Christus resurgens ex mortuis ascendens in celum sedet a dextris dei. Alleluya. *Ps.* Regnabit dominus super / [fo. 107. b. omnes gentes deus sedet super sedem sanctam suam.

: *Sic.*

Secundum Iohannem.

IN illo tempore: Dixit ihesus discipulis suis. Cum uenerit paraclitus quem ego mittam uobis a patre spiritum ueritatis qui a patre procedit: ille testimonium perhibebit de me. Et uos testimonium perhibebitis: quia ab initio mecum estis. Hec locutus sum uobis: ut non scandalizemini. Absque synagogis facient uos. Sed uenit hora: ut omnis qui interficit uos arbitretur obsequium se prestare deo. Et hec facient uobis: quia non nouerunt patrem neque me. Sed hec locutus sum uobis: ut cum uenerit hora eorum reminiscamini: quia ego dixi uobis.

Offertorium.

Ascendit deus in iubilacione. et dominus in uoce tube allelu-
ya.

Secretum.

PResta quesumus omnipotens deus ut hanc tibi hostiam in eius corpus et sanguinem consecrandam uenerabiliter offeramus. quem sedentem a dextris uirtutis tue. et pro nobis interpellare confidimus. Qui tecum.

Prefacio.

Qui post resurrectionem.

Communio.

PAter cum essem ut supra in uigilia ascensionis.

Postcommunio.

PResta quesumus omnipotens deus: ut per hec sacrosancta commercia in totius ecclesie confidamus faciendum corpore

quod eius precessit in capite.
Per eundem.

In octaua ascensionis ad missam officium.

UIri galilei. Ps. Omnes gentes.

Cetera fiant sicut in die preter epistolam et euuangelium.

Leccio epistole beati pauli apostoli ad ephesios.

FRatres: unicuique nostrum data est gracia: secundum mensuram donacionis christi. Propter quod dicit. Ascendens in altum captiuam duxit captiuitatem dedit dona hominibus. Quis autem ascendit quid est nisi quia et descendit primum ad inferiores partes terre. Qui descendit ipse est et qui ascendit super omnes celos ut adimpleret omnia. Et ipse dedit quosdam quidem apostolos: quosdam autem prophetas. Alios uero euuangelistas. alios autem pastores et doctores ad consummacionem sanctorum in opus ministerii in edificacionem corporis christi: donec occurramus omnes in unitatem fidei. et agnicionis filii dei in uirum perfectum. in mensuram etatis: plenitudinis christi.

Secundum Lucam.

IN illo tempore. Dixit ihesus discipulis suis. Ecce ego mitto promissum patris in uos. Uos autem sedete in ciuitate quoadusque induami[ni] [fo. 108. uirtute ex alto. Eduxit autem eos foras in bethaniam: et eleuatis manibus suis benedixit eis. Et factum est dum benediceret illis recessit ab eis: et ferebatur

in celum. Et ipsi adorantes: regressi sunt in iherusalem cum gaudio magno. Et erant semper in templo laudantes deum: et benedicentes dominum.

Feriavi. omnia fiant sicut in dominica infra octauas ascensionis.

Sabbato in uigilia pentecostes. Premissa coram altari a sacerdote oracione accedens ad librum seruicium huius diei incipiat in hunc modum.

O Remus.

Oracio.

DA nobis quesumus domine per gratiam sancti spiritus nouam tui paracliti spiritualis obseruancie disciplinam: ut sacro nos purificante ieiunio. cunctis reddantur eius muneribus apciore. Per dominum. In unitate eiusdem.

Leccio libri genesis.

IN diebus illis: Temptauit deus abraham. et dixit ad eum. Abraham abraham. At ille respondit. Assum. Ait illi. Tolle filium tuum unigenitum quem diligis ysaac: et uade in terram uisionis. atque offer eum ibi in holocaustum super unum moncium quem monstraui tibi. Igitur abraham de nocte con-surgens strauit asinum suum ducens secum duos iuuenes et ysaac filium suum. Cumque conscidisset ligna in holocaustum: abiit ad locum quem preceperat ei deus. Die autem tercio eleuatis oculis uidit locum procul: dixitque ad pueros suos. Expectate hic cum asino. Ego et

puer illuc usque properantes. postquam adorauerimus reuertemur ad uos. Tulit quoque ligna holocausti: et imposuit super ysaac filium suum. Ipse uero portabat manibus ignem et gladium. Cumque duo pergerent simul: dixit ysaac patri suo. Pater mi? At ille respondit. Quid uis fili? Ecce inquit ignis et ligna. Ubi est uictima holocausti? Dixit abraham. Deus prouidebit sibi uictimam holocausti fili mi. Pergebant ergo pariter: ueneruntque ad locum quem ostenderat ei deus. In quo edificauit altare: et desuper ligna composuit. Cumque colligasset ysaac filium suum. posuit eum in altari super struem lignorum. Extenditque manum et arripuit gladium: ut immolaret filium suum. Et ecce angelus domini de celo claus [fo. 108. b. mauit dicens. Abraham abraham. Qui respondit. Assum. Dixitque ei. Ne extendas manum tuam super puerum: neque facias illi quicquam. Nunc cognoui quod timeas deum: et non pepercisti filio tuo unigenito propter me. Leuauit abraham oculos uiditque post tergum arietem inter uepres herentem cornibus. Quem assumens: optulit holocaustum pro filio. Appellauitque nomen loci illius: dominus uidet. Unde usque hodie dicitur. In monte dominus uidebit. Uocauit autem angelus domini abraham secundo de celo dicens. Per memetipsum iuraui dicit dominus. quia fecisti rem hanc. et non pepercisti filio tuo unigenito propter me. benedicam tibi et multipli-

cabo semen tuum sicut stellas celi: et uelud arenam que est in litore maris. Possidebit semen tuum portas inimicorum. et benedicentur in semine tuo omnes gentes terre quia obedisti uoci mee. Reuersus est abraham ad pueros suos abieruntque bersabee simul: et habitauit ibi.

Oracio.

DEus fidelium pater summe qui in toto orbeterrarum promissionis tue filios diffusa adopcione multiplicas et per gratiam sancti spiritus abraham puerum tuum uniuersarum sicut iurasti gencium efficis patrem da populis tuis digne ad gratiam tue uocationis intrare. Per dominum. In unitate eiusdem.

Leccio libri exodi.

Mense tercio egressionis filiorum israel de terra egypti. in die hac uenerunt in solitudinem synai. Nam profecti de raphidim et peruenientes usque in desertum synai: castra metati sunt in eodem loco. Ibiue israel fixit tentoria e regione montis. moyses autem ascendit ad deum. Uocauitque eum dominus de monte et ait. Hec dices domui iacob: et annunciables filiis israel. Uos ipsi uidistis que fecerim egypciis. et quomodo portauerim uos super alas aquilarum assumpserimque michi. Si ergo audieritis uocem meam. et custodieritis pactum meum. eritis michi in peculium de cunctis populis. Mea est enim omnis terra. et uos eritis michi in regnum sacerdotale: et gens sancta. Hec sunt uerba que

loqueris ad filios/ israel. [fo. 109. Uenit moyses et conuocatis maioribus natu populi exposuit omnes sermones quos mandauerat dominus. Responditque uniuersus populus simul. Cuncta que locutus est dominus faciemus. Cumque retulisset moyses uerba populi ad dominum: ait ei dominus. Iam nunc ueniam ad te in caligine nubis: ut audiat me populus loquentem.

Tractus.

ATtende celum. *Require in uigilia pasche.*

Oracio.

OMnipotens sempiterne deus qui paschale sacramentum quinquaginta dierum uoluisti misterio contineri: presta ut gencium facta dispersio diuisione linguarum. ad unam confessionem tui nominis celesti munere congregetur. Per dominum.

Leccio libri exodi.

Nunciauit moyses uerba populi ad dominum: qui dixit ei. Uade ad populum: et sanctifica eos hodie. et cras laucent uestimenta sua. et sint parati in diem tercium. Die enim tercio descendet dominus coram omni populo super montem synai. Constituesque terminos populo per circuitum. et dices. Cauete ne ascendatis in montem: nec tangatis fines illius. Omnis qui tetigerit montem: morte morietur. Manus non tangent eum. sed lapidibus opprimetur aut confodietur iaculis. Siue iumentum fuerit siue

homo : non uiuet. Cum ceperit clangere buccina tunc ascendant in montem. Descenditque moyses de monte ad populum : et sanctificauit eum. Cumque lauissent uestimenta sua : ait ad eos. Estote parati in diem tercium : nec appropinquetis uxoribus uestris. Iam aduenerat dies tercius. et mane inclarauerat. et ecce ceperunt audiri tonitrua. ac micare fulgura. et nubes densissima operire montem. clangorque buccine uehemencius perstrepebat. Timuitque populus qui erat in castris. Cumque eduxisset eos moyses in occursum dei de loco castrorum. steterunt ad radices montis. Totus autem mons synai fumabat eo quod descendisset dominus super eum in igne. et ascenderet fumus ex eo quasi de fornace. Eratque mons omnis terribilis. et sonitus buccine paulatim crescebat in maius. et prolixius tendebatur. Moyses/loquebatur : et [fo. 109. b. dominus respondebat ei. Descenditque dominus super montem synai in ipso montis uertice : et uocauit moysen in cacumen eius. Quo cum ascendisset : dixit ad eum. Descende. et contestare populum. neforte uelit transire terminos ad uidendum dominum et pereat ex eis plurima multitudo. Sacerdotes quoque qui accedunt ad dominum sanctificentur : ne percuciam. Cunctus autem populus audiebat uoces. et uidebat lampades : et sonitum buccine. montemque fumantem. et perterriti ac pauore concussi steterunt procul : dicentes moysi. Loquere tu nobis : et audiemus.

Non loquatur nobis dominus : neforte moriamur. Et ait moyses ad populum. Nolite timere. Ut enim probaret uos uenit deus. et ut terror illius esset in uobis. et non peccaretis.

Oracio.

DEus qui nos ad celebrandum presentem festiuitatem utriusque testamenti paginis instruis da nobis intelligere misericordiam tuam : ut ex perceptione presencium munerum firma sit expectatio futurorum.

Leccio.

Apprehendent septem mulieres. *R.* Uinea facta est dilecto. *ut supra in uigilia pasche.*

Oracio.

DEus qui nobis per prophetarum ora precepisti temporalia relinquere. atque ad eterna festinare : da famulis tuis. ut que a te iussa cognouimus implere celesti inspiratione ualeamus. Per dominum.

Leccio ysaie prophete.

Hec est hereditas seruorum domini et iusticia eorum apud me dicit dominus. Omnes sicientes uenite ad aquas : et qui non habetis argentum properate emite et comedite. Uenite emite absque argento. et absque ulla commutatione uinum et lac. Quare appenditis argentum non in panibus et laborem uestrum non in saturitate ? Audite audientes me et comedite bonum : et delectabitur in crassitudine anima uestra. Inclinate aurem uestram et uenite ad me : audite et uiuet anima uestra.

Et feriam uobiscum pactum sempiternum : misericordias dauid fidelis.¹ Ecce testem populis dedi eum. ducem et preceptorem gentibus. Ecce gentem quam nesciebas uocabis : et gentes que non cognouerunt te ad te current propter dominum deum tuum et sanctum israel quia glorificauit te. [fo. 110. Querite dominum dum inueniri potest : inuocate eum dum prope est. Derelinquat impius uiam suam et uir iniquus cogitationes suas et reuertatur ad dominum et miserebitur eius et ad deum nostrum quoniam multus est ad ignoscendum. Non enim cogitationes mee cogitationes uestre neque uie uestre uie mee dicit dominus. Quia sicut exaltantur celi a terra. sic exaltate sunt uie mee a uiis uestris et cogitationes mee a cogitationibus uestris. Et quomodo descendit ymber et nix de celo. et illuc ultra non reuertitur : sed inebriat terram. et infundit eam. et germinare eam facit. et dat semen seminanti et panem comedenti. sic erit uerbum meum quod egredietur de ore meo. Dicit dominus : omnipotens.

Oracio.

DEus qui ecclesiam tuam semper per gencium uocatione multiplicas : concede propicius. ut quos aqua baptismatis abluis. continua proteccione tuearis. Per.

Tractus.

Sicut ceruus. *Require in uigilia pasche.*

¹ Sic.*Oracio.*

CONcede quesumus omnipotens deus : ut qui sollempnitatem doni spiritus sancti colimus celestibus desideriis accensi : fontem uite siciamus dominum nostrum. In unitate eiusdem.

Finita oracione. incipiatur missa in hunc modum.

KYrieleyson iii. Christeleyson iii. Kyrieleyson iii. Gloria in excelsis. Dominus uobiscum. Et cum.

Oracio.

PRESTA quesumus omnipotens deus : ut claritatis tue super nos splendor effulgeat. et lux tue lucis corda eorum qui per gratiam tuam renati sunt. sancti spiritus illustracione confirmet. Per dominum. In unitate eiusdem.

Leccio actuum apostolorum.

IN diebus illis : Factum est cum apollo esset corinthy : et paulus peragratis superioribus partibus ueniret ephesum : et inueniret quosdam discipulos. Dixitque ad eos : Si spiritum sanctum accepistis credentes ? At illi dixerunt ad eum. Sed neque si spiritus sanctus est audiuius. Ille uero ait. In quo ergo baptizati estis ? Qui dixerunt. In Iohannis baptismo. Dixit autem paulus. Iohannes baptizauit baptismos penitencie populum : dicens in eum qui uenturus esset post ipsum ut crederent : hoc est in ihesum. Hiis auditis : bapti-

zati sunt in nomine domini ihesu. Et cum imposuisset illis manus/ paulus : uenit [fo. 110. b. spiritus sanctus super eos et loquebantur linguis et propheta-
bant. Erant autem omnes uiri : fere duodecim. Introgressus autem paulus synagogam cum fiducia : loquebatur per tres menses disputans et suadens : de regno dei.

Alleluya. *V. Confitemini.*

Tractus.

Laudate dominum. *Require in uigilia pasche.*

Secundum Iohannem.

IN illo tempore : Dixit ihesus discipulis suis. Si diligitis me : mandata mea seruate. Et ego rogabo patrem et alium paraclitum dabit uobis ut maneat uobiscum in eternum spiritum ueritatis quem mundus non potest accipere : quia non uidet eum nec scit eum. Uos autem cognoscetis eum : quia apud uos manebit et in uobis erit. Non relinquam uos orphanos : ueniam ad uos. Adhuc modicum : et mundus me iam non uidet. Uos autem uidebitis me : quia ego uiuo et uos uiuetis. In illo die uos cognoscetis quia ego sum in patre meo : et uos in me. et ego in uobis. Qui habet mandata mea. et seruat ea : ille est qui diligit me : Qui autem diligit me : diligetur a patre meo. Et ego diligam eum : et manifestabo ei meipsum.

Offertorium.

EMitte spiritum tuum et creabuntur et renouabis faciem terre. sit gloria domini in secula alleluya.

Secretum.

Hostias populi tui quesumus domine miseratus intende. et ut tibi reddantur accepte. consciencias nostras sancti spiritus salutaris emundet aduentus. Per dominum. In unitate eiusdem.

Infra canonem.

Communicantes et diem sacratissimum pentecostes preuenientes quo spiritus apostolos plebemque credencium presencia sue magestatis impleuit. Sed et memoriam uenerantes.

HAnc igitur oblacionem seruitutis nostre. sed et cuncte familie tue quam tibi offerimus. pro hiis quoque quos regenerare dignatus es ex aqua et spiritu sancto tribuens eis remissionem omnium peccatorum. Quesumus domine.

Communio.

Ultimo. festiuitatis die dicebat ihesus qui in me credit flumina de uentre eius fluent aque uiue hoc autem dixit de spiritu quem accepturi erant credentes in eum. alleluya alleluya.

Postcommunio.

PResta quesumus omnipotens deus. ut spiritus sanctus adueniens. magestatem nobis filii tui manifestando clarificet. Per eundem dominum nostrum. ihesum christum filium tuum. Qui tecum. In unitate eiusdem.

*In die pentecostes.**Officium.* [fo. III.

Spiritus domini repleuit orbem terrarum alleluya et hoc quod continet omnia scienciam habet uocis alleluya. alleluya alleluya. *Ps.* Omnium est enim artifex omnem habens uirtutem omnia prospiciens. *Ps.* Exurgat deus et dissipentur inimici eius. et fugiant.

Oratio.

Deus qui hodierna die corda fidelium sancti spiritus illustratione docuisti: da nobis in eodem spiritu recta sapere. et de eius semper consolacione gaudere. Per dominum. In unitate eiusdem.

Leccio actuum apostolorum.

IN diebus illis: Dum complerentur dies pentecostes: erant omnes discipuli pariter in eodem loco. Et factus est repente de celo sonus tanquam aduenientis spiritus uehementis: et repleuit totam domum ubi erant sedentes. Et apparuerunt illis dispartite lingue tanquam ignis: seditque supra singulos eorum. Et repleti sunt omnes spiritu sancto: et ceperunt loqui uariis linguis prout spiritus sanctus dabat eloqui illis. Erant autem in iherusalem habitantes iudei uiri religiosi ex omni natione que sub celo est. Facta autem hac uoce: conuenit multitudo. et mente confusa est. quoniam audiebat unusquisque lingua sua illos loquentes. Stupebant autem omnes: et mirabantur dicentes. Nonne ecce omnes isti qui loquuntur galilei sunt? Et quomodo nos audiuius unus-

quisque linguam nostram in qua nati sumus? Parthy. et medi. et elamite. et qui habitant mesopotamiam. iudeam. et capadociam. pontum. et asyam. frigiam et pamphiliam. egyptum. et partes libie. que est circa cyrenen. et aduene romani. iudei quoque et proseliti. cretes et arabes. Audiuius eos loquentes nostris linguis: magnalia dei.

Alleluya. *Ps.* Emitte spiritum tuum. et creabuntur et renouabis faciem terre. Alleluya. *Ps.* Ueni sancte spiritus reple tuorum corda fidelium et tui amoris in eis ignem accende. Alleluya. *Ps.* Paraclitus spiritus sanctus quem mittet pater in nomine meo ille nos docebit omnem ueritatem.

Sequencia.

Sancti spiritus assit nobis gracia. Que corda nostra sibi faciat habitacula. Expulsis inde cunctis uiciis spiritalibus. Spiritus alme illustrator hominum. [fo. III. b. Horridas nostre mentis purga tenebras. Amator sancte sensatorum semper cogitatum. Infunde unccionem tuam clemens nostris sensibus. Tu purificator omnium flagiciorum spiritus. Purifica nostri oculum interioris hominis. Ut uideri suppressus genitor possit a nobis. Mundi corde quem soli cernere possunt oculi. Prophetas tu inspirasti. ut preconia christi precinuissent inclita. Apostolos confortasti ut tropheum christi per totum mundum ueherent. Quando machinam per uerbum suum fecit deus celi terre marium. Tu super aquas foturus eas numen tuum expandisti spiritus. Tu animabus uiuificandis aquas fecundas. Tu aspirando das spiritalis esse homines. Tu diuism per linguas mundum et ritus adunasti domine.

Ydolatras ad cultum dei reuocas magistrorum optime. Ergo nos supplicantes tibi exaudi propicius sancte spiritus. Sine quo preces omnes casse creduntur et indigne dei auribus. Tu qui omnium seculorum sanctos. Tui numinis docuisti instinctu amplectendo spiritus. Ipse hodie apostolos christi. Donans munere insolito. et cunctis inaudito seculis. Hunc diem gloriosum fecisti.

Secundum Iohannem.

IN illo tempore: Dixit ihesus discipulis suis. Siquis diligit me: sermonem meum seruabit. Et pater meus diligit eum. et ad eum ueniemus et mansionem apud¹ eum faciemus. Qui non diligit me: sermones meos non seruat. Et sermonem quem audistis non est meus: sed eius qui misit me patris. Hec locutus sum uobis: apud uos manens. Paraclitus autem spiritus sanctus quem mittet pater in nomine meo: ille uos docebit omnia et suggeret uobis omnia quecumque dixero uobis. Pacem relinquo uobis: pacem meam do uobis. Non quomodo mundus dat: ego do uobis. Non turbetur cor uestrum: neque formidet. Audistis quia ego dixi uobis: Uado et uenio ad uos. Si diligeretis me gauderetis utique quia uado ad patrem: quia pater maior me est. Et nunc dixi uobis priusquam fiat: ut cum factum fuerit credatis. Iam non multa loquar uobiscum. Uenit enim princeps mundi huius: et in me non habet quicquam. Sed ut cognoscat mundus quia diligo

¹ These two lines written in a different hand over erasure.

patrem: et sicut mandatum dedit michi pater: sic facio.

Offertorium.

Confirma hoc deus quod operatus es in nobis a templo tuo quod est in iherusalem tibi offerent reges munera alleluya.

Secretum.

Munera quesumus domine oblata sanctifica: et corda nostra sancti spiritus/ [fo. 112. illustracione emunda. Per dominum. In unitate eiusdem.

Prefacio.

Qui ascendens super omnes celos.

Infra canonem.

Communicantes et diem sacratissimum pentecostes celebrantes. quo spiritus sanctus apostolis in innumeris linguis apparuit. sed et memoriam. Hanc igitur *sicut in uigilia.*

Communio.

Factus est repente de celo sonus aduenientis spiritus uehementis ubi erant sedentes alleluya. et repleti sunt omnes spiritu sancto loquentes magnalia dei alleluya alleluya.

Postcommunio.

Sancti spiritus domine corda nostra mundet infusio. et sui roris intima aspersione fecundet. Per dominum. In unitate eiusdem.

Feria ii. officium.

Cibauit eos ex adipe frumenti alleluya. et de petra melle saturauit eos alleluya. alleluya. alleluya. *Ps.* Exultate deo adiutori. Gloria.

DEus qui apostolis tuis sanctum dedisti spiritum: concede plebi tue pie petitionis effectum. ut quibus dedisti fidem. largiaris et pacem. Qui uiuis et regnas cum deo patre. In unitate eiusdem.

Leccio actuum apostolorum.

IN diebus illis: Aperiens petrus os suum: dixit. Uiri fratres: nobis precepit dominus predicare populo et testificari. quia ipse est qui constitutus est a deo iudex uiuorum et mortuorum. Huic omnes prophete testimonium perhibent remissionem peccatorum accipere per nomen eius omnes qui credunt in eum. Adhuc loquente petro uerba hec: cecidit spiritus sanctus super omnes qui audiebant uerbum. Et obstupuerunt omnes ex circumcisione fideles qui uenerant cum petro: quia et in nationes gracia spiritus sancti effusa est. Audiebant enim illos loquentes linguis: et magnificantes deum. Tunc respondit petrus. Numquid! aquam quis prohibere potest ut non baptizarentur hii qui spiritum sanctum acceperunt sicut et nos? Et iussit eos baptizari: in nomine domini nostri ihesu christi.

Alleluya. *℣.* Spiritus sanctus docebit uos quecumque dixero uobis. Alleluya. *℣.* Non uos relinquam orphanos uado et uenio ad uos. et gaudebit cor uestrum.

Sequencia.

Eya musa. Alleluya. Dic queso preclara chorea. Blandificaue libens perstrepe organa. Et

modulans tibia resultat plectro laudum leta carmina. Nostraque ceterua huius diei euprepia. Paracleti carisma hac die alumpnos christi ditat. Facto repente sono. linguis dei fantur magnalia. Uesano plena ructu perfidia. Musto alumpnos madere putat. Spiritus gracia ardentis/ quos reddit [fo. 112. b. feruida. Anastasi peracta quinquagena. Misticus penetrauit spiritus. Pectorum intima oppido reddens flammancia. Mox egressi omnes una. Tetra peragrant arua. Diffundentes uerbi semina. Mistica patrant essigna. Superno rore noua. Bibula madidant intima. Ecce christe nunc caterua tua. In hac aula decantat carmina. Ut celesti permixta agmini. Indiscrete dicat noua tibi promens cantica. Sit perhennis domino gloria. Decus honor potestas per secula. Qui tribuit spiritus gratiam. Omnibus per arua qui sequuntur eius monita. Poscimus omnes tua supplices magnalia. Ut sanctus nostra spiritus emundans intima. Illustret dare¹ sophia alleluya.

Secundum Iohannem.

IN illo tempore: Dixit ihesus discipulis suis. Sic deus dilexit mundum: ut filium suum unigenitum daret. Ut omnis qui credit in ipsum non pereat: sed habeat uitam eternam. Non enim misit deus filium suum in mundum ut iudicet mundum: sed ut saluetur mundus per ipsum. Qui credit in eum: non iudicatur. Qui autem non credit iam iudicatus est: quia non credit in nomine unigeniti filii dei. Hoc est autem iudicium quia lux uenit in mun-

¹ Sic for clare.

dum: et dilexerunt homines magis tenebras quam lucem. Erant enim illorum mala opera. Omnis enim qui male agit: odit lucem. Et non uenit ad lucem: ut non arguantur opera eius. Qui autem facit ueritatem uenit ad lucem: ut manifestentur opera eius: quia in deo facta sunt.

Offertorium.

INtonuit de celo dominus et altissimus dedit uocem suam. et apparuerunt fontes aquarum alleluya.

Secretum.

PRESTA domine quesumus ut secundum promissionem filii tui domini nostri ihesu christi sanctus¹ sanctus et huius nobis sacrificii copiosius reuelet archanum. et omnem reseret propicius ueritatem. Per. In unitate eiusdem.

Prefacio.

Qui ascendens.

Infra canonem.

Communicantes et diem.

Communio.

Spiritus sanctus docebit uos alleluya quecumque dixero uobis alleluya alleluya.

Postcommunio.

PLENUM in nobis domine quesumus remedium nostre redemptionis operare. ut habitatione spiritus sancti digni effici ualeamus. Per dominum. In unitate eiusdem.

¹ Sic for *spiritus*.

Feria iii. officium.

ACCIPITE iocunditatem glorie uestre gracias agentes deo alleluya/ qui uos ad celestia [fo. 113. regna uocauit alleluya. alleluya alleluya. Ps. Attendite popule. Gloria.

Oracio.

ASSIT nobis quesumus domine uirtus spiritus sancti: que et corda nostra clementer expurget. et ab omnibus tueatur aduersis. Per dominum. In unitate eiusdem.

Leccio actuum apostolorum.

IN diebus illis: Cum audissent apostoli qui erant iherosolimis quia recepit samaria uerbum dei: miserunt ad eos petrum et iohannem. Qui cum uenissent: orauerunt pro ipsis ut acciperent spiritum sanctum. Nondum enim in quemquam illorum uenerat: sed baptizati tantum erant in nomine domini nostri ihesu christi. Tunc imponebant manus super illos: et accipiebant spiritum sanctum.

ALleluya. *Ps.* Spiritus qui a patre procedit ille me clarificabit. Alleluya. *Ps.* Factus est repente de celo sonus aduenientis spiritus uehementis.

Sequencia.

ALMA chorus domini nunc pangat nomina summi. Alleluya. Messyas sother emmanuel. sabaoth adonai. Est unigenitus uia uita manus homousyon. Principium primogenitus sapiencia uirtus. Alpha capud finisque simul uocitatur et est oo. Fons et origo boni paraclitus ac mediator. Agnus ouis uitulus serpens aries leo uermis. Os uerbum splendor. sol gloria. lux

et ymago. Panis flos, uitis mons
ianua petra lapisque. Angelus et
sponsus pastorque propheta sacer-
dos. Athanathos. kyros. theos. pan-
ton craton et ysus. Saluificet nos
sit cui secla per omnia doxa.

Secundum Iohannem.

IN illo tempore: Dixit ihesus
discipulis suis. Amen amen
dico uobis. qui non intrat per
ostium in ouile ouium sed ascen-
dit aliunde: ille fur est et latro.
Qui autem intrat per ostium:
pastor est ouium. Huic osti-
arius aperit: et oues uocem eius
audiunt. Et proprias oues
uocat nominatim: et educit eas.
Et cum proprias oues emi-
serit: ante eas uadit. Et oues
illum secuntur: quia sciunt
uocem eius. Alienum autem non
sequuntur sed fugiunt ab eo:
quia non nouerunt uocem alien-
orum. Hoc prouerbium: dixit
eis ihesus. Illi autem non cog-
nouerunt: quid loqueretur eis.
Dixit ergo eis ihesus. Amen
amen dico uobis: quia ego sum
ostium ouium. Omnes quotquot
uenerunt fures sunt et latrones:
sed non audierunt eos oues.
Ego sum ostium ouium. Per
me si quis introierit/ [fo. 113. b.
saluabitur: et ingredietur. et
egredietur: et pascua inueniet.
Fur non uenit nisi ut furetur: et
mactet et perdat. Ego ueni ut
uitam habeant: et habundancius
habeant.

Offertorium.

PORTAS celi aperuit dominus et
pluit illis manna ut ederent
panem celi dedit eis panem angelo-
rum manducauit homo alleluya.

Secretum.

DEscendat domine super hoc
spiritus sanctus altare.
qui et dona populi tui sanctificet:
et sumencium corda placatus
emundet. Per dominum. In
unitate eiusdem.

Prefacio.

QUI ascendens.

Infra canonem.

Communicantes. Hanc igitur.

Communio.

Spiritus qui a patre procedit alle-
luya. ille me clarificabit alle-
luya alleluya.

Postcommunio.

Mentes nostras quesumus
domine spiritus sanctus
diuinis reparet sacramentis. quia
ipse est remissio omnium pecca-
torum. Per dominum. In uni-
tate eiusdem.

Feria iv. de sollempnitate officium.

Spiritus domini.

Oracio.

Mentes nostras quesumus
domine paraclitus qui a
te procedit illuminet: et inducat
in omnem sicut tuus promisit
filius ueritatem. Qui tecum.

Leccio actuum apostolorum.

IN diebus illis: Stans petrus
cum undecim: eleuauit
uocem suam et locutus est eis.
Uiri iudei et qui habitatis iheru-
salem uniuersi: hoc uobis notum
sit et auribus percipite uerba
mea. Non enim sicut uos esti-

matris hii ebrii sunt cum sit hora diei tertia. Sed hoc est quod dictum est per prophetam iohel. Et erit. In nouissimis diebus dicit dominus effundam de spiritu meo super omnem carnem: et prophetabunt filii uestri, et filie uestre, et iuuenes uestri uisiones uidebunt: et seniores uestri sompnia sompniant. Et quidem super seruos meos et ancillas meas in diebus illis effundam de spiritu meo et prophetabunt. Et dabo prodigia in celo sursum: et signa in terra deorsum, sanguinem et ignem, et uaporem fumi. Sol conuertetur in tenebras et luna in sanguinem: antequam ueniat dies domini magnus et manifestus. Et erit. Omnis quicumque inuocauerit nomen domini: saluus erit.

Alleluya. *Ps.* Spiritus paraclitus docebit uos omnia. Alleluya. *Ps.* Loquebantur uariis linguis apostoli magnalia dei.

Sequencia.

Almiphona iam gaudia. Alleluya. Celi rutilant per climata. Elo/giantur cuncti bona. [fo. 114. Pneumatis afflata sacri flamma. Replentur hodie quispiorum a fabre corda pura. Renouantur namque festa illa. Typicalia dudum in syna moysi consignata. O beata et uera gaudia. Homo cum celsa petit deus et yma. In ignis forma. Pacem namque hodie in ueram. Sunt copulata duo animalia. Superna. yma. Theologareumata concrepet utriusque dyapason uera. Cherubyn etherea seraphyn atque cuncta ignea caterua. Tuba iubilea tympanizent rupta uincula. Prius terrigenam detinebant que nexam dragmam.

Nunc uos michael satrapa gabriel uera polixe dans nuncia. Hos terrigenas uernulas ferte in uestras pollicas officinas. Nunc ergo cuncta superna iuncta phalanga benedicat sanctum pneuma. Uoce sonora. Eius et munere compta testula rubra redimpendat uera symbola. En armonica. Esse ultima uel particula ut mereamur eius in aula. Amen omnia subiungant pium mente pura iam nunc redempta. Rite canendo alleluya.

Secundum Iohannem.

In illo tempore: Dixit ihesus turbis iudeorum. Nemo potest uenire ad me: nisi pater meus qui misit me traxerit eum. Et ego resuscitabo eum: in nouissimo die. Est scriptum in prophetis. Et erunt omnes docibiles dei. Omnis enim qui audiuit a patre et didicit: uenit ad me. Non quia uidit patrem quisquam: nisi is qui est a deo, hic uidit patrem. Amen amen dico uobis: qui credit in me habet uitam eternam. Ego sum panis uite. Patres uestri manducauerunt manna in deserto: et mortui sunt. Hic est panis de celo descendens: ut siquis ex ipso manducauerit non moriatur. Ego sum panis uiuus qui de celo descendi. Siquis manducauerit ex hoc pane: uiuet in eternum. Et panis quem ego dabo caro mea est: pro mundi uita.

Offertorium.

Confirma hoc.

Secretum.

Oblata tibi domine deus munerera spiritus sanctus sanctificet: et eorum nos participatio

ab omnium peccatorum contagione custodiat. Per dominum. In unitate eiusdem.

Prefacio.

Qui ascendens.

Communio.

Factus est.

Postcommunio.

Per huius domine uirtutem misterii tue nos claritatis perpetuus splendor illustret. et cum consubstantiali tibi filio spiritus sanctus illuminet. Per dominum. In unitate eiusdem.

Eodem die de/ ieiunio [fo. 114. b. officium.

Deus dum egredereris coram populo tuo alleluya iter faciens eis alleluya. habitans in illis alleluya alleluya. *Ps.* Exurgat deus. Gloria patri.

Oracio.

Omnipotens et misericors apta nos tue propicius uoluntati: quo sicut eius pretereuntes tramitem deuiamus. sic integro tenore dirigamur ad illius semper ordinem recurrentes. Per.

Leccio libri sapientie.

In diebus illis. Dixit salamon filiis israel. Diligite iusticiam: qui iudicatis terram. Sentite de domino in bonitate: et in simplicitate cordis querite illum. Quoniam inuenitur ab hiis qui non temptant illum: apparet autem eis qui fidem habent in illum. Peruerse enim cogitationes sperant a deo:

probata autem uirtus corripit insipientes. Quoniam in malivolam animam non introibit sapientia: nec habitabit in corpore subdito peccatis. Sanctus enim spiritus discipline effugiet fictum: et auferet se a cogitationibus que sunt sine intellectu. et corripitur a superueniente iniquitate. Benignus est enim spiritus sapientie: et non liberabit maledictum a labiis suis. Quoniam renum illius testis est deus: et cordis eius scrutator est uerus. et lingue eius auditor. Quoniam spiritus domini repleuit orbem terrarum: et hoc quod continet omnia scienciam habet uocis.

Alleluya. *℣.* Emitte spiritum.

Oracio.

DA nobis mentem domine que tibi sit placita: quia talibus iugiter quicquid est prosperum iugiter ministrabis. Per dominum.

Leccio ysaie prophete.

Hec dicit dominus deus. Audi iacob serue meus: et israel quem elegi. Faciens et formans te ab utero: auxiliator tuus. Quia ego sum qui deleo iniquitates tuas propter me. et peccatorum tuorum non recordabor. Reduc me in memoriam ut iudicemur simul. Narra siquid habes: ut iustificeris. Noli timere serue meus iacob. et rectissime quem elegi. Effundam enim aquas super sicientem. et fluenta super arridam. Effundam de spiritu meo super semen tuum: et benedictionem meam

super generationem tuam. Dicit dominus : omnipotens.

Alleluya. *Ÿ.* Spiritus domini repleuit orbem terrarum et hoc quod continet omnia scienciam habet uocis.

Secundum matheum.¹

IN illo tempore : Accesserunt discipuli/ ad ihesum [fo. 115. dicentes. Dimitte turbas : ut euntes in castella. uillasque que circa sunt diuertant. et inueniant escas qui² hic in loco deserto sumus. Ait autem ad illos. Uos date illis manducare. At illi dixerunt. Non sunt nobis nisi quinque panes et duos pisces nisi forte nos eamus et emamus in omnem hanc turbam escas. Erant autem uiri : fere quinque milia. Ait autem : ad discipulos suos. Facite homines discumbere per conuiuia : quinquagenos. Et ita fecerunt. Et discubuerunt omnes. Acceptis autem ihesus quinque panibus et duobus piscibus : respexit in celum. et benedixit eos. et fregit et distribuit discipulis suis : ut ponerent ante turbas. Et manducauerunt omnes : et saturati sunt.

Offertorium.

LAuda anima mea dominum. laudabo dominum in uita mea psallam deo meo quoniam diu ero alleluya.

Secretum.

Sollemnibus ieiuniis expiatis tuo nos quesumus domine. misterio congruentes. hoc sacro munere effice. quia tanto nobis

¹ Sic for *Lucam*.

² Sic.

salubrius aderit : quanto id deuocius sumpsimus. Per dominum.

Communio.

PAcem meam do uobis alleluya. pacem relinquo uobis alleluya alleluya.

Postcommunio.

PURifica domine diuinis sacramentis tuorum corda fidelium : ut a terrena cupiditate mundati. et presentis uite periculis exuantur. et perpetuis donis firmentur. Per.

Feria v. officium.

Spiritus domini. *Ps.* Omnium est enim.

Oratio.

PResta quesumus omnipotens et misericors deus : ut spiritus sanctus adueniens. templum nos glorie sue dignanter inhabitando perficiat. Per dominum. In unitate eiusdem.

Leccio actuum apostolorum.

IN diebus illis. Philippus descendens in ciuitatem samariam : predicauit illis ihesum. Intendebant autem turbe hiis que a philippo dicebantur : unanimiter audientes et uidentes signa que faciebat. Multi enim eorum qui habebant spiritus inmundos : clamantes uoce magna exibant. Multi autem paralitici et claudi : curati sunt. Factum est ergo gaudium magnum : in illa ciuitate.

Alleluya. *Ÿ.* Emitte spiritum. Alleluya. *Ÿ.* Ueni sancte spiritus.

Sequencia.

CHriste saluator ihesu hel alpha
et oo eya. Alleluya. Eloym
eloe adonay sabaothia. Saday robustus
kyros. elon fortis uita. Tetra-
gramaton. iot. he. uau. het. deus
dominus uia. Sol. eye. heser.
messyas qui es sother ueritas. Unc-
tus homo usyon excelsus ymago
ma/gister figura. [fo. 115. b.
Mediator brachium os uerbum sa-
cerdos manus flos propheta. Primo-
genitus inuisibilis principium mons
lapis aries aquila. Ominauel.¹
agnus. ouis. hedus. uitulus leo ser-
pens fundamentum petra. Panis.
caro. uitis. ostium sapientia. Lux.
splender. finis. oriens. fons. ianua.
uermis. Incorruptibilis eternus in-
mortalis incommutabilis gloria. In-
passibilis summus bonus. unigenitus
uirtus oriens trinitas. Imploramus
supplices humiles ab uniuersis ma-
gestatem tuam maximam. Insiidiis
defende zabuli nos que custodi ut
semper tua preconia. Deferentes
digne que exultantes laudibus poli
excelsa. Conscondere gaudere
gaudere¹ inter sanctorum ciuium ibi
agmina. Claritate iocunda perfrui
mereamurque in gloria. Gratulan-
tur te deum cernentes adoramusque
in gloria. Laus tibi honor atque
uirtus sit per infinita amen secla.

Secundum lucam.

IN illo tempore: Conuocatis
ihesu duodecim apostolis
dedit illis uirtutem et potestatem
super omnia demonia: et ut
linguores curarent. Et misit
illos predicare regnum dei: et
sanare infirmos. Et ait ad illos.
Nichil tuleritis in uia: neque uir-
gam. neque peram. neque panem.
neque pecuniam. neque duas
tunicas habeatis. Et in quam-

¹ Sic.

cumque domum intraueritis: ibi
manete. et inde ne exeatis. Et
quicumque non receperint uos:
exeuntes de ciuitate illa. etiam
pulerem pedum uestrorum ex-
cutite in testimonium supra illos.
Egressi autem circuibant per
castella: euangelizantes. et cur-
antes ubique.

Offertorium.

EMitte spiritum.

Secretum.

Uirtute spiritus sancti dom-
ine munera nostra con-
tinge. et quod sollempnitate
presenti tuo nomini dedicauit.
et intelligibile nobis faciat et
eternum. Per dominum. In
unitate eiusdem.

Communio.

Factus est.

Postcommunio.

Sacris celestibus domine oper-
ante spiritu sancto uicia
nostra purgentur: ut muneribus
tuis semper possimus aptari.
Per dominum. In unitate eius-
dem.

*Feria vi. de sollempnitate.
officium.*

Spiritus domini.

Oracio.

DA quesumus ecclesie tue
misericors deus: ut spiritu
sancto congregata hostili null-
atenus incursione turbetur. Per
dominum. In unitate eiusdem.

Leccio actuum apostolorum.

IN diebus illis : Aperiens petrus os suum : dixit. Uiri israelite : audite uerba hec. Ihesum nazarenum uirum probatum a deo in uobis uirtutibus et prodigiis et signis. que fecit per illum / deus in medio [fo. 116. uestri sicut uos scitis. Hunc definito consilio et prescincia dei. traditum per manus iniquorum. affligentes interemistis. Quem deus suscitauit solutis doloribus inferni iuxta quod impossibile erat teneri illum ab eo. Daud enim dicit in eum. Prouidebam dominum coram me semper : quoniam a dextris est michi ne commouear. Propter hoc letatum est cor meum. et exultauit lingua mea et caro mea requiescet in spe. Quoniam non derelinques animam meam in inferno : nec dabis sanctum tuum uidere corruptionem. Notas michi fecisti uias. uite replebis me iocunditate cum facie tua.

Alleluya. *℣.* Repleti sunt omnes spiritu sancto. et ceperunt loqui magnalia dei. Alleluya. *℣.* Paraclitus. *Require in die pentecostes.*

Sequencia.

LAudes deo deuota.¹ Alleluya. Dulci uoce ac sonora. Plebs decantet catholica. Spiritus sancti gracia. Apostolis die hodierna In igneis linguis est infusa. Paracleti presencia. Emundet nos² peccati macula. Pura sibi aptans habitacula. Karismatum et munera. Pectoribus nostris pius infundat. Uita nostra sibi ut complaceat. Per

¹ Sic.² 2 added in margin.

seculorum secula. Conclamemus alleluya. Sit deo laus potestas honor uirtus et gloria.

Lucam.

IN illo tempore : Factum est in una dierum : et ihesus sedebat docens. Et erant pharisei sedentes. et legis doctores qui uenerant ex omni castello galilee et iudee et iherusalem : et uirtus erat domini ad sanandum eos. Et ecce uiri portantes in lecto hominem qui erat paraliticus. et querebant eum inferre. et ponere ante eum. Et non inuenientes qua parte illum inferrent pre turba : ascenderunt super tectum. et per tegulas submiserunt illum cum lecto in medium ante ihesum. Quorum fidem ut uidit : dixit. Homo remittuntur tibi peccata. Et ceperunt cogitare scribe et pharisei dicentes. Quis est hic qui loquitur blasphemias. Quis potest dimittere peccata nisi solus deus ? Ut cognouit autem ihesus cogitationes eorum : respondens dixit ad illos. Quid cogitatis mala in cordibus uestris : Quid est facilius dicere dimittuntur tibi peccata an dicere surge et ambula ? Ut sciatis autem quia filius hominis habet potestatem in terra dimittendi peccata : ait paralitico. Tibi dico surge : tolle lectum tuum et uade in domum tuam. Et confestim surgens coram illis : tulit lectum in quo [fo. 116. b. iacebat et abiit in domum suam magnificans deum. Et stupor apprehendit omnes : et magnificabant deum. Et repleti sunt timore. dicentes : quia uidimus mirabilia hodie.

Offertorium.

Confirma hoc deus.

Secretum.

Sacrificia domine tuis oblata
 conspectibus ille ignis diui-
 nus absumat. qui discipulorum
 christi tui per spiritum sanctum
 corda succendit. Per dominum.
 In unitate eiusdem.

Communio.

Factus est repente.

Postcommunio.

Concede quesumus omnipoten-
 tens deus ut huius percep-
 cione sacramenti ita uicia fragili-
 tatis nostre purgentur. quatinus
 per spiritum sanctum repro-
 missum in nobis donum tue
 gratie senciamus. Per dominum.
 In unitate eiusdem.

Eodem die de ieiunio officium.

Repleatur os meum laude alle-
 luya. ut possim cantare alle-
 luya. gaudebunt labia mea dum
 cantauero tibi alleluya. alleluya.
Ps. In te domine speraui non
 confundar in eternum. in iusticia tua
 libera et eripe me.

Oracio.

Tu nobis domine terrenarum
 frugum tribuas ubertatem
 fac mentes nostras celesti fertili-
 tate fecundas. Per.

Leccio Iohelis prophete.

Hec dicit dominus deus.
 Exultate. filie syon et
 letamini in domino deo uestro :
 quia dedit uobis doctorem ius-
 ticie. Et descendere faciet ad
 uos ymbrem matutinum et

serotinum in principio. et im-
 plebuntur horrea uestra fru-
 mento. et redundabunt torcularia
 uino et oleo. Et comedetis ues-
 centes et saturabimini. et lauda-
 bitis nomen dei uestri qui fecit
 uobiscum mirabilia. Et non
 confundetur populus meus in
 sempiternum : et scietis quia in
 medio israel ego sum. Ego
 dominus deus uester. et non est
 amplius. et non confundetur
 populus meus in sempiternum.
 Ait dominus : omnipotens.

Alleluya. *℣.* Spiritus qui a
 patre procedit ille me clarifi-
 cabit.

Secundum lucam.

In illo tempore. Uenit ad
 ihesum uir cui nomen iayrus.
 et ipse princeps synagoge erat.
 Et cecidit ante pedes eius
 rogans eum ut intraret domum
 eius : quia filia unica erat illi
 fere annorum duodecim. et hec
 moriebatur. Et contigit dum
 iret : a turbis comprimebatur.
 Et mulier quedam erat in fluxu
 sanguinis ab annis duodecim que
 in medicos erogauerat omnem
 substanciam suam. nec ab ullo
 potuit curari. Accessit retro : et
 tetigit fimbriam uestimenti eius :
 et confestim stetit fluxus [fo. 117.
 sanguinis eius. Et ait ihesus.
 Quis est qui me tetigit. Neganti-
 bus autem omnibus : dixit petrus
 et qui cum illo erant. Preceptor :
 turbe te comprimunt et affligunt :
 et tu dicis quis me tetigit? Et
 dixit ihesus. Tetigit me aliquis.
 Nam et ego noui uirtutem de
 me exisse. Uidens autem mu-
 lier quia non latuit : uenit tre-
 mens et procidit ante pedes eius

et ob quam causam tetigerit eum indicauit coram omni populo et quemadmodum confestim sanata sit. At ipse dixit illi. Filia: fides tua te saluam fecit: uade in pace. Adhuc illo loquente: uenit quidam ad principem synagoge dicens illi quia mortua est filia tua noli uexare illum. Ihesus autem audito hoc uerbo: ait patri puelle. Noli timere: crede tantum et salua erit. Et cum uenisset ad domum: non permisit intrare secum quemquam nisi Petrum et iacobum et iohannem. et patrem et matrem puelle. Flebant autem omnes. et plangebant eum. At ipse dixit. Nolite flere. Non est enim mortua: sed dormit. Et deridebant eum scientes quia mortua esset. Ipse autem tenens manum eius: clamauit dicens. Puella: tibi dico surge. Et reuersus est spiritus eius: et surrexit continuo. Et iussit illi dari manducare. Et stupuerunt parentes eius. Quibus precepit ne alicui dicerent: quod factum fuerat.

Offertorium.

Benedicite gentes dominum deum uestrum. et obaudite uocem laudis eius qui posuit animam meam ad uitam et non dedit commoueri pedes meos benedictus dominus qui non amouit deprecationem meam. et misericordiam suam a me alleluya.

Secretum.

UT accepta tibi sint domine nostra ieiunia: presta nobis quesumus huius munere sacramenti: purificatum tibi peccatus offerre. Per.

Communio.

Spiritus ubi uult spirat et uocem eius audis alleluya. et nescis unde ueniat aut quo uadat alleluya. alleluya alleluya.

Postcommunio.

Annue quesumus omnipotens deus: ut sacramentorum tuorum gesta recolentes. et temporali securitate releuemur. et erudiamur legalibus institutis. Per.

Sabbato de sollempnitate officium.

Spiritus domini.

Oratio.

Mentibus nostris quesumus domine spiritum sanctum benignus infunde: cuius et sapientia conditi sumus. et prouidencia gubernamus. Per. In unitate eiusdem.

Leccio actuum apostolorum.

IN diebus illis: Conuenit/ uniuersa ciuitas audire [fo. 117. b. uerbum dei. Uidentes autem turbas iudei repleti sunt zelo. et contradicebant hiis que a paulo dicebantur blasphemantes. Tunc constanter paulus et barnabas dixerunt. Uobis oportebat primum loqui uerbum dei. Sed quoniam repulistis illud. et indignos uos iudicastis eterne uite: ecce conuertimur ad gentes. Sic enim precepit nobis dominus. Posui te in lucem gentium: ut sis in salutem usque ad extremum terre. Audientes autem gentes gauise sunt et glorificabant uerbum domini. Et crediderunt quotquot erant preordinati ad uitam eternam. Disseminabatur autem

uerbum domini: in uniuersam regionem. Iudei autem concitauerunt religiosas mulieres et honestas et primos ciuitatis: et excitauerunt persecucionem in paulum et barnaban. et eiecerunt eos de finibus suis. At illi excusso puluere pedum in eos uenerunt yconium. Discipuli autem replebantur gaudio: et spiritu sancto.

Alleluya. *Ÿ.* Caritas dei diffusa est in cordibus nostris per spiritum sanctum qui datus est nobis. Alleluya. *Ÿ.* Ueni sancte spiritus.

Secundum Lucam.

IN illo tempore: Surgens ihesus de synagoga: introiuit in domum symonis. Socrus autem symonis tenebatur magnis febribus. Et rogauerunt illum pro ea. Et stans super illam imperauit feбри: et dimisit illam. Et continuo surgens ministrabat illis. Cum sol autem occidisset: omnes qui habebant infirmos uariis languoribus: ducebant illos ad eum. At ille singulis manus imponens: curabat eos. Exibant autem demonia a multis clamancia et dicencia quia tu es filius dei. Et increpans non sinebat ea loqui: quia sciebant ipsum esse christum. Facta autem die: egressus ibat in desertum locum et turbe requirebant eum. Et uenerunt usque ad ipsum: et detinebant eum ne discederet ab eis. Quibus ille ait. Quia et aliis ciuitatibus oportet me euangelizare: regnum dei.

Offertorium.

EMitte spiritum.

Secretum.

EMitte domine quesumus spiritum sanctum qui et hec munera presencia tuum nobis efficiat sacramentum: et ad hoc percipiendum corda nostra purificet. Per dominum. In unitate eiusdem.

Communio.

Factus est repente.

Postcommunio.

ILlo nos igne quesumus domine spiritus inflammet. quem dominus noster ihesus christus misit in/ terram. et uoluit [fo. 118. uehementer accendi. Qui uiuit. In unitate eiusdem.

Sabbato de ieiunio officium.

Caritas dei diffusa est in cordibus uestris alleluya. per inhabitantem spiritum eius in uobis alleluya. alleluya. *Ps.* Domine deus salutis mee in die clamaui. et nocte coram te.

Oraçio.

PResta quesumus domine famulis tuis. tales que nos concede fieri gracie tue largitate et fiducialiter imploramus et sine difficultate sumamus. Per.

Leccio Iohelis prophete.

HEcdicit dominus deus. Effundam de spiritu meo super omnem carnem: et prophetabunt filii uestri et filie uestre. Senes uestri sompnia sompniabunt: et iuuenes uestri uisiones uidebunt. Sed et super seruos meos. et ancillas meas in diebus illis effundam de spiritu meo et prophetabunt. Et dabo prodigia

in celo sursum : et signa in terra deorsum. sanguinem. et ignem. et uaporem fumi. Sol conuertetur in tenebras et luna in sanguinem : antequam ueniat dies domini magnus et manifestus. Et erit. Omnis quicumque inuocauerit nomen domini : saluus erit.

Alleluia. *℣.* Emitte spiritum tuum et creabuntur et renouabis faciem terre.

Oracio.

DA nobis domine quesumus regnum tuum iusticiamque semper querere : ut quibus indigere nos prospicis. clementer facias abundare. Per.

Leccio libri leuitici.

IN diebus illis : Locutus est dominus ad moysen dicens. Loquere filiis israel : et dices ad eos. Cum ingressi fueritis terram quam ego dabo uobis. et messueritis segetem. feretis manipulos spicarum primicias messis uestre ad sacerdotem. Qui eleuabit fasciculum coram domino ut acceptabilis sit pro uobis altero die sabbati. et sanctificabit illum. Numerabitis ergo ab ipso die in quo optulistis manipulos primiciarum septem ebdomodas plenas usque ad alteram diem explecionis ebdomode septime. et sic offeretis sacrificium nouum domino ex omnibus habitaculis uestris panes primiciarum duos de duabus decimis simile. quos eleuabit sacerdos coram domino. et uocabitis hunc diem celeberrimum atque sanctissimum. Omne opus seruile : non facietis in eo. Legitimum sem-

piternum erit in cunctis habitaculis et generacionibus uestris. Dicit dominus : omnipotens.

Alleluia. *℣.* Spiritus [fo. 118. b.] sanctus docebit uos quecumque dixerō uobis.

Oracio.

DEus qui misericordia tua preuenis eciam non petentes da nobis affectum magistratū tuam iugiter deprecandi ut pietate tua perpetua supplicibus pociora diffundas. Per.

Leccio libri deuteronomii.

IN diebus illis : Dixit moyses filiis israel. Audi israel que ego precipio tibi hodie. Cum intraueris terram quam dominus deus tuus tibi daturus est possidendam. et optinueris eam atque habitaueris in illa. tolles de cunctis frugibus tuis primicias et pones in cartallo pergesque ad locum quem dominus deus tuus elegerit. ut ibi inuocetur nomen eius. Accedensque ad sacerdotem qui fuerit in diebus illis : dices ad eum. Profiteor hodie coram domino deo tuo : quia exaudiuit nos et respexit humilitatem nostram. et laborem atque angustiam. et eduxit nos de egypto in manu forti et brachio extento. in ingenti pauore in signis atque portentis. et introduxit nos ad locum istum et tradidit nobis terram lacte et melle manantem. Et iccirco nunc offero primicias frugum terre quam dominus deus dedit michi. Et dimitte eas in conspectu domini dei tui. et adorato domino deo

tuo epulaberis in omnibus bonis que dominus deus dederit tibi.

[A]lleya. V. Spiritus qui a patre procedit ille me clarificabit.

Oracio.

DEUS qui nos de presentibus adiumentis esse uetusti sollicitos: tribue quesumus: ut pie sectando que tua sunt uniuersa nobis salutaria condonentur. Per.

Leccio libri leuitici.

IN diebus illis: Dixit dominus ad moysen. Si in preceptis meis ambulaueritis et mandata mea custodieritis. et feceritis ea. dabo uobis pluuiam temporibus suis. et terra gignet germen suum. et pomis arbores replebuntur. Apprehendet messium tritura uindemiam. et uindemia occupabit sementem. Et comedetis panem uestrum in saturitate: et absque pauore habitabitis in terra uestra. Dabo pacem in finibus uestris. Dormietis: et non erit qui exterreat. Auferam malas bestias a uobis. et gladius non transibit terminos uestros. Persequemini inimicos uestros. et corruent coram uobis. Persequen/tur quinque [fo. 119. de uobis centum alienos: et centum ex uobis decem millia. Cadent inimici uestri in conspectu uestro gladio. Respiciam uos: et crescere faciam. Multiplicabimini: et firmabo pactum meum uobiscum. Et comedetis uetustissima ueterum. et uetera nouis superuenientibus proicietis. Ponam tabernaculum meum in

M. WESTM̃.

medio uestri. et non abiciet uos ultra anima mea. Ambulabo inter uos et ero uester deus: uosque eritis populus meus. Dicit dominus: omnipotens.

Aleya. V. Spiritus paraclitus docebit uos omnia.

Oracio.

DEUS qui non despicias corde contritos et afflictis misereris. populum tuum ieiunii ad te deuocione clamantem propiciatus exaudi. ut quos humiliauit aduersitas. attollat reparacionis tue prosperitas. Per.

Leccio danielis prophete.

IN diebus illis. Angelus domini descendit. *Queratur sabbato iiii^{or} temporum mensis septembris.*

Aleya. V. Benedictus es domine deus patrum nostrorum et laudabilis in secula.

Oracio.

DEUS qui tribus pueris mitigasti flammam ignium: concede propicius: ut nos famulos tuos non exurat flamma uicorum¹. Per.

Ad romanos.

FRATRES: Iustificati ex fide: pacem habeamus. ad deum per dominum nostrum iesum christum. Per quem et accessum habemus per fidem in gloria ista in qua stamus. et gloriamur in spe glorie filiorum dei. Non solum autem sed et gloriamur in tribulacionibus: scientes quod tribulacio pacienciam operatur.

¹ Sic.

paciencia autem probacionem. probacio uero spem. Spes autem non confundit: quia caritas dei diffusa est in cordibus uestris: per spiritum sanctum qui datus est nobis.

Alleluya. *℣.* Laudate dominum omnes gentes et collaudate eum omnes populi.

Secundum matheum.

IN illo tempore: Egrediente ihesu ab iherico: secuta est eum turba multa. Et ecce duo ceci sedentes secus uiam: audierunt quia ihesus transiret: et clamauerunt dicentes. Domine miserere nostri: fili dauid. Turba autem increpabat eos: ut tacerent. At illi magis clamabant dicentes. Domine miserere nostri: fili dauid. Et stetit ihesus: et uocauit eos et ait. Quid uultis ut faciam uo/bis? Dicunt illi. Domine: ut aperiatur oculi nostri. Misertus autem eorum ihesus: tetigit oculos eorum. Et confestim uiderunt. et secuti sunt eum.

Offertorium.

Domine deus salutis mee in die clamaui. et nocte coram te intret oratio mea in conspectu tuo domine alleluya.

Secretum.

OMnipotens sempiterne deus: qui non sacrificium ambitione placaris: sed studium pie deuotionis intendis. da familie tue spiritum rectum. et habere cor mundum. ut fides eorum hec dona tibi conciliet. et humilitatis oblata commendet. Per eundem. In unitate eiusdem.

Communio.

Non uos relinquam orphanos. ueniam ad uos iterum. alleluya. et gaudebit cor uestrum. alleluya alleluya.

Postcommunio.

Sumptum quesumus domine uenerabile sacramentum. et presentis uite subsidiis foueat et eterne. Per.

In die sancte trinitatis officium.

Benedicta sit sancta trinitas atque indiuisa unitas confitebimur ei. quia fecit nobiscum misericordiam suam. *Ps.* Benedicamus patrem et filium cum sancto spiritu. Gloria patri.

Oratio.

OMnipotens sempiterne deus qui dedisti famulis tuis in confessione uere fidei eterne trinitatis gloriam agnoscere. et in potencia magestatis adorare unitatem: quesumus ut eiusdem fidei firmitate ab omnibus semper muniamur aduersis. Qui uiuis.

Leccio libri apocalipsis Iohannis apostoli.

IN diebus illis: Uidi ostium apertum in celo: et uox prima quam audiui tanquam tube loquentis mecum dicens. Ascende huc: et ostendam tibi que oportet fieri cito post hec. Statim fui in spiritu. Et ecce sedes posita erat in celo: et supra sedem sedens. Et qui sedebat: similis erat aspectui lapidis. iaspidis et sardini. Et iris erat in circuitu sedis: similis uisioni smaragdine. Et in circuitu sedis: sedilia uiginti quatuor.

Et super thronos uiginti quatuor seniores circumamicti uestimentis albis et in capitibus eorum corone auree. Et de throno procedunt fulgura: et uoces. et tonitrua. Et septem lampades ardentes ante thronum: que sunt sep/tem spiritus dei. [fo. 120. Et in conspectu sedis tanquam mare uitreum simile cristallo. Et in medio sedis et in circuitu sedis: quatuor animalia plena oculis ante et retro. Et animal primum: simile leoni. Et secundum animal: simile uitulo. Et tertium animal. habens faciem quasi hominis. Et quartum animal: simile aquile uolanti. Et quatuor animalia: singula eorum habebant alas senas. Et in circuitu et intus: plena sunt oculis. Et requiem non habebant: die ac nocte dicencia. Sanctus: Sanctus. Sanctus. dominus deus omnipotens qui est. et qui erat. et qui uenturus est. Et cum darent illa animalia gloriam et honorem. et benedictionem sedenti super thronum uiuenti in secula seculorum prodeiebant uiginti quatuor seniores ante sedentem in throno. Et adorabant uiuentem: in secula seculorum.

Gradale.

Benedictus es domine qui intrueris abyssos et sedes super cherubyn. *℣.* Benedictus es in firmamento celi. et laudabilis et gloriosus in secula. Alleluya. *℣.* Benedictus es domine deus patrum nostrorum. et laudabilis in secula.

Sequencia.

Benedicta sit beata trinitas deitas eterna pariter. coequalis gloria. Alleluya. Deus genitor natus geni-

tus. cum sacro neupmate permanens super omne quod extat. Quibus est una semper uoluntas et a se discrepans haut unquam triplicata persona. Nam constat deitas una non in tres deos diuisa quod fides fatetur a christo orthodoxe dedita. Hec namque pellit delicta. patriam cedit serenam qua dulcem iubilant agmina symphoniam celica. Alti-throni uestigia imitantur stolis candidata. Operiunturque binas quas captent post secli discrimina. Et nos quos illustrat gracia dei superna demus nostra debita. Quatinus caterua celica nobis maneat post funera socia. Ultimoque peracto discrimine possimus alto perfrui mox palacio. Quo perspicua lux flagrat accensa constanti flamma que deus est uisio nostra et salus eterna. Angelorum que illustrat fortiter pectora. Ut in christum solum sua defigant lumina. Hec namque est illa sitis flagrans qua tunc sicient anime sanctorum uel corpora. Cum fuerint data perpetua eis pro bonis a iudice premia.

Secundum Iohannem.

IN illo tempore: Erat homo ex phariseis. nichodemus nomine: princeps iudeorum. Hic uenit ad ihesum nocte: et dixit ei. Rabi: scimus quia a deo uenisti/ magister. [fo. 120. b. Nemo enim potest hec signa facere que tu facis: nisi fuerit deus cum eo. Respondit ihesus: et dixit ei. Amen amen dico tibi: nisi quis natus fuerit denuo non potest uidere regnum dei. Dixit ad eum nichodemus. Quomodo potest homo nasci cum sit senex? Numquid potest in uterum matris sue iterato introire et renasci? Respondit ihesus. Amen amen dico tibi: nisi quis

renatus fuerit ex aqua et spiritu non potest introire in regnum dei. Quod natum est ex carne: caro est. Et quod natum est ex spiritu: spiritus est. Non mire-
ris quia dixi tibi oportet uos nasci denuo. Spiritus ubi uult spirat: et uocem eius audis. sed nescis unde ueniat aut quo uadat. Sic est omnis: qui natus est ex spiritu. Respondit nichodemus: et dixit ei. Quomodo possunt hec fieri? Respondit ihesus: et dixit ei. Tu es magister in israel. et hec ignoras? Amen amen dico tibi: quia quod scimus loquimur. et quod uidimus testamur. et testimonium nostrum non accipitis. Si terrena dixi uobis. et non creditis: quomodo si dixero uobis celestia credetis? Et nemo ascendit in celum nisi qui descendit de celo. filius hominis qui est in celo. Et sicut moyses exaltauit serpentem in deserto: ita exaltari oportet filium hominis. Ut omnis qui credit in ipsum non pereat: sed habeat uitam eternam.

Offertorium.

Benedictus sit deus pater. unigenitusque dei filius. sanctus quoque spiritus quia fecit nobiscum misericordiam suam.

Secretum.

Sanctifica quesumus. domine deus per tui sancti nominis inuocationem huius oblacionis hostiam. et per eam nosmetipsos tibi perferre munus eternum. Per.

Prefacio.

Qui cum unigenito.

Communio.

Benedicite deum celi et coram omnibus uiuentibus confite-
mini ei: quia fecit nobiscum misericordiam suam.

Postcommunio.

Proficiat nobis ad salutem corporis et anime domine deus huius sacramenti susceptio. et sempiternae sancte trinitatis eiusdemque indiuidue unitatis confessio. In qua uiuis.

In festiuitate corporis christi officium.

Cibauit eos ex adipe frumenti alleluya. et de petra/ [fo. 121. melle saturauit eos alleluya alleluya alleluya. Ps. Exultate deo adiutori nostro. iubilate deo iacob.

Kyrie fons bonitatis.

Oracio.

Deus qui nobis sub sacramento mirabili passionis tue memoriam reliquisti: tribue quesumus: ita nos corporis et sanguinis tui sacra misteria uenerari. ut redemptionis tue fructum in nobis iugiter sentiamus. Qui uiuis.

Ad corinthios.

Fratres: Ego enim accepi a domino quod et tradidi uobis: quoniam dominus ihesus in qua nocte tradebatur accepit panem et gratias agens fregit et dixit. Accipite: et manducate. Hoc est corpus meum: quod pro uobis tradetur. Hoc facite: in meam commemorationem. Similiter et calicem: postquam cenauit dicens: Hic calix nouum testamentum est in meo sanguine. Hoc facite: quocienscumque sumi-

tis in meam commemoracionem. Quocienscumque manducaueritis panem hunc et calicem bibetis: mortem domini annuntiabitis donec ueniat. Itaque quicumque manducauerit hunc panem uel biberit calicem domini indigne: reus erit corporis et sanguinis domini. Probet autem seipsum homo: et sic de pane illo edat et de calice bibat. Qui enim manducat et bibit indigne: iudicium sibi manducat et bibit: non diiudicans: corpus domini.

Gradale.

OCuli omnium in te sperant domine. et tu das illis escam in tempore oportuno. *℣.* Aperis tu manum tuam. et imples omne animal benedictione. Alleluya. *℣.* Caro mea uere est cibus et sanguis meus uere est potus. qui manducat meam carnem. et bibit meum sanguinem in me manet et ego in eo.

Sequencia.

LAuda syon saluatorem lauda ducem et pastorem in ymnis et canticis. Quantum potes tantum gaude quia maior omni laude nec laudare sufficis. Laudis thema specialis panis uiuus et uitalis hodie proponitur. Quem in sacre mensae cene turbe fratrum duodene datum non ambigitur. Sit laus plena. sit sonora. sit iocunda sit decora mentis iubilacio. Dies enim sollempnis agitur in qua mense prima recolitur huius institutio. In hac mensa noui regis nouum pascha noue legis pascha uetus terminat. Uetustatem nouitas umbram fugat ueritas noctem lux illuminat. Quod in cena christus gessit faciendum/ [fo. 121. b. hoc expressit in sui memoriam. Docti sacris institutis panem uinum in salutis consecramus hos-

tiam. Dogma datur christianis quod in carnem transit panis et uinum in sanguinem. Tu qui capis quod non uides animosa firmat fides præter rerum ordinem. Sub diuersis speciebus signis tantum et non rebus latent res eximie. Caro cibus sanguis potus manet tamen christus totus sub utraque specie. A sumente non conscisus non confractus non diuisus integer accipitur. Sumit unus sumunt mille tantum iste quantum ille nec sumptus consumitur. Sumunt boni sumunt mali sorte tamen inequali uite uel interitus. Mors est malis. uita bonis. uide paris sumpcionis quam sit dispar exitus. Fracto demum sacramento ne uacilles sed memento tantum esse sub fragmento quantum toto tegitur. Nulla rei fit scissura signi tamen fit fractura qua nec status nec statura signati minuitur. Ecce panis angelorum factus cibus uiatorum. uere panis filiorum non mittendus canibus. In figuris presignatur cum ysaac immolatur agnus pasche deputatur datur manna patribus. Bone pastor panis uere ihesu nostri miserrere tu nos pasce nos tuere. tu nos bona fac uidere in terra uiuencium. Tu qui cuncta scis et uales qui nos pascis hic mortales nos ibidem commensales coheredes et sodales fac sanctorum ciuium. Amen.

Iohannem.

IN illo tempore: Dixit ihesus discipulis suis et turbis iudeorum. Caro mea uere est cibus: et sanguis meus uere est potus. Qui manducat meam carnem et bibit meum sanguinem: in me manet et ego in illo. Sicut misit me uiuens pater: et ego uiuo propter patrem. Et qui manducat me: et ipse uiuet propter me. Hic est panis: qui

de celo descendit. Non sicut manducauerunt patres uestri manna in deserto et mortui sunt. Qui manducat hunc panem: uiuet in eternum.

Offertorium.

Sacerdotes domini incensum et panes offerunt deo et ideo sancti erunt domino suo. et non polluent nomen eius alleluya.

Secretum.

Ecclesie tue quesumus domine. unitatis et pacis propicius dona concede: que sub oblatis muneribus mystice designantur. Per.

Prefacio.

Quia per incarnati.

Communio.

Quocienscumque manducabitis panem hunc et calicem bibetis mortem domini annunciabitis donec ueniat itaque quicumque manducauerit panem uel biberit calicem domini indigne. reus erit corporis et sanguinis domini alleluya. [fo. 122.

Postcommunio.

Fac nos quesumus domine diuinitatis tue sempiterna fruicione repleti: quam preciosi corporis et sanguinis tui temporalis perceptio prefigurat. Qui uiuis et regnas cum deo patre.

Dominica i. post octauas pentecostes. Officium.

Domine in tua misericordia speraui exultauit cor meum in salutari tuo cantabo domino qui bona tribuit michi. Ps. Usquequo domine. Gloria.

Oratio.

Deus in te sperantium fortitudo: adesto propicius inuocationibus nostris: et quia sine te nichil potest mortalis infirmitas. presta auxilium gracie tue. ut in exequendis mandatis tuis. et uoluntate tibi. et accione placeamus. Per.

Leccio epistole beati iohannis apostoli.

Karissimi: Deus caritas est. In hoc apparuit caritas dei in nobis: quoniam filium suum unigenitum misit in mundum ut uiuamus per eum. In hoc est caritas: non quasi nos dilexerimus deum. sed quoniam prior ipse dilexit nos. et misit filium suum propiciacionem pro peccatis nostris. Karissimi: sicut deus dilexit nos: et nos debemus inuicem diligere. Deum nemo uidit unquam. Si diligamus inuicem: deus in nobis manet et caritas eius in nobis perfecta est. In hoc intelligimus quoniam in eo manemus et ipse in nobis: quoniam de spiritu suo dedit nobis. Et nos uidimus et testificamur: quoniam pater misit filium suum saluatorem mundi. Quisquis confessus fuerit quoniam ihesus est filius dei: deus in eo manet. et ipse in deo. Et nos cognouimus et credimus caritati quam habet deus in nobis. Deus caritas est: et qui manet in caritate: in deo manet. et deus in eo. In hoc perfecta est caritas nobiscum: ut fiduciam habeamus in die iudicii quia sicut ille est. et nos sumus in hoc mundo. Timor non est in caritate: set perfecta caritas

foras mittit timorem. quoniam timor penam habet. Qui autem timet : non est perfectus in caritate. Nos ergo diligamus deum : quoniam ipse prior dilexit nos. Siquis dixerit quoniam diligo deum et fratrem suum oderit : mendax est. Qui enim non diligit fratrem suum quem uidet : deum quem non uidet quomodo potest diligere ? Et hoc mandatum habemus ab eo : ut qui diligit deum : diligit et [fo. 122. b. fratrem suum.

Gradale.

EGO dixi domine miserere mei sana animam meam quia peccaui tibi. *℣.* Beatus qui intelligit super egenum et pauperem in die mala liberabit eum dominus. Alleluya. *℣.* Uerba mea auribus percipe domine intellige clamorem meum.

Secundum lucam.

IN illo tempore : Dixit ihesus discipulis suis parabolam hanc. Homo quidam erat diues. et induebatur purpura et bysso : et epulabatur cotidie splendide. Et erat quidam mendicus nomine lazarus : qui iacebat ad ianuam eius ulceribus plenus cupiens saturari de micis que cadebant de mensa diuitis : et nemo illi dabat. Set et canes ueniebant : et lingebant ulcera eius. Factum est autem cum moreretur mendicus : et portaretur ab angelis in sinum abrahe. Mortuus est autem et diues et sepultus est in inferno. Eleuans autem oculos suos cum esset in tormentis : uidit abraham alonge. et lazarus in sinu eius. Et ipse clamans dixit. Pater abraham miserere

mei : et mitte lazarus ut intinguat extremum digiti sui in aqua ut refrigeret linguam meam quia crucior in hac flamma. Et dixit illi abraham. Fili : recordare quia recepisti bona in uita tua : et lazarus similiter mala. Nunc autem hic consolatur. tu uero cruciaris. Et in hiis omnibus inter nos et uos chaos magnum firmatum est : ut hii qui uolunt hinc transire ad uos non possunt neque inde huc transmeare. Et ait. Rogo ergo te pater : ut mittas eum in domum patris mei. Habeo enim quinque fratres ut testetur illis : ne et ipsi ueniant in locum hunc tormentorum. Et ait illi abraham. Habent moysen et prophetas : audiant illos. At ille dixit. Non pater abraham : sed siquis ex mortuis ierit ad eos penitenciam agent. Ait autem illi. Si moysen et prophetas non audiunt : neque siquis ex mortuis resurrexerit credent.

Credo in unum.

Offertorium.

INtende uoci oracionis mee rex meus et deus meus quoniam ad te orabo domine.

Secretum.

DEUS qui nos ad ymaginem tuam et sacramentis renouas et preceptis : supplicum preces et munera benignus accepta : ut quod fiducia non habet meritorum. [fo. 123. placaciones optineant hostiarum. Per.

Communio.

NARRabo omnia mirabilia tua letabor et exultabo in te psallam nomini tuo altissime.

TAntis domine repleti muneribus presta quesumus: ut et salutaria dona capiamus. et a tua numquam laude cessemus. Per.

Dominica secunda. officium.

FActus est dominus protector meus et eduxit me in latitudine saluum me fecit quoniam uoluit me. *Ps.* Diligam te domine uirtus.

Oratio.

SAncti nominis tui domine timorem pariter et amorem fac nos habere perpetuum: quia numquam tua gubernacione destituis. quos in soliditate tue dileccionis instituis. Per.

Leccio epistole beati Iohannis apostoli.

KArissimi: Nolite mirari: si odit uos mundus. Nos scimus quoniam translati sumus de morte ad uitam: quoniam diligimus fratres. Qui non diligit: manet in morte. Omnis qui odit fratrem suum: homicida est. Et scitis: quoniam omnis homicida non habet uitam eternam in se manentem. In hoc cognouimus caritatem dei: quoniam ille pro nobis animam suam posuit et nos debemus pro fratribus animas ponere. Qui habuerit substantiam huius mundi et uiderit fratrem suum necessitatem habere et clauserit uiscera sua ab eo. quomodo caritas dei manet in eo? Filioli mei: non diligamus uerbo neque lingua: set opere et ueritate.

AD dominum cum tribularer clamaui et exaudiuit me. *Ps.* Domine libera animam meam a labiis iniquis et a lingua dolosa. Alleluia. *Ps.* Laudate dominum omnes gentes et collaudate eum omnes populi.

Secundum lucam.

In illo tempore: Dixit ihesus discipulis suis parabolam hanc. Homo quidam fecit cenam magnam: et uocauit multos. Et misit seruum suum hora cene dicere inuitatis ut uenirent: quia iam parata sunt omnia. Et ceperunt simul omnes excusare. Primus dixit. Uillam emi: et necesse habeo exire et uidere illam. Rogo te habe me excusatum. Et alter dixit. Iuga boum emi quinque: et eo probare illa. rogo te habe me excusatum. Et alius dixit. Uxorem duxi: et ideo non possum uenire. Et reuersus seruus: nunciauit hec domino suo. Tunc iratus paterfamilias: dixit seruo suo. Exi [fo. 123. b. cito in plateas et uicos ciuitatis: et pauperes ac debiles cecos et claudos introduc huc. Et ait seruus. Domine: factum est ut imperasti: et adhuc locus est. Et ait dominus seruo. Exi in uias et sepes et compelle intrare ut impleatur domus mea. Dico autem uobis quod nemo uirorum illorum qui uocati sunt: gustabit cenam meam.

Offertorium.

Domine conuertere et eripe animam meam saluum me fac propter misericordiam tuam.

Secretum.

Oblacio nos domine quesumus tuo nomini dicanda purificet. et de die in diem ad celestis uite transferat accionem. Per.

Communio.

Cantabo domino qui bona tribuit michi et psallam nomini domini altissimi.

Postcommunio.

Sumptis muneribus domine quesumus ut cum frequentatione misterii crescat nostre salutis effectus. Per.

Dominica iii. Officium.

Respice in me et miserere mei domine quoniam unicus et pauper sum ego. uide humilitatem meam et laborem meum. et dimitte omnia peccata mea domine deus meus. *Ps.* Ad te domine leuau animam.

Oracio.

Deprecacionem nostram quesumus domine benignus exaudi. et quibus supplicandi prestas affectum : tribue defensionis auxilium. Per.

Leccio epistole beati petri apostoli.

Karissimi : Humiliamini sub potenti manu dei. ut uos exaltet in tempore uisitacionis. Omnem sollicitudinem uestram proicientes in eum : quoniam ipsi cura est de uobis. Sobrii estote et uigilate : quia aduersarius uester dyabo¹ tanquam leo rugiens circuit querens quem deuoret. Cui resistite fortes in fide scientes eandem passionem ei que in mundo est uestre fraternitati fieri. Deus autem om-

¹ Sic.

nis gracie qui uocauit uos in eternam suam gloriam in christo ihesu modicum passos. ipse perficiet. confirmabit. solidabitque. Ipsi gloria et imperium : in secula seculorum amen.

Gradale.

IActa cogitatum tuum in domino et ipse te enutriet. *V.* Dum clamarem ad dominum exaudiuit uocem meam ab hiis qui appropinquant michi. Alleluya. *V.* Dexteram domini fecit uirtutem dextera domini exaltauit me.

Secundum Lucam.

In illo tempore : Erant appropinquantes ad ihesum publicani et peccatores : ut audirent illum. Et murmurabant pharisei et scribe dicentes quia hic peccatores recipit et manducat cum illis. Et ait/ ad il- [fo. 124. los parabolam istam dicens : Quis ex uobis homo qui habet centum oues. et si perdiderit unam ex illis nonne dimittit nonaginta nouem in deserto et uadit ad illam que perierat donec inueniat illam ? Et cum inuenit eam : imponit in humeros suos gaudens. et ueniens domum : conuocat amicos et uicinos dicens illis. Congratulamini michi : quia inueni ouem meam que perierat. Dico autem uobis quod ita erit gaudium in celo super uno peccatore penitentiam agente quam supra nonaginta nouem iustis qui non indigent penitencia. Aut que mulier habens dragmas decem. si perdiderit dragmam unam nonne accendit lucernam. et euertit domum. et querit diligenter donec inueniat. Et cum

inuenerit. conuocat amicas et uicinas. dicens. Congratulamini michi: quia inueni dragmam meam quam perdideram. Ita dico uobis gaudium erit coram angelis dei super uno peccatore: penitentiam agente.

Offertorium.

Sperent in te omnes qui nouerunt nomen tuum domine quoniam non derelinquis querentes te psallite domino qui habitat in syon quoniam non est oblitus oracionem pauperum.

Secretum.

Munera tibi domine quesumus oblata sanctifica. ut tui nobis unigeniti corpus et sanguis fiant. Qui tecum.

Communio.

Ego clamaui quoniam exaudisti me deus inclina aurem tuam et exaudi uerba mea.

Postcommunio.

Sacris domine muneribus perceptis quesumus: ut nos eorum uirtute. et a uiciis omnibus expies. et donis gracie tue iugiter repleas. Per.

Dominica iiii. officium.

Dominus illuminatio mea et salus mea quem timebo dominus defensor uite mee a quo trepidabo qui tribulant me inimici mei ipsi infirmati sunt et ceciderunt. *Ps.* Si consistent.

Oracio.

Protector in te sperancium deus: sine quo nichil est ualidum nihil sanctum: multiplica super nos misericordiam tuam: ut te rectore te duce sic

transeamus per bona temporalia: ut non amittamus eterna. Per.

Ad Romanos.

FRatres: Existimo quod non sunt condigne passioness huius temporis: ad futuram gloriam que reuelabitur in nobis. Nam expectacio creature: reuelacionem filiorum dei/ [fo. 124. b. expectat. Uanitati enim subiecta est creatura non uolens. set propter eum qui subiecit in spe. quia et ipsa creatura liberabitur a seruitute corrupcionis: in libertatem glorie filiorum dei. Scimus enim quod omnis creatura ingemiscit. et parturit usque adhuc. Non solum autem illa: sed et nos ipsi primicias spiritus habentes et ipsi intra nos ingemiscimus adopcionem filiorum dei expectantes redempcionem corporis nostri. In christo ihesu: domino nostro.

Gradale.

Propicius esto domine peccatis nostris nequando dicant gentes ubi est deus eorum. *Ps.* Adiua nos deus salutaris noster et propter honorem nominis tui domine libera nos. Alleluya. *Ps.* Lauda anima mea dominum laudabo dominum in uita mea psallam deo meo quamdiu ero.

Secundum Lucam.

IN illo tempore: Dixit ihesus discipulis suis. Estote misericordes: sicut et pater uester misericors est. Nolite iudicare: et non iudicabimini. Nolite condempnare. et non condempnabimini. Dimittite: et dimittebimini. Date: et dabitur uobis. Mensuram bonam et confertam.

et coagitatam, et supereffluentem dabunt in sinum uestrum. Eadem quippe mensura qua mensi fueritis remecietur uobis. Dicebat autem illis et similitudinem. Numquid potest cecus cecum ducere? nonne ambo in foueam cadunt? Non est discipulus super magistrum. Perfectus autem omnis erit: si sit sicut magister eius. Quid autem uidēs festucam in oculo fratris tui. trabem autem que in oculo tuo est non consideras? Aut quomodo potes dicere fratri tuo, frater sine eiciam festucam de oculo tuo ipse in oculo tuo trabem non uidēs. Ypocrita: eice primum trabem de oculo tuo: et tunc perspicies ut educas festucam: de oculo fratris tui.

Offertorium.

Illumina oculos meos neumquam obdormiam in morte nequando dicat dicat¹ inimicus meus preualui aduersus eum.

Secretum.

Respice domine munera supplicantis ecclesie, et salutis¹ credencium perpetua sanctificatione sumenda concede. Per.

Communio.

Dominus firmamentum meum et refugium meum, et liberator meus deus meus adiutor meus.

Postcommunio.

Sancta tua nos domine sumpta uiuificent et misericordie sempiternę preparent expiatis. Per.

¹ Sic.*Dominica v. officium.*

EXaudi domine uocem meam qua clamaui ad te adiutor meus/meus¹ esto ne derelinquas [fo. 125. me neque despicias me deus salutaris meus. Ps. Dominus illuminatio mea et salus mea.

Oratio.

DA quesumus domine ut et mundi cursus pacifice nobis tuo ordine dirigatur, et ecclesia tua tranquilla deuotione letetur. Per.

Leccio epistole beati petri apostoli.

KArissimi: Omnes unanimes in oracione estote. Compacientes: fraternitatis amatores. misericordes. modesti. humiles. Non reddentes malum pro malo uel maledictum pro maledicto: sed econtrario benedicientes. quia in hoc uocati estis: ut benedictionem hereditate possideatis. Qui enim uult uitam diligere et uidere dies bonos: coerceat linguam suam a malo et labia eius ne loquantur dolum. Declinet autem a malo et faciat bonum: inquirat pacem et sequatur eam. Quia oculi domini super iustos: et aures eius in preces eorum. Uultus autem domini super facientes mala. Et quis est qui uobis noceat si boni emulatores fueritis? Sed et siquid patimini propter iusticiam: beati. Timorem autem eorum ne timueritis: ut non conturbemini. Dominum autem christum sanctificate: in cordibus uestris.

¹ Sic.

Gradale.

Protector noster aspice deus et respice super seruos tuos. *Ps.* Domine deus uirtutum: exaudi preces seruorum tuorum. Alleluya. *Ps.* In te domine speraui non confundar in eternum in tua iusticia libera me et eripe me. inclina ad me aurem tuam accelera ut eripias me.

Secundum lucam.

In illo tempore: Cum turbe irruerent ad ihesum: ut audirent uerbum dei: et ipse stabat secus stagnum genesareth. Et uidit duas naues stantes secus stagnum. Piscatores autem descenderant: et lauabant retia. Ascendens autem in unam nauem que erat symonis: rogauit eum ut a terra reduceret pusillum. Et sedens docebat: de nauicula turbas. Ut cessauit autem loqui: dixit ad symonem. Duc in altum: et laxate retia uestra in capturam. Et respondens symon dixit illi. Preceptor: per totam noctem laborantes nichil cepimus. In uerbo autem tuo: laxabo rete. Et cum hoc fecissent: concluderunt multitudinem piscium copiosam. Rumpebatur autem rethe eorum. Et annuerunt sociis qui erant in alia naui: ut uenirent et adiuuarent eos. Et [fo. 125. b. uenerunt et impleuerunt ambas nauiculas ita ut pene mergerentur. Quod cum uideret symon petrus: procidit ad genua ihesu dicens. Exi a me: quia homo peccator sum domine. Stupor enim circumdederat eum et omnes qui cum illo erant in captura piscium quam ceperant. Similiter autem iacobus et io-

hannem. filios zebedei: qui erant socii symonis. Et ait ad symonem ihesus. Noli timere: ex hoc iam homines eris capiens. Et subductis ad terram nauibus: relictis omnibus: secuti sunt eum.

Offertorium.

Benedicam dominum qui michi tribuit intellectum prouidebam deum in conspectu meo semper quoniam a dextris est michi ne commouear.

Secretum.

Ascendant quesumus domine preces humilitatis nostre in conspectu clemencie tue. et descendat super hec oblata uirtus tue diuinitatis. quam nostris quoque purificandis tibi mentibus largiaris. Per.

Communio.

UNam pecii a domino hanc requiram ut inhabitem in domo domini omnibus diebus uite mee.

Postcommunio.

Misteria nos domine sancta purificent: et suo munere tueantur. Per.

Dominica vi. officium.

Dominus fortitudo plebis sue et protector salutarium christi sui est. saluum fac populum tuum domine et benedic hereditati tue et rege eos usque in seculum. *Ps.* Ad te domine clamabo deus meus ne sileas.

Oratio.

Deus qui diligentibus te bona inuisibilia preparasti: infunde cordibus nostris tui amoris

affectum: ut te in omnibus et super omnia diligentes promissiones tuas que omne desiderium superant consequamur. Per.

Ad romanos.

FRATRES: Quicumque enim baptizati sumus in christo ihesu: in morte ipsius baptizati sumus. Consepulti enim sumus cum illo per baptismum in mortem: ut quomodo surrexit christus a mortuis per gloriam patris: ita et nos in nouitate uite ambulemus. Si enim complantati facti sumus similitudini mortis eius: simulet resurrectione eius ueremus. Hoc scientes: quia uetus homo noster simul crucifixus est. ut destruat corpus peccati. ut ultra non seruimus peccato. Qui enim mortuus est: iustificatus est a peccato. Si enim mortui sumus cum christo: credimus quia simul etiam / [fo. 126. uiuimus cum christo. scientes quod christus resurgens ex mortuis iam non moritur. mors illi ultra non dominabitur. Quod enim mortuus peccato: mortuus est semel. quod autem uiuit: uiuit deo. Ita et uos existimate uos mortuos quidem esse peccato: uiuentes autem deo. In christo ihesu: domino nostro.

Gradale.

COnuertere domine aliquantulum et deprecare super seruos tuos. *Ps.* Domine refugium factus es nobis a generatione et progenie. Alleluia. *Ps.* Confitemini domino et inuocate nomen eius annunciate inter gentes opera eius.

Secundum matheum.

IN illo tempore: Dixit ihesus discipulis suis. Amen dico uobis nisi habundauerit iusticia uestra plusquam scribarum et phariseorum. non intrabitis in regnum celorum. Audistis quia dictum est antiquis. non occides. qui autem occiderit: reus erit iudicio. Ego autem dico uobis: quia omnis qui irascitur fratri suo. reus erit iudicio. Qui autem dixerit fratri suo racha: reus erit consilio. Qui autem dixerit fatue: reus erit gehenne ignis. Si ergo offers munus tuum ad altare. et ibi recordatus fueris quia frater tuus habet aliquid aduersum te; relinque ibi munus tuum ante altare. et uade prius reconciliari fratri tuo: Et tunc ueniens: offeres munus tuum.

Offertorium.

PErface gressus meos in semitis tuis ut non moueantur uestigia mea inclina aurem tuam et exaudi uerba mea mirifica misericordias tuas qui saluos facis sperantes in te domine.

Secretum.

PROPICIARE quesumus domine supplicationibus nostris et has oblationes famulorum famularumque tuarum benignus assume ut quod singuli optulerunt ad honorem nominis tui cunctis proficiat ad salutem. Per.

Communio.

Circuibam et immolabo in tabernaculo eius hostiam iubilationis cantabo et psalmum dicam domino.

Postcommunio.

QUos celesti domine dono
saciasti: presta quesumus.
ut et a nostris mundemurocultis.
et ab hostium liberemur insidiis.
Per.

Dominica vii. officium.

OMnes gentes plaudite manibus
iubilare deo in uoce exulta-
cionis. *Ps.* Subiecit populos no-
bis. et gentes.

Oratio.

DEus uirtutum cuius est totum
quod est optimum inserte
pectoribus/ nostris [fo. 126. b.
amorem tui nominis: et presta
in nobis religionis augmentum:
ut que sunt bona nutrias ac
pietatis studio que sunt nutrita
custodias.

Ad romanos.

FRatres: Humanum dico:
propter infirmitatem carnis
uestre. Sicut enim exhibuistis
membra uestra seruire immun-
dicie et iniquitati ad iniquitatem
ita nunc exhibete membra uestra
seruire iusticie in sanctificacio-
nem. Cum enim seruissetis pec-
cati: liberi fuistis iusticie. Quem
ergo fructum habuistis. tunc in illis
in quibus nunc erubescitis? Nam
finis illorum mors est. Nunc
uero liberati a peccato. serui
autem facti deo: habetis fructum
uestrum in sanctificationem:
finem uero uitam eternam.
Stipendia enim peccati mors.
Gracia autem dei: uita eterna.
In christo ihesu: domino nostro.

Gradale.

UEnite filii audite me timorem
domini docebo uos. *Y.*
Accedite ad eum et illuminamini

et facies uestre non confundentur.
Alleluia. *Y.* Te decet ymnpus
deus in syon et tibi reddetur uotum
in iherusalem. *Y.* Replebimur in
bonis domus tue sanctum est temp-
lum tuum mirabile in equitate.

Marcum.

IN illo tempore. Cum multa
turba esset cum ihesu nec
haberent quod manducarent:
conuocatis discipulis ait illis.
Misereor super turbam: quia
ecce iam triduo sustinent me
nec habent quod manducent.
Et si dimisero eos ieiunos in do-
mum suam: deficient in uia.
Quidam autem ex eis delonge
uenerunt. Et responderunt ei dis-
cipuli sui. Unde istos poterit quis
hic saturare panibus in solitudine?
Et interrogauit eos. Quot panes
habetis? Qui dixerunt. Sep-
tem. Et precepit turbe discum-
bere super terram. Et accipiens
septem panes: gracias agens
fregit et dabat discipulis suis
ut apponerent. Et apposuerunt
turbe. Et habebant pisciculos
paucos et ipsos benedixit et
iussit apponi. Et manducaue-
runt omnes: et saturati sunt. Et
sustulerunt quod superauerat de
fragmentis septem sportas.
Erant autem qui manducaue-
rant quasi quatuor milia: et
dimisit eos.

Offertorium.

Sicut in holocaustum arietum et
taurorum et sicut in milibus
agnorum pinguium sic fiat sacrificium
nostrum in/ conspectu tuo [fo. 127.
hodie ut placeat tibi quia non est
confusio confidentibus in te domine.

Secretum.

PRopiciare domine supplicationibus nostris. et has populi tui oblationes benignus assume. et ut nullius sit irritum uotum. nullius uacua postulacio. presta quesumus : ut quod fideliter pecimus. efficaciter consequamur. Per.

Communio.

Incлина aurem tuam accelera ut eruas nos.

Postcommunio.

Repleti domine muneribus tuis tribue quesumus : ut eorum et mundemur effectū. et muniamur auxilio. Per.

Dominica viii. officium.

Suscepimus deus misericordiam tuam in medio templi tui secundum nomen tuum deus ita et laus tua in fines terre iusticia plena est dextera tua. *Ps.* Magnus dominus et laudabilis nimis. Gloria.

Oracio.

Deus cuius prouidencia in sui dispositione non fallitur : te supplices exoramus. ut noxia cuncta submoueas et omnia nobis profutura concedas. Per.

Ad romanos.

FRatres : Debitores sumus non carni : ut secundum carnem uiuamus. Si enim secundum carnem uixeritis : moriemini. Si autem spiritu facta carnis mortificaueritis : uiuetis. Quicumque enim spiritu dei aguntur : hii filii sunt dei. Non enim accepistis spiritum seruitutis iterum in timore : sed accepistis spiritum adoptionis filiorum in

quo clamamus abba pater. Ipse enim spiritus testimonium reddit spiritui nostro : quod sumus filii dei. Si autem filii : et heredes. Heredes quidem dei : coheredes autem christi.

Gradale.

Esto michi in deum protectorem et in locum refugii ut saluum me facias. *Ps.* Deus in te speraui domine non confundar in eternum. Alleluya. *Ps.* Uenite exultemus domino iubilemus deo salutari nostro preocupemus faciem eius in confessione et in psalmis iubilemus ei.

Secundum matheum.

In illo tempore : Dixit ihesus discipulis suis. Attendete a falsis prophetis qui ueniunt ad uos in uestimentis ouium : intrinsecus autem sunt lupi rapaces. A fructibus eorum cognoscetis eos. Numquid colligunt de spinis uuas aut de tribulis ficus ? Sic omnis arbor bona : fructus bonos facit. Mala autem arbor : fructus malos facit. Non potest arbor bona fructus malos facere : neque arbor mala fructus bonos facere. Omnis arbor [fo. 127. b. que non facit fructum bonum : excidetur et in ignem mittetur. Igitur : ex fructibus eorum cognoscetis eos. Non omnis qui dicit michi domine domine : intrabit in regnum celorum. Sed qui facit uoluntatem patris mei qui in celis est : ipse intrabit in regnum celorum.

Offertorium.

Populum humilem saluum facies domine et oculos superborum humiliabis. quoniam quis deus preter te domine ?

Secretum.

DEus qui legalium differentias hostiarum unius sacrificii perfeccione sanxisti: accipe sacrificium a deuotis tibi famulis. et pari benedictione sicut munera abel sanctifica. ut quod singuli optulerunt ad maiestatis tue honorem cunctis proficiat ad salutem. Per.

Communio.

Gustate et uidete quoniam suauis est dominus beatus uir qui sperat in eo.

Postcommunio.

Tua nos domine medicinalis operatio. et a nostris peruersitatibus clementer expediat. et ad ea que sunt recta perducat. Per.

Dominica ix. officium.

Ecce deus adiuuat me et dominus susceptor est anime mee auerte mala inimicis meis in ueritate tua disperge illos protector meus domine. *Ps.* Deus in nomine tuo.

Oracio.

Largire nobis domine quesumus spiritum semper cogitandi que recta sunt propicius et agendi: ut qui sine te esse non possumus. secundum te uiuere ualeamus. Per.

Ad corinthios.

Fratres. Non simus concupiscentes malorum: sicut et illi concupierunt. Neque ydolatre efficiamini: sicut quidam ex ipsis: quemadmodum scriptum est. Sedit populus manducare et bibere: et surrexerunt ludere. Neque fornicemur sicut quidam ex ipsis fornicati

sunt. et ceciderunt una die uiginti tria milia. Neque temptemus christum sicut quidam eorum temptauerunt: et a serpentibus perierunt. Neque murmuraueritis sicut quidam eorum murmurauerunt: et perierunt ab exterminatore. Hec autem omnia: in figuram contingebant illis. Scripta sunt autem ad correctionem nostram: in quos fines seculorum deuenerunt. Itaque qui se existimat stare: uideat ne cadat. Temptacio uos non apprehendat: nisi humana. Fidelis autem deus qui non pacietur uos temptari supra id quod potestis. sed faciet cum/ [fo. 128. temptatione eciam prouentum: ut possitis sustinere.

Gradale.

Domine dominus noster quam admirabile est nomen tuum in uniuersa terra. *V.* Quoniam eleuata est magnificencia tua super celos. Alleluya. *V.* Diligam te domine uirtus mea dominus firmamentum meum et refugium meum.

Secundum Lucam.

In illo tempore: dixit ihesus discipulis suis parabolam hanc. Homo quidam erat diues: qui habebat uillicum. Et hic diffamatus est apud illum quasi dissipasset bona ipsius. et uocauit eum. et ait illi. Quid hoc audio de te? Redde rationem uillicacionis tue. Iam enim non poteris uillicare. Ait autem uillicus intra se. Quid faciam quia dominus meus aufert a me uillicacionem? Fodere non ualeo: mendicare ere¹ erubesco. Scio quid faciam: ut cum amotus fuero a

¹ Sic.

uillacione recipiant me in domos suas. Conuocatis itaque singulis debitoribus domini sui: dicebat primo. Quantum debes domino meo? At ille dixit. Centum cados olei. Dixitque illi. Accipe caucionem tuam et sede cito scribe quinquaginta. Deinde alio dixit. Tu uero quantum debes? Qui ait. Centum choros tritici. Ait illi. Accipe literas et scribe octoginta. Et laudauit dominus uillicum iniquitatis quia prudenter fecisset quia filii huius seculi prudentiores filiis lucis in generatione sua sunt. Et ego uobis dico. Facite uobis amicos de mammona iniquitatis: ut cum defeceritis recipiant uos: in eterna tabernacula.

Offertorium.

Iusticie domini recte letificantes corda et dulciora super mel et fauum nam et seruus tuus custodit ea.

Secretum.

Suscipe munera domine quesumus que tibi de tua largitate deferimus. ut hec sacrosancta misteria gracie tue operante uirtute. et presentis uite conuersacione nos sanctificent et ad gaudia sempiterna perducant. Per.

Communio.

Primum querite regnum dei et omnia adicientur uobis dicit dominus.

Postcommunio.

Sit nobis domine reparacio mentis et corporis celeste misterium: ut cuius exequimur

M. WESTM.

accionem: senciamus effectum. Per.

Dominica x. officium.

Dum clamarem ad dominum exaudiuit uocem meam ab hiis qui/ appropinquant mi- [fo. 128. b. chi et humiliauit eos qui est ante secula et manet in eternum. iacta cogitatum tuum in domino et ipse te enutriet. Ps. Exaudi deus oracionem meam cum.

Oracio.

Pateant aures misericordie tue domine precibus supplicancium: et ut petencibus desiderata concedas: fac eos que tibi sunt placita postulare. Per.

Ad corinthios.

Fratres: Scitis quoniam cum gentes essetis: ad simulachra muta prout ducebamini euntes. Ideo notum uobis facio: quod nemo in spiritu dei loquens dicit anathema ihesu. Et nemo potest dicere dominus ihesus: nisi in spiritu sancto. Diuisiones uero graciaram sunt: idem autem spiritus. Et diuisiones ministracionum sunt: idem autem dominus. Et diuisiones operacionum sunt: idem uero deus qui operatur omnia in omnibus. Unicuique autem datur manifestacio spiritus ad utilitatem. Alii quidem per spiritum datur sermo sapientie. alii autem sermo sciencie secundum eundem spiritum. Alteri fides: in eodem spiritu. Alii gracia sanitatum: in uno spiritu. Alii operacio uirtutum: alii prophetia. alii discrecio spirituum. alii genera linguarum: alii

interpretacio sermonum. Hec autem omnia: operatur unus atque idem spiritus. Diuidens singulis: prout uult.

Gradale.

Custodi me domine ut pupillam oculi sub umbra alarum tuarum protege me. *Ps.* De uultu tuo iudicium meum prodeat oculi tui uideant equitates. Alleluia. *Ps.* Domine in uirtute tua letabitur rex et super salutare tuum exultabit uehementer.

Secundum Lucam.

In illo tempore: Cum appropinquaret ihesus iherosolimam: uidens deus ciuitatem fleuit super illam dicens. quia si cognouisses et tu. Et quidem in hac die tua que ad pacem tibi nunc autem abscondita sunt ab oculis tuis. Quia uenient dies in te et circumdabunt te inimici tui uallo: et circumdabunt te et coangustabunt te undique. et ad terram prosternent te. et filios tuos qui in te sunt. Et non relinquent in te lapidem super lapidem: eo quod non cognoueris tempus uisitationis tue. Et ingressus in templum: cepit eicere uendentes in illo et ementes dicens illis. Scriptum est. Domus mea: domus orationis uocabitur. Uos autem fecistis illam speluncam latronum. Et erat docens: cotidie in [fo. 129. templo.

Offertorium.

Ad te domine leuaui animam meam deus meus in te confido non erubescam neque irideant me inimici mei etenim uniuersi qui te expectant non confundentur.

Secretum.

Concede nobis hec quesumus domine digne frequentare misteria quia quociens huius hostie commemoracio celebratur: opus nostre redemptionis exercetur. Per.

Communio.

Acceptabis sacrificium iusticie oblationes et holocausta tunc imponent super altare tuum domine.

Postcommunio.

Tui nobis domine communio sacramenti: et purificationem conferat. et tribuat unitatem. Per.

Dominica xi. officium.

Deus in loco sancto suo deus qui inhabitare facit unanimes in domo ipse dabit uirtutem et fortitudinem plebis¹ sue. *Ps.* Exurgat deus et dissipentur.

Oracio.

Deus. qui omnipotenciam tuam parcendo maxime et miserando manifestas: multiplica super nos gratiam tuam: ut ad tua promissa currentes: celestium bonorum facias esse consortes. Per.

Ad corinthios.

Fratres: Notum uobis facio euangelium quod predicaui uobis: quod et accepistis in quo et statis. per quod et saluamini. qua ratione predicauerim uobis si retinetis nisi frustra credidistis. Tradidi enim uobis in primis quod et accepi: quoniam christus mortuus est pro peccatis nostris

¹ Sic.

secundum scripturas: et quia sepultus est et quia resurrexit tertia die secundum scripturas. Et quia uisus est cephe: et post hec undecim. Deinde uisus est plusquam quingentis fratribus simul: ex quibus multi manent usque adhuc, quidam autem dormierunt. Deinde uisus est iacobo: deinde apostolis omnibus. Nouissime autem omnium tanquam abortiuo: uisus est et michi. Ego enim sum minimus apostolorum qui non sum dignus uocari apostolus quoniam persecutus sum ecclesiam dei. Gracia autem dei sum id quod sum. Et gracia eius: in me uacua non fuit.

Gradale.

IN deo sperauit cor meum et adiutus sum et re floruit caro mea et ex uoluntate mea confitebor illi. *℣.* Ad te domine clamaui deus meus ne sileas ne discedas a me. Alleluya. *℣.* Qui sanat contritos corde et alligat contriciones eorum.

Secundum Lucam. [fo. 129. b.

IN illo tempore: Dixit ihesus ad quosdam qui in se confidebant tanquam iusti. et aspernabantur ceteros parabolam istam dicens. Duo homines ascenderunt in templum: ut orarent. Unus phariseus: et alter publicanus. Phariseus stans. hec apud se orabat. Deus gracias ago tibi: quia non sum sicut ceteri hominum. Raptores. iniusti. adulteri. uelud etiam hic publicanus. Ieiuno bis in sabbato: decimas do omnium que possideo. Et publicanus alonge stans uolebat nec oculos

ad celum leuare: sed percuciebat pectus suum dicens. Deus propitius esto michi peccatori. Amen. dico uobis: descendit hic iustificatus in domum suam ab illo. Quia omnis qui se exaltat humiliabitur: et qui se humiliat: exaltabitur.

Offertorium.

EXaltabo te domine quoniam suscepisti me nec delectasti inimicos meos super me. domine deus meus clamaui ad te et sanasti me.

Secretum.

TIbi domine sacrificia dicata reddantur que sic ad honorem nominis tui deferenda tribuisti. ut eadem remedia nostra fieri prestares. Per.

Communio.

HONORA dominum de tua substantia. et de primiciis frugum tuorum¹ ut impleantur horrea tua saturitate et uino torcularia redundabunt.

Postcommunio.

QUESUMUS domine deus noster: ut quos diuinis reparare non desinis sacramentis tuis. non destituas benignus auxiliis. Per.

Dominica xii. officium.

DEUS in adiutorium meum intende domine ad adiuuandum me festina confundantur et reuerentur inimici mei qui querunt animam meam. *℣.* Auertantur retrorsum et confundantur: qui cogitant.

Oratio.

OMnipotens sempiterne deus: qui habundancia pietatis tue et merita supplicum excedis

¹ Sic.

et uota: effunde super nos misericordiam tuam. ut dimittas que conscientia metuit et adicias quod oratio non presumit. Per.

Ad corinthios.

FRatres: Fiduciam talem habemus per christum ad deum: non quod sufficientes simus cogitare aliquid a nobis quasi ex nobis. sed sufficiencia nostra ex deo est. Qui et ydoneos nos fecit ministros noui testamenti non littera sed spiritu. Littera enim occidit: spiritus autem uiuificat. Quod si ministratio mortis litteris deformata in lapidibus fuit in gloriam. [fo. 130. ita ut non possent intendere filii israel in faciem moysi propter gloriam uultus eius que euacuatur. quomodo non magis ministratio spiritus erit in gloriam? Nam si ministratio dampnationis gloria est: multo magis habundat: ministerium iusticie in gloria.

Gradale.

Benedicam dominum in omni tempore semper laus eius in ore meo. *℣.* In domino laudabitur anima mea audiant mansueti et letentur. Alleluya. *℣.* Qui timent dominum sperent in eum adiutor et protector eorum est.

Secundum marcum.

IN illo tempore: Exiens ihesus de finibus tyri: uenit per sydonem ad mare galilee inter medios fines decapoleos. Et adducunt ei surdum et mutum: et deprecabantur eum ut imponat illi manum. Et apprehendens eum de turba seorsum misit digitos suos in auriculas eius: et expuens tetigit linguam eius.

Et suspiciens in celum: ingemuit et ait illi. Effeta: quod est adaperire. Et statim aperte sunt aures eius. et solutum est uinculum lingue eius et loquebatur recte. Et precepit illis: ne cui dicerent. Quanto autem eis precipiebat: tantomagis plus predicabant. et eo amplius admirabantur dicentes. Bene omnia fecit: et surdos fecit audire: et mutos loqui.

Offertorium.

PRecatus est moyses in conspectu domini dei sui et dixit. precatus est moyses in conspectu domini dei sui et dixit quare domine irascaris in populo tuo parce ire animi tui. memento abraham ysaac. et iacob quibus iurasti dare terram fluentem lac et mel. et placatus factus est dominus de malignitate quam dixit facere populo suo.

Secretum.

REspice quesumus domine nostram propicius seruitutem. ut quod offerimus sit tibi munus gratum. sit nostre fragilitati presidium. Per.

Communio.

DE fructu operum tuorum domine saciabitur terra ut educas panem de terra et uinum letificet cor hominis ut exhilaret faciem in oleo et panis cor hominis confirmet.

Postcommunio.

SEnciamus domine quesumus tui perceptione sacramenti subsidium mentis et corporis: ut in utroque saluati. celestis remedii plenitudine gloriemur. Per.

Respice domine in testamentum tuum et animas pauperum tuorum ne derelinquas in finem exurge domine et iudica/ [fo. 130. b. causam tuam. et ne obliuiscaris uoces querencium te. *Ps.* Ut quid deus repulisti.

Oratio.

OMnipotens et misericors deus: de cuius munere uenit ut tibi a fidelibus tuis digne et laudabiliter seruiatur: tribue quesumus nobis. ut ad promissiones tuas sine offensione curamus. *Per.*

Ad galathas.

FRatres: Abrahe dicte sunt promissiones: et semini eius. Non dicit in seminibus quasi in multis: set quasi in uno et semini tuo qui est christus. Hoc autem dico testamentum confirmatum a deo: que post quadringentos et triginta annos facta est lex non irritum facit ad euacuandam promissionem. Nam si ex lege hereditas: iam non ex promissione. Abrahe autem: per repromissionem donauit deus. Quid igitur lex? Propter transgressores posita est donec ueniret semen cui repro-miserat ordinata per angelos in manu mediatoris. Mediator autem unius non est: deus autem unus est. Lex ergo aduersus promissa dei? Absit. Si enim data esset lex que posset uiuificare: uere ex lege esset iusticia. Sed conclusit omnia scriptura sub peccato: ut promissio ex fide ihesu christi: daretur credentibus.

Respice domine in testamentum tuum et animas pauperum tuorum ne obliuiscaris in finem. *℣.* Exurge domine et iudica causam tuam memor esto obprobrii seruorum tuorum. Alleluya. *℟.* Timebunt gentes nomen tuum domine et omnes reges terre gloriam tuam.

Secundum Lucam.

IN illo tempore: Dixit ihesus discipulis suis. Beati oculi: qui uident que uos uidetis. Dico enim uobis: quod multi reges et prophete uoluerunt uidere que uos uidetis: et non uiderunt. Et audire que auditis: et non audierunt. Et ecce quidam legis peritus surrexit: temptans eum et dicens. Magister: quid faciendo uitam eternam possidebo? At ille dixit ad eum. In lege quid scriptum est. Quomodo legis? Ille respondens dixit. Diliges dominum deum tuum ex toto corde tuo. et ex tota anima tua. et ex omnibus uiribus tuis. et ex omni mente tua. et proximum tuum sicut teipsum. Dixitque illi. Recte respondisti. Hoc fac: et uiues. Ille autem uolens iustificare seipsum: dixit ad ihesum. Et quis est meus proximus? Suspiciens/ [fo. 131. autem ihesus: dixit. Homo quidam descendebat ab iherusalem in iherico: et incidit in latrones. Qui etiam despoliauerunt eum: et plagis impositis abierunt semiuiuo relicto. Accidit autem ut sacerdos quidam descenderet eadem uia: et uiso illo preteriit. Similiter et leuita cum esset secus locum et uideret eum: pertransiit. Samaritanus

autem quidam iter faciens uenit secus eum : et uidens eum misericordia motus est. Et appropinquans alligauit uulnera eius infundens oleum et uinum. et imponens illum in iumentum suum : duxit in stabulum. et curam eius egit. Et altera die protulit duos denarios. et dedit stabulario et ait. Curam illius habe : et quodcumque supererogaueris ego cum rediero reddam tibi. Quis horum trium tibi uidetur proximus fuisse illi qui incidit in latrones? At ille ait. Qui fecit misericordiam in illum. Et ait illi ihesus. Uade : et tu fac similiter.

Offertorium.

IN te speraui domine dixi tu es deus meus in manibus tuis tempora mea.

Secretum.

Hostias quesumus domine propicius intende. quas sacris altaribus exhibemus : ut nobis indulgentiam largiendo. tuo nomini dent honorem. Per.

Communio.

Panem de celo dedisti nobis domine habentem omne delectamentum et omnem saporem suauitatis.

Postcommunio.

Uiuificet nos quesumus domine huius participatio sancta misterii. et pariter nobis expiationem tribuat et munimen. Per.

Dominica xiiii. officium.

Protector noster aspice deus et respice in faciem christi tui quia melior est dies una in atriis tuis super milia. *Ps.* Quam dilecta tabernacula tua. Gloria.

Oratio.

OMnipotens sempiterne deus da nobis fidei. spei. et caritatis augmentum : et ut mereamur assequi quod promittis : fac nos amare quod precipis. Per.

Ad galathas.

FRatres : Spiritu ambulate : et desideria carnis non perficietis. Caro enim concupiscit aduersus spiritum : spiritus autem aduersus carnem. Hec enim sibi inuicem aduersantur : ut non quecumque uultis illa faciatis. Quo si spiritu ducimini : non estis sub lege. Manifesta autem sunt opera carnis : que sunt fornicatio. inmundicia. auaricia. impudicia. luxuria. ydolorum seruitus. ueneficia. inimicie. [fo. 131. b. contenciones. emulaciones. irerixe. dissensiones. hereses secte. inuidie. homicidia. ebrietates commessaciones. et hiis similia. Que predico uobis sicut predixi : quoniam qui talia agunt regnum dei non consequuntur. Fructus autem spiritus est. caritas. gaudium. pax. paciencia. longanimitas. bonitas. benignitas mansuetudo. fides. modestia. continencia. castitas. Aduersus huiusmodi : non est lex. Qui autem sunt christi : carnem suam crucifixerunt : cum uiciis et concupiscentiis.

Gradale.

Bonum est confidere in domino. quam confidere in homine. *Ps.* Bonum est sperare in domino quam sperare in principibus. Alleluia. *Ps.* Exultate deo adiutori nostro iubilate deo iacob. sumite psalterium iocundum cum cythara.

Secundum lucam.

IN illo tempore : Cum iret ihesus in iherusalem transibat per mediam samariam et galileam. Et cum ingrederetur quoddam castellum : occurrerunt ei decem uiri leprosi. Qui steterunt alonge : et leuauerunt uocem dicem¹ dicentes. Ihesu preceptor : miserere nostri. Quos ut uidit : dixit. Ite ostendite uos sacerdotibus. Et factum est. Dum irent : mundati sunt. Unus autem ex illis ut uidit quia mundatus est : regressus est cum magna uoce magnificans deum. Et cecidit in faciem ante pedes eius gratias agens : et hic erat samaritanus. Respondens autem ihesus dixit. Nonne decem mundati sunt. et nouem ubi sunt ? Non est inuentus qui rediret et daret gloriam deo : nisi hic alienigena. Et ait illi. Surge uade : quia fides tua : te saluum fecit.

Offertorium.

IMmittit angelus domini in circuitu timencium eum et eripiet eos. gustate et uidete quoniam suauis est dominus.

Secretum.

PROPICIARE domine populo tuo propiciare muneribus. ut hac oblatione placatus. et indulgenciam nobis tribuas. et postulata concedas. Per.

Communio.

PANIS quem ego dabo caro mea est pro seculi uita.

Postcommunio.

SUMPTIS domine celestibus sacramentis : ad redemptionis eterne quesumus proficiamus augmentum. Per.

¹ Sic.*Dominica xv. officium.*

INclina domine aurem tuam ad me et exaudi me saluum fac serum tuum deus meus sperantem in te miserere michi domine quoniam ad te clamaui tota die. *Ps.* Letifica animam serui tui : quoniam ad.

Oratio.

CUSTODI domine quesumus ecclesiam/ tuam [fo. 132. propiciacione perpetua : et quia sine te labitur humana mortalitas : tuis semper auxiliis. et abstrahatur a noxiis. et ad salutaria dirigatur. Per.

Ad galathas.

FRATRES : Si spiritu uiuimus : spiritu et ambulemus. Non efficiamur inanis glorie cupidi : inuicem prouocantes inuicem inuidentes. Fratres : et si preoccupatus fuerit homo in aliquo delicto : uos qui spirituales estis huiusmodi instruite in spiritu lenitatis. considerans teipsum ne et tu tempteris. Alter alterius onera portate : et sic adimplebitis legem christi. Nam qui se existimat aliquid esse cum nichil sit : ipse se seducit. Opus autem suum probet unusquisque : et sic in semetipso tantum gloriam habebit et non in altero. Unusquisque enim : onus suum portabit. Communicet autem hiis qui cathezizatur¹ uerbo : ei qui se catezizat¹ in omnibus bonis. Nolite errare : Deus non irridetur. Que enim seminauerit homo : hec et metet. Quoniam qui seminat in carne sua : de carne et metet corruptionem.

¹ Sic.

Qui autem seminat in spiritu : de spiritu metet uitam eternam. Bonum autem facientes : non deficiamus. Tempore enim suo metemus : non deficientes. Ergo dum tempus habemus. operemur bonum ad omnes. Maxime autem : ad domesticos fidei.

Gradale.

BONum est confiteri domino. et psallere nomini tuo altissime. *Ps.* Ad annunciandum mane misericordiam tuam et ueritatem tuam per noctem. Alleluya. *Ps.* Quoniam deus magnus dominus et rex magnus super omnem terram.

Secundum matheum.

IN illo tempore : Dixit ihesus discipulis suis. Nemo potest duobus dominis seruire : Aut enim unum odio habebit et alterum diliget : aut unum sustinebit et alterum contempnet. Non potestis deo seruire et mammoni. Ideo dico uobis ne solliciti sitis anime uestre quid manducetis neque corpori uestro quid induamini. Nonne anima plus est quam esca. et corpus plus quam uestimentum ? Respicite uolatilia celi : quoniam non serunt neque metunt neque congregant in horrea. et pater uester celestis pascit illa. Nonne uos magis pluris estis illis ? Quis autem uestrum cogitans potest adicere ad staturam suam cubitum unum ? Et de uestimento quid solliciti estis. / Con- [fo. 132. b. siderate lilia agri : quomodo crescunt. Non laborant neque nent. Dico autem uobis : quod nec salamon in omni gloria sua co-

opertus est sicut unum ex istis. Si autem fenum agri quod hodie est et cras in clibanum mittitur deus sic uestit quantomagis uos minime fidei ? Nolite ergo solliciti esse dicentes. Quid manducabimus. aut quid bibemus. aut quo operiemur ? Hec enim omnia gentes inquirunt. Scit enim pater uester : quia his omnibus indigetis. Querite ergo primum regnum dei et iusticiam eius : et hec omnia : adicientur uobis.

Offertorium.

EXpectans expectaui dominum et respexit me et exaudiuit deprecationem meam. et immisit in os meum canticum nouum ymnium deo nostro.

Secretum.

CONcede nobis quesumus domine. ut hec hostia salutaris. et nostrorum fiat purgacio peccatorum. et tue propitiatio pietatis. Per.

Communio.

QUI manducat carnem meam et bibit sanguinem meum. in me manet et ego in eo dicit dominus.

Postcommunio.

PURificent semper et muniant tua sacramenta nos deus. et ad perpetue ducant saluacionis effectum. Per.

Dominica xvi. officium.

MIserere michi domine quoniam ad te clamaui totadie quia tu domine suavis ac mitis es et copiosus in misericordia omnibus inuocantibus te. *Ps.* Inclina domine aurem tuam et exaudi.

Ecclesiam tuam domine misericordia continuata mundet et muniat: et quia sine te non potest salua consistere. tuo semper munere gubernetur. Per.

Ad ephesios.

FRatres: Obsecro uos. ne deficiatis in tribulacionibus meis pro uobis: que est gloria uestra. Huius rei gracia flecto genua mea ad patrem domini nostri ihesu christi: ex quo omnis paternitas in celis et in terra nominatur. ut det uobis secundum diuicias glorie sue uirtutem corroborari per spiritum eius in interiore homine habitare christum per fidem in cordibus uestris. In caritate radicati et fundati: ut possitis comprehendere cum omnibus sanctis que sit latitudo. longitudo. sublimitas. et profundum. Scire eciam supereminentem sciencie caritatem christi: ut impleamini in omnem plenitudinem dei. Ei autem qui potens est omnia facere superhabundanter quam pecimus aut intel/ligimus secundum [fo. 133.] uirtutem que operatur in nobis. Ipsi gloria in ecclesia. et in christo ihesu. in omnes generationes seculi seculorum. Amen.

Gradale.

Timebunt gentes nomen tuum domine. et omnes reges terre gloriam tuam. *℣.* Quoniam edificauit dominus syon et uidebitur in magestate sua. Alleluya. *℣.* Qui posuit fines tuos pacem et adipe frumenti sariat te.

In illo tempore: Ibat ihesus in ciuitatem que uocatur naym: et ibant cum illo discipuli eius et turba copiosa. Cum autem appropinquaret porte ciuitatis: ecce defunctus efferebatur filius unicus matris sue. Et hec uidua erat: et turba multa ciuitatis cum illa. Quam cum uidisset dominus misericordia motus super eam dixit illi. Noli flere. Et accessit: et tetigit loculum. Hii autem qui portabant: steterunt. Et ait. Adoloscens¹ tibi dico surge. Et resedit qui erat mortuus: et cepit loqui. Et dedit illum matri sue. Accepit autem omnes timor: et magnificabant deum dicentes. Quia magnus propheta surrexit in nobis: et quia deus uisitauit plebem suam.

Offertorium.

Domine in auxilium meum respice confundantur et reuerentur qui querunt animam meam ut auferant eam.

Secretum.

Tua nos domine sacramenta custodiant. et contra dyabolicos tueantur semper incursus. Per.

Communio.

Domine memorabor iusticie tue solius deus docuisti me a iuuentute mea. et usque in senectam et senium deus ne derelinquas me.

Postcommunio.

Mentes nostras et corpora possideat quesumus. domine doni celestis operacio: ut non noster sensus in nobis. sed eius preueniat effectus. Per.

¹ Sic.

Dominica xvii. officium.

Iustus es domine et rectum iudicium tuum fac cum seruo tuo secundum misericordiam tuam. *Ps.* Beati immaculati in uia. Gloria.

Oracio.

Tua nos domine quesumus gracia semper et preueniat et sequatur: ac bonis operibus iugiter prestet esse intentos. Per.

Ad ephesios.

Fratres: Obsecro uos ego uinctus in domino: ut digne ambuletis uocatione qua uocati estis. Cum omni humilitate et mansuetudine: cum paciencia supportantes inuicem in caritate. Solliciti seruare unitatem spiritus in uinculo pacis. Unum corpus et unus spiritus: sicut uocati estis in una spe uocationis uestre. [fo. 133. b. tre. Unus dominus: una fides. unum baptisma. Unus et pater omnium: qui super omnes et per omnia et in omnibus nobis. Qui est benedictus in secula: seculorum amen.

Gradale.

Beata gens cuius est dominus deus eorum populus quem elegit dominus in hereditatem sibi. Uerbo domini celi firmati sunt et spiritu oris eius omnis uirtus eorum. Alleluya. ¶ Paratum cor meum deus paratum cor meum cantabo et psallam tibi in gloria mea.

Lucam.

In illo tempore: Cum intraret ihesus in domum cuiusdam principis phariseorum sabbato manducare panem: et ipsi ob-

seruabant eum. Et ecce quidam homo ydropicus: erat ante illum. Et respondens ihesus: dixit ad legis peritos. et phariseos. Si licet sabbato curare? At illi tacuerunt. Ipse uero apprehensum sanauit eum: ac dimisit. Et respondens ad illos dixit. Cuius uestrum asinus aut bos in puteum cadet et non continuo extrahet illum die sabbati? Et non poterant ad hec respondere illi. Dicebat autem et ad inuitatos parabolam: intendens quomodo primo saccubitus eligerunt dicens illis. Cum inuitatus eris ad nuptias: non discumbas in primo loco: ne forte honoracior te sit inuitatus ab illo. Et ueniens is qui te et illum uocauit dicat tibi. Da huic locum. Et tunc incipias cum rubore: nouissimum locum tenere. Sed cum uocatus fueris uade: et recumbe in nouissimo loco. Et cum uenerit qui te inuitauit dicat tibi. Amice: ascende superius. Tunc erit tibi gloria: coram simul discumbentibus. Quia omnis qui se exaltat humiliabitur: et qui se humiliat: exaltabitur.

Offertorium.

Oravi deum meum ego daniel dicens exaudi domine preces serui tui illumina faciem tuam super sanctuarium tuum et propicius intende populum istum super quem inuocatum est nomen tuum deus.

Secretum.

Munda nos domine sacrificii presentis effectum: et perfice miseratus in nobis. ut eius mereamur esse participes. Per.

Communio.

UOuete et reddite domino deo
uestro omnes qui in circuitu
eius affertis munera terribili et ei
qui aufert spiritum principum terri-
bili apud omnes reges terre.

Postcommunio.

Purifica domine quesumus
mentes nostras benignus.
et renoua celestibus sacramentis:
ut consequenter et corporum
presens pariter et futurum capia-
mus auxilium. Per./ [fo. 134.

*Feria iiii. in legitimo ieiunio.
officium.*

Exultate deo adiutori nostro iubi-
late deo iacob sumite psalmum
iocundum cum cythara. canite ini-
cium mensis tuba quia preceptum
in israel est et iudicium deo iacob.
Ps. Audi populus meus contestabor
te israel si audieris me non erit in
te deus recens neque adorabis deum
alienum.

Oracio.

Misericordie tue remediis
quesumus domine fragili-
tas nostra subsistat. ut que sua
condicione atteritur. tua clemen-
cia reparetur. Per.

Leccio amos prophete.

HEc dicit dominus deus.
Ecce dies ueniunt et com-
prehendet arator messorum: et
calcator uue mittentem semen.
Et stillabunt montes dulcedi-
nem: et omnes colles culti
erunt. Et conuertam captiui-
tatem populi mei israel: et
edificabunt ciuitates desertas et
habitabunt in eis. Et planta-
bunt uineas: et bibent uinum
earum: Et facient ortos: et

comedent fructus eorum. Et
plantabo eos super humum suam:
et non euellam eos ultra de
terra sua quam dedi eis. Dicit
dominus: omnipotens.

Gradale.

Propicius esto domine peccatis
nostris propter nomen tuum
nequando dicant gentes. ubi est
deus eorum. *Y.* Adiua nos deus
salutaris noster et propter honorem
nominis tui domine libera nos.

Oracio.

Presta quesumus domine
familie supplicanti ut dum
a cibis corporalibus abstinet a
uiciis quoque mente ieiunet. Per.

Leccio libri esdre.

IN diebus illis: Congregatus
est omnis populus quasi uir
unus ad plateam que est ante por-
tam aquarum. et dixerunt esdre
scribe ut afferret librum legis
moysi quam precepit dominus
israeli. Attulit ergo esdras sa-
cerdos librum coram multitu-
dine uirorum ac mulierum cunc-
tisque qui poterant intelligere in
die prima mensis septimi. Et
legit in eo in platea que erat
ante portam aquarum a mane
usque ad mediam diem in con-
spectu uirorum ac mulierum et
sapiencium. Et aures omnis
populi erant recte ad librum.
Stetit autem esdras scriba super
gradum ligneum quem fecerat
ad loquendum et steterunt
iuxta eum. Et aperuit esdras
librum coram omni populo et
benedixit domino deo magno.
Et respondit omnis populus amen
amen. Eleuans autem/ [fo. 134. b.

omnis populus manus suas incuruati sunt: et adorauerunt deum proni in terram. Porro leuite silencium faciebant in populo: ad audiendam legem. Populus autem stabat in gradu suo. Et legerunt in libro legis dei distincte et aperte ad intelligendum. Et intellexerunt cum legeretur. Dixit autem neemeas sacerdos et esdras scribe. et leuite interpretantes uniuersa populo. Dies sanctificatus est domino deo uestro: nolite lugere et nolite flere. Et dixit eis. Ite et comedite pinguia et bibite mulsum: et mittite partes eis qui non preparauerunt sibi quia sanctus est dies domini et nolite contristari. Gaudium etenim domini est: fortitudo uestra.

Gradale.

Quis sicut dominus deus noster qui in altis habitat humilia respicit in celo et in terra. *Ps.* Suscitans a terrai¹ inopem et de stercore erigens pauperem.

Marcum.

IN illo tempore: Respondens unus de turba: dixit ad ihesum. Magister: attuli filium meum ad te habentem spiritum mutum. Qui ubicumque eum apprehenderit: allidit eum et spumat. et stridet dentibus et arescit. Et dixi discipulis tuis ut eicerent eum: et non potuerunt. Qui respondens dixit. O generacio incredula: quamdiu apud uos ero quamdiu uos paciar? Afferte illum ad me. Et attulerunt eum. Et cum uidisset illum statim spiritus conturbauit eum. Et elisus in

¹ Sic.

terra: uolutabatur spumans. Et interrogauit patrem eius. Quantum temporis est: ex quo hoc ei accidit? At ille ait. Ab infancia. Et frequenter eum in ignem et in aquas misit: ut eum perderet. Sed si quid potes adiuua nos: misertus nostri. Ihesus autem ait illi. Si potes credere: omnia possible sunt credenti. Et continuo exclamans pater pueri: cum lacrimis aiebat. Credo domine: adiuua incredulitatem meam. Et cum uideret ihesus concurrentem turbam: comminatus est spiritui in mundo dicens illi. Surde et mute spiritus ego tibi precipio. exi ab eo: et amplius ne introeas in eum. Et clamans et multum discerpens eum: exiit ab eo. Et factus est sicut mortuus ita ut multi dicerent quia mortuus est. Ihesus autem tenens manum eius eleuauit illum/ et surrexit. Et cum [fo. 135. introisset domum: discipuli eius secreto interrogabant eum. Quare nos non potuimus eum eicere? Et dixit illis. Hoc genus a nullo potest exire: nisi in oratione et ieiunio.

Offertorium.

MEditabar in mandatis tuis que dilexi ualde et leuabo manus meas¹ ad mandata tua que dilexi.

Secretum.

DEus qui de hiis terre fructibus tua sacramenta constare uoluisti: presta. quesumus ut per hec opem nobis presentis uite conferas et eterne. Per.

¹ Sic.

Communio.

COmedite pingua et bibite mulsum et mittite partes eis qui non preparauerunt sibi. sanctus enim dies domini est nolite contristari gaudium etenim domini est : fortitudo uestra.

Postcommunio.

Sumentes domine dona celestia suppliciter deprecamur : ut que sedula seruitute donante te gerimus. dignis sensibus tuo munere capiamus. Per.

Feria vi. Officium.

Letetur cor querencium dominum querete¹ dominum et confirmamini querite faciem eius semper. Ps. Confitemini domino.

Oracio.

Presta quesumus omnipotens deus ut obseruaciones sacras annua deuocione recolentes et corpore tibi placeamus et mente. Per.

Leccio osee prophete.

HEc dicit dominus deus. Conuertere israel. ad dominum deum tuum quia corruisti in iniquitate tua. Tollite uobiscum uerba et conuertimini ad dominum : et dicite ei. Omnem aufer iniquitatem et accipe bonum : et reddemus uitulos labiorum nostrorum. Assur non saluabit nos. super equos non ascendemus nec dicemus ultra dii nostri opera manuum nostrarum. quia eius qui in te est misereberis populi. Sanabo contriciones eorum : diligam eos spontanee quia auersus est furor meus ab eis. Ero quasi ros : israel germinabit quasi

Sic.

lilium. Erumpet radix eius. ut libani ibunt rami eius. Et erit quasi oliua gloria eius : et odor eius ut libani. Conuertentur sedentes in umbra eius : uiuent tritico. et germinabunt quasi uinea. Memoriale eius : sicut uinum libani. Ego exaudiam et diligam eum : ego ut abietem uirentem. Ex me fructus tuus inuentus est. Quis sapiens et intelliget ista. intelligens et sciet hec? Quia recte uie domini : et iusti ambulabunt [fo. 135. b. in eis.

Gradale.

Conuertere domine aliquantulum et deprecare super seruos tuos. V. Domine refugium factus es nobis a generatione et progenie.

Secundum Lucam.

IN illo tempore : Rogabat ihesum quidam phariseus : ut manducaret cum illo. Et ingressus domum pharisei : discubuit. Et ecce mulier que erat in ciuitate peccatrix ut cognouit quod accubuisset in domo symonis : attulit alabastrum unguenti. Et stans retro secus pedes eius : lacrimis cepit rigare pedes eius et capillis capitis sui tergebat. et osculabatur pedes eius. et unguento unguebat. Uidens autem phariseus qui uocauerat eum : ait intra se dicens. Hic si esset propheta : sciret utique que et qualis est mulier que tangit eum quia peccatrix est. Et respondens ihesus : dixit ad illum. Symon habeo tibi aliquid dicere. At ille ait. Magister dic. Duo debitores erant : cuidam feneratori

Unus debebat denarios quingentos: et alius quinquaginta. Non habentibus illis unde redderent: donauit utrisque. Quis ergo eum plus diligit? Et respondens symon dixit. Estimo: quia is cui plus donauit. At ille dixit. Recte iudicasti. Et conuersus ad mulierem: dixit symoni. Uides hanc mulierem? Intraui in domum tuam: aquam pedibus meis non dedisti. Hec autem lacrimis rigauit pedes meos. et capillis suis tersit. Osculum michi non dedisti: hec autem exquo intrauit non cessauit osculari pedes meos. Oleo capud meum non unxisti: hec autem unguento unxit pedes. Propter quod dico tibi remittuntur ei peccata multa quoniam dilexit multum. Cui autem minus dimittitur. minus diligit. Dixit autem ad illam ihesus. Remittuntur tibi peccata multa. Et ceperunt quidam qui simul discumbebant: dicere intra se. Quis est hic qui etiam peccata dimittit? Dixit autem ad mulierem. Fides tua te saluam fecit: uade in pace.

Offertorium.

Benedic anima mea domino et noli obliuisci omnes retributiones eius et renouabitur ut aquile iuuentus tua.

Secretum.

Accepta tibi sint domine quesumus nostri dona ieiunii. que et expiando nos gracia tua dignos efficiant. et ad sempiterna/promissa perducant. [fo. 136.

Communio.

Aufer a me obprobrium et contemptum quia mandata tua exquisiui domine nam et testimonia tua meditacio mea est.

Postcommunio.

Quesumus omnipotens deus ut de perceptis muneribus gratias exhibentes: beneficia pociora sumamus. Per.

Sabbato. Officium.

Uenite adoremus deum et procidamus ante dominum ploremus ante eum qui fecit nos quia ipse est dominus deus noster. *Ps.* Uenite exultemus.

Oracio.

Omnipotens sempiterne deus. qui per continenciam salutarem et corporibus nostris mederis et mentibus. maiestatem tuam supplicis¹ exoramus. ut pia ieiunantium deprecatione placatus et presencia nobis subsidia prebeas et futura. Per.

Leccio libri leuitici.

In diebus illis: Locutus est dominus ad moysen dicens. Decimo die mensis huius septimi. dies expiationum erit celebrerimus et uocabitur sanctus. Affligetisque animas uestras in eo: et offeretis holocaustum domino. Omne opus seruile non facietis in tempore diei huius: quia dies propiciacionis est. ut propicietur uobis dominus deus uester. Omnis anima que non afflicta fuerit die hac: peribit de populo suo. Et que operis quispiam¹ fecerit delebo eam de populo suo. Nichil ergo

¹ Sic.

operis facietis in eo. Legitimum sempiternum erit uobis in cunctis generacionibus et habitacionibus uestris. Sabbatum requiescionis est affligetis animas uestras die nono mensis a uespere usque ad uesperum: celebrabitis sabbata uestra. Dicit dominus: omnipotens.

Gradale.

Protector noster aspice deus et respice super seruos tuos. *Ps.*¹ Domine deus uirtutum exaudi preces seruorum tuorum.

Oracio.

DA nobis quesumus omnipotens deus ut ieiunando tua gracia saciemur. et abstinendo cunctis efficiamur hostibus forciores. Per.

Leccio libri leuitici.

IN diebus illis: Locutus est dominus ad moysen dicens. Quintodecimo die mensis septimi quando congregaueritis omnes fructus terre uestre celebrabitis ferias domini septem diebus. Die primo et die octauo erit sabbatum id est requies. Sumetisque uobis die primo fructus arboris pulcherrime spatulasque palmarum. et ramos ligni densarum frondium. et salices de torrente. et letabimini coram domino deo uestro. Celebrabitis sollempni- [fo. 136. b. tatem eius septem diebus per annum. Legitimum sempiternum erit in cunctis generacionibus uestris. Mense septimo festa celebrabitis et habitabitis in umbraculis septem

¹ Sic.

diebus. Omnis qui de genere est israel manebit in tabernaculis ut discant posteri uestri quod in tabernaculis habitare fecerim filios israel cum educerem eos de terra egypti. ego dominus deus uester.

Gradale.

Domine refugium factus es nobis a generatione et progenie. *Ps.* Priusquam montes fierent aut formaretur terra et orbis a seculo et in seculum tu es deus.

Oracio.

DA quesumus domine fidelibus tuis beneficiis gratulari suppliciter imploratis. et qui ieiuniis te uenerantur exhibitis. bonorum tuorum copiis impleantur. Per.

Leccio michee prophete.

Domine deus noster pasce populum tuum uirga tua. gregem hereditatis tue. habitantes terram in salutem iuxta dies antiquos. Uidebunt gentes et confundentur super omni fortitudine sua. Quoniam quis deus similis tui qui aufers iniquitatem et transfers peccatum reliquiarum hereditatis tue? Non immittet ultra furorem suum: quoniam uolens misericordiam est. Reuertetur et miserebitur nostri. Deponet omnes iniquitates nostras: et proiciet in profundum maris omnia peccata nostra. Dabis ueritatem iacob. misericordiam abraham. que iurasti patribus nostris a diebus antiquis: domine deus noster.

AB occultis meis munda me domine et ab alienis parce seruo tuo. *Ps.* Si mei non fuerint dominati tunc immaculatus ero et emundabor a delicto maximo.

Oracio.

PResta quesumus domine sic nos ab epulis abstinere carnalibus: ut a uiciis irruentibus pariter ieiunemus. *Per.*

Leccio zacharie prophete.

IN diebus illis: Factum est uerbum domini ad me dicens. Hec dicit dominus deus exercituum. Sicut cogitavi ut affligerem uos cum ad iracundiam me prouocassent patres uestri et non sum misertus. sic conuersus cogitavi in diebus istis ut benefaciam israel et domui iuda. Nolite timere. Hec sunt ergo uerba que facietis. Loquimini ueritatem unusquisque cum proximo suo. ueritatem et iudicium pacis iudicate in portis uestris. Et unusquisque malum contra amicum suum ne cogitetis in cordibus uestris. et iuramentum mendax ne dili/ga- [fo. 137. tis. Omnia enim hec sunt que odi dicit dominus. Et factum est uerbum domini exercituum ad me dicens. Hec dicit dominus exercituum. Ieiunium primi. et ieiunium quarti. et ieiunium quinti. et ieiunium septimi. et ieiunium decimi. erit domui iuda in gaudium et in leticiam et in sollempnitates preclaras. Ueritatem tantum et pacem diligite: dicit dominus exercituum.

Conuerte domine aliquantulum et deprecare super seruos tuos. *Ps.* Domine refugium factus es nobis a generatione et progenie.

Oracio.

UT nos domine tribuis sollempne tibi deferre ieiunium. sic nobis indulgentie presta quesumus subsidium. *Per.*

Leccio danielis prophete.

IN diebus illis: Angelus domini descendit cum azaria et sociis eius in fornacem. et excussit flammam ignis de fornace et fecit medium fornacis quasi uentum roris flantem. Flamma autem diffusa est super fornacem cubitis quadraginta nouem. et incendit quos reperit iuxta fornacem de chaldeis ministros regis qui eam incendebant. Illos autem omnino non tetigit ignis neque contristauit. nec quicquam molestie intulit. Tunc hii tres quasi ex uno ore ympnum dicebant et magnificabant deum in fornace dicentes. Benedictus es domine deus patrum nostrorum: et laudabilis et superexaltatus in secula. Et benedictum nomen glorie tue sanctum et laudabile et superexaltatum in omnibus seculis. Benedictus es in templo sancto glorie tue. et superlaudabilis et supergloriosus in secula. Benedictus es in throno regni tui: et superlaudabilis et superexaltatus in secula. Benedictus es qui intueris abyssos et sedes super cherubyn. et laudabilis et superexaltatus in secula. Bene-

dictus es in firmamento celi: et laudabilis et gloriosus in secula. Benedicite omnia opera domini domino. benedicite celi domino. benedicite angeli domini domino. ympnum dicite et superexaltate eum in secula. Benedicite aque que super celos sunt domino. benedicite omnes uirtutes domini domino. benedicite sol et luna domino. ympnum dicite et superexaltate eum in secula. Benedicite stelle celi domino benedicite ymber et ros domino. benedicite omnis [fo. 137. b. spiritus domino. ympnum dicite. Benedicite ignis et estus domino. benedicite noctes et dies domino. benedicite tenebre et lumen domino. ympnum dicite. Benedicite frigus et cauma domino. benedicite pruina et niues domino. benedicite fulgura et nubes domino. ympnum dicite. Benedicat terra dominum: benedicite montes et colles domino. benedicite omnia nascencia terre domino. ympnum. Benedicite maria et flumina domino: benedicite fontes domino benedicite cete et omnia que mouentur in aquis domino. ympnum. Benedicite uolucres celi domino benedicite bestie et uniuersa pecora domino benedicite filii hominum domino. ympnum dicite. Benedicat israel domino benedicite sacerdotes domini domino. benedicite serui domini domino. ympnum dicite. Benedicite spiritus et anime iustorum domino. benedicite sancti et humiles corde domino. ympnum dicite. Benedicite ananias azarias misael domino. ympnum. WESTM.

num dicite et superexaltate eum in secula.

Tractus.

OMnipotentem semper adorant et benedicunt omne per eum. V. Astra polorum cuncta chorique solque sororque lumina celi. Et benedicunt. V. Sic quoque lymphe queque superne ros pluuięque spiritus omnis. Et benedicunt. V. Ignis et estus cauma geluque frigus et ardor atque pruina. Et benedicunt. V. Nix glaciesque noxque diesque lux tenebreque fulgura nubis. Et benedicunt. V. Arida. montes. germina colles flumina fontes pontus et unde. Et benedicunt. V. Omnia uiua que uehit equor que uehit aer terraque nutrit. Et benedicunt. V. Cuncta hominum gens israel ipse christicoleque ser uuli quique. Et benedicunt. V. Sancti humilesque corde benigno tresque pusilli exsuperantes. Et benedicunt. V. Rite camini ignei flammas iussa tyranni tempnere prompti. Et benedicunt. V. Sit genitori laus genitoque lausque beato flamini sancto. Et benedicunt.

Tractus.

OMnipotentem.

Dominus uobiscum.

Oracio.

DEus qui tribus pueris mitigasti flammas ignium: concede propicius: ut nos famulos tuos non exurat flamma uiciorum. Per.

Ad hebreos.

FRatres: Tabernaculum factum est primum in quo

erant candelabra et mensa. et propositio panum que dicitur sancta. Post uelamentum autem secundum tabernaculum quod dicitur sancta sanctorum aureum habens thuribulum. et archam testamenti circumtectam ex omni parte auro. in qua urna aurea habens/ manna et uirga [fo. 138. aaron que fronderat et tabule testamenti superque eam cherubyn glorie obumbrancia propiciatorium. De quibus non est modo dicendum per singula. Hiis uero ita compositis: in priori quidem tabernaculo semper introibant sacerdotes sacrificiorum officia consumantes. In secundo autem semel in anno solus pontifex. non sine sanguine quem offert pro sua et populi ignorancia. Hoc significante spiritu sancto nondum propositam esse sanctorum uiam adhuc priore tabernaculo habente statum. Que parabola est temporis instantis. Iuxta quem¹ munera et hostie offeruntur que non possunt iuxta conscientiam perfectum facere seruientem solummodo in cibis et in potibus et uariis baptismatibus et iusticiis carnis usque ad tempus correccionis impositis. christus autem assistens pontifex futurorum bonorum peramplius et perfectius tabernaculum non manufactum id est non huius creacionis neque per sanguinem hyrcorum aut uitulorum. sed per proprium sanguinem introiuit semel in sancta: eterna redemptione inuenta.

¹ Sic.*Tractus.*

Laudate dominum omnes gentes et collaudate eum omnes populi. *V.* Quoniam confirmata est super nos misericordia eius et ueritas domini manet in eternum.

Lucam.

In illo tempore: Dixit ihesus turbis similitudinem hanc. Arborem fici habebat quidam plantatam in uinea sua: et uenit querens fructum in illa et non inuenit. Dixit autem ad cultorem uinee. Eccece¹ anni tres sunt exquo uenio querens fructum in ficulnea hac: et non inuenio. Succide ergo illam. Ut quid etiam terram occupat? At ille respondens: dixit illi. Domine: dimitte illam et hoc anno. usque dum fodiam circa illam et mittam stercora siquidem fecerit fructum. Sin autem: in futuro succides illam. Erat autem docens in synagogam¹ eorum sabbatis. Et ecce mulier que habebat spiritum infirmitatis annis decem et octo. et erat inclinata nec poterat omnino rursum¹ respicere. Quam cum uidisset ihesus: uocauit eam ad se et ait illi. Mulier: dimissa es ab infirmitate tua. Et imposuit illi manus: et confestim erecta est et glorificabat deum. Respondens autem archisynagogus indignans quia/ sabbato curasset [fo. 138. b. ihesus dicebat turbe. Sex dies sunt: in quibus licet operari. In hiis ergo uenite et curamini: et non in die sabbati. Respondens

¹ Sic.

453

autem ad illum ihesus dixit. Ypocrita: unusquisque uestrum sabbato non soluit bouem suum aut asinum a presepio et ducit adquare? Hanc autem filiam abrahe quam alligauit sathanas ecce decem et octo annis: non oportuit solui a uinculo isto die sabbati? Et cum hec diceret: erubescabant omnes aduersarii eius. Et omnis populus gaudebat in uniuersis: que gloriose fiebant ab eo.

Offertorium.

Domine deus salutis mee in die clamaui et nocte coram te intret oratio mea in conspectu tuo domine.

Secretum.

Quesumus domine nostris placare muneribus. et ieiuniis. quia tu eadem tribuis ut placeris. Per.

Communio.

Mense septimo festa celebrabitis cum in tabernaculis habitare fecerim filios israel cum educerem eos de terra egypti ego dominus. deus uester.

Postcommunio.

Perficiant in nobis quesumus domine tua sacramenta quod continent: ut que nunc specie gerimus. rerum ueritate capiamus. Per.

Dominica xviii. Officium.

Dapacem domine sustinentibus te ut prophete tui fideles inueniantur. exaudi preces serui tui et

454

plebis tue israel. *Ps.* Ut sciant omnes qui habitant terram: quia tu es deus conspexisti seculorum. Gloria.

Oratio.

DAquesumus domine populo tuo dyabolica uitare contagia: et te solum deum pure mente sectari. Per.

Ad corinthios.

FRatres: Gracias ago deo meo semper pro uobis: in gracia dei que data est nobis in christo ihesu: quia in omnibus diuites facti estis in illo in omni uerbo et in omni sciencia sicut testimonium christi confirmatum est in uobis ita ut nichil uobis desit in ulla gracia expectantibus reuelacionem domini nostri ihesu christi. Qui et confirmabit uos usque in finem sine crimine: in die aduentus domini nostri ihesu christi.

Gradale.

LETatus sum in his que dicta sunt michi in domum dominum¹ ibimus. *Ps.* Fiat pax in uirtute tua et habundancia in turribus tuis. Alleluya. *Ps.* Omnes gentes plaudite manibus iubilate deo in uoce exultacionis.

Secundum matheum.

IN illo tempore: Pharisei audientes quod silentium imposuisset ihesus saduceis: conuenerunt in unum. et interrogauit eum unus ex eis legis doctor temptans eum. Magister: quod est mandatum magnum in

¹ Sic.

lege./ Ait illi ihesus. [fo. 139. Diliges dominum deum tuum ex toto corde tuo et ex tota anima tua. et in tota mente tua. Hoc est maximum. et primum mandatum. Secundum autem: simile est huic. Diliges proximum tuum sicut teipsum. In hiis duobus mandatis: uniuersa lex pendet et prophete. Congregatis autem phariseis: interrogauit eos ihesus dicens. Quid uobis uidetur de christo cuius filius est? Dicunt ei. Daudid. Ait illis. Quomodo ergo dauid in spiritu uocat eum dominum dicens. Dixit dominus domino meo sede a dextris meis Donec ponam inimicos tuos. scabellum pedum tuorum. Si ergo dauid uocat eum dominum: quomodo filius eius est? Et nemo poterat respondere ei uerbum: neque ausus fuit quisquam ex illa die: eum amplius interrogare.

Offertorium.

Sanctificauit moyses altare domino offerens super illud holocaustum. et immolans uictimas fecit sacrificium uespertinum in odorem suauitatis domino deo in conspectu filiorum israel.

Secretum.

Maiestatem tuam domine suppliciter deprecamur: ut hec sancta que gerimus. et a preteritis delictis nos exuant et futuris. Per.

Communio.

Tollite hostias et introite in atria eius adorare dominum in aula sancta eius.

Postcommunio.

Sanctificationibus tuis omnipotens deus et uicia nostra curentur: et remedia nobis eterna proueniant.

Dominica nonadecima. Officium.

Salus populi ego sum dicit dominus de quacumque tribulatione clamauerint ad me exaudiam eos et ero illorum dominus imperpetuum. *Ps.* Attendite popule meus.

Oratio.

Dirigat corda nostra domine quesumus tue miseracionis operacio: quia tibi sine te placere non possumus. Per.

Ad ephesios.

Fratres: Renouamini spiritu mentis uestre: et induite nouum hominem qui secundum deum creatus est: in iusticia et sanctitate ueritatis. Propter quod deponentes mendacium: loquimini ueritatem unusquisque cum proximo suo quoniam sumus inuicem membra. Irascimini: et nolite peccare. Sol non occidat super iracundiam uestram. Nolite locum dare dyabolo. Qui furabatur: iam non furetur. Magis autem laboret operando manibus suis quod bonum est ut habeat unde tribuat: necessitatem patienti.

457

Gradale.

Dirigatur oratio mea sicut in/censum in conspectu [fo. 139. b. tuo domine. *Ps.* Eleuacio manuum meorum sacrificium uespertinum. Alleluia. *Ps.* Attendite popule meus legem meam.

Secundum matheum.

In illo tempore: Ascendens ihesus in nauiculam: transfretauit et uenit in ciuitatem suam. Et ecce offerebant ei paraliticum iacentem in lecto. Et uidens ihesus fidem illorum dixit paralitico. Confide fili: remittuntur tibi peccata tua. Et ecce quidam de scribis dixerunt intra se. Hic blasphematur. Et cum uidisset ihesus cogitationes eorum dixit. Utquid cogitatis mala in cordibus uestris. Quid est facilius dicere dimittuntur tibi peccata tua an dicere surge et ambula? Ut autem sciatis quia filius hominis habet potestatem in terra dimittendi peccata: ait paralitico. Surge tolle lectum tuum et uade in domum tuam. Et surrexit: et abiit in domum suam. Uidentes autem turbe: timuerunt. Et glorificauerunt deum: qui dedit protestatem talem hominibus.

Offertorium.

Si ambulauero in medio tribulationis uiuificabis me domine. et super iram inimicorum meorum extends manum tuam et saluum me fecit dextera tua.

Secretum.

Deus qui nos per huius sacrificii ueneranda commercia

458

unius summeque diuinitatis participes efficis: presta quesumus. ut sicut tuam cognoscimus ueritatem. sic eam dignis mentibus et moribus assequamur. Per.

Communio.

Tu mandasti mandata tua custodiri nimis utinam dirigantur uie mee ad custodiendas iustificationes tuas.

Postcommunio.

Gracias tibi referimus domine sacro munere uegetati tuam misericordiam deprecantes: ut dignos nos eius participatione perficias. Per.

Dominica xx. Officium.

Omnia que fecisti nobis domine in uero iudicio fecisti quia peccauimus tibi et mandatis tuis non obediuius sed da gloriam nomini tuo et fac nobiscum secundum multitudinem misericordie tue. *Ps.* Peccauimus inique egimus recedentes a te et precepto tuo non obediuius. Gloria.

Oratio.

Omnipotens et misericors deus uniuersa nobis aduersancia propiciatus exclude: ut mente et corpore pariter expediti que tua sunt liberis mentibus exequamur. Per.

Ad ephesios.

Fratres. Uidete quomodo caute ambuletis. Non

quasi insipientes: sed ut sapientes. Redimentes [fo. 140. tempus: quoniam dies mali sunt. Propterea nolite fieri imprudentes. sed intelligentes que sit uoluntas dei. Et nolite inebriari uino: in quo est luxuria: sed implemini spiritu sancto loquentes uobismetipsis in psalmis. et ymnis et canticis spiritualibus. cantantes et psallentes in cordibus uestris domino. Gracias agentes semper pro omnibus in nomine domini nostri ihesu christi deo et patri. Subiecti inuicem: in timore christi.

Gradale.

OCuli omnium in te sperant domine et tu das illis escam in tempore opportuno. *℣.* Aperis tu manum tuam et imples omne animal benedictione. Alleluya. *℣.* Domine deus salutis mee in die clamaui et nocte coram te.

Matheum.

IN illo tempore: Loquebatur ihesus cum discipulis suis in parabolis dicens. Simile factum est regnum celorum homini regi qui fecit nuptias filio suo. Et misit seruos suos uocare inuitatos ad nuptias et nolebant uenire. Iterum misit alios seruos dicens. Dicite inuitatis. Ecce prandium meum parauit: tauri mei et altilia occisa. et omnia parata. uenite ad nuptias. Illi autem neglexerunt. Et abierunt alius in uillam suam: alius uero ad negociacionem suam. Reliqui uero tenuerunt seruos eius et

contumeliis affectos occiderunt. Rex autem cum audisset iratus est: et missis exercitibus suis perdidit homicidas illos et ciuitatem illorum succendit. Tunc ait seruis suis. Nuptie quidem parate sunt: sed qui inuitati erant non fuerunt digni. Ite ergo ad exitus uiarum. et quoscumque inueneritis uocate ad nuptias. Et egressi serui eius in uias: congregauerunt omnes quos inuenerunt malos et bonos. et implete sunt nuptie discumbencium. Intrauit autem rex ut uideret discumbentes: et uidit ibi hominem non uestitum ueste nupciali. et ait illi. Amice quomodo huc intrasti non habens uestem nupcialem? At ille ommutuit. Tunc dixit rex ministris. Ligatis manibus eius et pedibus mittite eum in tenebras exteriores. Ibi erit fletus et stridor dencium. Multi enim sunt uocati: pauci uero electi.

Offertorium.

Super flumina babilonis illic sedimus et fleuimus dum recordaremur tui syon. [fo. 140. b.]

Secretum.

HEc munera quesumus domine que oculis tue maiestatis offerimus. salutaria nobis esse concede. Per.

Prefacio.

Quia¹ cum unigenito.

¹ Sic.

Communio.

Memento uerbi tui seruo tuo domine in quo michi spem dedisti. hec me consolata est in humilitate mea.

Postcommunio.

Tua nos domine medicinalis operatio et a nostris peruersitatibus clementer expediat. et tuis semper faciat inherere mandatis. Per.

*Dominica xxi.**Officium.*

IN uoluntate tua domine uniuersa sunt posita. et non est qui possit resistere uoluntati tue. tu enim fecisti celum et terram et uniuersa que celi ambitu continentur dominus uniuersorum tu es. *Ps.* Et nunc domine rex regum deus abraham miserere populo tuo quia uolunt nos inimici nostri perdere et hereditatem tuam delere. Gloria.

Oratio.

LArgire quesumus domine fidelibus tuis indulgentiam placatus et pacem. ut pariter ab omnibus mudentur offensis. et secura tibi mente deseruiant. Per.

Ad ephesios.

FRatres. Confortamini in domino: et in potencia uirtutis eius. Induite uos armatura dei: ut possitis stare aduersus insidias dyaboli. Quoniam non est nobis colluctatio aduersus carnem et sanguinem. sed ad-

uersus principes et potestates aduersus mundi rectores tenebrarum harum contra spiritualia nequicie in celestibus. Propterea accipite armaturam dei. ut possitis resistere in die malo. et in omnibus perfecte stare. State ergo succincti lumbos uestros in ueritate: et induti lorica iusticie et calciati pedes in preparationem euuangelii pacis. In omnibus sumentes scutum fidei in quo possitis omnia tela nequissimi ignea extinguere. Et galeam salutis assumere et gladium spiritus: quod est uerbum christi.

Gradale.

Domine refugium factus es nobis a generatione et progenie. *Ps.* Priusquam montes fierent aut formaretur terra et orbis a seculo et in seculum tu es deus. Alleluja. *Ps.* Deus iudex iustus fortis et pociens numquid irascetur per singulos dies.

Secundum Iohannem.

IN illo tempore: Erat quidam regulus: cuius filius infirmabatur capharnaum. Hic cum audisset quia ihesus adueniret a iudea in galileam abiit ad eum et rogabat eum. ut descenderet et sanaret filium eius. Incipiebat enim mori. Dixit ergo ihesus ad eum. Nisi signa et prodigia uideritis: non creditis. Dixit ad eum regulus. Domine descende: priusquam moriatur filius meus. Dixit ei ihesus: Uade filius tuus uiuit. Credit homo sermoni quem dixerat ei ihesus: et ibat. Iam autem eo descendente: serui occurrerunt

ei et nunciauerunt dicentes quia filius eius uiueret. Interrogabat ergo horam ab eis: in qua melius habuerat. Et dixerunt ei. Quia heri hora septima: reliquid eum febris. Cognouit ergo pater quia illa hora erat in qua dixit ei ihesus. filius tuus uiuit. Et credidit ipse: et domus eius tota.

Offertorium.

UR erat in terra nomine iob simplex et rectus ac timens deum quem sathan peciit ut temptaret. et data est ei potestas a domino in facultate et in carne eius perdiditque omnem substantiam illius et filios carnem quoque eius graui ulcere uulnerauit.

Secretum.

CElestem nobis prebeant hec misteria quesumus domine medicinam: et uicia nostri cordis expurgent. Per.

Communio.

IN salutari tuo anima mea et in uerbum tuum speraui quando facies de persequentibus me iudicium iniqui persecuti sunt me adiuua me domine deus meus.

Postcommunio.

UT sacris domine reddamur digni muneribus: fac nos quesumus tuis obedire mandatis. Per.

Dominica xxii. Officium.

SI iniquitates obseruaueris domine domine quis sustinebit

quia apud te propitiatio est deus israel. *Ps.* De profundis.

Oratio.

FAmiliam tuam quesumus domine continua pietate custodi: ut a cunctis aduersitatibus te protegente sit libera. et in bonis ac tuo nomini sit deuota. Per.

Ad philippenses.

FRatres: Confidimus in domino ihesu: quia qui cepit in uobis opus bonum: perficiat usque in diem christi ihesu. Sicut est michi iustum hoc sentire pro omnibus uobis eo quod habeam uos in corde. et in uinculis meis. et in defensione et confirmatione euuangelii: socios gaudii mei omnes uos esse. Testis enim michi est deus quomodo cupiam omnes uos in uisceribus ihesu christi. Et hoc oro: ut caritas uestra magis ac magis abundet in sciencia et in omni sensu. ut probetis pociora ut sitis sinceres et sine offensa in diem christi. Repleti fructu iusticie: per ihesum [fo. 141. b. christum: in gloriam et laudem dei.

Gradale.

ECce quam bonum et quam iocundum habitare fratres in unum. *℣.* Sicut unguentum in capite quod descendit in barbam barbam aaron. *℣.* Mandauit dominus benedictionem et uitam usque in seculum. Alleluya. *℣.* De profundis clamaui ad te domine domine exaudi uocem meam.

Secundum matheum.

IN illo tempore: Dixit discipulis suis parabolam hanc. Simile est regnum celorum homini regi: qui uoluit rationem ponere cum seruis suis. Et cum cepisset rationem ponere: oblatuſ est ei unus qui debebat decem milia talenta. Cum autem non haberet unde redderet: iussit eum dominus eius uenundari. et uxorem eius et filios. et omnia que habebat et reddi. Procidens autem seruus ille rogabat eum dicens. Pacientiam habe in me: et omnia reddam tibi. Misertus autem dominus serui illius. dimisit eum et debitum dimisit ei. Egressus autem seruus ille inuenit unum de conseruis suis qui debebat ei centum denarios. Et tenens: suffocabat eum dicens. Redde quod debes. Et procidens conseruus eius: rogabat eum dicens. Pacientiam habe in me: et omnia reddam tibi. Ille autem noluit: sed abiit et misit eum in carcerem donec redderet debitum. Uidentes autem conserui eius que fiebant: contristati sunt ualde. Et uenerunt: et narrauerunt domino suo omnia que facta fuerant. Tunc uocauit illum dominus suus: et dixit illi. Serue nequam omne debitum dimisi tibi: quoniam rogasti me. Nonne ergo oportuit et te misereri conserui tui sicut et ego tui misertus sum? Et iratus dominus eius: tradidit eum tortoribus quoadusque redderet uniuersum debitum. Sic et pater meus celestis faciet

uobis: si non remiseritis unusquisque fratri suo: de cordibus uestris.

Offertorium.

Recordare mei domine omnipotentatui da sermonem rectum et benesonantem in os meum ut placeant uerba mea in conspectu principis. euerſe cor eius in odium repugnancium nobis et in eos qui consenciant eis nos autem libera in manu tua deus noster eternum.

Secretum.

Suscipe domine propicius hostias quibus et te placari uoluisti: et nobis salutem./ potenti pietati restitui. [fo. 142. Per.

Communio.

Dico uobis gaudium est angelis dei super uno peccatore penitentiam agente.

Postcommunio.

Inmortalitatis alimoniam consecuti quesumus domine. ut quod ore percepimus mente sectemur. Per.

Dominica xxiii. Officium.

Dicit dominus ego cogito cogitationes pacis et non afflictionis inuocabitis me et ego exaudiam uos et reducam captiuitatem uestram de cunctis locis. *Ps.* Benedixisti domine.

Oracio.

Deus nostrum refugium et uirtus adesto piis ecclesie

tue precibus auctor ipse pietatis :
et presta ut quod fideliter pecimus
efficaciter consequamur. Per.

Ad philippenses.

FRatres: Imitatores mei
estote: et obseruate eos
qui ita ambulant sicut habetis
formam nostram. Multi enim
ambulant quos sepe dicebam
uobis. nunc autem et flens dico
inimicos crucis christi. Quorum
finis interitus: quorum deus uen-
ter est et gloria in confusionem
ipsorum qui terrena sapiunt.
Nostra autem conuersacio in celis
est: Unde etiam saluatorem
expectamus dominum nostrum
ihesum christum: qui reforma-
bit corpus humilitatis nostre
configuratum corpori claritatis
sue. secundum operationem qua
possit etiam subicere sibi omnia.
Itaque fratres mei karissimi et
desideratissimi: gaudium meum.
et corona mea sic state in
domino karissimi. Euchodiam
rogo et sinticen deprecor: idip-
sum sapere in domino. Etiam
rogo et te germane compar
adiuua illas que mecum labora-
uerunt in euangelio cum clem-
ente et ceteris adiutoribus meis.
Quorum nomina sunt: in libro
uite.

Gradale.

Liberasti nos domine ex affligen-
tibus nos et eos qui nos
oderunt confudisti. V. In deo
laudabimur totadie et in nomini tuo
confitebimur in secula. Alleluya.
V. Domine refugium factus es nobis
a generatione et progenie.

Matheum.

IN illo tempore: Abeuntes
pharisei consilium inierunt:
ut caperent ihesum in sermone.
Et mittunt ei discipulos suos
cum herodianis dicentes. Ma-
gister: scimus quia uerax es. et
uiam dei in ueritate doces. et
non est tibi cura de aliquo.
Non enim respicis personam
hominum. Dic ergo nobis:
quid tibi uidetur. Licet census
dari cesari annon? Cognita au-
tem ihesus nequicia eorum ait.
Quid me temptatis ypocrite?
Ostendite michi nummismata.
census. At illi [fo. 142. b.
optulerunt ei denarium. Et ait
illis ihesus. Cuius est ymago
hec et superscriptio? Dicunt
ei. Cesaris. Tunc ait illis.
Reddite ergo que sunt cesaris
cesari: et que sunt dei. deo.

Offertorium.

DE profundis clamaui ad te
domine domine domine¹ ex-
audi oracionem meam.

Secretum.

DA misericors deus: ut hec
salutaris oblatio. et a
propriis nos reatibus indesinenter
expediat. et ab omnibus tueatur
aduersis. Per.

Communio.

AMen dico uobis quicquid orantes
petitis credite quia accipietis
et fiet uobis.

¹ Sic.

Postcommunio.

Sumpsimus domine sacri dona misterii humiliter deprecantes ut que in tui commemoratione nos facere precepisti: in nostre proficiant infirmitatis auxilium. Per.

Dominica xxiii. Officium.

Sperent in te domine qui nouerunt nomen tuum quoniam non derelinquis querentes te psallite domino qui habitat in syon. *Ps.* Confitebor tibi narrabo omnia mirabilia.

Oratio.

Excita domine quesumus tuorum fidelium uoluntates: ut diuini operis fructum propensius exequentes pietatis tue remedia maiora percipiant. Per.

Ad collocenses.

Fratres: Non cessamus pro uobis orantes et postulant: ut impleamini agnitione uoluntatis eius in omni sapientia et intellectu spirituali. ut ambuletis digne deo per omnia placentes. In omni opere bono fructificantes: et crescentes in sciencia dei. In omni uirtute confortati: secundum potentiam claritatis eius. In omni paciencia: et longanimitate cum gaudio. In christo ihesu: domino nostro.

Gradale.

Iustus es domine et rectum iudicium tuum. fac cum seruo tuo secundum magnam misericor-

diam tuam. *Ps.* Gressus meos dirige domine secundum eloquium tuum ut non dominetur michi omnis iniusticia. Alleluya. *Ps.* Domine deus meus in te speraui saluum me fac ex omnibus persequentibus me et eripe me.

Secundum matheum.

In illo tempore: Loquente ihesu ad turbas: ecce princeps unus accessit et adorauit eum dicens. Domine: filia mea modo defuncta est: sed ueni impone manum tuam super eam et uiuet. Et surgens ihesus sequebatur eum: et discipuli eius. Et ecce mulier que sanguinis fluxum paciebatur duodecim annis accessit retro: et tetigit fimbriam uestimenti eius. Dicebat enim intra se. Si tetigero fimbriam uesti- [fo. 143. menti eius tantum: salua ero. At ihesus conuersus et uidens eam dixit. Confide filia: fides tua te saluam fecit. Et salua facta est mulier: ex illa hora.

Offertorium.

Domine deus meus in te speraui saluum me fac ex omnibus persequentibus me et eripe me.

Secretum.

Munda nos domine sacrificii presentis effectum. et perfice misereatus in nobis. ut eius mereamur esse participes. Per.

Communio.

Custodi me domine ut pupillam oculi sub umbra alarum tuarum protege me.

471

Postcommunio.

COncede quesumus misericors deus : per sacramenta que sumpsimus : ut quicquid in nostra mente uiciosum est ipsius meditationis dono curetur. Per.

Dominica xxv. Officium.

Benedicta sit sancta trinitas.

Gradale.

Benedictus es. Alleluya. *Ÿ.*
Benedictus es.

Offertorium.

Benedictus sit deus.

Communio.

Benedicimus dominum. *Require
in die sancte trinitatis.*

Oracio.

EXcita domine quesumus potentiam tuam et ueni : et quod ecclesie tue promisisti : usque in finem seculi clementer operare. Qui uiuis et regnas cum deo patre.

Leccio ieremie prophete.

ECce dies ueniunt dicit dominus : et suscitabo dauid germen iustum et regnabit rex et sapiens erit. et faciet iudicium et iusticiam in terra. In diebus illis saluabitur iuda : et israel habitabit confidenter. Et hoc est nomen quod uocabunt eum : dominus iustus noster. Propter hoc ecce dies ueniunt dicit dominus : et non dicent ultra uiuit

472

dominus qui eduxit filios israel de terra egypti : sed uiuit dominus qui eduxit et adduxit semen domus israel de terra aquilonis et de cunctis terris ad quas eieceram eos illuc. et habitabunt in terra sua. Dicit dominus : omnipotens.

Secundum Iohannem.

IN illo tempore : Cum subleuasset oculos ihesus et uidisset quia multitudo maxima uenit ad eum :¹ Unde ememus panes ut manducent hii? Hoc autem dicebat : temptans eum. Ipse enim sciebat : quid esset factururus. Respondit ei philippus. Ducentorum denariorum panes non sufficiunt eis : ut unusquisque modicum quid accipiat. Dicit ei unus ex discipulis eius : andreas frater symonis petri. Est puer unus hic qui habet quinque panes ordeiceos² : et duos pisces. Sed hec quid sunt inter tantos? / Dixit ergo ihesus. Facite [fo. 143. b. homines discumbere. Erat autem fenum multum in loco. Discubuerunt ergo uiri : numero quasi quinque milia. Accepit ergo panes ihesus : et cum gratias egisset : distribuit discumbentibus. Similiter et ex piscibus quantum uolebant. Ut autem impleti sunt dixit discipulis suis. Colligite que superauerunt fragmenta ne pereant. Collegerunt ergo : et impleuerunt duodecim cophinos fragmentorum ex quinque panibus ordeiceis²

¹ dicit ad philippum omitted.² Sic.

473

que superfuerunt hiis qui manducauerant. Illi ergo homines cum uidissent quod fecerat signum dicebant quia hic est uere propheta: qui uenturus est in mundum.

Secretum.

SAcrificium tibi domine celebrandum placatus intende. quod nos et a uiciis nostre conditionis emundet et tuo nomini reddat acceptos. Per.

Postcommunio.

ANime nostre diuino munere sacciate quesumus omnipotens deus hoc pociantur desiderio. ut a tuo spiritu inflammentur. ut ante conspectum uenientis christi filii tui uelud clara luminaria fulgeamus. Per eundem. In unitate eiusdem.

*In anniuersario dedicacionis ecclesie.**Officium.*

TERRIBILIS est locus iste hic domus dei est et porta celi et uocatur aula dei. *Ps.*¹ Surgens autem mane iacob tulit lapidem quem supposuerat capiti suo et erexit in titulum fundens que oleum desuper ait. *Officium.* Terribilis. *Ps.* Quam dilecta.

Oracio.

DEUS qui nobis per singulos annos huius sancti templi tui consecracionis reparas diem. et sacris semper misteriis repre-

¹ Sic.

474

sentas incolumes: exaudi preces populi tui et presta: ut quisquis hoc templum beneficia petiturus ingreditur. cuncta se impetrasse letetur. Per.

Leccio libri apocalypseos Iohannis apostoli.

IN diebus illis: Ego Iohannes uidi ciuitatem sanctam iherusalem descendentem de celo a deo paratam sicut sponsam ornata uiro suo. Et audiui uocem magnam de throno dicentem. Ecce tabernaculum dei cum hominibus: et habitabit cum eis. Et ipsi populus eius erunt: et ipse dominus cum eis erit eorum deus: Et absterget deus omnem lacrimam ab oculis [fo. 144. eorum: et mors ultra non erit neque luctus neque clamor neque dolor erit ultra que prima abierunt. Et dixit qui sedebat in throno: Ecce noua: facio omnia.

Gradale.

LOCUS iste a deo factus est inestimabile sacramentum irreprehensibilis est. *Ps.* Deus cui astat angelorum chorus exaudi preces seruorum tuorum. Alleluia. *Ps.* Adorabo ad templum sanctum tuum et confitebor nomini tuo.

Tractus.

QUAM dilecta tabernacula tua domine uirtutum. concupiscit et defecit anima mea in atria domini. *Ps.* Cor meum et caro mea exultauerunt deum uiuum. *Ps.* Etenim passer inuenit sibi domum et turtur nidum sibi ubi reponat pullos suos.

Ÿ. Altaria tua domine uirtutum rex meus et deus meus. Ÿ. Beati qui habitant in domo tua in seculum seculi laudabunt te domine.

Sequencia.

Ierusalem et syon filia. cetus omnium fidei curie melos pangat iugis leticie alleluya. Christus enim desponsit¹ hodie matrem nostram norma iusticie quam de lacu traxit miserie ecclesiam. In spiritus sancticlemencia sponsa sponsi letantur¹ gracia a regina laudis cum gloria felix dicta. Dos ut datur crescit leticia. quos dos quanta triplex potentia. tangens celum terras et stigia iusticia. Mira loquor sed sana credere federatam tam largo munere de proprio produxit latere deus homo. Formaretur ut si ecclesia figurauit in patris gloria ade costis formata femina hostis eua. Eua fuit houerca posteris hec est mater electi generis uite portus asilum miseris et tutela. Pulcra potens partu mirabilis ut luna sol fulget spectabilis plus acie multo terribilis ordinata. Multiplex est singularis una generabilis et indiuidua omnis cui sexus similis una parit turmas. Hec signata iordanis fluctibus hec quia uenit e terre finibus scienciam audire communis salamonis. Sic typicis descripta sensicus nupciarum induta uestibus celi prestat hodie ciuibus christo iuncta. O sollempnis festum leticie quo unitur christus ecclesie in qua nostre salutis nupcie celebrantur. Cetus felix dulce conuiuium. lapsis ibi datur solacium desperatis offertur spacium respirandi. Iustis inde soluuntur premia angelorum nouantur gaudia lata nimis quod facit gracia caritatis. Ab eterno sapience in tui solius gracie sic preuidit in rerum serie hec futura. Christus ergo nos

¹ *Su*

suis nupciis recreatos ueris diuiciis interesse faciat sociis electorum.

Secundum Lucam.

IN illo tempore: Egressus dominus ihesus: perambulabat iherico. Et ecce/[fo. 144. b. uir nomine zacheus: et hic erat princeps publicanorum. et ipse diues. Et querebat uidere ihesum quis esset: et non poterat pre turba. quia statura pusillus erat. Et precurrens ascendit in arborem sicomorum ut uideret illum quia inde erat transiturus. Et cum uenisset ad locum: suspiciens ihesus uidit illum. et dixit ad eum. Zachee festinans descende: quia hodie in domo tua oportet me manere. Et festinans descendit: et excepit illum gaudens. Et cum uiderent omnes murmurabant dicentes quod ad hominem peccatorem diuertisset. Stans autem zacheus: dixit ad ihesum. Ecce dimidium bonorum meorum domine do pauperibus: et siquid aliquem defraudaui reddo quadruplum. Ait autem dominus ad eum. Quia hodie salus domui huic facta est: eo quod ipse filius sit abrahe. Uenit enim filius hominis querere et saluum facere: quod perierat.

Offertorium.

Domine deus in simplicitate cordis mei letus optuli uniuersa et populum tuum qui repertus est uidi cum ingenti gaudio deus israel custodi hanc uoluntatem.

ANnue quesumus domine precibus nostris ut quicumque intra templi huius cuius anniuersarium dedicacionis diem celebramus ambitum continemur. plena tibi atque perfecta corporis et anime deuocione placeamus ut dum hec presencia uota reddimus ad eterna premia te adiuuante peruenire mereamur. Per.

Communio.

DOMus mea domus oracionis uocabitur dicit dominus in ea omnis qui petit accipit et qui querit inuenit et pulsanti aperietur.

Postcommunio.

DEus qui ecclesiam tuam sponsam uocare dignatus es. ut que haberet gratiam per fidei deuocionem haberet etiam ex nomine pietatem: da ut omnis hec plebs nomini tuo seruiens huius uocabuli consorcio digna esse mereatur. et ecclesia tua in templo cuius anniuersarius dedicacionis dies celebratur tibi collecta. te timeat. te diligat. te sequatur. ut dum iugiter per uestigia tua graditur. ad celestia promissa te ducente peruenire mereatur. Qui uiuis.

